







L'histoire Ec-

C L E S I A S T 1 Q V E
translatee de Latin en Francois, parmessire Claude de Seyssel, Euesque
lors de Marseille: & depuis
Archeuesque de
Thurin.



A PARIS,

Par Arnoull' Angelier, en la grand' falle du Palais, au second pillier.

1 5 5 3.

forfelick me the how.

Mont Mont Beauln9)
et vougy 1572 memba bar Si. Si misa 4.44 da sur poblished Sifte

Cy commence l'histoire

ECCLESIASTIQVE, translatee de Latin en Francois, par messire Claude de Seyssel, euesque lors de Marseille, & depuis archeuesque de Thurin.

LEPROLOGVE DE RVF-

fin prestre d'Acquilegie, en la translation de l'Histoire Ecclesiastique d'Eusèbe Cesarien, addressant à Cromasse euesque.

E S sages medecins, quand ilz preuoyoyent quelque influéce de maladies generalles en au cus pais, regions, citez & prouinces, ordonnoyent quelques medecines ou breuuaiges pour preseruer les gens d'encourir telles maladies. Laquelle chose toy Cromace mon reueréd & venerable pere, comme exerceant l'office de

bon medecin, as voulu faire. Car du temps que les entrees de l'Italie ont esté occupees & rompues par Alaric duc des Gotes, & que celle mortelle peste y est entree: Laquelle a gasté, rauy, & infecté de tous costez les châps, les bestes, & les gets, Tu as cerché quelque remede à celle pestifere & dagereuse cotagion pour preseruer les peuples que Dieu t'a commis, par le moyen duquel les cœurs ma lades pour la crainte de si grans maulx qu'ilz veoyent sur eulx ve nir, sussent soulagez & recreez, en eulx occupant à estudier & en tendre meilleures choses. Si m'as enioinct de translater en Latin l'histoire Ecclesiastique que Eusebe Cesarien, homme tressçauant a compose en Grec, à sin que ceulx, qui l'orront lire ayet leur entendement attaché & appliqué à l'escouter, & desirans ententi-uement auoir notice des choses passes, oubliassent aucunement les maulx qui lors se faisoient. De laquelle chose me vouloye excuser, congnoissant que i'estoye moins suffisant à ce faire, pour ce

mesmement que des long temps i'auoye laissé l'vsaige de la langue Latine, mais i'ay aduisé que tu ne m'auois pas cela comandé sans au cun ordre & mistere de l'institution apostolique:pourtat que nostre sauueur estant au desert, & voyant ceulx qui estoyét ve nuz là pour ouir sa doctrine, auoir sain : apres qu'il eut dit à ses Disciples qu'ilz leur donassent à manger. Philippe l'vn d'iceulx disciples qui bien en tendoit que d'autat plus se monstroit & clarifioit l'operation de la vertu diuine, qu'elle se faisoit par gés de moindre côdition,ne luy presenta pas les pains qui estoient dedans la poche des apostres, ains luy dit qu'il y auoit vng ieune homme là , qui auoit cinq pains & deux poissons. Et neantmoins en excusant dit apres: Mais que seroit ce entre tant de gens, à fin que en si petites choses esquelles n'auoit aucun espoir par nature, sa puissance de Dieu se monstrast plus clerement. Sçaichant donc que tu es descendu de celle escolle, ay pensé que à l'aduenture quand tu as veu le temps qu'il estoit besoing repaistre ton peuple & la tourbe, as voulu, ainsi que fist Philippe l'apostre, subroguer yn ieune gars qui mist en auant cinq pains doubles, ainsi qu'il les auoit receuz. Et neantmoins pour consommer & verifier le sacrement, le maistre euangelique y adiouste les deux poissons qu'il auoit prins par son-labeur & industrie. A cestecause ay bien voulu entreprendre de executer ce que tu mas com mis au mieulx que i'ay peu, moy tenant tout asseuré que l'auctorité de ton commandement excusera la faulte de mon ignorance: mais il est à sçauoir que pourtant que i'ay veu que le dixiesme liure d'icelle histoire coten oit bié peu de gestes & choses aduenues, & estoit occupé pour la pluspart à la louenge & traicté d'aucuns euesques, que ne seruent de riens à la congnoissance de l'histoire, en delaissant ce que m'a semble superflu tout ce que ie y ay trouué ap partenant à l'histoire l'ay adiouxté au dixiesme liure, & en iceluy ay conclu & trouué la narration de Eusebe. Au regard du dixiesme liure & de l'vnziesme, ie les ay composez partie de ce que noz ancestres & anciens maistres ont laissé par escript, & partie de ce dont pouuions auoir memoire. Si les ay adiouxtez comme deux poissons ausdictz pains d'Eusebe lesquelz si tu trouues bons & les benis, ie me tiendray tout affeuré qu'ilz fuffiront pour faouler la tur be. Et en effect toute l'œuure presente contiét en somme les choses qu'ont esté faictes en l'eglise, depuis l'ascension de nostre Seigneur, iusques au temps de Constantin le grand. Et les miens deux que i'ay adiouxtez, ce que a esté faict des le temps dudict Costantin, apres la persecution, iusques à la mort de Theodose Auguste.

liure de l'histoire Ecclessassique de Eusebe Cesarien. Et premicrement le proheme d'iceluy Eusebe.

OVLANT escrire les Successions des fainctz apostres, & le temps qu'ilz ont couru depuis nostre saulueur, iusques à nous: ensem ble les choses qui ont esté faictes en iceulx tou chant l'estat de l'eglise, les presatz & notables personnages qui ont presidé en diuers lieux. Et mesmement aux eglises insignes. Sembla-

blement ceulx qui en diuers temps ont confermé & fortifié nostre foy par leur doctrine, ou par leurs escriptz. Et pareillement quelles gens, en quel nombre, & en quel temps se sont faictz Aucteurs & chiefz de plusieurs doctrines faulses & contre nostre religion, pour vouloir trop contendre, & soustenir leurs opinions, en deuorant comme loups enragez les brebis de Iesus Christ.

Et aussi les maulx que ont soustenu les Juifz pour les trahisons qu'ilz auoyent machinees contre leur Saulueur. Et en oul tre par quelz moyens, & par quelz tourmens les Chrestiens ont respandu leur sang, & monstré leur patience pour soustenir la verité de la parolle de Dieu. Et finablement les martires & tour mens qu'ont enduré & soustenu de nostre temps les chatoliques, & les secours qu'ilz ont eu de nostre saulueur, m'a semblé deuoir faire commencement au temps que nostredict saulueur vint corporellement en ce monde. Et neantmoins ie te prie qu'il me soit pardonné. Car ie confesse que i'entreprens vne chose qui excede les forces de mon entendement. C'est à sçauoir d'escrire en tierement & veritablement les choses qui ont esté faictes en l'eglise: & de passer le premier par ce chemin rude & difficille, au quel iusques icy, presque nul est osé entrer. Et combien que i'aye cofiance que Dieu me guidera,& que i'auray l'aide de lesuschrist son filz, toutes fois ie ne vois marche ne trac d'aucun homme que ie puisse suyure, sinon que lon ma enuoyé aucuns indices & enseignemens confuz des choses qui ont esté faictes de temps en, téps: dont les aucuns nous ont faict lumiere tout ainsi que faict vne torche en lieu obscur. Et par iceulx nous a esté comme d'vne guette monstré le chemin, par lequel debuons aller sans faillir. Desquelz liures & traictez tout ce que verrons estre conuenable à nostre œuure irons recueillant en diuers lieux. Et si comme

des chaps raisonnables des docteurs prendrons les sleurs tant seulement, lesquelles auons entreprins de composer & rediger en vn corps par forme de narration historique. Si nous a semblé assez grade chose (combien que n'ayons peu referer & reciter toutes les gestes des gradz docteurs & des champions de nostre loy) d'auoir reduit en vn volume & dirigé en bon ordre les successions & enseignemens de nostre sauueur, & de ses apostres qu'ilz ont baillé aux eglises principales & plus insignes. Et me semble que i'ay entreprins vn œuure qui estoit tresnecessaire, & d'autant plus que n'ay trouué aucun ecclesiastique, de ceulx qui ont escript, qui se soit appliqué à ceste forme de narration historique: parquoy i'espoire que nostre labeur sera vtile & profitable à tous ceulx qui s'estudient de sçauoir: car ilz auront par ce moyen cognoissance des choses comment elles sont passees. Et iaçoit ce que vne partie desdictes choses ayons couché succinctement en noz chroniques: C'est à sçauoir au liure que auons escript des temps. Toutesfois nous nous efforcerons à ce present liure de les narrer plusamplement. Si sera le commencement de mon parler, ainsi que i'ay promis, de Iesus christ. Mais pource que i'ay proposé d'escripre les faictz des Chrestiens, il me semble raison nable de reprédre vn petit plus hault dont ce nom est venu. Premieremet pour quelle raison il a esté ainsi imposé: & quelles gens & nations font comprinses soubz iceluy.

gneur est createur de toutes gents & dispensateur de toutes choses: & celuy qui premierement est escript en la loy & es prophetes.

Chapitre 1.



T pourtant que la personne de Iesuschrist co tient parfaictement deux natures, la diuine & l'humaine: dont la diuine est comme le chief, & l'humaine est comme les piedz, laquelle il a prins pour nostre salut: Il me semble que nostre narration sera plus parfaicte si elle comence au chief, c'est à sçauoir au verbe diuin:

par laquelle se monstrera clerement l'ancienneté & la noblesse: des chrestiens, que bien estime estre vne nouuelle nation, toutes sois il n'y a celuy qui puisse proferer ne manisester la generation de Iesus christ & sa substance diuine. Car dieu mesmes a dit par la bouche du prophete : Qui sera celuy qui pourra narrer sa generation? Et en autre lieu est dict par voix celestielle de Iesus christ que nul ne congnoist le filz, sinon le pere, & le pere sinon le filz, dont il fault dire que le pere seul qui l'a engendré congnoist son filz, & le filz seul son pere. Car en reservant la cognoissance au seul pere en sont tous autres excluz. Lequel par ce qui est escriptes liures qui ont esté composez par diuine inspiration, est vne eternelle lumiere qui a toussours esté auant la creation du monde & apres, & l'appelle l'on la fapience substàtialle & le verbe de Dieu qui estoit de tous téps empres le pere, & si estoit Dieu. Or qui pourra donc coprendre par langage celuy qui a tousiours esté sans aucun comencemet auat toutes creatures visibles & inuisibles? Celuy qui est duc de toutes les immortelles vertus celestielles, prince de la cheualerie du ciel, ange du grad coseil, & effi cace de la volute paternelle. Lequel auec son pere a cree & formé toutes choses & d'icelles come vray filz & vniq, est seigneur, roy, dominateur, moderateur par la vertu & puissance paternelle. Sinon que nous entendions la plenitude, & le coble de sa puissance par les secretz'& mistiques langages de la saincte escripture. Et mesmes sainct Iehan l'euangeliste plein du sainct esprit nous dit qu'au comencemet estoit le verbe, & iceluy verbe estoit empres Dieu, & Dieu estoit verbe. iceluy verbe estoit du comencement empres Dieu, & par luy furét toutes choses faictes, & sans luy rié ne fut faict. Toutes lesquelles choses Moise le plusgrad & le plus ancien de tous les prophetes inspiré du sainct esperit auoit par mains fiecles auant prononce, voulant narrer la creation du mode, & le comecemet des choses. Car il declaire par parolles misti ques & sacramétales coment Dieu auec son filz a cree toutes cho ses quand il recite que Dieu dit:Faisons l'hôme à nostre image& femblace. Car bien presupposé parlant en plurier qu'ilz estoyent deux personnes. Dauid aussi qui fut apres Moise le plus ancien des prophetes, ne dit il pas que les cieulx ont esté coposez par le verbe diuin, & toute leur vertu par l'esprit de sa bouche. Et envn autre lieu est escrit au pseaulme: Que Dieu dit & toutes choses fu rét faictes, Il mada & toutes choses furét creecs. Par lequel dire& mander sont exprimees les personnes du pere & du filz. Estant'adonc assez verifié par ses propheties & autres plusieurs qui sont disperses par la saincte escriture que le pere auec le filz sont crea teurs de toutes choses. Ne nous reste plus à parler fors des choses qui depuis la creatió du mode ont esté faictes par la dispésatió &

faluation de l'homme. Lesquelles choses nous narrer ons le plus succinctement que pourrons. Et premierement est à sçauoir que iaçoit ce que au parauant Dieu eust assisté à plusieurs hommes iustes & bien viuans, & leur eust enseigné ce que estoit appartenant au cult diuin. Toutesfois plus euidemment & familierement se fist congnoistre à Abraham & à sa mesgnie tant & si auant qui pouoit estre loisible à l'home de cognoistre Dieu. Tellement qui se declara vers eulx comme Maistre & precepteur. Car lon trouue escript en la saincte escriture, que nostre sauueur Iesuschrift apparut à Abraham seant sur la roche de marbre en forme d'vn homme commun, & que iceluy Abraham, combien qu'il ne vist que la forme de l'homme, se leua toutes sois & l'adora comme dieu, & l'honnora comme son seigneur, & bien confes sa par sa bouche que il cognoissoit que cestoit Dieu: car il luy dit seigneur & dominatur qui iuges toute la terre, ne seras tu pas iugement ? Toutes lesquelles choses doyuent estre referces à la personne du filz, ainsi que nous a declairé plus amplement le my stere de l'incarnation qui depuis sen ensuiuit. Et de rechief, le Pro phete royal Dauid dit que nostre sauueur Iesuschrist manda son verbe, lequel sauuales homes & les deliura de leurs corruptions. Mais encores plus euidemment que Dieu soit auecques dieu, La saincte escriture le declaire par Moise quand il dit, que Dieu plut dessus Sodome & Gomorre souffre & seu de Dieu. Et pareillement quand nostre sauueur Iesuschrist apparut au bon Ia. cob bien declaire l'escriture qu'il ya Dieu auec Dieu : car il luy dit, tu ne seras plus appellé Iacob, mais seras appellé Israel. Pour ce que tu te es monstré fort enuers Dieu. Et en ce mesme lieu, tantost apres dit que sacob appella celuy lieu, la vision de Dieu, disant qu'il auoit veu Dieu face à face, dont son ame estoit sauluee:car il ne luy seroit loisible ainsi parler d'vn ange ne de quelque autre vertu celestielle. Pource que quand par le commandement de Dieu quelcun d'iceulx apparoift aux hommes, iamais l'escriture ne les appelle Dieux. Iceluy mesmes encore quand il apparut à Iesus successeur de Moise, estat interrogué par iceluy lesus, qui il estoit, luy donna clerement pour entendre ce que dit est, disant, le suis prince de la cheualerie, & des vertus de Dieu. Et apres que Iesus l'entendit & à ceste cause l'eut adoré, comme il estoit conuenable, luy dit de rechief, dessie le lien de tes soulliers, car le lieu ou tu es est terre saincte, auquel passaige est à considerer par le semblable commandement qui fut faict à Moise ce que estoit celuy qui à Moise auoit parlé estant au buisson ardent, auquel il dict semblablemet: Ne t'ap proche point d'icy sans oster tes souilliers, car le lieu ou tu es, est terre Saincte. Puis luy dit en apres, ie suis le Dieu de tes Peres, le Dieu de Abrahá, le Dieu de Isaac, & le Dieu de Iacob. Par toutes lesquelles auctoritez il appert clerement que le verbe de Dieu est Deiu, & le Seigneur & createur de toutes choses. Cest autant à dire, comme Dieu le pere & Dieu le filz. Mais il reste à veoir coment la Saincte escripture tesmoigne que iceluy verbe esten substance la sapience de Dieu. Premieremet Salomon en parlat en presonne dicelle sapience en parolles misticques dict : Moy Sapience ay mon habitation es lieux treshaulx, i'ay inuoque du conseil la science & le sens. Par moy regnent les rois, & les saiges escripuent la iustce: par moy les nobles sont honorez, & les tiras obtiennent la terre. Et tantost apres dit de rechief, Dieu me crea au commencement de ses voyes & en ses œuures. Il me fonda auant tous les siecles, & du commencement auant qu'il fist la ter re, que les fontaines eussent leurs cours & que les montaignes fussent fondees, il m'engendra. Quand il preparoit les cieulx i'estoye auec luy. Et pareillement quand il establissoit les eaues qui sont soubz le ciel, le faisoye tout auec luy. & il se ressouissoit tous iours auec moy, ie me resiouissoye aussi auec luy en tous temps, voyant la ioye qu'il auoit d'auoir parfaict le monde. Par lesquelles parolles il appert qu'au commencement de toutes choses & auant qu'il fust aucune creature que lon puisse appeller au comencement, icelle sapience fut engendree de Dieule pere. Mais si vous voulez sçauoir qu'elle fust la cause que du commencemét cela ne fut declaré generallement à toutes gents ainsi qu'il est maintenant, & que sa foy & sapience ne vint à la cognoissance de tout le monde, ie vous diray : C'est pource que le monde qui estoit encore rude & ignorant de toutes sciences n'estoit pas capable de la parfaicte doctrine de Jesuschrist. Car des le commencement que le monde fut creé, les premiers hommes qui furent formez en estat de beatitude, tumber et par desobeissance qu'ilz firent contre le commandement de Dieu en ceste vie mortelle, & subiecte à toute fragilité. Et changerent les delices de paradis à l'habitation de ceste terre mauidicte de Dieu: dot il aduint que les descendans de ceulx là, estans dispersez par le monde, alloyent discourant ça & la comme bestes brutes, sans auoir villes ne citez pour estre en societé & compaignie, & sans auoir

aucunes meurs honnestes ne loix pour viure en iustice, & au regard des ars & de la philosophie ilz n'en sçauoyent pas tant seulement le nom, ains alloyent par les desers errantz sans auoir aucune habitation. Et si aucune semence de bien estoit en eulx na turellement par la bonté diuine, ilz la laissoyent inculte & sans la labourer,& en vsoyent plustost en malice qu'en bien, à laquel le la nature humaine estoit plus inclinee. Dont il aduint qu'vsant entre eulx de tous messaictz & oultrages aucunessoisse corrompoyent, autresfois se tuoyent les vns les autres. Et vint la malice si auant, que les vns deuoroyent les autres. Dont les Idolatres & les Geans qui ont laissé la memoire de leurs pechez par les fables, eurent naissance, iusques à ce que la vengean ce de Dieu obuia à leurs detestables audaces, tant par l'inundation du deluge, que par pluye de feu, & que par diuersité de peines, elle corrigea la detestation des pechez. Toutesfois pource qu'il sembla au Createur que l'humain lignage qui estoit corrompu & contaminé par malice, & par peché deuoit estre reparé plustost qu'estaint du tout, ayant pitié d'eulx, luy qui estoit au co mencement empres Dieu & le verbe de, Dieu & de sapience du pere esclarcit l'entendement, & les vouloirs des hommes qui estoyent par malice tenebreux & aueugles. Quelque fois par ambassades anges,& des vertuz celes ielles quelque sois luymes mes par vne increable bonté, apparoissoit à ceulx qu'il sçauoit auoir memoire de Dieu & de sa iustice par reuelations diuines, & admonnestemens salutaires, & par instructions telles qu'il e. stoit requis pour reformer & reuocquer l'humain lignage de te nebres à lumiere. Et toussours en espece humaine en laquelle seu le les hommes peuuent estre aidez & instruictz,& par ces moyés peu à peu il conuertit entierement le peuple des Hebrieux à son obeissance & subjection. Et neantmoins pourtant qu'ilz estoyent encores rudes par la contagion de leur precedente vie infecte leur bailla en figure vmbrage par Moise le prophete la manie-re en laquelle ilz le deuoyent seruir & honnorer. C'est à sçauoir, par leurs sabbatz mistiques, & par la circoncision de leurs corps qui signifioit spirituellement quelque plushault mistere. Et ausfileur bailla les autres commandemens comme fondemens & principes d'vne saincle & parfaicle doctrine qu'ilz deuoyent auoir. Apres laquelle loy comme vn commencement de lumiere auoit donné quelque resplendisseur au monde, & par la suauité de sa grand odeur ayant remply la mer & la terre. Les

plus saiges gens qui estoyent en diuerses parties du monde goustant & sentant celle grand odeur, commenceret peu à peu à donner loix & commandemens de iustice & d'honnesteté à leurs auditeurs. Et par ce moyen les reuoquer de leur vie brutale & agreste à la vie honneste & politique, d'eulx assembler & faire amitié les vns aux autres, d'eulx aider & de vser des biens de la ter re en commun iusques à ce que la nature capable & docile de meilleurs & plussaiges loix & forme de viure rendit les hommes disposez à endurer la societé des vns aux autres, à fin que par cha ste accoustumance ilz deuinssent aptes & disposez aux choses diuines & capables de la science de Dieu le createur. Et en apres celuy qui est maistre de toutes bonnes vertuz, qui est le parler, la raison, le verbe & la sapience de nostre benoist sauueur & redépteur lesuschrist qui du commencement auec le pere auoit creé l'homme en prenant la grande substance de nature humaine,se reuestit de la forme seruile, du tout semblable à nous: & du temps que par sa permission l'empire Romain estoit plus noble & plus ample entra en ce monde par sa naissance semblable à la nostre: sinon pour autant que ce fust sans generation charnelle de pere, & conuerfant en iceluy, souffrit & accomplit tout ce que les prophetes auoyent predict de luy. Lesquelz estans inspirez de nostre sauueur Iesuschrist, auoyent prophetisc qu'vn suppos qui seroit homme de Dieu, viendroit en ce monde, & enseigneroit aux hommes la religion, la bonté, & la tresgrande misericorde & bontê de Dieuson pere. Et aussi auoyent predict la forme & la maniere comme il mourroit, & comme apres par vne façon inusitee resusciteroit de mort à vie, & finablemet retourneroit aux cieulx dont il estoit descendu en sa forme diuine. Desquelles cho ses combien que tous les bons prophetes ayent plus amplement parle, neantmoins pour autant que la necessité me persuade estre brief,ie seray content du seul tesmoignage de Daniel, lequel dit en ceste maniere: Ie veoye, & en regardant ie vis des sieges aprestez,& celuy qui est vieil de tous temps seoit, duquel les vestemens estoyent blancz comme neige, & ses cheueulx netz come laine. Son trosne estoit vne slame ardéte, & les roues vn seu bruslant,& deuant luy couroit vn fleuue de feu. Si fut dressé le iugement, & les liures furent ouuers. Apres ie regardoye, & vis vn qui venoit auec les nues en forme d'vn filz d'homme, lequel vint iusques au vieil de tous temps. Deuant lequel il fut presenté, & luy fut donné le principal honneur, & le royaume, à fin que tous

les peuples, toutes les nations, & toutes les langues & generatios luy seruissent. Et estoit sa puissance eternelle qui ne passoit post, ne aussi son royaume point se corrumpoit. Toutes lesquelles cho ses ne se peuvent entendre, fors de nostre saulueur qui estoit du commencement empres Dieu,& Dieu le verbe lequel est appel lé filz de l'homme, pourtant que aux derniers iours Dieu nasquit en chair humaine. Desquelles choses si aucun en veult sçauoir plus amplement, nous en auons parlé en autres traictez ou estoit le lieu d'en parler. Mais tant que touche du nom de Christ dont auons parlé, il est requis de monstrer, comme par les escriptz des cscriptz des Prophetes il a esté prononcé en figure. Et premierement Moise voulant monstrer quel mistere, quelle maiesté & veneration contient iceluy nom en soy, quand il luy fut commandé de escrire en la Loy les figures, & les Imaiges des sacremens celestielz: & ainsi que il les auoit veuz en la Montaigne monstra premierement la maniere comme lon deuoit ordonner l'euesque ainsi qu'il estoit possible à l'homme mortel. Et nomma iceluy euesque: que tous autres hommes deuoit exceder par honneur & par merites, Christi: pour raison de certains sacremens mistiques d'uille consacree pour monstrer à ceulx qui en la loy debuoient estre instruictz que cestuy qui sur tous les ho mes seroit plus digne d'honneur & de reuerence deuoit estre appellé Christ. Et encores iceluy Moyse mesmes preuoyant le successeur qui luy estoit preparé: & que ce luy que on preordonnoit pour luy succeder au royaume, debuoit estre ministre de plus grand sacrement, surnommé lesus: qui par ses pere & mere auoit esté ainssi nomé: sçaichant que soubz le sacrement de celuy nom seroit constitué vn Roy de plus grand' gloire que la nature humaine n'est capable. Et par ces deux noms fut declairé par l'vn le sacerdoce: & par l'autre le regne de nostre Saulueur. Ét que celuy qui feroit appellé I efufchrift, feroit & roy, & euefque: à fin que le peuple qui par les mistiques sacremés seroit instruict, cogneust qu'il ne defauldroit à iceluy Iesuschrist aucune chose qui appartient à la religion, ne aussi à la puissance. Aussi les prophetes inspirez de la diuine sapience, preuirent la malice des luifz en sa personne, & le salut des Payens & Gétilz. Dont l'vn d'entre eulx nommé Hieremie, dit en telle maniere: L'esprit de nostre visaige Christ le seigneur a esté comprins en noz corruptions auquel nous auons dit, que nous viurons soubz son vmbre entre les gés. Dauid aussi elegant prophete nous raconte cela mesmes de luy,

quand il dit: Pourquoy ont les gens fremy, & les peuples ont pen sé choses vaines? Les rois de la terre ont assisté, & les princes sont conuenuz ensemble contre le seigneur, & contre son Christ. Et tantost apres parlant en personne d'iceluy Christ, dit: Le seigneur m'a dit tu es mon filz, ie t'ay aujourd'huy engendré? Demande moy,&ie te donneray les Gentilz pour ton heritaige, & toute la terre sera ta possession. Et n'estoyent pas par les suifz tant seulement oinctz les euesques, mais encores les rois. Et à ceste cause pourtat que par la volunté de Dieu ilz estoyent appellez Christ: combien que par semblance seulement: à fin que en culx l'imaige du roy celestiel fust gardee. Mais encores entre les prophetes, nous en trouuerons aucuns auoir esté oinctzde l'ville du chresme facré, & par ce moié auoir esté ministres des parolles de Dieu, & congneu les choses aduenir. Par lesquelles figures il appert que le filz de Dieu, le verbe, & la sapience du pere, pourtant qu'il est le vray Roy eternel, vray euesque des biens futurs, & le vray prophete qui inspire & remplist les propheties, est vrayement appellé Christ, duquel nom la figure & l'imaige auoit esté prefiguree par ceulx que i'ay cy dessus nommez. Et pourtant que ceulx la, ainsi que auons dit, ne estoyent appellez Christ, sinon à brief temps & durant leur vie tant seulement:pour conseruer la figure & l'imaige du vray Christ estoyent oinctz tant seulement de l'huille que nous vsons: combien qu'il fust cosacré par certaine composition mistique. Mais le vray Christ qui est descendu des cieulx, & pour lequel toutes les choses precedentes auoyent esté faictes, n'a pas prins son vnction des liqueurs acquises par richesses humaines, ains par vn moyen nouueau & singulier a esté par l'esprit de son pere oinct & arrousé. Et par ainsi faict Christ, ainsi que long temps au parauant Esaie le prophete l'auoit predict: parlant en sa personne, quand il dit: L'esprit de Dieu est dessus moy:parquoy ma oinct:& m'a enuoyé pour euangelizer aux poures, prescher aux prisonniers leur deliurance, & aux aueugles la veue. Et non pas Esaie tant seulement l'a prophetisé, mais encores Dauid inspiré de Dieu, tesmoigne d'iceluy Christ, en parlant à luy, quand il dit: Ton siege, mon Dieu, est eternel: la verge de ton regne, est verge de dilection. Tu as aimé Iustice, & hay mauuaistié, pour raison de quoy, Dieu qui est ton Dieu, t'a-oinct de l'uille de ioye deuant tous tes consors. Esquelles parolles en premier lieu il est declairé euidemment estre Dieu. Secondement par la verge d'equité, est signifié le septre de son regne & apres

pour monstrer commét il a esté faict Christ, il adiouste que luy estant Dieu, a esté oinct de Dieu: non pas d'ville de ioye: & non pas comme ses consors, c'est à sçauoir ceulx qui au parauantauoyent esté oinctz:mais par deuant tous eulx. Or quand l'escriture parle de l'uille de ioye:il s'entend du sainct esprit: mais encores Dauid en vn autre lieu parlant par diuine inspiration, faict mention de son pontificat, quand il dit, parlant à suy en personne de Dieu le pere: le t'ay engendré au ventre auant lucifer. Dieu a iure & ne se repentira point, que tu es le sacerdot & euesque eter nel selon l'ordre de Melchisedech. Lequel Melchisedech si com me la saincte escriture nous tesmoigne, sut prebstre & euesque de Dieu le souverain. Et pourtat que nostre sauveur n'a pas esté oict d'ville comun, ne faict euesque par succession & par lignee com me estoyent ceulx des Iuifz: le prophete dit qu'il sera euesque selo l'ordre de Melchisedech lequel ne fut pas oinct d'ville, mais par la vertu du sainct Esprit. Et par ainsi, combien que entre les Iuifz, plusieurs ayent esté oinctz au parauant d'ville consacree à ce mistere: & par ce moyen constituez rois, euesques, ou prophetes, nul toutesfois d'eulx n'a peu bailler à ses gens ne à ses sectateurs & disciples ce nom, ne les appeller Chrestiens, sinon cestuy seul qui est le vray Christ oinet, non pas d'ville humaine, mais de l'esprit paternel. Lequel ses suyuans & tous ceulx qui par le mon de vniuersel ont creu en luy, de son vray nom de Christ, les a faict à perpetuité nommer Chrestiens. Et si tu veulx sçauoir dont ice luy Christ est descendu & considerer son pere qui est aucteur de toutes choses, escoute ce que les Oracles diuins en ont prononcé par la bouche de Dauid le magnifique prophete, parlant en personne de Dieu le pere eternel, ainsi que auss cy dessus faict mention, quand il dit: le t'ay engendré au ventre auant Lucifer. Et iaçoit que à celuy qui est incorporel ne se puisse attribuer ven tre, toutes fois en sens tropologique & mistique, c'est à demonstrer qu'il n'a pas engendré ne produict son filz d'autre substance, que de la sienne propre: & si on le pouoit dire, de ses entrailles, pour monstrer que c'est vne mesme substance, celuy qui engendre, & celuy qui est engendré. Et à fin que on ne peust dire qu'il est filz par adoption seulement, ayant d'ailleurs la substance, il est exprimé autant que la reuerence de l'incorporalité peult porter, qu'il est engendré au ventre: c'est à dire: qu'il a prins sa naturelle essen ce au dedans de celle du pere. Et ce qu'il dit: auant Lucifer, est autant à dire comme auant toutes creatures. Et pour congnoistre la difference entre les autres qui parauant ont esté appellez Chri ftes, & le vray Christ: il y a vn signe manifeste: C'est que les autres n'ont esté congneuz à autres gens qu'aux siens. Mais le nom & la puissance de cestuy cy, ont esté repanduz par tout le monde: non pas par la cognoissance de ce nom tant seulement, mais par culte diuin, & par reuerence de religion. Car en toute la terre, Christ est honnoré & adoré comme le verbe & la sapience du pere, & comme Dieu & Seigneur: ainsi que la prophetie diuine a prononce de luy, disant: Qu'en son nom tout genoil doibt confesser que nostre Seigneur Iesus est en la gloire du pere. Si n'est pas paruenú & imprime en l'entendement des hommes fideles son regne & sa puissance seulement, mais encores son amour, tellement qu'ilz ne craignent point de mettre leur vie pour son nom, ne presenter leurs testes à trencher aux persecuteurs: pour maintenir & dessendre la foy & la reuerence de ce sainct nom. Ces choses ont esté necessairement premises auant que paruenir à la narration qu'auons entreprins de faire, pour monstrer le nom de Iesuchrist nostre sauueur n'estre point trouué de nouueau ne imposé à sa nativité charnelle premierement: ains qu'il à eu naissance de Dieu son pere: mais pourtant qu'il semble que ce nom de Chrestiens a esté nouuellement imposé aux hommes, & la maniere & façon de l'adorer & venerer instituee freschement: ie veulx bien monstrer quelle antiquité côtient ceste nouuelleté. Et pource faire, ie presuppose que le peuple & la natió des Hebrieux est la plus ancienne de toutes les autres:& croy que nul ne met ce la en doubte, ne aussi que entre eulx n'ayt esté vne secrete obseruace & cerimonie de religion qui leur auoit esté donce par les li ures diuins. Lesquelz font aussi mention d'aucuns hommes qui sont louez d'auoir esté iustes & pitoyables, dot les vns ont esté deuant le deluge, & les autres après. Entre lesquelz sont nommez, Noe, ses enfans & leur generation, iusques à Abraham: lequel cer rainement a esté pere & le chef du peuple Hebraique. Parquoy, si quelcun veult dire que tous ceulx qui ont esté en degrè montant depuis Abraham, iusques à Adam, ont estè Chrestiens, si non par nom, à tout le moins par effect, ie croy qu'il n'erre point: pourtat que le nom de Chrestien, signifie & represente tout hom me qui croit en Christ, tenant & gardant par sa doctrine foy, iustice, & pitiè, & faisant toute chose appartenant à vertu. Si donc ne sont les choses que le vocable de Chrestien emporte, & celuy qui les faict, est dit vray sectateur de religion, certes ces sain-

Etes gens dont i'ay parle, estoyent cela mesmes que sont ceulx qui à present se nomment Chrestiens. Car ilz n'estoyent point corporellement circoncis, & n'observoyent point le sabbat com me nous, & pareillement ne se gardoyent d'aucunes viandes par religion. Laquelle touchant cela fut depuis baillee par Moise plus en figure & sens mistique, qu'à la lettre. Si donc ces bons peres, dont nous auons parle, ont este tenuz & reputez religieux, fans observer aucunes des cerimonies susdictes, & ensuyuir la foy d'iceluy Christ que nous tenons maintenant, lequel souuent leur est apparu, & leur a enseigné plusieurs choses appartenans à la foy & à la charité, ainsi que dessus auons prouué : comme pouons nous faire doubte qu'en eulx n'ayent eu commencement, & de eulx ne soit descendue ceste nation Chrestienne, veu qu'ilz auoyent & suyuoyent vn mesme dieu & vn mesme createur, & perfistoyent en l'observance de la mesme religion que nous? Veritablement ceste religion tant & si expressement a esté premonstree & preformee par eulx que du nom messnes dont il semble qu'il y aye seulement differèce, ilz n'en estoyent point differens. Car ilz estoyent nommez par la saincte escripture, non pas Chre stiens tant seulement, mais Christz quand il a dict au Pseaulme en la personne de Dieu parlant aux Gentilz: Ne touchez point à mes Christz, & n'vsez enuers mes prophetes d'aucune masignité. Lesquelles parolles estans referees à Abraham ou aux autres qui en ce temps la estoyent dediez au seruice & cult diuin. Il est tout euident, & plus cler que le soleil, qu'en iceulx & auant eulx fur le peuple Chrestien qui gardoit & obseruoit toute religion de iusti ce & de charité. Lequel par l'aduenement de la presence charnel le de Iesuchrist a esté communiqué à toutes gens & à toutes nations: à fin que le tresor de sapience & de charité, qui estoit sicom me vn petit cabinet gardé entre petit nombre de gens, enrichist tout le mode par infusion & communication de foy & religion. Et que ce qu'au parauant se bailloit par texte, soit maintenant baillé en vn coup soudainement, & abandonne à toutes gens & à toutes nations. Laquelle chose vn prophete preuoyant en esprit en grande admiration, & comme tout estonné dit telles parolles: Qui est celuy qui ouit iamais telles choses, & qui aye ainsi parlé? Si la terre a enfanté en vniour, & si vne nation a esté engendre c à vn coup. Et encores en vn autre lieu parlant de ceulx mesmes qui deuoyent estre enfantez ensemble, il dit: Celuy qui me seruira sera nommé d'un nom nouueau qui sera benist sur la terre. Or qui cst qui est celuy qui a esté donné aux Gentilz sinon le nom de Chreftiens? Et si est dit nouueau:non pas qu'il soit nouuellement trou ué mais pourtant qu'il auoit esté aucun téps esperdu, & que cela mesmes deust aduenir. Et que celle benedictió de nom & de foy deust estre donnee aux Gentilz & Payens, n'a pas esté obmis aux saincles escriptures. Car il est dit d'Abraha auant qui'l fust circon cis, qu'il auoit creu à Dieu: & cela luy auoit esté reputé à iustice, & luy appelle amy de Dieu. Or, commet nous auons dict dessus, il auoit creu à celuy qui souuent luy auoit apparu qui l'auoit instruict des choses appartenas à charité & à religion: c'est à sçauoir, à Christ qui est aucteur de toutes les choses qui sont faictes, & qui se feront, come nous auons prouué dessus. Et apres l'ensuit la response que Dieu luy fai a: disant, que toutes les nations de la terre seront benistes en toy. Et en autre lieu: Ie te feray chief d'yne grand gent, & en toy seront benistes toutes les gens de la terre. Es quelles parolles est euidemment declairé que celle religion,& cel le grace de foy qui estoit lors en Abraha: & en ce petit nobre de gens qui estoient grans en foy & en charité, a esté depuis donnee & octroice à tiltre de benediction par la bonte diuine à toutes gés & à toutes nations. Car il est tout certain, que sicomme Abraham qui creut en celuy qui luy estoit apparu, sut iustifié: & executa ses comandemes par foy & par operation, en reiettat & delaissant les superstitions paternelles. Et à ceste cause luy sut dit, q toutes gens & toutes natios seroyent benistes en luy. Tout ainsi les Chresties l'efforcent par foy & par bones œuures d'ensuyure celuy que Abraham suyuit, en delaissant les superstitions de leurs ancestres, à fin d'estre iustifiez par semblable foy que fut Abraham : Quel le difficulté ya il donc, que lon ne puisse dire que cestoit vne mesme observance de religion, en ceulx qui ont eu vne mesme forme, vne foy & operations. Parquoy ie concluz que la religion des Chrestiens n'est point nouuelle ne estrange, ne freschement trouuee: mais l'il est loissible de dire franchement verité, c'est la premiere de toutes, laquelle commença des la creation du monde & des la naissance des hommes, & print sa forme & son espece des ce temps la de Christ mesme, qui en est le vray docteur & fondateur. Et à tant de cecy auons assez parlé. Mais pourtat que nous auons premis ce qui estoit le prealable en nostre narration historique: il conuient or mais que nous commençons nostre dice narration & l'entree de nostre chemin par la presence corporelle de nostre sauueur Iesuchrist, en l'appellant en nostre aide

comme le vray verbe de Dieu le pere omnipotent. Duquel nous defendons la cause, à sin qu'il soit autheur de nostre narration.

Du temps de la natiuté de Iesus Christ selon l'humanité. Chapitre 2.



Nl'annee quaratedeuxiesme de l'empire Cesar Auguste, & la vingthuitiesme apres la mort de Anthoine & de Cleopatra: esquelz sina le royaume des Ptolomees en Egypte, nasquit en la cité de Bethleen nostre sauueur Iesus Christ estant en Syrie president Cyrinus. Et saisant la premiere description du cens: selon

l'ordre des propheties que de luy auoient parlé. Et que celle description se feit du temps dudict Cyrinus, tesmoigne pareillemét Iosephus l'historien illustre des Iuisz: lequel narre aussi commét en celuy mesme temps se leua l'heresse des Galileens, de laquelle sainct Luc l'euangeliste faict mention aux Actes des Apostres.

De Iudas de Galilee: & de Therda.

Chapitre 3.

Pres cestuy cy, dit il, se leua Iudas de Galilee, du temps de A la description du cens:& tira grad peuple apres soy:mais il fut pareillemet occis, & ceulx qui croyoyet en luy furet dispersez. Et de ceulx cy mesmes Iosephus, duquel nous auons parlé au dixhuictiesme liure de ses Antiquitez, en faict mention par telles parolles: Cyrinus, vn de ceulx du Senat de Rome, qui estoit monté par degres iusques à la dignité du Consulat : & estoit au surplus home honorable, s'en vint à petite compaignie en Syrie, enuoyé de Cesar, pour faire droict aux gens, & aussi pour estre censeur du patrimoine: Et tantost apres dit: Mais Iudas Gaulanite qui estoit de la cité de Gamala, ayant auec luy vn Pharisee nommé Saduchus, se parforceoit grandement d'esmouuoir & mutiner le peuple disant que celle description du ces, n'estoit autre chose que de leur imposer vne euidente seruitude les enhortant de ne perdre leur liberté. Et pareillement en la seconde histoire de la guerre Iudaique, losephus mesme en faict mention en tel langaige: En ce temps, dit il, vn homme de Galilee nome Iudas assembloit le peuple pour le mettre en dissention, leur persuadant que c'estoit tresmauuaise chose s'ilz s'accordoyent de payer le tribut aux Romains,& de prendre seigneur mortel apres Dieu. Ainsi parle Iofephus.

De Herodes comment d'estrangier il vint à estre Roy.

Chapitre 1111.



N ce mesme temps Herodes obtint le royaume de Iudee. & fut le premier d'estrange na tion qui regna. Si fut lors en luy accomplie la prophetie que Moise auoit predit log temps auant, disant: Qu'il ne fauldroit prince de la li gnee de Iudas, ne duc de ses descendans, iusques à ce que vint celuy à qui estoit destiné le

royaume, duqueliceluy Moise prononce qu'ilsera l'expectation & attente des Gentilz. Et fut ceste prophetie imparfaicte, & en suspens, tant que le peuple des Iuifz sut gouverné par princes de leur nation, qui durerent de puis iceluy Moise, iusques à l'empire d'Auguste. Auquel temps Herodes qui estoit estrangier, comme dict est, obtint des Romains la principaulté de Iudee: lequel Herodes, ainsi que Iosephus recite, estoit de la nation, des Idumees du costé de son pere: & de par sa mere, des Arabes : mais Affricain, lequel pareillement fut diligent historiographe, dit d'iceluy Herodes en ceste maniere: Ceulx qui ont plus diligemment cerche sa naissance disent que Herodes Ascalonite fut filz d'vn nomme Antipater: lequel Antipater estoit filz d'vn autre Herodes, qui fut garde du temple d'Apollo. Et fut iceluy Antipater prins des larrons du pais de Idumee, estat ieune enfant: & demou ra auecques lesdictz larrons long temps: pour tant que son pere par pourete ne le peut racheter. Mais depuis iceluy Antipater, qui auoit aprins les meurs & la vie des larrons, deuint familier d'vn euesque des Iuifz, nommé Hircanus, dont descendit cestuy Herodes, qui fut du temps de nostre Sauueur. Ainsi dit Affricain.

Comment du temps de Herodes, fut entrerompu la succession des rois de sudee selon la prophetie de Daniel.

Chapitre v.



Stant adoncques le royaume des Iuifz paruenu en homme estrangier, debuoit sans faulte venir celuy qui estoit l'expectation & l'attente des gentilz prononcé par la bouche des prophetes estant failly aux Iuifz l'authorité & la seigneurie de leurs princes &

de leurs rois depuis la naissance de Moise: car au parauant qu'ilz fussent menez en captiuité en Babilone, auoit regné premierement sur eulx Saul, & depuis Dauid: deuant lesquelz le peuple estoit gouuerné par ducz depuis la mort de Moise, & de lesus son successeur. Et apres qu'ilz furent retournez de captiuité, surent gouvernez en bone police par les euesques qui auoyent tou te l'authorité iusques à ce que Pompee, le grand officier & capitaine des Romains, venant en Hierusalé assiegea la cité, & laprint par force de souldars Romains: & viola les sainctz lieux, & les sacraires du téple, tellemét qu'il voulut entrer iusques dedás les lieux secrez & inaccessibles: Et si enuoya prisonnier à Rome Aristobolus, qui pariceluy temps tenoit le royaume & le pontificat auec ses enfans, & laissa le pontificat à Hircanus son frere. Et depuis ce temps la rédit tout le peuple des Iuifz tributaire aux Romains. Mais tantost apres iceluy Hircanus qui fut le dernier de la nation des luifz auquel le pontificat estoit aduenu, fut prins des Parthes. Et lors fut Herodes le premier de la nation esfrange,comme dit est, par ordonnance du senat de Rome du temps que Auguste estoit empereur, declaré roy des Iuifz: soubz le regne duquel nasquit nostre Sauueur, dont s'en ensuyuit la vocation des gentilz qui l'attendoyent sclon que les prophetes auoyét predit. Depuis lequel temps estant entrerompu l'ordre de la succession des ducz & des princes qui estoyent descéduz de la lignee de Iudas, fut pareillement confondu l'ordre sacerdotal des euesques qui auoit continué inuiolablement depuis le temps de leurs ancestres & progeniteurs: lesquelles choses nous tesmoigne Iosephus qui est tesmoing tressuffisant:car il dit que depuis que Herodes eut le royaume de Iudee par les Romains: ilne mettoit pl' les euesques seló l'ordre de leur lignee:mais bailloit le pótificat à toutes gens de petite códition: & le semblable feit, Archilaus son fuccesseur, comme il recite. Apres lequel les Romains prindrent à eulx la seigneurie des Iuifz. Et dit encores Iosephus, que iceluy Herodes tint les vestemens sacrez de l'euesque, fermez & encloz foubz son seel: & ne permit iamais qu'il en eust l'vsage: & le sem blable feit Archilaus son successeur. Et apres les Romains ensuyuirent ceste coustume. Toutes ces choses auons dictes pour prou uer la verité de la prophetie, qui fut accomplie à l'aduenement de nostre sauueur: mais encores au liure de Daniel le prophete, est declairé le nombre des sepmaines qui deuoyét passer iusques à l'aduenement de lesus Christ, duquel auons parlé en autre lieu. Apres la consommation desquelles sepmaines, devoit estre aboly le chresme que les Iuisz gardoyent comme vn grand sacrement, selon que ledit prophete designe: laquelle se preune tresmanise-stement estre aduenue du temps que nostre sauueur Iesus Christ vint au monde. Lesquelles choses necessairement auons relatees pour monstrer la verité du temps.

De la diuersité des generations de nostre seigneur, qui ont esté escrites par saint Matthieu, & par saint Luc: & ce que Affricain en dit.

Chapitre VI.



A I S pourtant que sainct Matthieu & sainct Luc nous ont diuersement baillé la generation de nostre sauueur & semble à plusieurs qu'ilz ayent esté en ce contrains: tellemét que aucuns sideles par ignorace se sont parsorcez chacun selon son opinion de cotrouuer plusieurs choses, nous reciterons l'histoire qui est

venue iusques à nostre cognoissance touchant ceste matiere. Et premieremet, Affricain (duquel dessus auons faict mention)escriuant à vn nommé Aristides, de la consonance des Euangiles: & des Genealogies qui ont estè escrites par sainct Matthieu & par sainct Luc, diuersement, reprend tresbien les opinions des autres que disoyent contre la verité. Et apres met la vraye histoire ainsi qu'il l'a trouuee, disant en c este maniere. Les Iuifz nombrét le nom de leurs generations aucunesfois selon l'ordre de la natu re:autresfois selon l'ordre de la loy. Et sont les successions selon l'ordre de nature, celles qui descendent veritablement par naissan ce & generations: mais les generations selon la loy, sont quand ce luy qui est engendré d'vn autre, vient soubz nom de filz au lieu de celuy qui est decedé sans enfas.car ceulx qui encores n'auoyet certaine esperance de la resurrection, ensuyuoyent par ce moyen aucunemet l'imaige & la figure de la resurrection, en pouruoyat que le nom de la lignee ne fust point aboly par faulte prouenant de sterilité. Et pourtant qu'ilz gardoyent tous deux ces ordonan. ces de generations, tant celuy qui venoit par descendance naturelle, comme celuy qui venoit par ordonance de la loy, ces deux ordres ont estè gardez par lesdictz euangelistes: car l'vn a nom-

B iij

mé, le pere naturel qui auoit engendré: & l'autre celuy qui estoit reputé pere, par fiction de la loy. Et par ainsi l'vn & l'autre des euangelistes dit verité: car l'vn parle selon la nature: & l'autre selon la loy. Et par ce moyen la genealogie qui est descendue de Salo mon: & celle qui est descendue de Nathan, surent reueues ensem ble par les substitutions legales qui se faisoyét à ceulx qui se mou royent sans enfans. Et pareillement par secondes nopces, par le moyen desquelles sembloit que vn mesmes fust descendu de deux peres. Et par ainsi lon trouue que l'vne & l'autre narration des ge nerations est deduicte par vraye lignee iusques à Ioseph:combien que par diuers ordres, mais assez clers. Et à fin que la chose soit plus clere, nous narrerons icelles generations de Dauid par Salomon, selon la narration de sainct Matthieu. Le troissesme pres de la fin est Nathan: qui dit auoir engendré Iacob pere de Íoseph. Mais sainct Luc en narrant la descendéce de Dauid par Nathan, faict le troissesme aussi pres de la fin Melchy. Car il dit que Ioseph fut filz de Hely, & Hely filz de Melchy: dot il nous conuiet monstrer que Ioseph, lequel selon saince Matthieu, sut silz de Iacob selon la descendence de Salomon. Et selon saince Luc, qui ra conte la descendence de Nathan, fut filz d'Hely: c'est vne mesme personne: & que Hely & Iacob estoyent deux freres: dot l'vn fut filz de Nathan: l'autre de Melchy, venans de diuerses lignees & descendéces. Lesquelz tous deux furent grans pere de loseph,& fut la chose en ceste maniere: Natha & Melchy en diuers teps, de vne mesme semme, qui se noma Escha, euret chacu vn filz: lequel Nathan, qui estoit descédu de Salomon, espousa premieremet icel le femme. Et apres qu'il eut eu Iacob d'elle, il mourut: & demeura Escha vesue. Laquelle pourtat qu'il n'estoit point par la loy prohibé aux vefues de ne se remarier: espousa en secodes nopces Mel chy, qui estoit descédu de Nathá. Et par ainsi d'vne mesme lignee que Nathan c est à sçauoir de Dauid, mais non pas d'vne descen dence. Car l'vn estoit descendu de Salomon, l'autre de Nathan, & d'icelle femme il eut vn filz nommé Hely. Dont il aduint que Hely & Iacob furent freres de par mere engendrez de diuers peres. Dont l'vn, à sçauoir Hely, mourut sans enfans: & par commãdement de la loy Iacob son frere espousa sa femme, de laquelle il eut Ioseph. Et par ainsi Ioseph par nature & generation, fut silz de Iacob:mais par la fiction de la loy, il est dit, filz de Hely:pourtant que Iacob fut contrainct par icelle loy, de susciter la semece de son frere en espousant sa femme. Et par ce moyen ce verifie la

narration euangelique de l'ordre de la generation de Ioseph, tant de sainet Matthieu qui dit, qu'il fut filz de iacob. Car il fut vray par naturelle generation que aussi de sainct Luc qui dit qu'il sut filz de Hely. Car là se verifie selon la succession legale, comme dit est, & quasi comme adoption. A ceste cause iceluy sainct Luc, qui à eu regard à c'este maniere de succession, selon la loy n'a pas renu l'ordre ne la maniere du parler de sainct Matthieu: car iceluy sainct Matthieu vient en descendant, & dit: vn tel engendra vn tel: & par ce monstre bien qu'il a regard à la generation naturelle. L'autre procede en montant sans faire mentiom d'engendre ment disant: loseph qui estoit pere putatif de Iesus christ, vint de Hely: & Hely de Melchy: & successivement tousiours en montant iusques à Adam selon la successió legale: & iusques à Dieu. Lesquelles choses nous n'auons pas nouvellemet controuvees ne dictes de nous mesmes: ains ont esté declairees par les proores pa rens de Iesus Christselon la chair, qui ont esté curieux d'en par. ler, tant pour declairer vne si noble desdendence: comme aussi pour nous signifier la verite des choses ainsi qu'elles sont aduenues. Et si ont encores adiousté, que les larros du pays de Idumee estans par force entrez dedans la cité d'Escalone, prindrent entre autres choses dedans le temple de Apollo, le filz de celuy qui auoit la garde d'iceluy temple, nommé Antipater, & l'emmener ét prisonnier. Et que depuis iceluy Antipater vint en grande amitié auec Hircanus qui tenoit le pontificat des Iuifz. Et pourtant qu'il auoit aidé en plusieurs choses à la coduicte de son principat & gouvernemet, apres qu'il fut mort fist ledict Antipater par am bition, que Herodes son filz fust par les Romains faict roy de Iu dee. Desquelles choses font aussi métion les Histoires des Grecz, mais entre les autres les dessus nommez chronicques dient, que en celuy temps, toutes les genealogies des Iuifz estoient mises par escript en certains liures, que lon gardoit songneusement aux plus secretz lieux du temple. Et si trouuoit lon encores esdictz li ures la genealogie d'aucuns estrangiers: comme de Achior, qui estoit adioinct Amonite: & de Ruth, qui estoit Moabite: & d'au cuns autres Egiptiens: pourtant qu'ilz auoyent esté conioinciz auecques les Israelites. Mais Herodes ayant toute l'authorité,& confiderant que si ces genealogies demouroyent, la sienne en scroit grandement offusquee. Pour obumbrer & couurir son ignobilité, feit tous lesdictz liures brusler, pensant que lonle pourroit tenir pour noble, si lon ne trouuoit en aucua

liure des Iuifz, comme il estoit homme nouueau & estrangier. Toutesfois il y eut quelque petit nombre des Iuifz diligens & curieux de conseruer lesdictes genealogies, dont les vns auoyent partie desdictz liures copiez en leurs maisons, les autres auoyent en memoire la descendence de leurs progenitures, ceulx qui sçauoyent estre descenduz de plus noble lignee. Entre lesquelz furent ceulx que i'ay cy dessus nommez que lon appelloit en Hebrieu, de sposyneo, qui vault autant à dire en langaige François & en Latin, comme seigneuriaulx, pourtant qu'ilz estoyent parens de Iesuschrist selon la chair: & furent Nazariens, d'vn vilage nommé Cocchaba, qui est en ludee. Lesquelz alloyent par tous les lieux, de ville en ville declairant l'ordre de ladicte genealogie:partie selon qu'ilz auoyent en memoire. & partie selon qu'ilz auoyent trouué par escrit aux mieulx que possible leur estoit. Par lesquelles choses ainsi que dessus inuestiguces & trouuces à la plus grande diligence qu'il nous a esté possible, appert la concordance des euangelistes: Et ce auons aprins d'Affriquain. Estat adonc la generation de Ioseph deduite à la verité, ainsi que dessus,ne fault point douter de celle de la vierge Marie, qu'elle ne fut de la mesme race,& de la mesme lignee que Ioseph son mary : pourtant que selon la loy de Moisen'estoit loisible à personne d'espouser autre semme que de sa lignee: Ains estoit force que les femmes fussent mariees à quelcun de leur peuple & de leur famile: mesmes à fin que par commixtion & confusion de mariages les heritages ne vinssent en doubte, & fussent transferez d'vne tribu & generation en l'autre, ce que la loy defendoit ex pressement: & c'est assez quant à cecy.

> De la mort des enfans de Bethleen, & de la venue des Magiciens.

> > Chapitre vII.



STANT'adone Iesuschrist ne selon la veri te de la prophetie en Bethleen du temps que regnoit Herodes, aucuns qui estoyent dela li gnee des Magiciens vindrent des parties d'O rient en Iudee, & alloyent enquerant ou estoit celuy roy des Iuifz qui nouuellement estoit ne, affermant qu'ilz auoyent veu en Orient

son estoille, qui les auoit guidez & monstré le chemin iusques là, qui estoit la raison pourquoy ilz estoyent venuz si diligemment d'vn pais si loingtain, pour adorer iceluy roy nouuellemét né. Les quelles choses estans venues à la cognoissance d'Herodes, sur moult espouenté, craignant perdre l'estat de son royaume. Si fist appeller les principaulx docteurs de la loy,& s'enquist d'eulx en quel pais il entendoyent que Christ le messias deust naistre: lesquelz luy respondirent que selon la prophetie de Michee le prophete le lieu de sa naissance estoit Bethleen. Lors commanda que tous les ieunes enfans qui estoyent, non pas en bethleen tant seulemét, mais en tout son authorité de l'aage de deux ans & au dessoubz, qu'estoit le temps que les Magiciens luy auoyent declairé, sussent occis: esperant qu'entre ceulx là se trouueroit le Messias:mais la diuine prouidence preuint telle sa malice:car par reuelation estant sa mere & son pere putatif aduertiz de son commandement, l emporterent en Egypte.

Des tourmens que souffrit en son corps le Roy Herodes, qui sit les innocens occire.

Chapitre v 111.

L

E S choses susdictes sont tesmoignees par les sain ctes euangiles:mais il est moult conuenable de ra conter le guerdó qu'iceluy roy Herodes eut de la cruauté qu'il vsa enuers nostre Seigneur & les In noces de son aage:pourtant qu'incontinent apres

fon cruel commandement executé, il sentit en sa personne tel tor ment, que non pas seulement luy prenunçoit la mort corporelle, mais encores luy declaroit les peines qui deuoit soussirir apres son trespas. Et seroit longue chose qui voudroit reciter les infortunes & malheureusetez qu'il eut en sa maison, par lesquelles la gloi re de son regne, qui auoit duré en grade prosperité, sut offusquee, comme la honte de son mariage, & la mort de ses enfans, que luy mesme sist occire. Et se ie vouloye poursuyure & descrire les mal heureusetez de sa seur & de ses parens, il sembleroit mieulx que ie voulsisse escrire vne tragedie, qu'vne histoire. Lesquelles toutes sois, si quelcun est curieux d'entendre, Iosephus les recite plus amplement neantmoins pourtant que pour le sacrilege qu'il comist contre le Redempteur, & la cruaulté qu'il vsa enuers les innocens de son aage, la vengeance de Dieuse monstra sur luy ius-

ques à la mort, il ne me semble point hors de propos de reciter ce que I osephus escript de sa fin au dixseptiesme liure de ses antiqui tez. Herodes, dit il, iournellemet estoit plus trauaille de maladie, qui estoit la peine du peché qu'il avoit peu avant commis. Car premierement il estoit enslambé d'vn feu qui le bruloit aux parties exterieures du corps: mais au dedans estoit enclos encores d'vn plus grand feu. Il estoit au surplus continuellement en vn merueilleux appetit de manger, ne iamais ne se pouoit saouller, tant estoit grande la chaleur qu'il auoit ded as le corps. Et neantmoins estoit vexé de douleur cholique tresgrande: & si auoit au tour des pieds certaines humeurs liquides & blachastres, qui tousiours se remouuoyent'. Et d'abundant aux parties inferieures du corps, depuis les membres genitaux en bas estoit tout ensté. Eticeulx membres estoyent tous corrompuz, tellement qu'il en sor toit puate vermine. Et oultre l'esprit & l'haleine luy estoyent enflez merueilleusement, & si auoit vne roigne orde & execrable: mais oultre toutes ces douleurs fortoit vne puanteur insupportable de son corps, procedant de la pourriture de ses membres, ou de la respiration de son haleine. Et tellement estoit tormenté de douleurs, q nulle force humaine estoit suffisante pour le tollerer: dot ceulx qui auoyét sciéce de deuiner, disoyent que c'estoit punition q Dieu le createur luy enuoyoit pour sa cruaulté & pour ses faictz excecrables. C'est ce que dit los ephus au lieu dessussité. Mais encores au second liure de son histoire il narre ce q s'ensuit parlat dudict Herodes. Il estoit vexé d'vn costé d'vne fiebure len te: de l'autre costé sentoit par tout le corps es parties exterieures vne escharpison intollerable: & auec ce vne douleur cholique qui fouuent le tourmentoit. Et oultre plus, depuis les parties vergongneuses en bas estoit ensté d'ydropisse, & iceulx mébres corrom puz de pourriture iettoyent vermine à moult grand horreur. Il auoit au surplus, l'haleine enflee & tortueuse dont les souspirs sor toyent incellammét de ces membres interieurs, infestez, corrom puz, tellement que les deuineurs disoyent que ce n'estoyent pas maladies naturelles: mais estoit vengeance de Dieu. Etiaçoit ce qu'il fust ainsi vexé par tant de cruelles douleurs, si auoit il toutesfois esperance de viure: & pensoit au remede pour se guarir. Si passa le sleuue Iourdain pour s'aller baigner aux eaues chauldes qui estoyent en vn lieu nomé Calliroen, qui estoyent estimees saines à boire. Les medecins aussi furét d'opinion de oin dre tout son corps de huille chault pour le conforter, mais apres

qu'il fut ainsi fomenté & mis à repos, tous ses membres furent tel lement resoluz que ses yeulx mesmes sortirent de leur lieu.

De la cruaulté que Herodes vsa au temps mesme de sa mort. Chapitre 1x.

> L fut de la emporté en Hierico, Et puis qu'il co gneut par les pleurs & souspirs de ses gens qu'il ny auoit plus remede en son cas: il commanda que a ses souldars fussent departis à chacun, cin quante, dragmes. Et ou'tre ce à ses capitaines & à ses amis donna grand somme de deniers. Et

apres estant plain de fureur, menassant, par maniere de parler, la mort, l'aduisa d'vne cruaulté excecrable. Car de toutes les villes & chasteaulx de Iudee il fist amener & enfermer des plus nobles & principaulx en vn lieu qui estoit appellé Hypodromus : puis fit appeller sa seur Salome, & son mary nommé Alexa: si leur dittelles parolles: ie congnois, fit il, que les iuifz se resiouiront de ma mort, mais si vous voulez faire ce que ie vous commande. ray ie pourray estre enterré honorablement, & auoir grad nom bre de gens qui plorerot: c'est que tous ces gens que i'ay icy faict amener qui sont des principaulx & plus nobles de tout le pais, incontinent que l'auroye rendu l'esprit, vous faictes occire par mes souldars qui sont icy tous pretz pour ce faire. Par ce moyen tout le pais & toutes les maisons malgré eulx ploreront ma mort. Et vn peu apres, dit Iosephus, en ceste maniere: Il estoit pour l'auidi té grande de manger, & pour la detresse qu'il auoit d'vne toux si tourmenté qui sentoit par la violence des douleurs, sa mort approcher, print en sa main vne pomme & demanda vn cousteau, pourtant que c'estoit sa coustume quand il mangeoitd'une pome de la plumer & nertoyer luy mesmes: Et quad il tint le cousteau il regarda autour de luy s'1 y auoit personne qui le peust épescher: puis estédit la main dextre pour se vouloir luimesmes frapper & occire. Etrecite encores iceluy mesme autheur, que peu de téps auant qu'il rendist son esprit, il sist occire le troissessme de ses enfans apres les deux autres, ausquelz il auoit faict le semblable, à fin qu'il yssist de ce mode, non pas tormenté de griefues douleurs tant seulement, mais maculé du sang de ses enfans. Telle donc ques fut la fin de Herodes: qui fut la digne punitió de Dieu qu'il auoit merité pour la cruaulté qu'il auoit vsee cotres les innocens en Bethleem, & qu'il auoit y oulu exercer contre nostre sauueur.

Le premier liure Duregne de Archelaus apres Herodes.

Chapitre. x.



E ses successeurs, l'euangile nous parle, disant que loseph estat admonnesté par l'ange print l'enfant & sa mere & s'en reuint d'Egipte ou il s'en estoit fouy en Iudee, mais entendant que Archelaus regnoit au lieu de Herodes son pere, cregnit d'y aller: si fut admonneste en songe par l'ange de s'en aller es parties de

Galilee. A cecy se conforme ce que recite ledict historien Iosephus disant:comme Archelaus par le testament de son pere & par
l'ordonance de Auguste l'empereur succeda au royaume de son
dict pere. Et comme dix ans apres il sut chassé dudict royaume
lequel sut diuisé par tetrarchies, c'est à diré quatre parties entre
Philippe & le jeune Herodes son frere & aussi Lisanias.

Comment les choses que les Iuifz mettent en auant, sont conuaincues & declairees faulses par le tesmoingnage de Iosephus, ayant regard à la consonance des temps.

Chapitre XI.



CELVY mesime Iosephus au dixhuictiesme liure de son histoire dit comme en la dou ziesme, annee de l'empire de Tibere qui succeda à Auguste: apres qu'il eut regné cinquate sept ans, sut enuoyé en Iudee procureur & President Pilate de Pont, Lequel y sut par dix ans continuelz & quasi iusques à la sin de l'em

pire dudict Tibere, dont manifestement est declairé la menterie que les Iuisz ont controuuee nouellement à l'encontre de Ie
suschrist. Car premierement la raison du temps declaire la faulseté, pourtant que icelle narration des Iuisz cotient que au quatries
me Consulat de Tibere, qui su la septiesme annee, de son empire, sut Iesuschrist crucisié: duquel temps il est tout notoire, que
Pilate n'estoit pas encores enuoyé en Iudee par ce que dit Iosephus l'historiem auctentique, qui recite expressement que Pilate
sut enuoyé en Iudee la douziesme annee de l'empire de Tibere,
à quoy s'acorde moult bien l'histoire euangelique, disant que la
quinziesme, annee de l'épire Tibere Cesar, qui sut la quatriesme

annee que Pilate auoit esté procureur & president en Iudee du temps mesmes' que Herodes Lisanias & l'hilippe estoyent Tetraches en Iudee, nostre redempteur Iesuschrist qui estoit en l'eage de trente ans, vint à saince lehan baptiste pour estre de luy baptisé, & lors commença à prescher son euangile.

Comment entre le Pontificat de Annas, & celuy de Cayphas, y eut quatre cuefques qui administrerent le pontificat par quatre annees, durant lesquelles la predication de Iesuschrist sut accomplie. Chapitre XII.

A saincte escriture nous tesmoigne que nostre sauueur Iesuschrist accomplit & paracheua le temps & cours de sa doctrine soubz les pontisicatz de Annas & de Caiphas. Car il commença à prescher du teps que Annas estoit Euesque, & continua iusques au commencement du Pontisscat de Caiphe, auquel espace de temps à pei

ne peuet estre accompliz quatre ans entiers. Car en celuy temps les commandemens de la loy par force, & par ambition n'auoyét point de lieu, & ne se donnoit l'honneur Pontifical pour raison de merite ne de l'ignee, mais par auctorité de l'empire Romain à diuerses gens: tellement que on les changeoit de an en an. Et apres le pontificat de Annas y eut quatre Euesques auant que Cai phe le fust, ainsi que dit losephus par telles parolles: Valerius Gra tus ayant chassé Annas du potificat y mist I smael filz de Raphy, & tantost apres le chassa pareillement & y mist Eleazar filz de An nas. Puis l'annee ensuyuant osta encores celuy la, & bailla le pontificat à Symon filz de Caiphe: auquel apres qu'il eut continué en uiron vne annee, luy fut baillé pour successeur I osephus, qui s'appelloit Caiphe. Et par ainsi tout le temps que nostre saulueur pre scha sa doctrine en terre, est reduit à quatre annees, durant lesquel les furent lesdictz quatre euesques qui ne tindrent point le ponti ficat plus d'yne annee chascun. Et cela que dit Iosephus consone à ce que dit l'euangile : Que Caiphe estoit euesque celle annec que lesuschrist fut crucisié, comme aussi ledict Losephus l'atteste. Nostre Sauueur adonc tantost apres qu'il eut commencé sapredication, entre tous ses disciples en choisit douze, lesquelz par des sus tous les autres qui le suyuoyet par especial priuilege d'election il nomma sesapostres, qui est autant à dire, comme enuoyez. Et

apres en esseut septante, les quelzil enuoya pareillemet par les villes & citez ausquelles il deuoit aller.

De sainst lehan baptiste, comment par le tesmoignage de Iosephus il sut homme iuste, & comment pour occasion de sa mort, la vengeance sut saiste sur les Iuss.

Chapitre XIII.



A I S peu de tempsapres, Iehan baptiste sut de capité, par le commandement d'Herodes, silz d'Herodes, ainsi que l'euangile recite. & Iose phus pareillement le conferme, lequel nomément faict mention d'Herodiade: & coment Herodes l'auoit ostee par sorce à Philippes son frere, & espousce par inceste en repudiant

sa femme propre & legitime. Et dit qu'icelle Herodiade fut sille d'Areste roy d'Arabie. Et coment pour elle sainct lehan baptiste sut decapité. Et aussi commét Arethe apres meut la guerre contre Herodes pour venger la honte qu'il faisoit à sa fille. En le quelle guerre l'armee d'Herodes fut deffaicte, & que cela luy ad uint par le peché qu'il auoit comis de la mort sainct Iehan baptiste: & dit au surplus que celuy Iehan baptiste estoit homme iu ste sur tous les autres, ce que dit l'euangile mesmes. & comme il fut decapité par Herodes à l'instigation d'Herodiade: & comme depuis iceluy Herodes fut dechasse de son royaulme & enuoyé en exil à Vienne qui est vne cite de Gaule: toutes lesquelles choses recite Iosephus au dixhuictiesme liure de son histoire par les propres motz qui s'ensuyuét:il sembloit, dit il, à aucuns des luifz que l'armee d'Herodes auoit esté defaicte, & ses gesoccis parven geance diuine, pour raison de Iehan qui fur nommé, baptiste qui fist mourir: lequel estoit tresbon homme, & comandoit aux luifz qu'ilz s'exercitassent aux œuures vertueuses gardant iustice entre eulx,& religió enuers Dieu,& qui se deussent ensemble recó cilier par le baptesme, lequel il disoit estre par ce moyen accepta ble à Dieu, si on le receuoit, non pas seulement pour lauer ses pechez, mais encores pour garder son corps en chasteté, & son ame en iustice & pureté. Et tenir iceluy baptesme comment vn seel & vne garde de son corps & son ame. En preschat & enseignant les quelles choses, pource que grad multitude de peuple s'assembloit deuers luy: Herodes eut crainte qu'ala persuasion de sa doctrine les peuples de son royaume ne se rebellassent contre luy, pourtat

qui les veoit tous prestz d'ensuiure les admonestemens de Iehan baptiste. Si luy sembla estre mieulx de lesaire mourir auat qu'il y eust aucune emotio que d'attêdre que telle chose començast dot apres trop tard se repentiroit. Et par ceste seule souspeçon d'He rodes, su prins Iehan baptiste, & mené lié au chasteau de Macher ronta, ou apres il sut decapité. C'est ce que dit Iosephus de sainct Iehan baptiste, lequel aussi pareillement en ses histoires parle de nostre sauueur Iesuschrist, en la manière qui s'ensuit.

Ce que tesmoigne Iosephus de Iesus Christ.
Chapitre XIIII.

N celuy temps fut Iesuschrist homme saige, s'il est loisible l'appeller homme, pourtant qu'il fai-soit œuures merueilleuses & estoit docteur des homes, qui voluntiers oyoyent chosesveritables. Lequel conuertit à soy plusieurs des Iuifz & plu-

sieurs des Gentilz: iceluy estoit Christ: & quand Pylate pour l'ac cusation des principaulx de noz gens l'ont condemné à estre crucisié, il n'abandonna pas pourtant ceulx qui du commencement l'auoyent aymé, ains leur apparut le troisses sieur en vie, ainsi que les prophetes inspirez de Dieu auoyét predit les choses susdictes & autres innumerables de ses miracles & encores iusques auiourdhuy perseure le nom & la gét des Chresties, lesquelz de luy

ainsi sont appellez.

Ε

Puis doncques que ces choses se treuuent escriptes en l'histoire d'vn Hebrieu tant de sainct Iehan baptiste, que de nostre sauueur, quelle excusatió, ne quelle euasió peuuét plus trouuer les Iuifz infideles & obstinez que ce qu'ilz ont apres escript en leurs gestes contre iceluy lesuschrist, ne soit faulx & controuué. Et c'est assez quant à cecy. Au regard du nom des apostres ilz sont nommez aux euangiles & chacun le sçait: mais tant que touche les septate disciples ie n'ay trouvé en aucune part leurs noms escriptz, toutesfois lon dit que Barnabas, dont est faict métion aux Actes des apostres, fut l'vn d'iceulx duquel faict mention sainct Paul,& dit que c'est celuy qui auec Sosthenes & luy escriuit aux Corinthiens. Mais Clement au quatriesme liure de ses dispositions faict mention de Cephas, duquel sainct Paul parle en telle maniere: Et quand Cephas fut venu en Anthioche, ie luy contre. dis en son visaige. Et dit Clement que ce vn fut des septante di. sciples, surnommé comme saince Pierre. Et pareillement que Matthias fut de ce nobre, Leql fut subrogué au lieu de Iudas &

l'autre pareillement qui fut mis en sort auec luy. Lon dit aussi que Thadeus fut l'vn d'iceulx du quel l'histoire est venue iusques à nous. Si est necessaire de la declairer. Car qui regardera ce que dit sainct Paul, lon trouuera qu'il y eut plus de septate Disciples: car il dit que nostre sauueur apres sa resurrection apparut premierement à sainct Pierre, apres aux vnze Apostres, & apres encores à plus de cinq centz freres ensemble, desquelz il dit que les aucus estoient mors. Mais la plus part estoient encores en vie du temps qu'il escriuoit cela. Apres aussi, dit il, qu'il apparut à laques qui estoit l'vn de ceulx que lon appelloit frere de nostre seigneur. Et apres pour donner à céntdre qu'il y auoit dautres & par dessus le nobre des douze qui s'appelloyét Apostres, à la samblace des douze, ainsi que estoit luy messnes, il adiouste & dit apres: Il apparut à tous les apostres & sinablement à moy. Et c'est assez quat à cecy.

**Du Roy Abagarus, & la teneur de la lettre qu'il escriuit à nostre Seigneur: & de la response que nostre Seigneur luy fiste ce qu'apres s'en ensuyuit, translatee de langue Syrienne en Latin.

Chapitre xv.

A narration que nous auons promis faire de Thadeus est telle qui s'ensuit: La divinité de nostre sauveur & redépteur les uséristes est tous lieux celebree, pour les merueilleuses vertuz & operatios que faisoit, attiroit & couertissoit innumerables gés tat des lieux cir convoisins que des provinces & regios, loingtai

nes pour les remedes & guarisons des maladies qui s'en ensuyuoyét. Et mesmemét ceulx qui estoyét greuez d'aucues maladies.
A ceste cause vn roy nomé Abagarus qui auoit son regne de la le
sleuue de Eufrates estat vexé d'vne maladie incurable par art hu
maine, & entendant du nom de Iesus & des choses merueilleuses
qu'il faisoit, par vnes lettres qui luy escriuit, humblement luy requist qu'il luy pleust enuoier que leun deuers luy, pour le guarir de
sa maladie. Et iaçoit ce que pour l'heure nostre seigneur voussist
disserer sa guarison: Toutessois il sut digne d'auoir response de
luy par lettre, par laquelle luy escriuoit que bien tost apres il obtiendroit ce qu'il desiroit. Et apres la resurrection & l'ascension de
nostre seigneur, saince Thomas l'apostre, par diuine admonition
enuoya

enuoya vn des septate disciples nomé Thadeus à la cité de Edisse pour prescher l'euangile & la parolle de Dieu: & pour accoplir la promesse que nostre saucur auoit faicte. Lesquelles choses auos trouuez aux Archiues publiques d'icelle cité de Edisse, en laquelle regnoit ledict Abagarus entre les escriptures contenants les gestes d'iceluy roy. Et à fin que la verité soit plus euidente nous insererons les motz des deux epistres trassatees de langue Syrienne en Latin.

S'ENSVIT LA TENEVR DE LA tre que escriuit le roy Abagarus à Iesus, enuoyee par un sien courrier nommé Ananias en Hierusalem.

Abagarus filx de Vehame Toparche, c'est àdire prince & gouuerneur de sa terre natiue, à lesus bon sauueur qui est apparu aux parties de Hierusalem,



A renommee est paruenue iusques à mes au reilles & des guarisons que tu faictz:que sans aucunes medecines ne herbes telles choses par toy se font: & que par parolles tant seule-ment, tu faictz veoir les aueugles, aller les boi teux, guarizles ladres: & que tu chasse les mauuais espritz, & les diables: & par effect

que tu guaris tous ceulx qui ont esté vexez de longue maladie: & aussi que tu resuscite les morts. Lesquelles choses auoir enten dues de toy, ie pourpense en mon entendement deux choses: l'vne, ou que tu soyes Dieu, & soyes descendu du ciel pour faire ces choses:ou que soyes filz de Dieu que ainsi le faiz. A ceste cause ie t'ay bien voulu escrire & prier que tu vueilles prendre la peine de venir iusques à moy, pour me guarir d'vne maladie que i'ay desia longuement enduree. I'ay aussi entendu que les Iuifz murmurent contre toy & te guettent: ori'ay vne cité qui est petite, mais elle est honneste & suffisante pour nous deux.

> Latencur de la response que fist Icsus par Ananias, le courrier au toparche Abagarus.

V es bié heureux d'auoir creu en moy sans m'auoir veu: car il est escript de moy, q ceulx qui me voyet, ne croirot point en moy:mais ilz croiront en ceulx qui point ne me voyent, & viuront. Au regard de ce que tu m'as escrit que

Le premier liure

ie voulsisse aller vers toy, il est necessaire que ie accomplisse icy tout ce qui a esté escript de moy. Et apres que ie l'auray accomply, que ie m'en retourne vers celuy qui m'a enuoyé: mais a pres mon ascension ie t'enuoyeray quelcun de mes disciples qui guarira ta maladie, & donnera vie à toy & à ceulx qui sont aucc toy. Et à ses epistres estoit adiousté en lague Syrienne ce qui s'en suit: Et depuis l'ascension de Iesus, Iudas qui fut nomé Thomas, luy enuoya Thadeus l'apostre l'vn des septate: lequel estat arriué se logea en la maison de Thobias filz de Thobie. Lors desque Abagarus l'entendit, & que on luy dist que l'apostre de Iesus estoit venu, selon qui luy auoit escript, & qu'il veit que Thadeus, en ver tu diuine, guarissoit toutes maladies & toutes douleurs, tellemét que chacun s'en esmerueilloit:illuy vint en memoire, voyant les merueilles qu'il faisoit, que c'estoit celuy dont Tesus luy auoit escrit, disant, que apres son ascension luy enuoiroit quelcun de ses disciples pour le guarir. Si fist venir à soy Thobie, chez lequelil estoit logé, & luy dist telles parolles: I'ay entendu que vn puissant homme est venu en ceste ville, que tu as logé en ta maison, va le moy amener. Et quand Thobias fut retourné deuers Thadeus il luy dist: Abagarus le Toparche m'a appellé & ma commadé que ie te meine deuers luy pour le guarir de sa maladie. Lors Thadeus luy respondit, ie iray voluntiers: car ie suis principallementicy en uoyé pour luy, & le l'endemain matin Thobias s'en alla deuers Abagarus, ayant Thadeus en sa compaignie: si trouua iceluy Aba garus auec les principaulx seruiteurs & barons, lequel desque il ap perceut Thadeus l'apostre entrer, il luy sembla veoir en son visaige quelque resplendisseur de diuinité. A ceste cause incontinent l'adora:dont tous ceulx qui estoyent au tour de luy, furent moult esbahiz, pourtant qu'ilz ne veoyent riens de ce que Abagarus auoit veu. Lors Abagarus commença à dire à Thadeus: Veritable ment tu es le disciple de Iesus filz de Dieu, qui m'auoit dit:ie t'en uoiray quelcun de mes disciples qui te guarira, & donnera vie. A-quoy Thadeus fist response, pourtant que tu as creu maniseste-ment en celuy qui m'a mandé, suis ie enuoié à toy: & si tu perseueres en sa foy & creance, tu auras tous les desirs de ton cueur accompliz. Lors Abagarus luy dist: ie y ay creu tant & si auant que si i'auoye la puissance & armee suffisante, & l'auctorité de l'empi reRomain ne m'empeschoit,ie m'en iroye pour occire ceulx qui l'ont crucifié. Adonc Thadeus luy dist:nostre Seigneur à accom ply la volunté de son pere, & cela faict s'en est derechef retourné

à luy. Et ie le sçay, dit Abagarus, & croy en luy & en son pere. Et à ceste cause, dit Thadeus: ie metz ma main sur toy en son nom: & cela faict, incontinent fut Abagarus guary de la maladie qu'il auoit, dot il fut tout esbahy, voyant par effect estre accomply par Thadeus ce qu'il auoit ouy dire de lesus, & qu'il guarissoit toutes maladies par parolles. Et ne fut pas Abagarus seul guary:mais encores vn autre nomé Abdon filz de Abdie, qui estoit gouteux: lequel se iettant aux piedz de l'apostre, desque il luy mit la maindessus fut entierement guary. Et apres celuy, plusieurs autres d'icelle cité qui estoyent vexez de diuerses maladies, pareillement furent guariz en celle mesme maniere par Thadeus: lequel en fai fant ces choses merueilleuses leur preschoit le nom de Dieu. Apres lesquelles choses Abagarus luy dict: Tu faictz ces oeuures au nom de Dieu, dont nous sommes tous esmerueilles. Mais ie te prie que tu me vueilles compter de l'aduenement de nostre seigneur Iesus: comme il fut, & de sa vertu, au moyen de laquelle il faisoit ce que i'ay ouy dire: Aquoy Thadeus luy respondit: ie m'en tairay pour le present. Mais pourtant que ie suis enuoyé pour prescher la parolle de Dieu, tu feras demain assembler tous les citoyens, & prescheray deuant eulx, & semeray en eulx la parolle de vie: & leur declaireray de l'aduenemet de Tesus: coment il fut enuoyé par son pere. Et aussi des vertus, & de ses œuures, & des misteres qu'il feit en ce monde, & en quelle vertu il les faisoit: & semblablemet de sa nouvelle predication: & comment il estoit petit & humble, & la raison pourquoy il se humilioit, & rendoit sa divinité petite, en delaissant la maiesté d'icelle, tat qu'il sut crucisié, & apres descendit aux enfers & rompit la clousture, que iamais homme n'auoit peu ropre: & suscita aussi les morts. Et com bien qu'il fust descendu seul, toutes sois il monta à son pere, auec grande multitude. Lors Abagarus comanda soubdainement que tous citoyens d'eussent venir pour ouir la predication de Thadeus l'apostre. Apres luy enuoya de l'or & de l'argent : mais il ne le voulut prédre disant: si nous auss laissé noz propres biens, com ment prédrons nous ceulx d'autruy. Ces choses furent faictes en l'annee quarantetroisiesme. Lesquelles non sans quelque fruict, comme l'espere, nous auons de mot a mot transferé de langue Syrienne, pour tenir lieu à noz liures.

> Cy finit le premier liure de l'histoire Ecclesiastique.

Cy commence le se-

COND LIVRE, ENSEMBLE L'ANNONtiation des chapitres.

> O V S auős summairemét & en briefz motz dit, narré, & declairé tout ce qui estoit necesfaire de mettre au commencement de nostre histoire Ecclesiastique, tant de la diuinité de nostre sauueur: comme aussi de l'antiquité de nostre religion, & de l'ancienneté de la doctri ne Chrestiène: & come l'institution des Chre

stiens, qui semble estre nouvelle, a esté anciennement baillee: & pareillement de l'aduenement de nostre sauveur qui a esté n'agueres accomply, & consommé par ses passions: & sinablement de l'election des apostres. Or nous convient maintenant sçauoir les choses qui sont ensuyuies depuis l'ascésion de nostre seigneur: lesquelles avons entédues, partie par le tesmoignage de la saincte escriture, & partie d'ailleurs: c'est à sçauoir des livres que nous avons trouvez, ou il est seablement escrit, & à la verité. Lesquelz ont esté trouvez pour la memoire & enseignemet de la posterité.

De la vie & des institutions des apostres, depuis l'ascension de no stre seigneur Iesus Christ.

Chapitre premier.

REMIEREMENT au lieu du traistre Iudas fut esseu, par sort, en apostre sainct Mathias qui estoit l'vn des disciples, comme a esté dit dessus.

Apres furent ordonnez par oraisons & im positions de mains, du nombre des disciples, sept diacres pour ministrer aux semmes ves-

ues, entre lesquelz sainct Estienne, incontinent apres qu'il sur ordonné, sut le premier apres Iesuschrist martyrisé & lapidé par ceulx mesmes qui auoyent Iesuschrist occis: pour raison dequoy Iesuschrist le couronne de son nom.

Apres fut occis sainct Iaques qu'on appelloit frere de nostre Seigneur, pourtant qu'il estoit silz de Ioseph, qui fut pere putatif de Iesuschrist, à cause de ce qu'il auoit espouse la vierge Marie sa mere, laquelle sut trouuee enchainte du sainct esprit, ainsi

que l'euangile nous tesmoigne.

En ceste partie, c'est autheur est reprouue : car à la verité, Io-seph n'eut point d'autre semme que la vierge Marie. Et sainct 12 ques & les autres qui sont appellez freres de Iesuschrist, est oyent ses cousins germains filz des seurs de la vierge Marie sa mere: les quelz, selon la coustume des Iuisz, lon appelloit freres: ainsi que

sainct Hierosine & les autres docteurs tesmoignent.

Iceluy Iaques, lequel fut surnommé le iuste pour les merites & saincteté de sa vie (comme disent les histoires) fut le premier des apostres, qui sut faict euesque de Hierusalem, ainsi que Clement au sixiesme liure de ses disputations recite, disant en telle maniere: Pierre, Iaques & Iehan apres l'ascension de nostre Seigneur, combien qu'ilz sussent par luy preserez à tous les autres, toutes sois ilz ne se vouloyent pas attribuer la gloire d'estre les premiers: mais ordonnerent Iaques, qui estoit surnommé le iuste, euesque des apostres. Celuy mesmes Clement, au septiesme liure de sondict liure, adiouste d'iceluy Iaques ce qui s'ensuit.

Nostre Seigneur apres sa resurrection donna toute science à Iaques, qui estoit dict, se iuste, à Ichan, & à pierre: & eulx la communiquerent aux autres apostres: & les autres apostres à septan. te disciples, entre lesquelz estoit Barnabas. Et est chose toute certaine qu'il y eut deux laques apostres, dont l'vn fut cestuy cy dont nous parlons, qui fut surnommé, le iuste: lequel fut ietté du pinacle du temple en terre,& frappé d'vne barre de teincturier, & par ce moyé occis: L'autre, c'est celuy qui fut decapité par He De cestuy Iaques le iuste, faict mention sainct Paul, quad il dit des autres apostres: Ie ne viz point sinon Iaques le fre re de nostre Seigneur. En ce mesme temps là donc Thadeus auf si (duquel auons parlé dessus) par le comandement de Dieu sut enuoyé à Abagarus lequel il guarit: & apres conuertit à la foy de Iesuschrist toute la cité dessusdicte, de sorte q iusques au iour present icelle cité, pourtant qu'elle merita de receuoir les lettres de nostre seigneur Iesuschrist, luy est dediee par speciale deuotion. Ce pendant la premiere persecution contre l'eglise de Dieu (qui fut faicte en Hierusalem sur sainct Estiene le premier mar tir) dispersa tous les autres disciples, excepté les douze apostres (ou comme dit la saincte escriture) les sema & departit par tou te Iudee & Samarie: desquelz les vns allerent en Phenice, & ius-

ques en Cypre & en Anthioche, preschat aux Iuifz tant seulemet la foy chrestienne, pourtant qu'ilz n'osoyent encores communiquer aux payens & gentilz les misteres d'icelle loy. En celuy téps Saulus encores persecutoit l'eglise, & entroit dedans les maisons prenat & menat en prison les Chresties: mais Philippes qui auoit esté ordonné l'vn des sept diacres, auec Estienne, descendit en Samarie, plein de diuine vertu: & prescha le premier aux Samaritains la parolle de Dieu. Et tant estoit grande l'efficace de la grace de Dieu qui estoit en luy, qu'il confundoit Simo le magicien, lequel en cesuy temps estoit moult renommé entre le peuple des Samaritains, tellement qu'ilz cuidoyent qu'il eust en luy grande vertu diuine. Mais quand il veit les signes & les miracles que Phi lippes faisoit, par la vertu de Dieu, sut tout estonné & espouenté: & luy differa, faignat de croire en Iesuschrist, tellement qu'il se sit baptiser: de laquelle chose on se doit bien esmerueiller: car au iour dhuy encores sont, comme luy, plusieurs, lesquelz vsans comme par heritage de la simulation & hipocrisse d'iceluy Simon, & instruictz de ses artz damnees, entrent en l'eglise frauduleusement & desrobét le baptesme: & apres maculét & infectent nos sainctz sacremens, tout ainsi que vne maladie contagieuse. Car leur parler venimeux entre comme le loup dedans les troppeaux: & par les morfures occultes de leurs parolles blessent de leur venin mor tel les poures ignorans, iusques à ce que la diligence des bons pasteurs reduit à la lumiere leurs cauteleuses & occultes infectios: ainsi que iceluy Simon attaint par l'industrie de sain& Pierre,receut la peine qu'il meritoit. Croissant adonc iournellement la pre dicatió de la parolle de Dieu, aduint, par diuine prouidéce, qu'vn preuost de la Royne d'Ethyopie (car par la coustume de ce pais, les femmes y regnoyet) s'en vint en Hierusalem pour rendre aucus veuz, auquel Philippes par admonestemet du sainct esprit enseigna le mistere de la foy & le baptisa (ce que n'auoit encores esté faict à aucun du peuple Gétil) si cosacra en iceluy les princes de toutes nations. Et si est oppinion de plusieurs que iceluy preuost estant retourné en son pais enseigna aux autres ses compatriotes la science de Dieu, ainsi qui l'auoit apprinse. Dont en luy fut accomplie la Prophetie qui dit : Ethiopie preuiendra enuers Dieuses mains. En ces entrefaictes, sainct Pol vaisseau d'election fut appelle à l'apostolar, non pas par humain ouuraige, mais par la reuelation, & par la voix propre de nostre redépteur Iesuschist, & de Dieu le pere, qui de mort à vie l'auoit resuscité.

Comment Thibere l'empereur fut par Pylate aduerty de Iesus Christ.

Chapitre 11.



N ce temps la, estant ia la voix & la renommee respandue en tous lieux des miracles de lesuschrist, de sa resurrection, & de son Ascension & l'opinion de celle chose peruenue aux oreilles de toutes gens (pour ce que c'estoit la coustume de ceulx qui lors gouvernoy ét & regissoy ét les Provinces pour l'empire Romain,

quand en leurs Prouinces aduenoit quelque chose de nouueau, d'en aduertir l'empereur ou le Senat, à fin que toutes choses leur fussent congneues: Pylate escriuit à Thibere l'empereur la voix commune qui estoit par toute sa prouince divulguee de la resurrection de lesu schrist, & pareillement de ses miracles: & coment depuis sa Resurrectió il estoit par plusieurs gets tenu pour Dieu. Laquelle chose Thibere relata & proposa au Senat: mais iceluy Senat n'en tint compte, pource(comme lon dit) que la choie ne luy auoit plustost esté signifiee, & qu'il ne luy sembla pas bien auoir garde sa reputatio, & que l'opinion vulgaire auoit preuenu son auctorité, pourtant que par leurs loix anciennes estoit dessendu qu'on ne receust aucun dieu, sinon ceulx qui par ordonnance du Senat seroyét tenuz & declarez telz. Mais à la verité, cela aduint par diuin coseil, à sin qu'il ne semblast que la vertu diuine eust besoing d'attestation humaine. Toutesfois quelque chose que feist le senat Thibere tint son opinion, & defendit que nul ne vint au contraire de la doctrine de Iesuschrist. Lesquelles choses, Tertulian homme moult sçauant des loix Romaines, & entre tous autres les Gentilz, nous tesmoigne, disant en telle ma niere: Et à fin que traictons quelque chose de la naissance de cecy:il y auoit vne loy ancienne à Romme, que nul dieu ne fust re ceu par les Empereurs, sans l'opinion & authorité du Senat, ainsi que Marcus Emilius seit de son dieu Albin. Et ce sert à nostre propos pour monstrer que la diuinité entre vous estoitiugee par la sentence des humains: & qu'il ne pouoit estre aucun dieu sinon celuy qui plairoit aux hommes. Et par ainsi estoit besoing que les hommes fussent aux dieux propices. re adoncques (foubz l'empire duquel le nom des Chrestiens entra au monde) estant aduerty de Syrie Palestine commét la di-

C iiij

uinité de Iesuschrist estoit en ce pais là reuelee, le relata au Senar, auec son opinion. Et combien que celuy Senat, pourtant qu'il ne l'auoit point approuué comme Dieu, le contemna: toutessois l'Empereur demoura en son opinion, & imposa grandes peines à ceulx qui les Chrestiens accuseroyent.

Comment en peu de temps la predication de Iesuschrist fut semee par tout le monde.

Chapitre 111.

A Q V E L L E chose certainement aduint par divine providence, à sin que la loy euange lique en celuy comencemet, peust courir par toutes terres sans aucun empeschemet, dont il aduint que soubdainemet la loy Chrestienne (comme vne lumiere mostree des cieulx, ou vn ray de Soleil qui appert en vn instat en

tous lieux)fut respandue par tout le monde, à fin que la prophetie fust accomplie, qui dit: Leur son est yssu en toutes terres : c'est le son des euangelistes & des apostres tant seulement, & iusques aux extremitez de la terre seront entendues leurs parolles. Dont il aduenoit que par toutes villes & citez, gens l'assembloyent aux eglises sicomme le bled au téps de moissons s'assemble aux gran ges. Et tous ceulx qui estoyent par l'enseignement de leurs ancestres enserrez de supérsticieuse religion, par la doctrine de Iesuschrist, & pour les grans miracles qu'ilz veoyent (ayant, la cognoissance du vray Dieu) comme deliurez de la seruitude des dieux tiranniques, se retournoyent à vn seul Dieu createur de toutes cho ses, en confessant leurs anciennes erreurs, & d'icelles ayant repentance. Estant adoncques la foy & la parolle de Dieu diuulguee & respandue par tout, & mesmes entre les Payens & gentilz: Cornelius centurion fut le premier d'entre eulx qui en la cité de Cesaree (laquelle est l'vne des principalles de Sirie) receut le baptesme, & la foy par fainct Pierre l'apostre. Et le semblable feirent apres plu sieurs autres en la cité d'Antioche par la doctrine & predication des disciples, qui auoyent esté dispersez par la sedition qui fut leuee contre sainct Estienne, dont dessus a esté faict mention. Par lesquelz en icelle cité d'Antioche se dressa vne tressorissante egli se, en laquelle estoyent plusieurs de l'ordre prophetique & auecques eulx sainct Barnabé, & sainct Pol. Lesquelz estant en telle maniere là assemblez, & perseuerans en la grace de Dieu, tous d'vn accord, commencerent iceulx disciples estre appellez chrestiens: tout ainsi que le nó des sleuues se prent d'vne sontaine per petuelle. Auquel temps, vn nommé Agabus, qui estoit l'vn des prophetes, predict & denoncea par reuelation diuine vne grande samine qui debuoit aduenir: au temps de laquelle sainct Pol & sainct Barnabé surent enuoyez par les autres freres en Hierusalem pour secourir les disciples qui là estoyent en necessité.

Comment apres Thibere, Gaius Cesar constitua Agrippe roy de Iudee, ayant enuoyé Herodes en exil perpetuel.

Chapitre IIII.



N ce mesme téps, Thibere l'empereur apres ce qu'il eut regné enuiron vingtdeux ans alla de vie à trespas, & luy succeda Gaius, lequel in continent donna la principaulté de Iudee à Agrippe, auecques Philippe & Lisanie Tetrarques, & enuoya Herodes qui auoit faict mourir sainct Iehan baptiste, & estoit entrenu à la

passion de nostre Seigneur, en exil perpetuel. Apres qu'il eut este par diuers moyens tormenté, ainsi que Iosephus au liure que des sus, resmoigne.

Comment Philo accepta l'ambassade pour les Iuifx enuers Gaius.

Chapitre v.



N celuy temps estoit en moult grand' estime Philo, entre tous les clercz & escriueurs: car on le reputoit le premier entre les plus grans en Philosophie, aant des Grecz que des Latins. Ses predecesseurs auoyent esté Iuifz: & il estoit en Alexandrie tenu le plus honnorable home de laville, & le plus noble. Et nous est as

sez apparu par les liures & traictez qu'il a coposez, cobien il valoit en la saicte escripture, & es paternelles institutios. Car lon ne pour roit exprimer la prosonde intelligence qu'il eut en tous les artz liberaulx, & en Philosophie: mesmement en la secte & doctrine Platonique & Pitagorique: esquelles il surmontoit presque tous ceulx qui deuant luy auoyent esté, & que de son temps estoyent.

Et entre autres ses traictez, il a en cinq liures recité & raconté les grands maulx,& les griefues persecutiós que les Iuifz souffrirent soubz l'empire de Caius: & aussi de la folie, & forcenerie d'iceluy Caius, qui fut si grade, qu'il se voulut faire comme Dieu appeller. Et s'il descrit esdictz liures qu'il feit des Iuifz, comét il entreprint d'aller à Rome en ambassade pour les Iuifz ses compatriotes: & comment en harenguant & proposant en toute elegan ce pour les loix de leurs peres & Ancestres, il n'en rapporta autre chose, fors irrision, & si fut en grand dangier de sa vie. Desquelles choses aussi faict mention I osephus au dixhuictiesme liure de ses antiquitez, ou il recite pareillement aucunes autres choses à ce propos. Et mesmemét come estant grande question & seditió esmeute en Alexadrie entre les Grecz & les Iuifz, furet de chacu co sté enuoyez trois ambassadeurs à Caius l'épereur: & entre ceulx des Grecz en y eut vn nomé Appio, lequel auec plusieurs autres choses, dont il chargeoit les luifz, les imputoit grandement qu'il ne faisoyent point à l'empereur l'honneur qu'il deuoyent:ce que luy faisoyent toutes les autres nations subjectes à l'empire Romain: pourtant qu'ilz ne luy faisoyent ne autelz ne temples, ne autres telz diuins honneurs, comme faisoyent les autres peuples susdictz, ains eulx seulz ne receuoyent point ses statues & ymaiges:& n'obseruoyent point le sacremet de son nom. Et apres qu'il eut proposé moult diffusement les choses susdictes, & autres plufieurs (par lesquelles bien luy sembloit auoir prouoqué Caius con tre les Iuifz) Philo qui pour eulx estoit venu, homme magnifique & grand Philosophe, frere d'Alexandre à la barche, respondit pour les Iuifz,& reiecta & confuta gaillardement tous les ob iectz qu'on leur auoit faictz. Mais Caius le rebouta & luy commanda qu'il se deust incontinent oster de sa presence. Et tellement entra en ire & courroux contre luy, qu'il pourpensoit quel oultraige luy pourroit faire. Toutesfois luy estat ainsi chasse iniurieusement, dist aux autres Iuisz qui estoyent auec luy, il nous conuient auoir bon courage, puis que l'empereur est courroucé contre nous: car la ou secours humain fault, il convient se recourir à celuy de Dieu. En telle maniere parle Iosephus. Mais iceluy Philo au liure qu'il a escript de sa legation, raconte tout ce qu'il feit en icelle: dont le reciteray tant seulement les choses par lesquelles il peut euidemment apparoir commet Dieu exercea lors sa végeance contre les suifz, pour la cruaulté qu'ilz auoyent com mise contre nostre sauueur.


Combien de griefz maulx suruindrent sur les Iuifz, depuis la temerité & cruauté, qu'ilz vserent en crucifiant Iesus Christ. Chapitre v1.

REMİEREMENT il recite come du temps de Thibere Cesar, à Rome vn nomme Iulian, qui auoit grande auctorité enuers iceluy Empereur, s'esforcea de son pouoir de faire estaindre, & occir toute la generation des Iuifz. Et d'autre costé en Iudee, Pilate, soubz lequel ilz auoyent commis le facrilege

contre le redempteur, voulans prophaner leur temple, qui encores estoit en son entier, leur feit de gras troubles. Et apres la mort de Thibere, il recite que celuy qui luy succeda, leur sut moult dur & aspre, come aussi il fut à plusieurs autres prouinces: ce que l'on ne peut promptement entendre, par ce qu'il en dit en la maniere qui l'ensuit: En Caius, dit il, estoit vne grande mauuaistie, de laquelle il vsoit enuers toutes gens, mais principalement contre les Iuifz. Car il commanda par vne cruaulté specialle, que les sainctz lieux qu'ilz auoyent pour sacrisser fussent saccagez& prophanez, commençant en Alexandrie: & que ses statues & imaiges y fussent assises contre leurs loix & leur religion. Et qui plus est, le temple de la saincte cité (lequel seul auoit toussours esté preserué iusques à celle heure & estoit le recours & la ressource de tous les Iuifz ordonné par leurs anciens) il entreprint de changer en vn temple de son nom, & qu'il fust appelle le temple de Iuppiter le tresnoble dieu nouueau Caius. Et oultre ce,ledict Philo au second liure qu'il a faict des vertuz, recite autres plusieurs & innumerables maulx & persecutions que Caius feit aux luifz, qui excedent toute narration tragedique. A quoy l'accorde assez ce qu'a escrit Iosephus au second liure de la guerre des luifz, parlant des maulx que iceulx luifz souffrirent soubz le gouvernement de Pilate, pour le peché qu'ilz commirent contre nostre Sauueur, dit en la maniere qui l'ensuit: Celuy que Thibere auoit enuoyé procureur en Iudec nommé Pilate, feit par nuict apporter dedans la cité de Hierusalem les images & statues de l'Empereur, & les asseoir dont tous les Iuifz venans le iour, quand ilz veirent celle nouuelle cho se & inusitee, surent moult troublez & esbahiz : Car bien leur fembloit par cela que leurs loix est oyent deprisees & corrumpues, ensemble les traditions & enseignemens de leurs ancestres, par

lesquelz estoit prohibé de ne mettre dedans la cité aucune telle image. Mais ce fut sans faillir la vengeance soubdaine de la confession & recongnoissance qu'ilz auoyent faict quandilz crierét tous ensemble (ainsi que dit le texte de l'euangile) Nous n'auous roy, fors Cefar. Successivement celuy mesme Tosephus racompte vne autre vengeance qui fut exercee sur eulx, disant ainsi: Apres ces choses, leur aduint vne autre grande perturbation, pourtant qu'ilz veiret que l'argent du tresor du temple nommé Corbonas, qui estoit deputé aux vsaiges d'iceluy, tant seulement sut emploié à faire des conduictz pour amener l'eave en la cité de trois cens stades loing de là, dont tout le peuple fut esmeu & indigné. Et estant Pilate en la cité, ilz oserent bien venir crier à luy, & le trauailler de parolles. Mais luy qui auoit preueu leur sedition & mutinement, auoit commandé à ses souldars qu'ilz se messassent entre ce peuple en habit de paisans, ayas leurs glaiues mussez soubz leurs robes: & quand il leur feroit signe, frappassent sur les criars, non pas de glaiues, mais de bastons. Quand donc il luy sembla estre temps, il leur feit, de son tribunal, le signe, & eulx commencerent à frapper sur ce peuple, & le battre & prosterner, dont plusieurs en y eut de morts, tant de coups qu'ilz receurent, comme aussi de la presse qu'ilz se faisoyét les vns aux autres en s'en fuyat. Les autres l'enfuyrent ça & la, & dissimuloyent leur douleur & maltalent par filéce, pour la paour qu'ilz auoyent à cause de ceulx qui estoyent morts. Plusieurs autres meschiefz leur aduindrent en ladicte cité, pour raison des seditions & mutineries qu'ilz recommencovent iournellement, ainsi que ledict historien tesmoigne, faisant apparoir que depuis qu'ilz commirent si detestable sacrilege contre I esuschrist, iamais ne cesserent d'auoir furieuses mu tineries, guerres & occisions, iusques à ce qu'au temps de Vespasian leur vint le dernier & le mortel meschief quand ilz furent as siegez.

Comment Pilate außi se condemna soymesme d mort. Chapitre VII.



si grief peché eschapast sans punition. Et cecy auons trouué au li ure des Grecz, c'est à sçauoir de ceulx qui escryuét les Olympiades, & les Annales & Gestes de tous quartiers.

De la famine qui aduint du temps de Claudius l'empereur.

Chapitre VIII.

Pres que Caius cut regné peu moins de quatre ans antiers, luy succeda apres sa mort Claudius, soubz l'empire duquel il y eut vne grande sa mine quasi vniuerselle par tout le monde. Laquelle toutessois long temps auant par noz pro phetes auoit esté prenoncee, ainsi qu'il est contenu aux Actes des apostres, ou il est recité qu'Agabus vn des prophetes auoit prophetizé qu'au temps de Claudius seroit vne grande samine. Et dit saince Luc en apres que les freres qui estoyent en Antioche, enuoyeret par Paul & par Barnabé chacun ce qu'il peut en Hierusalem pour la sustention des saincetz qui là habitoyent.

Le martyre de sain & Iaques l'apostre.

Chapitre Ix.

N celuy mesme teps que la famine estoit soubz l'empire de Claudius, Herodes mist la main pour afsliger aucuns de l'eglise: & occist par glaiue sainct Iaques frere de sainct Iehan, comme il est dict aux Actes des apostres. De cestuy sainct

Iar les, Clement Alexandrin a escrit vne histoire digne de meroire au septiesme liure de ses disputations, laquelle estoit venue iusques à sa cognoissance, combien que par les anciens eust esté faicte, & dit en ceste maniere: Et pource que celuy qui auoit mené Iaques au iuge pour estre martirizé: meu de conscience, confessa qu'il estoit aussi Chrestien. Ilz surent tous deux menez à la mort. & en allant ensemble, il pria Iaques qu'il suy voul sist pardonner. Lequel apres qu'il eut vn peu pensé, luy dit: La paix soit auecques toy, & le baisa: & tatost apres surent tous deux decapitez.

Comment Agrippe & Herodes qui persecuterent les Chrestiens, sentirent incontinent sur eulx la vengeance de Dieu.

Chapitre x.



T voyant Herodes (dit Clement) que les Iuifz estoyent ioyeulx de ce qu'il auoit faict mourir sainct Iaques, ainsi que lon lict aux Actes des apostres, trouua maniere de prendre sainct Pierre: lequel sans doubte eut pareillemet saict mourir, s'il n'eust eu secours de Dieu, qui luy enuoya son ange par nuict

en la prison : lequel le deliura, & luy comanda aller paracheuer le mistere de sa predication. Mais apres ces choses saictes ne tarda gueres qu'Herodes sentit la vengeance de Dieu, pour le peché qu'il auoit commis contre les apostres, ainsi que l'histoire mesmes des Actes d'iceulx apostres nous tesmoigne, disant en ceste maniere: Estant Herodes descendu en Cesaree, en vn iour solennel, habillé d'vn riche habillement, ainsi qu'il harengoit au peuple, seant en son siege Royal: & que le peuple à haulte voix le glo rifioit & exaulçoit, non pas comme homme, mais comme Dieu, incontinent fut frappé par l'ange du ciel: pource qu'il n'auoit pas à Dieu rendu la gloire: & tantot apres iettant par son corps, vermine de tous costez, rendit l'esprit. Or est chôse miraculeuse de veoir vne si grande consonance entre la saincle escriture, & l'historien du peuple mesme des Iuifz. Lequel au dixneusiesme liure de ses Antiquitez, parlant de cela mesmes dit en ceste maniere: Herodes auoit accomply la troissesme annee de son empi re de toute Iudee, lors qu'il vint par fortune en la cité de Cesaree (laquelle au parauant l'appelloit Pigostrationis) auquel lieu il feit faire des ieux en l'honneur de l'Empereur, vn certain iour so lennel, qui estoit dedié en l'honneur d'iceluy Empereur. Et pour iceulx veoir, estans illec assemblez, tous les plus honnorables,& les plus riches hommes de la prouince, le second iour desdictz ieux s'en vint au theatre, habillé d'vne robe tissue par merueilleux art d'or & d'argent, tellement que tout resplendissoit. Et deslors que le soleil sut leué, & qu'il ietta ses rayes, la reuerberation d'iceulx, faisoit la robe reluire au double : tellement que ceulx qui la regardoyent, ne pouuoyent endurer celle grande clarte: parquoy sembloit qu'il y eut quelque chose plus grande

que d'ouurage humain. Et lors le peuple par adulation comença à ietter grans criz en l'honneur d'iceluy, qui luy redonda à perdition. Car ainsi que les gens à haulte voix l'appelloyet Dieu, & supplioyent qui leur fust propice, disans, que iusques à celle heure l'auoyent tenu pour homme, mais lors cognoissoyét qu'il auoit en luy quelque maiesté plusgrade qu'humanité. Il s'en glo rifia sansreietter celle vaine clameur, & n'eut aucune abomination d'vne si grande temerité, iusques à ce que tatost apres il veit l'ange de Dieu venir contre luy, & menasser son chef. Lequel incontinent le sentit ministre de sa mort, là ou il auoit au parauant cogneu son pouruoyeur de tous biens. Si sentit soudainemetvne horrible douleur au vetre & vne enflure insupportable. Lors s'en retourna deuers ses gens: si leur dit en telle maniere: Or voyez ce luy qui maintenant vous appelliez vostre dieu s'en va soudainement mourir, pourtant que la vertu diuine veult corriger les vai nes & faulses voix que le peuple iettoit de moy. Et là ou ilz me disoyent immoitel, tout maintenant il me fault perdre la vie. Mais il conuient endurer la sentéce de Dieu:car nous auons vescu en assez grande dignité, & assez longuement, qui est la feli cité que les gens estimét en ce monde. Ces parolles dictes estant de plus en plus pressé de la douleur, fut diligément porté au palais. Et apres qu'il fut diuulgué par le peuple qu'il estoit prochain à la mort, s'assembla grade multitude de gens de tous aages, tat d'hômes q de femmes, lesquelz tous reuestuz de haires (en la ma niere du pais)faisoyét priere à Dieu pour la sante du Roy. Et pa reillemet to' ceulx de sa maison estoyet en souspirs & en larmes; dot luy qui estoit au plushault du palais couché regardat en bas, & voyat ce peuple plorat prosterné en terre, ne se pouoit tenir de plorer pareillemet. Mais aps qu'il eut enduré celle douleur de vé tre cinq iours entiers, par laviolèce de la maladie rédit l'esprit à la ciquatequatriesme anee de son aage qui estoit la septiesme de só regne. Car il auoit regné quatre anssoubz Caius Cesar: dot les trois il auoit obtenu la tetrarchie de Philippe: & le quatriesme obtint celle de Herodes. Les autres trois annees il regna soubz l'empire de Claudius. Si me suis esmerueillé comment l'histoire de Iosephus se soit en cecy du tout acordee auec la saincte escriture, com ment elle faict en plusieurs autres passaiges. Et ny a differece fors au seul nom du roy. Car le temps, le cas qui aduint, & toutes les autres choses monstrét que c'estoit une mesme personne. Et pour roit estre que iceluy roy eut deux noms; comment auoyent plu-

sieurs autres du peuple Iudaique: Dont de l'vn a vsé sainct Luc, & de l'autre Iosephus. Et pource que sainct Luc pareillement aux Actes des apostres, faict mentio & recite coment Gamaliel estant au conseil des Iuisz lors qu'il deliberoyent du faict des apostres, en ce mesme temps leur remonstra commét au parauant s'estoit mitz chez vn certain Magicie nomé Theodas, lequel auoit esté dessaict: & tous ceulx qui l'ensuyuoyent dispersez. Il sert à nostre propos d'entédre ce que Iosephus recite au mesme lieu de cecy.

De Helene royne des Adiaheniens.

Chapitre XI.



PRES, le mesme historien faisant mention de la famine qui fut au téps de l'épereur Claudius, dit en telle maniere: Auquel temps vne royne nommee Helene qui auoit achapté en Egypte du forment pourvne grande somme d'argét, le feit porter en Hierusalé & là le distribua aux poures. Or qui pourroit estre plus co-

fonant que cecy qui est escrit aux actes des apostres, ou il est dit, que les disciples qui estoyent en Anthioche, enuoyerent chascun selon sa faculté du formét en Hierusalem par sainct Pol & sainct Barnabé pour estre distribué & dispersé par les prebstres entre les sainctz disciples qui là habitoyent. Et de celle Helene dont parle l'historien, lon voit encores au iourdhuy le sepulchre empres la porte de Hierusalem, & dit on qu'elle regna en la Cité des Adiabeniens.

Comment Theoda Magicien auoit seduit le peuple.

Chapitre XII.

V temps que Fadus estoit procureur en Iudee, vn certain Magicien & seducteur nommé Theo das, persuada au menu peuple de prendre tous les biens meubles qu'ilz auoyent aux villes & les me na à la riue du sleuue Iourdain soy disant prophe

te: & que par parolles il feroit separer l'eaue d'iceluy sleuue, tellement qu'on y pourroit passer. Soubz lesquelles parolles & promesses il amusa plusieurs gens: mais Fadus ne luy permist pas lon guement perseuerer en sa folie, ains enuoya contre luy vne com paignie de ses gens à cheual, qui les assaillirent au despourueu &

plu.

plusieurs en occirent,& les autres amenerent tous prisonniers:& si porterent la teste diceluy Theodas en Hierusalem.

De Symon Magicien.

Chapitre XIII.



N ce temps, comme la foy de nostre Redem pteur Iesuschist se multiplioit & que la religion Chrestienne croissoit de iour en iour, l'ennemy d'humaine nature ne seiourna pas, ains vint en la cité de Rome, qui estoit chief de toutes les autres: & y seit venir Symon le Magicié, duquel auos parsé dessus. Et moyé-

nant l'aide qu'il faisoit à iceluy Simon, & à ses ars detestables, il tira beaucoup de gens en son erreur. Lesquelles choses vn noble historien Chrestien, qui fut tantost apres le temps des apostres, nommé Iustin, nous telmoigne (duquel ferons mention cy apres en autres passages) iceluy adoncques en son Apologie qu'il escriuit pour nostre foy à l'empereur Anthonin, & dit ce que s'ensuit: Apres l'ascension de nostre Seigneur aucuns hommes, instiguez par les diables, se disoyet estre dieux, lesquelz nous dechasfasmes. Mais il en y eut vn nomme Simon, qui estoit Samaritain, d'vn village nommé Gittho, lequel soubz l'empire de Claudius Cesar, estant remply d'art magique, auec l'aide des diables, se fai soit leuer en l'air, tellement qu'en vostre cité (qui est le chef de toutes les autres) ayant plusieurs gens deceuz par ses fantasmes, fut receu & reputé comme Dieu. Et fut son image & statue assise sur le Tibre, entre les deux pontz: à fin qu'elle fust de tous adoree comme vn dieu. Et auoit son tiltre escrit en telle substance: Au sainct Dieu Simon: lequel presque tous les Samaritains, & plusieurs ges d'autre natio, adoroyét & recognoissoyét come sou uerain Dieu. Et dauantage consacrerent auec luy, comme sa pre miere pensee & son ame, vne femme nommee Selene, qui estoit sa compaigne en son erreur, & en ses deceptions, laquelle au parauant auoit esté au bordeau publique en la cité de Tyre, au pais de Phenice. Cecy dit Iustin. Aquoy moult bien s'accorde ce que dit Hyrenee au premier liure qu'il a escrit contre les Hereses, au quel il declaire amplement quel home fut iceluy Simon, & quel les furent ses œuures, & ses doctrines, plaines de mauuaistié & de erreur. Les parolles duquel est couenable inserer icy: cobien q qui

Le premier liure

vouldra sçauoir plus à plain & par le menu d'iceluy Simo, & d'au tres qui furent autheurs de plusieurs hereses,& de faulses doctrines, le trouuera plus à plain declairé es liures dudict Hyrenee. Le chefadonc de toute mauuaistié, & le commencemet de tou te heresie, ainsi qu'auons entendu, sut celuy Simon. Les disciples duquel iusques au iour present, faignans ensuyure la vraye philo sophie des Chrestiens (pourtant qu'ilz la veoyent estre estimee merueilleuse de toutes gens pour la chasteté d'iceulx Chrestiens, & pour la saincteté de leur vie qu'elle commade) reuiennent par effect à la superstition d'idolatrie, qu'ilz seignent auoir laisse. Carilz adorent l'image de Simon, & de celle femme Selene, qui fut sa compaigne en son peché & en son ordure (ainsi qu'auons dit)& icelles images encesent & leur font sacrifice. Mais encores font ilz de pires choses, & plus execrables: car ilz disent sçauoir au cunes parolles ineffables, lesquelles incontinent que quelcun les oit, il vient hors de son sens. Et comme s'il estoit par la vertu des parolles surprins, demeure estonné, tellement qu'il pert l'entendement. Pour raison dequoy, ilz disent qu'il est impossible d'escrire, ne de proferer lesdictes parolles. Et font entendre à ceulx à qui ilz les disent par grande reuerence, qu'il est ainsi. Mais à la verité les parolles sont de telle sorte, si deshonnestes & infames, que toutes gens chastes & bien viuans, auroyent horreur de les ouir: car elles sont plus ordes & plus sales, que toutes autres que lon pourroit imaginer. A ceste cause, ilz les reservent à eulx com me chose mistique & sacramentale. Et par ceste maniere decoyuent & trompent les poures femmes chargees de pechez, comme dit l'Apostre. C'est homme adoncques pere & autheur de telz maulx, Simon, par solicitation du diable, fut auec ses satellites mené à Rome pour resister aux chapions & apostres que nostre Redempteur y auoit enuoyé à fin de manifester sa foy. Mais la grace diuine n'abandone jamais les siens, mesmemet en bataille dangereuse ains estaint la flambe allumee de l'ennemy soudainemet elle destruit toute chose qui se veult exalter cotre la scien ce de Dieu, qui fut la cause pourquoy, ne Simon ne autre qui en ce temps voulsist cobatre & contendre cotre les apostres, ne peut obtenir victoire:pourtant que la lumiere de verité, & la clarté de la parolle de Dieu (qui l'estoit apparu peu de temps auat pour le salut des hommes) en reiettant l'obscurité de mensonge, par le moyen de ses apostres, chassoit les tenebres d'ignorace, du cueur des hommes: dont iceluy Simon Magicien obfusqué de la clarté

de la vraye lumière incontinent deuint aueugle de son corropu entendemét car desia au parauant estat confondu par sainct Pier re l'apostre, au pais de Iudee, des crimes qu'il commettoit s'en estoit souy iusques oultre la mer, & venu d'Oriétiusques en Occi dent, no ayant autre esperace de se sauuer, sinon pour s'en fouir. Lequel estat arriué à Rome par puissance de la vertu diabolique, que lon appelle Paredron, dedans peu de téps prossita tant en son mal faire, qu'il luy sut erigé par le peuple Romain, image & statue, & en icelle sut adoré comme Dieu.

De-la predication de sain & Pierre l'apostre en la cité de Rome.

Chapitre XIIII.

A I S la divinité qui par fraude est acquise, ne peut pas longuement durer. A ceste cause la divine clemence incontinent du téps mesme de Claudius l'empereur, pour confondre celle peste commune & mortelle à tout l'hu main lignage, enuoya à la cité de Rome, le prince de ses apostres: tant par magnisicence

& fureur de foy, que par merite devertus, sainct Pierre, qui moult bien scauoit mener la guerre de Dieu & conduire l'armee de vertus. Iceluy vint des parties d'Orient, comme bon & loyal mar chant, portant danrees & marchandises des cieulx, pour les distribuer à tous ceulx qui achapter les vouldroyent. Et fut le pre mier qui en la cité de Rome prescha la parolle de Dieu: & qui auec les clesz de son euangile, ouurit la porte de paradis.

De l'euangile de sainct Marc.

Chapitre xv.

STANT adonc en la cité de Rome, apparut la lumiere du verbe diuin, & les tenebres de Simon, auec leur autheur, furent chaf fees: & le fermon de fainct Pierre qui prefchoit la verité, fut à tous plaisant à ouir: telleme nt qu'ilz ne se pouoyent saouler de l'efcouter tous les iours. Si ne furent pas contens

de l'auoir ouy seulement, mais prierent saince Marc, qui son disciple estoit, que ce que saince Pierre leur disoit de bouche, il leur voulsist rediger par escrit: à fin d'en auoir perpetuelle memoire: & qu'ilz y peussent penser & mediter estans

en leurs maisons, par tout ailleurs. Et ne cesserent de le prier, tant qu'ilz eurent ce qu'ilz demandoyent: qui fut la cause pour laquelle sut escrit l'euangile que nous lisons selon sainct Marc. Dont sainct Pierre par reuelation du sainct esprit estant aduerty, sut ioyeulx d'auoir esté desrobé par vn si religieux larrecin, considerant par cecy leur foy, leur religion. Si coserma ce que en auoit esté faict, commanda qu'iceluy euangile sust perpetuellement leu en l'eglise. Lesquelles choses auoir ainsi esté faictes, nous tesmoigne Clement au sixiesme liure de ses di sputations. Et cela conferme aussi Papias euesque de Hyerapoly, lequel dit encores, que sainct Pierre en sa premiere epistre canonique qu'il escriuit de la cité de Rome, faict mention desainct Marc, appellat par sigure en similitude, icelle cité de Rome Babylone, quand il dit: L'eglise qui est esseue en Babylone vous salue, aussi sainct Marc mon silz.

Comment sainct Marc sui le premier qui prescha la loy de Iesuschrist en Egypte.

Chapitre XVI.

CELVY sainct Marc, ainsi que lon dit, sur le premier qui alla en Egypte, & illec prescha l'euangile qu'il auoit composé: & costitua la premiere eglise en la cité d'Alexandrie. Et dit on, que la multitude des hommes & des femmes qui d'arriuee à sa predicatio s'assemble ment, à l'exemple de sa grande sobrieté &

continence: & que leur conuersation, leur vie pleine d'abstinence & de frugalite, & leurs conuix decorez de toute honnesteté & so brieté, surent à perpetuelle memoire redigez en escrit par Philo, qui fut l'vn des plus disertz & elegans escriueurs de celuy temps. Lequel, comme nous trouuons, vint à Rome du temps de Claudius empereur, & la ouit la predication de sainct Pierre, & parla auec luy, qui est fort vray semblable, pour autant que son es criture, dont auons cy dessus parlé, sans doubte sut saicte depuis ce temps. En laquelle il comprent toutes les ordonnances de l'eglise qui furent lors saictes, & qu'auiourdhuy encores sont obser uees. Et si escrit tout au long la vie, & l'abstinence de ceulx tant seulement qui resident aux eglises & monasteres. Dont il appert clerement qu'il sçauoit, no pas tant seulement noz affaires & ma

niere de viure, mais qu'il les ensuyuoit: pour tant qui loue grandement les personnages Apostoliques de son temps, qui estoyét, par ce que lon peut entédre, de la nation des Iuisz. Car il est tout certain que ceulx du peuple Israelite, qui creurent du temps des apostres en nostre soy, gardoyent encores les cerimonies & les misteres de la loy Iudaique.

Ce que Philo escrit des Abstinences qui estoyent en Egipte. Chapitre XVII.

CELVY Philo adoncques escriuat au liure qu'il a faict de la vie theorique, c'est à dire co templatiue, ou le liure des Tormés, n'y a riens adiousté du sien ne d'alleurs. Mais au premier lieu dit que les hommes d'entre eulx s'appelloyent cultiueurs, & les femmes cultiueresses,

c'est àdire, laboureurs & laboureresses. Lequel nom leur estoit at tribué pour raison de ce que les ames de ceulx qui à eulx s'addressoyent, qui estoyent incultes, sauuages & en friche, ilz cultiuoyent & labouroyent:ou pourtant qu'ilz perseueroyent au cul te diuin en pure & entiere coscience. Et ne peult chaloir si ledict autheut leur imposa ce nom: ou si parauéture du commencemét auant ceulx qui viuoyent selon l'euangile, fussent en tous lieux appellez Chresties: puis qu'il appert par les effectz, que c'estoyét ceulx qui gardoyent nostre foy & la loy. Et premierement dit, que ceulx qui l'addonnoyent à celle philosophie, renonçoyent à tous leurs biens, & les remettoyent à ceulx qu'ilz appartenoyent. Apres qu'ilz laissoyent toutes les solicitudes, & tout le pésement de la vie mondaine, sort oyent des citez, & alloyent habiter en petiz iardins, ou petites maisonnettes: & ne receuoyent point auecques eulx gens qui ne fussent de leur consorce, & qui ne vesquissent comme eulx, sçachans que c'estoit vn grand empeschement à ceulx qui vouloyét mener cestevie si austere & difficile, laquelle menoyent du commencement ceulx qui par grande fer ueur de foy croyoyent à l'euangile. Ainsi nous lisons euidammét aux Actes des apostres, ou il estidit, que tous ceulx qui croyoyent, vendoyent leurs biens & possessions, & l'argent iettoyent aux piedz des apostres. Lesquelz en departoyent à vn chacun selon sa necessité, tellement qu'il n'y auoit entre eulx nul poure. Pourtant adoncques que Philo descrit que ceulx qui estoyent en Alexandrie, menoyent semblable vie, que ceulx qui estoyent en

D iii

Hierusalem, de nostre creance, il est à croire que vne mesme forme & ordonnance de viure signifie sans douter, qu'ilz estoyent d'vne mesme secte, & religion. Et oultre ce, son liure dont nous auons parle, commence par telles parolles: En plusieurs parties de ce mode est une semblable manière de ges. Aussi estoit il necessaire que toute Grece sust participant de ce bien parsaict, & aussi toutes les nations Barbares. Mais en Egypte est la plus grande a bondance, pourtant qu'il en ya par toutes villes, mesmement au tour D'alexandrie. Cartous les plus gens de bien desdictz lieux venoyent à ces laboureurs icy diligemment & à grand ioye, comme s'ilz allassent à vne terre moult fertile. Or y auoit il vne contree plus conuenable à Philosophie que à semer blez, qui estoit assisse sur vn lac nommé Marie, pleine de petitz costaulx ou montaignetes qui estoyét conuenables, & pour la force & pour le bon air. Et apres qu'il a parle de leurs habitations & de leur tugures de quelle forme ilz estoyent tous,& comme ilz estoyent assis, il parle aussi des Eglises qu'ilz ont en la maniere qui s'ensuit: Or y a en ch iscun desdictz lieux vne maison consacree pour orer, qu'ilz appellent Semmon ou Monastere, & peut Semmon en Grec, signifier en nostre langage comme affemblee d'honnestes gens: à laquelle maison soy retirant (dit il) celebroyent aucuns Misteres de vie chaste & honneste, sans illec porter aucune chose qui appartint ne à boire ne à méger, ne à autre necessité humaine, mais seulemet les liures de la Loy, les volumes des Prophetes, les Him nes à la louenge de Dieu,& autres telles choses. Ét en la sciéce & intelligence d'iceulx s'exercitoyent pour paruenir à la vie parfaicte. Et encores vn peu plus bas il dit, Que tant que duroit le iour depuis le matin iusques au soir ilz employoyét à estudier esdictz liures, par le moyen & intelligence desquelz, ilz viennent à la cognoissance de la Prophetie diuine, en reduisant les loix des Pe res au sens allegorique, pourtat qu'ilz estiment que les choses qui sont escriptes en la settre de la loy, sont figure & ymage de quelque hault & occulte mistere. Ilz ont aussi aucunes disputations & interpretations de leurs anciens, qui ont esté autheurs de celle mesme secte: lesquelz leur ont par leurs liures & traictez, baillé & laissé la forme d'entendre les escritures par sens Allegorique en plusieurs passaiges: desquelz ilz ensuyuent la doctrine & les enseignemens, comme de bonnes guides, pour leur monstrer le chemin:& cecy sanspoint de doute, a dit Philo de la doctrine euangelique des apostres, & de leurs escriptz: par lesquelz ilz ont



enseigné comment la loy du vieil testament se doibt entendre. Apres il dit encores vn peu plus bas, comment ilz font des pseau mes nouueaulx, parlant entelle maniere: Et ne se estudient pas feulement (dit il) à entendre les himnes anciennes subtillement: mais en font encores des nouueaux, qui sont à l'honeur de Dieu, en vers & en chant affez melodieux. Il dit au surplus autres plusieurs choses que noz gens font aux eglises ou aux monasteres. Mais il nous convient diligenter de raconter seulement cela qui concerne proprement à la forme ecclesiastique, & par quoy lon pourra plus manischement cognoistre que cela qu'il a escript, concerne l'eglise. Il dit adonc en telle maniere : ilz colloquent & mettent en premier lieu en leur cueur, & en leur entendement, la continence, comme vn certain fondement: fur lequel ilz vont edifiant les autresvertuz. Iln'y a celuy d'eulx qui boiue, ne menge auant le Soleil couché: car le iour ilz l'employent à leur philoso phie, & la nuit au solaigement de leurs corps. Et aucuns en ya qui demeurent trois iours fans venir menger auecles autres: & comme plus affamez de l'estude. Car ceulx qui desia couersent & sont paruenuz à l'intelligence plus parfaicte des escritures, & en l'erudition de sapience, comme couvoiteux de viandes plantureuses, ne se peuvent souler: & en les regardant en sont tousiours plus ardentz, tellement que le quatriesme, & cinqiesme iour, & iusques au fixiesme, ne viennent manger: & si ne viennent, non pas pour desir qu'ilz en ayent:mais par necessité. Lesquelles choses, n'est à doubter que Philo aye dit d'autres que de noz gens, & de leur forme de viure. Et s'il y a quelcun encores qui en foit en dou te, nous mettrons en auant d'abondant autres ses ditz : Que nul tant soit infidele ne pourra adapter à autres, que aux Chrestiens. Car il dit ainsi: Auec les Hommes (dont auős parlé) il y a des fem mes, entre lesquelles en ya plusieurs desia vielles, qui encores ont gardé leur virginité, non pas par aucune necessité: mais par deuo tion, foy voulant confacter, non pas de cueur tant seulement: mais encores de corps, aux estudes de sapience. Car il leur semble chose laide & mal seante d'abandonner à charnelle volupte le vaisseau qui est dedié & preparé pour receuoir sapience, & d'enfanter corps humain à celles que le verbe diuin demade à son lict sainct & immaculé: dont il doibt sortir telle posterité que ne sera point subiecte à mort. Et si tu ne te contentes de cecy, escoute encores qu'il dit vn peu plus bas: Ilz ont (dit il) le traicté de leurs liures pl' pour en prédre le sens allegorique que autrement. Car ilz disent

D iiij

que toute loy est à la semblance de l'homme, dont la lettre, & ce que par icelle est exprimé, tient le lieu du corps: mais l'ame est le sens occulté spirituel & inuisible qui gist dedas. Lequel eulx pour l'enseignement de leurs anciens, le regardent, comme par vn mirouer:contemplent encores plus subtilement& plus haultement: & tirent des noms mesmes aucunes especes d'intelligence. Or qu'est il plus besoing d'adiouster ce qu'il escrit de leurs assemblees, & comme il ya lieu separé pour les hommes, & autre pour les femmes & comme ilz font les vigiles, ainsi que nous faisons: mesmement aux iours que lon celebre la Passion de nostre Seigneur, aufquelz nous auons accoustumé de veiller la nuict, & l'em ployer à ieuner & ouir les sainctes leços. Toutes lesquelles choses ledict Philo a dit à la mesme forme & par le mesme ordre que nous le faisons: & comet l'vn d'être les autres se lieue au meillieu de l'assemblee, qui commence le psalme en chant conuenable:& comment quandil a chanté vn verset, tous les autres luy respondent & comme ilz se prosternét en terre en ces iours là, ainsi que anciénemet l'on soloit faire. Il dit au surplus qu'il n'ya celuy qui mette vin à sa bouche pour taster, ne autrement, ne qui mange chair ains leur viade est pain, auec du sel & de l'isope: & leur boire est eaue. Et adiouste encores coment les prestres & les ministres, font & celebrent leur office: & qu'elle chose est le siegé epis copal, qui est sur tous les autres. Toutes lesquelles choses si quelcun veult plus amplement entendre, nous luy auons monstré la fonteine ou il les doit prendre, & le liure auquel ledict Philo a tissu & mis par ordre tout le comencemet de l'institution eccle siastique, & la naissance de la tradition apostolique & euagelique. Et si est ledict Philo tresaffluent & copieux en eloquece, parfond en sens, & tressubtil à l'interpretation & intelligéce de la saincte escriture: copieux en inuention, mais encores plus en eloquence: & nous a laissé plusieurs tesmoignages de son diuin engin.

Quelz liures de Philo sont paruenuz à nostre cognoissance.

Chapitre XVIII.



Remierement en procedant par ordre, il escriuit sur le liure de Genese, aucuns liures qu'il noma L'explanation figurale de la Loy. Et successiuement aucuns autres, contenans sans ordre, plusieurs questions de diuers chapitres, qu'il noma Les absolutions de Genese de & de Exode. Il y a aucuns autres ses liures

qui sont intitulez Des propositions, dont il en y a deux qui traictét d'agriculture, & deux, d'yuroignerie. Plusieurs autres se trou. uent des siens, nommez par diuers noms: Comme est celuy qui traicte pour quelle chose lon doit faire priere à Dieu:De la confusion des langues: de nature, & invention, & de ceulx qui se doyuent assembler pour enseigner: & qui est celuy qui est le vray heritier des choses diuines: & la diuision des egaulx, & des inegaulx: & des trois vertuz que descrit Moyse, auec les autres: & de ceulx que lon trouue en la saincte escripture auoir changé leur nom: & pour quelle cause cela a esté faict. Esquelz liures il recite auoir es crit le premier & le second liure des Testamentz. Lon treuue aussi vn sien liure qui est intitulé De la captiuité & de la vie du saige homme qui est consommé selon la parfaicte instice : & les loix naturelles : aussi des Gigantz: & de ce que ne se peut conuertir, pourtant qu'il est diuin : cinq liures de la vie de Moyse:& des songes qui viennent de Dieu. Toutes lesquelles choses il a presque escrit sur le Genese. Mais encores sur l'Exode il a escrit cinq liures des questions & solutions du Tabernacle de Dieu: des dix parolles de la Loy: Des choses qui se peuuét inserer soubz les dix commandemens: Des bestes qui sont deputees aux sacrifices, & des especes desdictz sacrifices: Des remuneratios qui sont promises en la loy aux bons: Et des maledictions qui sont donces aux mauuais. Et oultre ce, a singulieremét escrit de la prouiden ce diuine, & vne Apologie des l'uifz: & de la vie ciuile: Aussi vn autre qu'il adresse à Alexandre, lequel disoit, que les bestes brutes ont entendemét: Vn autre, Que tout homme qui peche, est serf: Et tout homme qui s'exerce en toute bonne operation est franc: & celuy de la vie theorique, ou des humbles, qui est celuy auquel il parle des gens apostoliques, dont nous auons dessus faict mention. Et finablement il met l'interpretation des nom Hebreux, que lon trouue en la loy & aux propheties. Iceluy au téps de Caius l'empereur, escriuit plusieurs choses de la cruauté & meschan ceté dudict Caius, qu'il intitula Ironiquement (c'est à dire par signification contraire, & comme par mocquerie) les liures de ver tu. Lequel ayant recité en la presence des senateurs, l'eurent en si grande admiration, qu'ilz iugerent ses œuures dignes d'estre mises en la librairie publique. En celuy téps, allant sainct Pol de Hie rusalem en diuerses provinces, iusques en Illirie, que nous appellons auiourduy Esclauonie, & preschant la parolle de Dieu, Clau dius empereur chassa les Iuifz de Rome: & lors Aquila & Priscilla

auec les autres Iuifz dechassez, vindrét en Asie, auec sainct Paul; qui là auoit commencé de fonder l'eglise, ainsi qu'il est escrit aux Actes des apostres.

De l'occision qui fut faiste des Iuifx en Hierusalem, le propre iour de Pasques, & apres.

Chapitre xIx.

Egnant encores l'Empereur Claudius, le iour de la folennité de Pasques il aduint vn si grand meschief en la Cité de Hierusale pour vne sedition & mutinerie qui se leua, que ceulx tant seulement qui furent oppressez au tour des portes du Temple, pour la grande presse qu'il y auoit en y eut de mors en uiron.xxx.mile.mais

oultre ce aduindrent à iceulx Iuifz plusieurs autres grais maulx; dont Iosephus faict mention en la maniere qui s'ensuit: Claudius (dit il) l'Empereur constitua Aggripe filz de Aggripe Roy des Iuifz,& ordonna Felix procureur de tout le pais de Samarie,& de Galilee, & de la region qui est appellee, dela le fleuue Iourdain. Et tantost apres il dit ainsi: Il se leua vne grade & cruelle sedition des euesques du Temple de Hierusalem: tellement que chacun d'iceulx faisoit assemblee de mauuais garços qui ne demandoyet que noises, & nouueaulx debatz, & se faisoit chacun chief de sa bande. Et premierement à leurs assemblees vsoyent de grossesvi lennies les vns contre les autres: puis commencerent à ietter gras coups de pierres, & ny auoit personne qui les chastiast ne feist re tirer, ains faisoyet toutes choses comme s'il ny eust eu aucun officier en la ville. Tellement que les euesques vindrent en si gran de arrogance, qu'ilz en uoyerent leurs seruiteurs aux grages pour prendre les dismes qui estoyent deubz aux prestres, dont il aduint que aucuns desdictz prestres poures & qui n'auoyent autre chose pour viure moururent de fain, tant auoit la violence des seditions cofundu tout droit & toute raison. Et encores vn peu plus bas dit Iosephus en telle maniere: Et quelquefois au meilieu mesmes de la Cité se tuoyent ainsi qu'ilz se rencontroyent les vns les autres: & mesmement les iours des festes. Car il y auoit des meurdriers messez parmy la presse du peuple qui auoyent leurs glaiues mussez soubz leurs robes, & quand ilz rencotroyent quescun de ceulz

qui leur auoit esté enseignéle tuoyent soudainement, puis par grande malice quand ceulx qu'il l'auoyent frappé occultement estoyent tumbez en terre, & ilz venoyent auec les autres du Peuple & detestoyent & blamoyent grandement ceulx qui l'auoyent saict, disant que c'estoit grand honte de faire cela au milieu de la cité, & par ce moyen demouroyent leurs delitz occultes. Et le premier que ses meurdriers occirent sut Ionathas l'euesque. Et apres en y eut maintz occis, tellemét que la crainte qu'on auoit d'estre tué estoit plus griesue que la mort. Car il n'y auoit celuy qui d'heure en heure ne sust en danger d'estre tué. Et apres encores aucunes choses, dit Iosephus ce qui s'ensuit.

De l'egiptien, dont il est faict mention aux Actes des Apostres.

Chapitre xx.

A I S encores amena aux Iuifz plus grande affii ction vn faulx prophete Egyptien lequel estant venu à Romme & vsant d'art magique, se sit appeller prophete. Et assembla en peu de temps en uiron.xxx. mille personnes, lesquelz il menoit par le desert, & sinablement les conduit au mont de Oliuet deliberé d'assaillir la cité de Hierusa.

lem, & la tenir par force, & de chasser la garnison des Romains soy consiant des soubdarts qu'il auoit menez auec luy. Mais Felix vint au deuant de son emprinse: Caril sortit contre luy auec ses gens & le remenant du peuple qui tenoit pour luy, & desist ledict Egyptien en bataille, lequel s'en souit, auec petit nombre de ses gens. Mais la plus part, surent mors & prins. Ces choses recite Iosephus au second liure de son Histoire, & semble chose conuenable d'accorder ce que dit iceluy Iosephus auec ce qui est escrit aux Actes des Apostres ou il est dit: Que soubz le procureur Felix le Tribun qui estoit en Hierusalem dit à sainct Paul contre le quel les Iuisz se estoyent emeuz: Es tu celuy Egyptien qui ces iours passez auois emeu & mutiné le peuple ? & auois mené au desert enuiron quatre mille meurdries? Mais c'est assez parsé du temps de Felix.

M

Comment sainst Paul sut enuoyé de Iudee à Rome lié, & apres comment il sut deliuré.

Chapitre XXI.



N ces entrefaictes apres que Claudius eut regné treze ans & huict mois, Nero obtint l'empi re R omain, lequel enuoya en Iudee Festus, au lieu de Felix, deu at le ql fut accusé sainct Pol, & depuis enuoyé prisonier à Rome, en copaignie de Aristarchus: qu'il appelle en ses epistres, son copaignon de prison. Sainct Luc aussi, qui escrit

des Actes des apostres (& par especial d'iceluy sainct Paul) dit en uiron la fin, que ledict S. Paul fut deux ans à Rome, preschant la parolle de l'esuschrist, sans ce q personne l'empeschat: neatmoins qu'il se presenta deuat Nero: & dessendit son cas. Et apres retour na à son office de predication; & finablement reuint à Rome, ou il fut martirisé: & luy estant en prison, escriuit à Timotheus, sa se conde epistre: en laquelle il luy faict mention de sa premiere deffension: & dont nous pouons prendre tesmoignage, par ce qu'il dit en ceste maniere: En ma premiere desfension (dit il) nul n'asista auecques moy: ains m'abandonnerent tous: toutesfois ie ne veulx pas qu'il leur soit imputé. Car Dieu m'asista, & me conforta, à fin que ie peusse accomplir ma predication: & que toutes gens entendissent que l'estoye deliuré de la gorge du lion. Par lesquelles parolles il signifioit expressement comme à la premie. re fois il fut deliure de la gorge du lion, pour pouvoir accomplir la predication par luy commencee. Et par le Lion, entend Neron: pour raison de sa cruauté. Il dit en apres: Dieu m'a deliuré de la gorge du lion: car il preuoyoit en esprit, sa fin. Et cela (dit il) qu'il estoit deliuré de la gorge du lion. Mais encores le declaire il plus expressement apres, quand il dit: Dieu m'a deliuré de toute mauuaise operation: & me sauuera en son royaume celestiel: voulant par ce signifier, qu'il paruiendroit incontinent, apres à la coronne du martire: ce qu'en la mesme epistre il declaire encores apres plus euidamment, disant: Ie m'enuois desia pour estre sacrissé, car le temps de mon retour s'approche, lesquelles choses nous auons dictes pour monstrer qu'en celuy teps que sainct Luc conclud les Actes de sainct Paul, en la cité de Ro me, il ne fut pas martyrizé. Car il peult estre que du commencement, Neron ne fut pas si cruel, & qu'il receut les dessensions de

fainct Paul touchant nostre foy pour bones:mais que apres auecques les autres maulx,il estendit sa rage contre les apostres, ainsi comme contre les autres.

De la passion de sainté laques, qui fut surnommé, frere de nostre Seigneur.

Chapitre XXII.

ES Iuifz adoncques apres que sainct Paul fut enuoyé par Festus à Cesar, auquel il auoit appellé, eulx se voyans frustrez de leur intention, & des aguez qu'il auoyent dressez contre luy, conuertirent leur mal talent contre sainct Jaques, frere de Jesuschrist. Lequel par les apostres auoit esté ordoné euesque de Hie

rusale, si le menerent en public, & l'enhorteret 'qu'il voulsit renier la foy de Iesuschrist, deuant tout le peuple, qui là estoit assemblé: mais il sit tout autremet qu'ilz ne cuidoyent. Car en parlant fran chement, & plus hault qu'ilz n'eussent voulu, protesta en grande confiace, que Iesuschrist estoit filz de Dieu eternel, & sauveur du monde. Lors ceulx qui ne peurent endurer vn si grand & si asseu ré tesmoignage (mesmemet d'vn tel homme qu' estoit par tout le peuple reputé iuste par la saincteté & pureté de sa vie)machinerent sa mort, eulx fortifians de la faueur du temps: pourtat que lors n'y auoit aucun officier Romain. Car en ce téps estoit mort Festus, & la prouince demeuree sans recteur. De celle mort de sainct lacques, nous auons dessa parlé dessus, recitant ce que Clement en auoit dit: qui tesmoigne qu'il sut ietté & precipité du pi nacle du temple: & apres frappé du veroux d'vn foulon. Mais Egesippus, qui fut incontinent apres les apostres, en parle encores plus amplement, disant en ceste maniere, au cinquiesme liure de ses comentaires. I aques (dit il) l'apostre, frere de nostre Seigneur, (qui de tous estoit surnommé, le suste) print la charge de l'eglise, auec les autres apostres: & dura depuis le trespas de nostre Sauueur iusques à nostre teps. Et combien qu'il y eut plusieurs nomez, la ques:toutesfois cestuy cy fut sainct duvêtre de sa mere:&ne beut iamais vin n'autre breuuaige composé, ne iamais ne mégea chair, aussi iamais fer ne toucha sur sa teste: ne iamais sut oinct, ne baigné. A luy seul estoit permis d'entrer au lieu secret du téple qu'on appelloit Sancta Sanctorum. Il n'vsoit point de vestemens de laine: mais seulement de toille. Il entroit seul au temple: & faisoit

sa priere à genoux, pour auoir indulgence des pechez du peuple si longuement que la peau de ses genoux estoit toute endurcie, comme celle d'vn chameau pourtant que incessammét estoit en oraison à genoux:pour laquelle increable continence & purité de vie, il estoit, non sans cause, appellé luste, & Oblias: qui est autant à dire en Hebreu, comme garde ou munition du peuple & Iuste, ainsi que les prophetes auoyent de luy predit. Or il y auoit au cuns des sept Heretiques, dont nous auons parlé, qui interrogoyét quelle estoit la porte de Iesus: & il leur respondit que c'estoit le Sauueur: dont aucuns crurent à sa parolle, que Iesus estoit Christ. Mais ceulx qui tenoyet les autres Heresies (dont nous auons parlé)ne creurent point que Iesus fut le Messias, & qu'il fut resuscité, ne aussi qu'il deust venir iuger le monde: & ceulx qui creurent, fu rent persuadez par la parolle de sainet laques. Et pourtant qu'il en y auoit plusieurs des princes de la loy, se leua vn grand trouble entre les Luifz: mesmement entre les scribes & les pharissens, disans, qu'il ne restoit plus rien à faire, que tout le peuple ne creut en Iesus, qu'il fut Christ. Si s'assemblerent, & vindrent à Jaques, & luy dirent: Nous te prions que tu vueilles reduire le peuple: car il erre tout apres Iesus, cuidant que ce sut le Messias. Parquoy te requerons que au iour de pasques, tu leur vueilles remostrer, quad tous serot assemblez, ce qu'est de lesus. Car nous t'obtépererons tous:pourtant que tu as le tesmoignage de nous,& de tout le peu ple d'estre iuste, & n'auoir regard à personne du monde. Parquoy vueilles au peuple remonstrer, qu'il ne soit en erreur touchant Iesus:car chacun te croira: & monte là hault sur le pinacle du téple, à fin que chacun te voye, & te puisse ouir. Car au iour de la feste viennent, non pas les suifz tant seulement: mais plusieurs Gentilz. En telle maniere mirent les scribes & les pharisées, sain & laques sur le pinacle du téple, & puis ceulx d'embas à haute voix luy dirent, toy qui es le plus iuste de tous les hommes à qui nous tous deuons croire & obtemperer pource que le peuple erre apres lesus qui a esté crucisié. Enseigne nous quel est l'huis de lesus. Lors Sainct laques à haute voix leur respondit: Pourquoy me interroguez vous du filz de 1 homme? Certes il sied au ciel à la dex tre de la souveraine vertu, & doit venir auec les nues du ciel: laquelle response ressouit plusieurs, & leur satisfit, qui auoyent voluntiers ouy ce qu'il auoit dit & commencerent à rendre gloire à Dieu disans, Osanna au filz de Dauid. Lors les Scribes & Pharisees commencerent à dire entre eulx : nous auons mal faict de

bailler tel telmoignage de Iesus. Toutesfois montons là hault & iettons cestuy cy abas à sin que les autres en ayent paour, & ne luy croyent pas. Et en ce disant crierent à hauste voix. O o encores le iuste a erré. Et accomplirent ce qui est escript en la saincte escripture de luy ou il est dit:ostons le iuste, car il nous est inutile. Et à ceste cause mengerent le fruict de leurs œuures : ilz monterét adonc: & le ietterent en bas, & disoyét l'vn à l'autre, Lapidons laques le iuste & commencerent à luy ruer des pierres, pourtant que en tumbant non pas seulement ne peut mourir, mais se mist à genoulx en disant, le te prie Dieu pere eternel que tu leur par donnes ce peché, car il ne scauant qu'ilz font, & si comme ilz le pressoyent de pierres par dessus vn des prestres des filz de Recab filz de Recabin, de ceulx que parle Hieremie le Prophete commenca à crier: Pardonnez luy messieurs ie vous en prie, ne voyez vous pas qu'il prie pour vous celuy iuste que vous lapidez. Lors l'vn d'entre eulx foulon ou teinturier print vn des bastons dont ilz pressent les draps, duquel luy rompit le cerueau, & en telle ma niere consomma son martire, & fut enterré en ce lieu mesme empres le temple. C'est celuy qui porta tesmoignage de verité aux luifz & aux Gentilz que lesus est le vray Christ, & tantost apres l'ensuiuit la destruction de la cité par Vespasien. Ces choses a Egesippus dit plus amplement que Clement, mais tout en vne mesme substance, & comme sainct laques estoit en si grande admiration & reuerence à tous d'estre iuste, que la plus part des saiges Iuifz estoyent d'opinion que sa mort sut cause de la guerre que tantost apres leur suruintice que Iosephus mesme atteste par telz motz, toutes lesquelles choses aduindrét au luifz pour la ven geance de Iaqs le iuste qui estoit frere de Iesus qui est dict Christ: lequel estant iuste & piteux sur tous les viuss les Iuifz occiret. Il parle encores de sa mortau xx.liure de ses antiquitez en telle maniere: Cesar entédat la mort de Festus, enuoya en Iudee Albinus en son lieu. Mais Ananias (lequel ainsi q dessus auos dit) auoit ob tenu le potificat, estoit deuenu arrogat à merueilles, & insolét, & soustenoit l'heresse des Saducees: lesqlz en sugemét sot pl'cruelz que les autres Iuifz, ainsi q auons dit. Iceluy prenat occasió d'executer son insolence par la mort de Festus, couoca les iuges, & feit venir là le frere de Iesus, qu'o appelloit I aques, & autres plusieurs: lesquelz come venás cotre la loy, bailla pour lapider, duquel mal faict tous les citoyens qui estoyent plus modestes & aimoyent choses bonnes & raisonnables, furent tresmal contens & deplai-

sans: si enuoyerent secretemét aucuns ambassadeurs deuers l'Erri pereur luy supplier qu'il mandast à Ananias, qu'il ne fit plus telles choses: car il en auoit trop faict par le passé. Aucuns autres allerét audeuant de Albinus qui s'en venoit en Hierusalé & luy remonstrerent, comment il n'auoit pas esté loisible à Ananias de conuo. quer les iuges sans son congé. Par lesquelles parolles Albinus fur fort esmeu, si escriuit en grand courroux audict Ananias qu'il luy osteroit l'auctorité de iuger, puis qu'il en abusoit. Ainsi pourtant que le Roy Aggripe l'auoit priué du potificat, dot il ne auoit iouy que trois mois seulement: & auoit en son lieu subrogué lesus filz de Dameus. C'est ce que lon trouue de sainct lacques duquel l'on trouue vne epistre qui est la premiere entre les Canoniques. Tou tesfois il est à sçauoir qu'elle n'est pas receue de tous : & à peine que aucun des anciens en face mention: ne pareillement de celle qui est attribuee à Iudas, laquelle est vne des sept Canoniques! Neantmoins nous sçauons qu'elles sont toutes deux receues par toutes les eglises auec les autres epistres Canoniques.

Comment apres sainst Marc, Agnen fut le premier euesque d'Alexandrie.

Chapitre XXIII.

E

N la premiere annee de Neron, Agnen accepta le facerdoce & euesché d'Alexadrie, apres la mort de sainct Marc. Mais Nero qui dessa voyant son auctorité renforcee, apres plusieurs choses cruelles & detestables qu'il auoit conceu en son entendement, taschoit encores à in iurier la diuinité. Mais ce seroit trop longue

chose, & ne conuiendroit à nostre œuure de narrer toutes ses mechansetez & ses faictz enormes & infames. Aussi plusieurs en ont tout aplain escript: par les liures desquelz, qui vouldra, pourra entendre sa vie deshonneste & subiecte à tous vices: & qu'il vint à si grande abomination de cruaulté, que les siens propres n'espargna point. Ains en la personne de sa mere, de ses freres, de ses sem mes, & de tous ses parens, il commist paricide & inceste. Parquoy ne luy restoit pour le comble de toute meschanseté, sors qu'il sust le premier des Empereurs Romains, qui conuertist ses armes con tre Dieu, ainsi que Tertulian tresexcellent escriueur narre en la maniere qui s'ensuit: Regardez bien voz commentaires, & vous

trou-

trouuerez que Neron sut le premier qui excerça le glaiue imperial cruellement contre ceste secte, que nous tenons à grande gloire, qu'vng tel home aye esté autheur & dedicateur de nostre condénation car qui le cognoistra, iugera que nulle chose par luy pouuoit estre condemnee s'elle n'estoit bié bonne. Domitiá l'en treprint aussi, qui fut en cruaulté vne portion de Neron. Mais co me homme legier, facilement laissa son entreprinse, & restitua ceulx qu'il auoit banniz. Telz ont esté ceulx qui nous ont perse cuté, mauuais, cruelz & meschans, lesquelz vous mesmes auez accoustumé de condemner : & de r'appeller ceulx qu'ilz ont condemnez.ce sont les parolles de Tertulian.

De la persecution de Neron, soubz lequel sainet Pierre & sainet Paul furent martirisez. Den Production Chapitre XXIIII.

ERON adoncapres qu'il se fut declaré ennemy de Dieu, tascha à la mort des apoftres, comme de ceulx qui estoyent les capitai nes & porteurs de l'enseigne de Iesuschrist. Si condena sainct Paul à estre decapité, & sainct Pierre à estre crucifié en la cité de Rome. Et me semble chose superflue de cercher tes-


moignage d'allieurs que de Rome, ou iusques au iour present, lon voit leurs monumens treshonnorez, & leurs reliques qui tesmoignent la verité du faict. Toutesfois de cecy a pareillement escrit vn ancien escriueur, nommé Caius, lequel en disputant auecques Zepherin, euesque de Rome, contre vn Proculus cathafrigien, parle des lieux des apostres en telle maniere: l'ay (fit il) les trophees & les enseignes du triumphe des apostres que ie puis monstrer. Car si tu vas par le chemin royal droit contre le Vatica, ou par le chemin d'Ostie, tu trouuerras les trophees pla tez, par lesquelz estans aux deux costez, l'eglise est soustenue. Et qu'iceulx apostres fussent martirisez en mesme iour, Dionysius euesque de Corinthe, estant present, & disputant à Rome des escritures, l'afferme, disant ainsi qu'il s'ensuit: Mais encores vous ayans les admonestemens de sainct Pierre, & de sainct Paul, auez conioinct la plantation de l'eglise de Rome & de celle de Corin the. Car tous deux sont venuz en nostre eglise de Corinthe, & y ont enseigné: & presché Ainsi ontilz par toute Italie, & mes-

Le second liure de l'histoire Ecclesiastique.

mes en ceste cité enseignans la foy par ensemble ont esté en va mesme temps coronnez par martire. Ces choses auons recitees à sin que l'histoire qui est tenue pour vraye par toutes gens soit encores plus approuuee. Mais Iosephus en parlant des maulx qui aduindrent aux Iuifz, & comme leur destruction sut bastie & demenee, dit ce qui s'ensuit.

Comment les Iuifz apres maulx infiniz, qui leur aduindrent, prindrent les armes contre les Romains.

Chapitre xxv.



par nouvelles entreprinses. C'est à sçauoir la douziesme annee de l'empire de Neron: & non pas là tant seulement, mais par toute la prouince de Sirie sut exercee grade cruauté cotre les Iuisz seditieux, tellement que ceulx qui habitoyent par les citez auecques les payens estoyent aussi bien reputez comme ennemis, dont lon veoit les citez pleines de corps mortz enterrez de fraiz. Et les vieulx auecques les ieunes enfans estanduz & mors, & les semmes (sans aucun regard de leur vergongne) aussi bien que les hommes. Et toute la prouince pleine de maulx innumerables: mais encores la paour qu'ilz auoy et des maulx qu'ilz veoyent aduenir & croistre tous les iours, les troubloit plus que tous ces piteux spectacles. Ce sont les propres parolles de Iosephus, mais asset à tant auons parlé des Iuisz.

Cy finit le second liure de l'histoire Ecclesiastique.

Cy comence le tiers

LIVRE DE L'HISTOIRE ECclesiastique.

En quelz lieux les apostres prescherent la soy de Iesuschrist.

Chapitre premier.



N tellle maniere estatz les Iuifz persecutez de toutes maleuretez, les apostres & autres disciples de nostre Sauueur se despartirent pour aller prescher par toutes les parties du monde. Et sicomme nous auons entendu, sainct Thomas eut en sort, les Parthes sainct Matthieu les Ethiopes: sainct Barthelemy

l'Indie interieure: sainct André la Scythie: & sainct Iehan l'Asses aussi demeura il par long temps en Ephese, & y mourut.

Qui fut le premier qui gouverna l'eglise à Rome.

Chapitre 11.



AINCT Pierre, par ce que lon peut com prendre par la saincte escriture, s'en alloit par les pais de Pont, de Galathie, de Bithinie, de Capadoce. Et par les autres prouinces voisines, preschant l'euangile aux suifz tant seulement. Et sinablement s'en vintà Rome, ou il sut crucissé la teste des-

foubz, & les piedz dessus. Ce qu'il auoit requis, à fin qu'il ne semblat estre egal à son Seigneur. Au regard de sainct Paul, il s'en alla semant l'euangile de Dieu, depuis Hierusalem, iusques en Esclauonie: & finablement soubz Neron sut martirizé. Ces choses ainsi par ordre tesmoigne Origene, au troisses liure des Ex planations, qu'il a faict sur le Genese.

> Des epistres des apostres. Chapitre 111.

Ainct Pierre l'apostre nous a laissé bien peu d'en seigne, par escrit, de sa predication : car il ya vne seule epistre, de laquelle nul ne faict doubte que

Le tiers liure

elle ne soit sienne, pourtant que de la seconde, ce n'est pas chose certaine. Toutesfois lon l'a ia receu, & la lit on en plusieurs eglises. Au regard du liure que lon appelle les Actes de sainct Pierre,& de l'euangile qu'on luy attribue: & pareillement du liure qu'on appelle sa predication & sa reuelation, ilz ne sont point re ceuz entre les escritures canoniques, & ne trouue lon aucun des anciens escriueurs quivse de leur tesmoignage. Neantmoins en poursuyuant nostre narration historique selon qu'il viendra à propos, en faisant mention des escritures ecclesiastiques, nous de clairerons qu'elz liures de l'escriture doyuent estre en authorité,& ceulx qui n'y doyuent point estre. Et d'autant que touche de sainct Pierre, pour le present nous disons que sa premiere epistre est par tout receue. Au regard de sainct Paul, c'est chose ma nifeste qu'il a saict quatorze epistres, qui sont en authorité, com bien que ie sçache que les Latins ont faict doute de celle qui est escrite aux Hebreux, & de laquelle nous dirons cy apres en son lieu ce que les anciens escriueurs en ont dit. Quant au liure des Hermes, qui s'appelle le liure du pasteur, duquel sainct Paul faict métion en ses epistres, plusieurs ne l'ont point approuué ne receu. Autres le jugét estre tresnecessaire pour ceulx qui vienent nouuellement à la foy. A ceste cause on le lit en aucunes eglises. Et plusieurs anciens escriueurs l'alleguent pour tesmoignage. Et c'est assez pour le present, tant que touche la foy des liures de la saincte escriture, laquelle apres nous approuuerons par tesmoignage des anciens.

Des successeurs de sainct Paul l'apostre.

Chapitre 1111.

VE sainct Paul soit allé preschant aux Gentilz par tous les pais prouinces qui sont depuis Hierusalem iusques en Esclauonie, il appert par ses escritz, par ce que sainct Luc en dit aux Actes des apostres. Et aussi que sainct l'ierre en icelles mesmes prouinces ayt presché aux suifz, il appert par ce qu'il

escrit en sa premiere epistre, de laquelle nul ne faict doute qu'elle ne soit sienne. Car icelle est addressee à ceulx qui sont dispersez par lesdictes prouinces, qui sans doute sont les Iuifz, lesquelz estoyet lors dispersez come gens chassez de leur pais, & mis en di

spersion: comment il dit en Pont, en Galathie, en Capadoce, en Asie, en Bithinie. Entre lesquelz, si aucuns s'en trouuoyent fermes & constans en la foy, & zelateurs de la doctrine euagelique, leur fut baillé le gouvernemet des eglises que les apostres avoy ét fondees, desquelz seroit difficile exprimer les noms par le menu. Toutesfois par les parolles de sainct Paul, nous en trouuons plu sieurs, qu'il appelle quelquefois, ses coadiuteurs, quelquefois ses copaignons en la cheualerie diuine: autresfois compaignons de prison, & labourans auec luy à l'euangile. Aussi sainct Luc aux Actes des apostres, en nome plusieurs qui ont esté compaignons dudict sainct Paul, & participans de ses predications. Sicomme su rent Timotheus, & Titus, dont l'vn fut euesque en Ephese, & l'au tre fur par luy deputé pour ordoner les eglises de Crete. Et sainct Luc mesmes qui estoit Antiochien de natió, & medecin par pro fession fut compaignon de sainct Paul & des apostres & leur estoit bien necessaire iceluy selon la medecine qu'il auoit apprinse en la compaignie, ou par la doctrine des apostres nous à copo sé deux liures pour medeciner, non pas le corps, mais les ames. C'est à sçauoir, l'euangile lequel il comence par tel exorde: Ainsi que nous ont baillé (dit il) ceulx qui l'ont veu du comencement, & qui ont esté ministres du verbe diuin, & lesquelz nous auons suyuy des le commencement. L'autre liure contient les Actes des apostres qu'il sçauoit, non pas par ouir dire, mais pour les auoir veuz. Et dit on qu'il retira son euangile de la bouche de sainct Paul, & que c'est celuy qu'iceluy sainct Paul appelle son euagile. Quand il ditselon mon euangile, ainsi que sainct Marc composa le sien des sermons de sainct Pierre. Lon dit aussi qu'il y eut vn des compaignons de sainct Paul, nommé Crescent, qui l'en alla au pais de Gaule. Linus aussi, & Clement, regirent l'eglise Romaine: lesquelz iceluy sainct Paul tesmoigne auoir esté ses compaignons & coadiuteurs. Il est aussi chose certaine, que Denis Areopagite, lequel sainct Luc escrit auoir esté le pre-

mier qui creut en la foy, preschant sainct Paul à Athenes, presida en l'eglise d'Athenes. Mais il nous conuient retourner à l'ordre de nostre histoire.

Le tiers liure De la deffaicte des Iuifz apres la mort de Iesuschrist.

Chapitre v.



PRES que Neron eut tenu l'empire Romain l'espace de treze ans, Galba & Otho le tindrent dixhuict mois. Et apres leur mort, succeda Vespassie, qui lors auoit la charge de guerroyer les Iuifz. Et là sut esseu empereur par les gensdarmes qu'il auoit en son armee. Si s'en alla tout incotinent à Rome, & à son

filz)Titus laissa la charge de la guerre,& d'assieger Hierusalem. Mais apres l'ascension nostre Seigneur, la diuine iustice requeroit sur eulx vengeance, pour les crimes & execrables mesfaictz qu'ilz auoyent commis, tant contre iceluy Sauueur, comme aufsi en persecutant ses apostres, en lapidant sainct Estienne, en decapitant sainct laques : & aussi pareillement en liurant à mort l'autre sainct Iaques, frere de nostre Scigneur, qui estoit surnom mé le iuste. Et finablement de tous les autres Chrestiens qu'ilz auoyent persecutez par aguetz,par dol,par fraude,& par malice. Et neantinoins les apostres qui par eulx auoyent esté chassez & dispersez, come nous auons dit, s'en alleret par tous pais preschat en lavertu de Iesuschrist, ainsi qui leur auoit commandé quand il leur dit: Vous irez baptisans toutes gens en mon nom. Au regard de l'eglise qui auoit esté assemblee en Hierusalem, elle sut admonnestee par diuine reuelation de sortir de la cité, & s'en al lerent en vne ville qui s'appelloit Pella, dela le fleuue Iourdain: à fin qu'estans les sainctz hommes & iustes hors d'icelle cité, la vengeance de Dieu fut executee contre ladicte cité sacrilege, & contre son peuple cruel par la destruction & euersion d'icelle cité, & de tout le pais. Et si aucun veult sçauoir combien de maulx souffrit tout ce peuple là, & toute la terre de Iudee par guerre, par famine, par feu, & par occision de gens, le nombre des gens qui moururent, tant hommes que femmes, & tant petiz que grans, qui estoit innumerable, les citez qui furent assiegees: & singulierement du siege de la magnifique & renommee cité de Hierusalem, & des maulx qui s'en ensuyuirent, tant au peuple qu'en la ville, & toute la maniere & le progres de la guer re,& de l'abomination & desolation qui fut faicle au temple de Dieu, qui tant éstoit excellent & renomméselon que les prophe tes auoyent predict: & sinablement comment tout fut mis à feu

& à flambe. Lisez les histoires de Iosephus: car nous n'en voulons icy inserer, fors ce tant seulement qui suffira pour la declaration de nostre histoire. Et entre autres choses, il recite que de toute Iudee, le peuple essoit assemblé au iour solennel de Pasques, en la cité de Hierusalem, comme par vn mortel maleur, qui se montoit (comme il dit) à trois millions de personnes, par iugement de Dieu qui auoit choify ce temps pour exercer sa vengeance, à fin qu'ainsi qu'ilz auoyent à la feste de Pasques violé & outraigé de leurs mains cruelles,& de leurs voix facrileges, leur fauueur & redempteur, en ceulx mesines iours tous enclos en icel le cité comme en vne prison, receurent la cruelle punition qu'ilz auoyent merité. le passeray ceulx qui furét tuez de glaiue & d'ar tillerie, & reciteray tant seulement le mal qu'il endurerent pour la famine: dont ledich historien faich mention, à fin que ceulx qui le liront, entendent quel grief peché est d'entreprendre quelque chose contre lesuschrist, & de quelle peine tel peché est puny.

De la famine que les Iuifz endurerent.

Chapitre vs.



V I vouldra entendre la tragedie des maulx que les Iuifz souffrirent, lise le cinqiesme liure de l'histoire Iudaique de Iosephus, lequel dit en ceste maniere: Aux riches estoit tout vn de demourer en la cité, ou de mourir: car ceulx qui demouroyent pour cause de leurs biens, estoyent chargez qu'ilz s'en

vouloyent fouir aux ennemis, par ce moyen estoyent tuez. Et par la necessité de la famine croissoit l'orgueil & l'insolence des mutins & sedicieux: tellement que la famine, la temerité, & oultrecuidance croissoyent ensemble. Car en toute la cité n'a-uoit pas vn grain de bled qui se vendit en public: mais alloyent les larrons cerchant par les maisons, & s'il en trouuoit chez quelqu'vn, oultre ce qu'il perdoit son bled, estoit puny comme infracteur de l'ordonnance. Et s'il ne trouuoyent riens, ne laissoyent pas pourtant de torméter ceulx de la maison, disans qu'ilz auoyent mussée, pour ce faire, ce leur estoit assez sussitissant indice qu'iceulx des maisons eussent de la viande de ce qu'il estoyét en vie, & encores en santé, pourtant qu'ilz n'eussent peu tant viure, s'ilz n'eussent mussée quelq chose pour manger. A ceste cause

ceulx qui veoyent desia extenuez & mortifiez de fain, ilz les laifsovent sans leur mal faire. Car il leur sembloit chose frustratoire de tuer ceulx qui tantost apres doyuent mourir de fain. Toutesfois, maintes en y eut qui achaterent pour leur vaillant vne mesure de bled occultement, à sçauoir les riches, du fourment, & les moyés, de l'orge. Et auec cela se mussoyet aux lieux plus secretz de leurs maisons, & le mengeoyent, voire les aucuns sans le conuertit en pain. Et les autres ainsi que la paour & la necessité le per mettoit le cuisoyét, & n'y auoit celuy qui eust nape ne table pour manger, mais tiroit la viande du feu à demy cuite à grande haste, comme s'ilz la desrobassent pour la deuorer. Et certainemet c'estoit vn piteux spectacle de veoir les plus fors rauir la viande de la main des plus foibles, quand ilz la trouuoyent. Car aux poures gens ne demouroit fors le regret & les larmes. Et iaçoit ce que la fain vainque & surmonte la difficulté & acerbité de toutes choses, toutes fois il n'y a ries que tant elle abate & subuertisse comme la honte & vergoigne. Pourtant que de toute chose que hors la necessité est vergoigneuse en ce cas n'y a aucun regard, comme il apparut lors. Car les femmes rauissoyent la viande des mains de leurs Mariz, les filz de leurs Peres, & (qui est plus abominable & miserable) les meres de la main & de la bouche de leurs propres enfans. Et iacoit que la mere veist ses petitz enfans entre ses braz, ou deuant ses yeulx amortiz de fain, toutes fois n'y auoit celle qui eust regard de leur oster le peu de sustentation que ilz auoyent desia entre les dens. Et encores ne pouoyent tant secretement prendre ce peu de viande miserable, qu'ilz ne fussent apperceuz. Car les larrons qui alloyent par la ville, quand ilz veoyent vne porte fermee, ilz auoyent imagination, que ceulx qui estoyent dedans se fussent enfermez pour manger, si rompoyent les portes, & se ruoyent dedans, & de leur gorge mesime (par maniere de dire) leur faisoyent reiecter ce qu'ilz auoyent en gorgé pour apres le manger l'il y auoit rien qui ne fust consommé. Et estoyent les vieillars batuz silz demandoyent à manger, & les femmes qui l'efforcoyent de cacher quelque chose, si on leur trouuoit rien entre mains, estoyét trainces par les cheueulx. Et n'auoit on aucune reuerence aux vieulx, ne aucune pitié aux ieunes enfans, ains l'ilz tenoyent auecques les dens quelque peti te piece de pain, prenoyent le pain, & des enfans battoyent la ter re & les murailles. Et ceulx que ces la rons trouuoyent auoir esté plus diligens à mager auant leur venue, traictoyent encores plus

cruellement par diuers & excogitez tormens. Car à aucuns ilz estoupoyent & estreignoyent les conduitz de la digestion: aux autres mettoyent pieux aguz par le fondement,& par telz moyens, (que i'ay grand horreur de dire)les constreignoyent de confesser vn morceau de pain, ou vne poignee de farine. Ét si ne le faisoyét pas les bourreaux, pourtant qu'ilz eussent grandfain, auquel cas il fust esté aucunemet plus tollerable s'ilz l'eussent faict par neces site, mais le faisoyent pour auoir prouisson de viures pour le téps aduenir: ou à fin que la cruaulté en l'exercitant ainsi s'en renfor ceast. Et si aucuns demblee auoyent prins & gaigné quelque cho se aupres des logis & du camp des ennemis, apres qu'ilz estoyent eschapez de leurs dangiers, ne pouoyent euader le dangier des larrons qu'ilz ne leur ostassent tout. Et iacoit qu'ilz leur suppliassent pour l'honneur de Dieu & auec grandes execrations qu'ilz leur voulsissent laisser une partie de ce qu'ilz auoyent gaigné au dangier de leur vie, ne leur en donnoyent pourtant riens, disant qu'ilz leur faisoyent grand grace de les laisser aller sans les occir. Et vn peu plus bas dit iceluy tosephus: Les Tuifz adonc estoyent enclos en la cité, tellement qu'il ny auoit espoir d'en sortir: & dedas icelle tout le peuple estoit si pressé de famine, que lon trou uoit dedens les maisons les charongnes des femmes & des enfans estandues. Et par les rues les corps des vieilles gens transiz, non pas par vieillesse, mais par famine. Et les ieunes homes plus robustes allant par les rues qui semblo yent plus morts que vifz: & quad plus ne pouvyent cheminer, tumboyent là ou ilz se trouuoyent tous morts. Et si n'y auoit moyen aux parens & amis de les ense uelir, tant pour la multitude des mors, comme pour la debilité de ceulx qui estoyent en vie: & aussi qu'ilz n'attédoyent l'heure que de mourir comme eulx. Car aucuns furent trouuez mortz sur les charógnes de ceulx qu'ilz vouloyent enterrer:aucuns autres qui aloyent accompaigner les corps auant qu'ilz fussent de retour rendoyent l'esprit. Et si n'y auoit celuy qui plorast ceulx qui estoyent mors ainsi qu'il estoit de coustume, car la fain auoit emporté tout cela. Aussi elle auoit tellement seiche les corps, qu'il n'en pouoit partir aucune liumidité, tellement que par toute la cité y auoit vn merueilleux silence, & la nuict pleine de mortalité couuroit tout: & n'y restoit en vie que les larrons qui estoyent plus griefz & insuportables, que tous les autres tormens. Car ilz n'auoyent point de honte cercher les sepulchres,& de despouiller les morts, non pas tant pour desrober, comme pour adiouster à

leurs cruautez telles irrisions: & si esseoyét leurs especes à destrencher les miserables charongnes: & quelque fois sur ceulx qui encores n'estoyent pas du tout expirez. Ce que les autres à demy mors, qui les veoyent, leur requeroyent à ioinctes mains, qu'ilz feissent ainsi sur eulx, à fin qu'ilz mourussent plus legierement q par la fain. Mais parvne nouuelle maniere, de cruauté, la mort qui bailloyent aux vns maugré eulx, refusoyent donner à ceulx qui la leur requeroyet. Cobien q tous ceulx qui mouroyent, retournaf sent leurs yeulx contre le téple: no pas pour regret qu'ilz eussent de mourir:mais pour le desplaisir qu'ilz auoyent de laisser ces lar rons en vie sans punition. Et pour euiter la puanteur intolerable des charognes, du comencement fut ordoné qu'on enseuelit les mors de l'argent du comun: mais puis qu'ilz veirent le nobre des mors si grand, qu'ilz n'y auoit moyen de porter la despése: ilz les iettoyent en bas des murailles. Dont Titus voyant les fossez rem pliz de charongnes, & la terre infectee & maculee de la pourriture des citoyens, en gemissant & souspirant grandement, deman doit Dieu à tesmoing, que cela n'estoit pas son ouurage. Et apres aucun propos, iceluy historien dit encores ce que l'ensuit : Ie ne laisseray point à dire ce que ie pense. C'est que ie cuide, que si les armes des Romains eussent par aucun temps donné lasche à ces cruelles gens, la cité neantmoins eut esté punie par deglutissement de la terre, ou par deluge d'eaue, ou par la pluye de Sodome, ou par la fouldre du ciel: pourtant qu'elle auoit vne sorte de gens produictz encores plus maleureux & plus meschans que ceulx qui telz maulx souffrirent. Pour la mauuaistié desquelz, toute la race a merité d'estre destruicte. Mais encores au sixiesme liure en parle Iosephus en ceste maniere: Leur multitu de de ceulx qui mouroyent de fain par la cité, estoit innumerable: & n'est possible de dire la grand pitié & misere qui y estoit. Car par toutes les maisons, des qu'il se trouuoit quelque chose à manger, la guerre se leuoit entre les propres parens: voire entre les peres & les enfans pourtant qu'ilz ne s'arrachoyent par la viade des mains tant seulement: mais de la gorge. Et sine se sioyent pas tant des mors, qu'ilz ne regardassent si par auenture on auoit mussé quelque chose en leur ventre. Aucuns pour la detresse de la fain, comme chiens enragez alloyent baillant & descourant ça & là,& comme pressez de la rage, ruoyent par plusieurs fois en vn moment de temps dedans vne mesme maison. Et neantmoins la nec essité faisoit convertir toutes choses en viande, voire celles

mesmes que les bestes brutes refusoyent, tellement que à la fin ilz mengeoyent les brides & les ceinctures de cuir, & leurs souliers mesmes, & si arrachoyent la couuerture des portes pour mas cher. Aucuns autres mangeoyent les festuz du vieil foin,& se ven doit vn petit poiz de racines ou esponges d'arbres quelque part qu'elles fussent cueillies, quatre dragmes. Mais que faut il expliquer l'extremité de celle famine, veu qu'il y aduint vn cas que ia mais ne sut veu ne ouy en Grece, ne en aucune nation barbare, qui est en grant horreur à le dire, & increable à l'ouir: & l'eusse vouluntiers teut, à fin qu'on ne cuidat que ie voulsisse narrer choses mostrueuses, si ie n'eusse trouué plusieurs hommes vifz de nostre souvenance portans tesmoignage de ce cruel cas. Dont il me semble que ie ne m'acquiteroye en riens enuers mon pais, si i'espargnoye la parolle des choses dont ilz ont enduré les faiz. Vne femme de celles qui habitoyent de la le fleuue Iourdain nommee Marie, fille de Eleazar, du villaige de Bethezob, qu'est autant adire comme maison d'isope, laquelle estoit noble de lignee, & riche de biens, auecques les autres se trouua enclose & assiegee dedans la cité du Hierusalem. Apres que les larrons luy eurent rauy tout ce qu'elle auoit apporté de biens, voyant que si quelque petite chose luy estoit demource pour sustenter sa poure vie, luy tolloyent tous les jours, deuint pour l'oultraige & pour le desdain comme forcence, tellement qu'elle poursuyuoit les souldars par iniures & opprobres, à fin de les inciter & prouoquer à la tuer. Et voyant que ne par desdain, ne par pitié nul ne la vouloit tuer: & que si elle auoit trouué quelque peu de viande, autres la venoyent cercher chez elle,& qu'il n'y auoit plus moyen d'en trouuer, estant pressee de la fain, comme esperdue de sens, vsant de mauuais conseil entreprint de violer les droitz de nature à l'encontre d'vn sien filz qu'elle alaictoit: lequel voyant deuantses yeulx dist enuers luy telles parolles : O maleureux par trop, filz d'vne plus malheureuse mere, à qui te doibs ie preseruer en ceste guerre, famine, & pilerie de ces larros? Car quad hie nous pourrios esperer la vie, si viendrios nous en ser uaige des Romains: mais encores la fain à preuenu la seruitude, & les larrons sont plus aspres que tous les deux. Viéça doc mo filz, & soye viande à ta mere, rage aux larrons, & fable à tous les siecles. Laquelle sans plus restoit pour parfournir la malheureté des luifz. En ce disant, couppa la gorge à son filz: & le mit cuire sur le feu;si en mengea la moitie: & l'autre moitie couurit pour gar-

der. Si ne tarda gueres que les larrons paffans par là, & sentans l'odeur de la chair cuite, entrerent furieusement en la maison: & menasserent de tuer la femme, si elle ne leur bailloit la viande qu'elle auoit cuite. Lors elle leur dit ceste raison: Et ie vous en laisse bonne part. Si leur descouurit soubdainement les mem bres rotiz de son enfant : dont ilz furent tous estonnez: & quelques cruelz qu'ilz fussent, le cueur leur attendrit: & come rauiz & hebetez, ne pouuoy ét parler de frayeur. Quoy voyant icelle fem-me, auec vn regard furieux, estant deuenue plus cruelle que les lar rons, leur parla en ceste maniere: N'ayez peur, c'est mon filz, & le meffaict est à moy, magez hardimet. Car i ay mangé auant vous de celuy que i'ay engendré:ne soyez point religieux plus que la mere, ne plus crainctifz que vne femme. Et si vous estes vaincuz par pitié: & ma viande vous est execrable moy qui dessa en ay esté repeue, n'auray point de crainte de m'en repaistre encores. Lors les larrons tous espouuentez & tremblans, s'en sortirent: & laissairent à la miserable mere celle viande tant seulement, de toutes ses facultez. Duquel meschies, toute la cité incontinent sut remplie & acertenee:dont n'y auoit celuy qui reduisant le cas deuant ses yeulx,n'en eut horreur, comme s'il l'eut faict. Et neantmoins tous ceulx qui estoyét pressez de fain, se hastoyent de mou rir plustot, disans que bien estoyent eureux ceulx ausquelz estoit la mort aduenue auant que leurs oreilles fussent maculees d'ouir vn si execrable cas. Ainsi dit Iosephus.

Des parolles que nostre seigneur prononca aux Iuifz-

Chapitre VII.



E S Iuifz adonques pour le meffaict qu'ilz auoyent commis contre Dieu, receurent punition telle que dessus. Si ne sont pas à oublier en ceste nostredicte histoire, les parolles que no stre Sauueur en dit auant sa mort. Car il leur prophetisa clerement ce que depuis leur aduint. Mesmemét quand il dit: Maleureuses se-

ront les femmes qui seront enceintes de ce temps, & qui nourriront ou qui alaicteront leurs enfans. Et priez Dieu qu'il ne vous conuienne fuir en temps d'hiuer ne en iour de Sabbat. Car il sera lors vne tribulation plusgrande que iamais ne sut des le commen cement du monde, ne iamais sera. Et qu'il soit vray, ledict Historiographe en recueillant le nombre de ceulx qui souffrirent mort par glaine ou par famine, dit qu'il y en eut bien vnze cens mil, fans les larros fouldars & meurdriers, lesquelz apres la destruction de la cité, se tuerent les vnz les autres. Et outre ce nombre, les plus esseuz & les plus beaulx de corsaige & de corpulance furét par les Romains reservez pour les mener en triumphe. & du remenant du peuple, ceulx qui estoyét de l'eage de dixsept ans & au dessus, ilz les enuoyerent en Egipte liez pour tirer les metaulx, ou les disperserent par autres prouinces pour les faire combatre en chap, aux ieux qu'ilz appelloyent Gladiatoires, ou contre les bestes. Et ceulx qui estoyent de dixsept ans en bas, furent enuoyez pour estre venduz par les prouinces, qui se trouuerent bien au nombre de octante mil. Toutes lesquelles choses furent faictes la deuxiesme annee de l'empire de Vespassan, iouxte ce que nostre Sauueur leur auoit predict. Car ayant les choses aduenir comme presentes, selon que dit l'euangile, voyant la cité, plora sur icelle, & com me filuy parloit à l'oreille, luy dit telles parolles: Si tu eusses cogneu a ceste iournee les choses appertenas à ta paix, & que à pre sent te sont occultes. Car ilz viendront les iours sur toy que tes ennemist'enuironner ot de palliz & de fossez, & t'assiegeront de tous costez, & mettront par terre toy & tes enfans qui sont dedas toy. Et en vn autre lieu encores comme parlant du peuple, dit: Et sera grade necessité sur la terre, & grand courroux de Dieu sur ce peuple tellement qu'ilz seront abbatuz par guerre, & menez prisonniers par toutes nations. Et Hierusalem sera foulee & conculquee par le peuple Gentil, iusques à ce que les temps desdictz Gentilz soyent accompliz. Et de rechief en vn autre lieu dit: Quand vous verrez que la cité de Hierusalem sera enuironnee, lors sçachez pour vray que sa desolation s'approche. Face adonc comparaison quiconque vouldra du parler de nostre Seigneur, auec le narré de l'historiographe parlant de la destruction qui fut faicte de la cité. Et congnoissant la merueilleuse prescience de la vertu diuine, cognoistra aussila diuinité de celuy qui l'a predict. Lesquelles choses aduindret aux Iuifz depuis la passion de nostre Seigneur, pour vraye & iuste végeance: pourtant que tout le peu ple auoit crié q lon leur ostat celuy qui estoit autheur de vie. Et neantmoins il n'est pas hors de propos de raconter les choses par lesquelles la pitié & bonté diuine leur monstra sa clemence, quelques ingratz qu'ilz fussent. Car par l'espace de quarante ans, qui

fut entre la mort de nostre Seigneur, & ladicte destruction, il differa de faire la vengeace. Durât lequel téps, tous les apostres, mais principalement sainct l'aques, que lon nommoit frere de nostre Seigneur, qui sut constitué euesque de Hierusalem, incessamment admonestoit le peuple du peché execrable qu'il auoit faict: & qu'ilz en deussent faire penitéce & pleurer leur messaict, pour veoir s'ilz pourroyent euiter la vengeance, & par force de larmes estaindre le feu qui sur eulx deuoit venir. Car Dieu leur monstroit en ceste manière par sa longue patience, qu'il cerchoit leur penitence, & repentance, & qu'il ne veult pas tant la mort des pecheurs, comme qu'ilz facent penitence, & qu'ilz viuent.

Des prodiges qui aduindrent auant la guerre.

Chapitre VIII.



T neantmoins se parforçoit la bôté divine de radoucir leurs cueurs felons par signes & prodigés du ciel, leur monstrant les choses terribles, & sa main dextre qui les menassoit plus par ostentation que par essect. Desquelles choses si comme des autres nous suffira le tesmoignaige dudict historiographe, lequel au sixies-

me liure de son histoire dit en telle maniere: Mais le maleureux peuple estoit deceu par aucuns meschans hommes qui leur persuadoyent faulx diuinemens, à fin qu'ilz ne creussent aux signes, indices, & presages euidens qu'ilz veoyent de la vengeance & indignation divine, par lesquelz leur estoit clerement demon stre la deffaicte & destruction de la cité, & de toute leur nation. Mais comme gens demoniacles & hors du sens, & qui estoyent aueuglez tant des yeulx que de l'entendement, ne faisoyent com pte de toutes les choses quileur estoyent des cieulx prenoncees. Car premierement il apparut dessus la cité vne estoille tresreluisante, du tout semblant à vne espee. Et outre ce apparut tout du long de l'annee vne comette mortelle, ardente & reluisante com me flambe de feu. Et d'auantaige auant le commencement de la guerre estat le peuple assemblé à la feste des Azimes le huicties. me iour du mois de Xandie, qui est le mois d'Aoust, à neuf heures de nuict, apparut vne clairté de lumiese, qui enuironna l'autel & tout le temple, si grande que tous cuiderent qu'il fust iour

cler, & dura l'espace de demie heure. Laquelle chose, ceulx qui n'entendoyent, & les gens ignares, auoyent pout bon signe:mais tous les gens sçauans & docteurs de la loy, cogneurent bien que e'estoit vn signe de destruction. En celle mesme solennité du corps d'vne ieune vache que lon auoit apportee à l'autel pour sa crifier, entre les mains des ministres enfanta vne brebis. Et qui plus est, la porte qui estoit au dedans du temple du costé d'Oriet, combien qu'elle fut toute de cuyure massif, & par ainsi pesante à merueilles: tellement que vingt hommes à grand peine de tout leur effort la pouoyent fermer: & au surplus sut close de gros verroux de fer par le dessoubz,& d'autres loquetz par le des sus, soubdainement à six heures de nuict se trouua ouverte à par elle. Et de rechief, aucuns iours apres la solennité de la feste, c'est à sçauoir le xxj. iour du mois Artemisius, que nous appellons le mois de May, apparut vne chose prodigieuse, & quasi increable, que nous iugerios estre mensonge si l'effect ne s'en fust ensuiuy, selo la vision. C'està sçauoir que enuiron le soleil couchat on veid par l'air courir chariotz & charettes de tous coustez, & grand bataille de gens armez meslez parmy l'es villes enuironnees soubdainement de gensdarmes. En l'autre feste aussi, qu'ilz appellent Penthecoste, les prebstres estans entrez au temple pour accomplir leur mistere, sentirent premierement certain bruit & mouuement, & tantost apres des voix soubdaines, qui disoyent: allons nous en d'icy. Vn autre signe aduint encores plus terrible: C'estqu'vn paisant laboureur nommé lesus, filz de Ananias, quatre ans auat la guerre, estat encores la cité en prosperité, au iour de la feste des tabernacles, soubdainemet comença à crier: Voix d'Oriet, voix d'Occident, voix sur Hierusale & sur le téple, voix sur les espous&sur les espouses: & incessammét iour & nuict discourat par les villes& par les marchez alloit criat lesdictes parolles, iusques à tant q aucus des principaulx du peuple, come indignez de ce mau uais presaige, le prindret & batirent aigremet. Mais luy sans riens requerir pour soymesmes, ne sans prier aucus de ceulx qui estoyét au tour de luy, par vne mesme obstination, & dv'ne mesme voix, crioit incessamment ce que dessus. Quoy voyant iceulx principaulx: & entendans par ce qu'il deuoit estre meu desprit diuin, (comme aussi estoit la verité) le menerent à l'officier Romain, lequelle feit battre de fleaux,& deschirer sa chair iusques aux os. Et neantmoins sans ietter aucunes larmes, ne faire aucune priere, à chascun coup presques qu'on le frappoit, d'vnevoi x misera-

ble,&come s'il huloit,& repliquoit lessices parolles. Et si adiousta encores d'auantage cecy: maleur, maleur à Hierusalem. Vn autre encores plus grand miracle recite ledich Historiographe, c'est que lon trouua vne prophetie entre les sainctes escritures, qui disoit, qu'en celuy temps de leur pais sortiroit vn homme qui seroit empereur de tout le monde. Laquelle prophetie, ainsi que ledich Historiographe souspeçonna, s'entendoit de Ves pasian. Mais Vespasian ne domina pas à tout le monde, ains seulement à ceulx qui estoyent subiect à l'empire Romain. Parquoy plus raisonnablement se peult entendre de Iesuschrist, auquel le pere auoit predit: Demande moy, & ie te donneray tou tes gens pour ton heritage: & toutes les limites de la terre pour ta possession. Le son duquel estoit lors pour la predication des apostres y su par toute la terre, & leurs parolles respandues insques au bout du monde.

De Iosephus, & quelz liures il laissa.

Chapitre 1x.



R est conuenable d'entendre qui sut ce Io sephus qui si grande cognoissance nous a donné des choses aduenues, & de sçauoir dont il sut, & de quelle generation. Laquel le chose il nous declaire, escriuat de soymesmes en telle maniere: Iosephus silz de Mathathie, prestre en Hierusalem, lequel à la

premiere guerre rebouta les Romains, & neantmoins entreuint à la seconde, oultre son gré. Et si est chose toute certaine que ledict Iosephus en celuy temps sut réputé vn tresnoble & sçauant
homme, non pas entre les Iuisz seulement, desquelz il estoit,
mais encores entre les Romains, tellement que pour le merite
de sa doctrine, luy sut à Rome decerné vne statue, & ses liures
furent mis en la librairie du commun. Il escriuit l'histoire des
Antiquitez en vingt liures, & de la guerre qu'eurent les Romains
contre les Iuisz en sept. Laquelle n'escriuit pas tant seulement en
Grec langaige treselegant, mais encores comme luymesme afferme, la bailla à ses concitoyens en leur propre langaige Hebraique. Et est bien digne qu'on y adiouxte soy plus que à nul au
tre. Lon trouue encores de ses œuures qu'il escriuit de l'atiquité
des Iuisz, pour respondre à vn grammarien nommé Appion, qui

en celuy temps auoit escrit contre eulx, & à aucuns autres qui blasmoyent la nation des Iuifz, & leur maniere de viure. Et au premier desdictz deux liures, declaire quelz liures estoyent en au thorité enuers les Iuifz, selon l'opinion des anciens, disant en telle maniere:

Comment Iosephus a cu souvenance de la sain éte escriture.

Chapitre x.



T n'auons nous pas (dit il) noz liures en trop grand nombre, ne discordans les vns auec les autres: mais en ya tant seulement vingtdeux qui contiennent l'ordre de l'histoire de tous les temps, lesquelz nous croyons auoir esté inspirez de Dieu. Dont les cinq contiennent les loix de la vie de Moise, & la generation de la

lignee humaine, iusques au temps d'iceluy Moise, qui sont enuiron trois mil ans. Et depuis la mort de Moise, jusques au roy Ar thaxerses, qui regna en Perse apres Xerses. Ce que sut faict, a esté escrit par les prophetes qui furent en iceulx temps, en treze vo lumes. Les autres quatre liures contiennent les Hymnes & Psalmes en la louenge de Dieu, enseignemens de bien viure, & autres admonnestemens aux hommes mortelz. Depuis le temps de Artaxerses, iusques à present, lon trouve bien tout par escrit, mais on n'y adiouste pas si grande foy comme aux precedentes escritures: pourtant que les prophetes n'ont pas ainsi esté par succession, comme ilz estoyent au parauant. Par lesquelles choses il appert assez en quelle reuerence nous vsons de noz escritures:car par si long téps, & par tant de siecles qui ont couru, iamais n'y a eu home qui ait osé y adiouster, oster, ou changer chose quelcon que. Ains toutes les gens de nostre secte ont ceste ferme foy, qu'ilz croyent que ce sont reuelations de Dieu,& à iceulx liures l'arrestét, & pour iceulx defendre s'il estoit besoing, mettroyent voluntairement leur vie. Et ceste partie de l'Historien (dot nous parlons) n'a pas esté en ce lieu mise sans propos. Lon trouue encores vn autre volume, de luy, assez elegant : par lequel il monstre qu'il ya en nous l'esprit & l'ame, qui nous regit & gouuerne. Lequel aucuns l'ont intitulé, le liure des Machabees, pourtat que en iceluy sont contenues les batailles qu'iceulx Machabees ont

F

soustenues, & les tormens qu'ilz ont enduré pour defendre seur loy. Et d'auataige à la fin du vingtvniesme liure des Antiquitez, il dit qu'il a proposé de comprendre & traicter en quatre volumes, selon sa foy & religion de Dieu & de sa substance, & des loix, pour quoy aucunes choses leur sont loisibles, & autres defendues. Et dit on encores qu'il a composé certaines autres petites œuures. Et à la fin du dict vingtvniesine liure des Antiquitez, il reprint vn homme nommé luste de Thiberiade, comme men teur, qui s'estoit efforcé de faire celle mesme œuure qu'il auoit faict, disant en telle maniere: Mais ie n'ay pas faict comme toy, touchant les liures que i'ay escriz, car ie les ay presentez aux em pereurs au temps qu'ilz auoyent encores deuant les yeulx les cho fes qu'ilz auoyent faictes. Pourtat que ie me sentoye bien en tou tes choses auoir gardé la verité, & si n'ay pas esté frustré de l'opinion que l'auoye de leur tesimoignage. Et neatmoins l'ay mon stré mesdictz liures à maintz autres, dont plusieurs auoyent esté en celle guerre, comme le roy Agrippa, & aucuns ses parens. Et si approuua l'empereur Titus, tant & si auat mes liures: & voulut que par iceulx toutes gens entendissent la vertu des choses adue nues, qui les souscriuit de sa main. Et manda qu'ilz sussent publiquemet leuz. Et pareillemet le roy Agrippa par soixatedeux de ses epistres, a affermé la verité de nostre histoire, desquelles i'en ay inscre deux. Mais c'est assez de cecy, & nous convient retourner à la narration de nostre histoire.

Comment apres sainst Iaques, Simeon regit l'eglise de Hierusalem, comment Vespasian sit cercher la posterité du roy David.

Chapitre XI.

E PV I S le martire de sainct saques l'apostre, & la destructió de Hierusalem, qui bien tost apres s'ensuyuit, les apostres & autres disciples de Iesuschrist, qui lors estoyent encores en vie, s'assemblerent, comme lon dit, de tous costez auec ceulx, que lon disoit estre pa rens d'iceluy Iesus, selon la chair: dont en ce

temps s'en trouuoit plusieurs, & mirent en auant qu'il seroit digne & suffisant pour estre deputé euesque en Hierusalem, au lieu dudict sainct Iaques: & tous d'vn accord surent d'aduis d'y mettre Simeon, filz de Cleophas, dont il est saict mention aux euangi les: lequel estoit cousin germain de Iesuscrist, pourtant qu'Ege-sippus dit que Cleophas estoit frere de Ioseph. En celuy téps Vest passan l'empereur apres la destruction de Hierusalem, sit enquerir & cercher tous ceulx que lon disoit estre de la lignee de Dauid, comme gens de sang royal, dont il aduint grande persecution aux Iuifz, par Titus silz de Vespassen.

Comment à Vespasien succeda Titus, & à Titus Domitian: & des cuesques qui furent en Alexandrie, & à Rome de celuy temps.

Chapitre XII.

T apres qu'iceluy Vespassen eut regné dix ans, luy succeda ledict Titus à la deuxiesme annee, duquel lon trouue que Linus qui auoit tenu le siege de sainct Pierre à Rome douze ans, le laissa à Anacletus, mais Titus ne tint l'empire fors deux ans & deux moist puis luy succeda Domitian son frere à la qua

triesme annee, duquel en Alexandrie, Agnan qui auoit tenu l'euesché vingtdeux ans, mourut, & luy succeda Abilius. Et à Rome apres qu'Anacletus eut gouuerné l'eglise douze ans, remit le siege à Clement, lequel sainct Paul en son epistre, qu'il escrit aux Philipenses, appelle son coadiuteur, quand il dit: Auec Clement & mes autres coadiuteurs, desquelz les noms sont escriz au liure de vie.

De l'epistre de Clement.

D

Chapitre XIII.

E cestuy Clement, lon trouue vne epistre qu'il escriuit en personne, de l'eglise Romaineaux Corinthiés, merueilleuse: Lors qu'entre ceulx dudict Corinthe, se leua vne dissen tion. Laquelle epistre il est certain qu'elle se

lit publiquement en l'eglise de nostre temps, & plus anciennement. Mais d'icelle dissention qui se leua à Corinthe, & de la se dition du peuple, Egesippus qui est tressuffisant tesmoing, en par le en la maniere qui s'ensuit:

Fij

De la persecution qui fut soubz Domitian.

Chapitre XIIII.



PRES que Domitian eut exerce sa grande cruauté à l'encontre de plusieurs gens, tant en la cité de Rome, qu'aileurs, faisant sans cause & sans raison, occire plusieurs grans & nobles personnages, les autres enuoyant en exil. & aux autres rauissant leurs biens: finablement il couertit sa fureur cotre les Chre-

stiens comme vray successeur de la cruauté de Neron. Car apres iceluy il fut le premier qui persecuta les Chrestiens:ce que Ves-

passen son pere n'auoit faict, ne Titus son frere.

De sainet Iehan l'apostre, & de sa reuelation.

Chapitre xv.

E

N ce temps, sainct Iehan l'apostre & cuangeliste, pourtant qu'il preschoit l'euangile, & tes moignoit la verité, fut relegué en l'isse de Path mos, duquel parlant Hirenee, & faisant le com pte du nom de l'Antechrist, qui est contenu en

la reuelation que lon dit estre d'iceluy sainct lehan, au cinqiesme liure qui'l escrit contre les Hereses, parle dudict sainct Iehan, ainsi qu'il s'ensuit: Et s'il estoit besoing (dit il)parler plus clerement en ceste saison d'iceluy nom, qui est l'homme qui l'eut peu mieulx declairer, que celuy qui auoit veu icelle reuelation. Car il n'ya pas long temps qu'elle fut reuelee: ains a esté quasi de nostre aage,& à la fin de l'empire de Domitian. Et la maniere de viure, & les enseignemes de nostre loy estoyent lors en si grande estime, qu'aucuns historiens de celuy temps, qui estoyent d'vne autre secte, en ont faict mention : tant des persecutions, que des martires qui furent lors. Et entre autres declarant songueusemét le temps, disent que la quinziesme annee de l'empire de Domitian, il enuoya Flauie Domicille, fille de sa seur & de Clement

Flauius, qui estoit lors vn des consulz, en exil, en l'isle Pontienne, auec plusieurs autres, pourtant qu'elle

se disoit Chrestienne.

Comment Domitian commanda que tous ceulx de la lignee du roy Dauid fussent occis.

Chapitre XVI.



T dit lon qu'ayant Domitian commandé que tous ceulx de la lignee du roy Dauid, fussent occis: il s'en trouua aucuns qui furent accusez estre des descédans de Iudas, qui fut, comme lon dit, l'vn des freres de nostre Sau ueur, seló la chair. Lesquelz par deux raisons estoyent persecutez par enuie. L'vne pource

qu'ilz estoyent de la rasse de Dauid: L'autre qu'ilz estoyent parens de Iesuschrist.lesquelles choses Egesippus raconte par ordre,

ainsi qu'il s'ensuit:

De la lignee, & du parentage de nostre scigneur Iesuschrist.

Chapitre XVII.

A

Veuns du parentaige charnel de nostre sauueur Iesuschrist, qui estoyent neueuz de Iudas, celuy qui fut, comme lon dit, frere de no stredict Sauueur, selon la chair, en celuy téps estoyent encores viuans. Lesquelz furent accu

sez & denoncez par aucuns delateurs, comme estans des descendans de Dauid, entre lesquelz delateurs en y auoit vn nomé Reuocatus. Car Domitian creignoit l'aduenement de Christ, ainsi que fit Herodes du commencement. Interroguez adonc les desfusdictz neueuz de Iudas, par iceluy Domitian, s'ilz estoyent des descendans de Dauid. Respondirent que ouy. Apres leur demanda quelz biens, & quelz facultez ilz auoyent. A quoy firent response que tous leurs biens pouoyent valoir neuf mille deniers: dont à chascun d'eulx appartenoit la moitié pour sa part: & n'estoit pas leurdict vaillant en argét, mais en trenteneuf journaux de terre, qu'ilz labouroyent de leurs mains, dont ilz viuoyent, & payoyét leurs treuz. Et assez portoyét tesmoignage leurs mains rudes & endurcies qu'ilz estoyent laboureurs journaliers. Apres les interroga de Iesuschrist, quel estoit son regne, & quel homme il estoit, de quel quartier, & quand il deuoit venir. A quoy respondirent, que son regne n'estoit pas en ce mode, ne son empire

F iij

en la terre, mais estoit son royaume celestiel, que les anges du ciel luy preparoyent à la consummation du monde, quad il viendroit en sa gloire pour iuger les mortz & les vifz, & rédre à chascun se lon sa deserte. Alors Domitian, veu qu'il ne trouuoit aucun crime alencontre d'eulx: & mesmement considerant & contemnant leur vile condition, commanda qu'ilz fussent deliurez sans leur malfaire, restreignit d'auantaige par nouueaulx edictz la persecution qu'il auoit commandee estre faicte contre les Eglises. Et au regard desdictz neueux de Iuda, fut par le merite de martire, ou par le prochain parentaige, dont ilz attendoyent à nostre Sauueur en celuy temps de paix, estans conducteurs de l'eglise, perseucrerét iusques au temps de Traian. Ainsi parle Ege sippus. Tertulian aussi parlant de Domitian, raconte quasi les mes mes choses disant ce qui l'ensuit. Domitian entreprint vne semblable chose participant de la cruaulté de Neron. Mais comme homme tantot f'en defista, tellement que ceulx mesmes qu'il auoit enuoyé en exil il rapella. Et apres qu'il eut regné quinze ans Nerua luy succeda à l'empire, soubz lequel tous les tiltres honnorables qui auoyent esté attribuez à Domitian furent ostez & arrachez. Et ceulx qu'il auoit enuoyé en exil, furent rappellez par sentence du Senat, & recouurerent leurs biens. Toutes lesquel les choses tesmoingnent ceulx qui ont escript les gestes d'iceluy temps. Et lors fainct Iehan Euangeliste ainsi que narrent noz escriueurs estat absoulz de son exil, reuinten la cité d'Ephese com. me en sa propre escole.

Des euesques qui estoyent en celle saison en Alexandrie, d Rome,en Antioche, & en Hierusalem.

Chapitre XVIII.

PRES que Nerua eut tenu l'empire enuiron vn an, luy succeda Trayan, en la premiere annee duquel Abilius qui auoit gouuerné le peu ple d'Alexandrie treize ans, mourut & luy succeda Cerdő, qui fut le troissesme Euesque. Auquel temps tenoit le pontificat à Rome Clement, qui fut letroisiesme apres les apostres, &

en Antioche apres Euodius qui auoit esté le premier. Ignatius fut le second en Hierusalem. Aussi en celuy temps Symeon gouuer

noit l'eglise qui fut le second apres sainct Iaques.

Chapitre XIX.



N celuy temps viuoit encores sainct Iehan l'apostre & cuangeliste, Celuy que Iesus aimoit, Et qui gouuernoit les eglises qui estoyent en Asie, depuis qu'il sut reuoqué d'exil, apres la mort de Domitian ainsi que a esté dit. Laquelle chose ie prouueray par deux bostesmoings dignes de soy. C'est à sçauoir Hirenee, & Cle-

ment Alexandrin. Dot le premier, au second liure qu'il escrit con tre les Hereses. dit en ceste maniere: Et tous les prestres qui sont en Asie & ont veu sainct Ichan disciple de nostre seigneur, scauet qu'il a baillé cecy: lequel demoura auec eulx iusques au téps de Trayan. Et pareillemet au troissesme liure, il dit: l'eglise qui est en Ephese fut fondee par sainct Paul, & apres edifiee par sainct Iehā qui demoura là iusques au temps de Trayan. Et par ainsi nous auons ce tesmoing digne de foy qui parle du temps des apostres. Mais voyons que dit Clement lequel raconte vne histoire tresne cessaire que nous voulons inserer en ceste nostre narration. Or escoutez (dit il) vne fable, & non pas fable, mais chose veritable de sainct Iehan l'apostre, qui a esté laissé à la memoire des hommes. Apres la mort dutirant Romain, reuenant iceluy fainct lehan de l'isle de Pathmos à Ephese estoit requis & pressé d'aller visiter & illustrer les autres prouinces voisines pour fonder des eglises là ou il n'en y auoit point, & là ou il en y auoit pour instruire les prestres & les ministres de toutes choses, selon que le sainct esprit luy auoit reuelé. Estant adonc venu en vne cité assez prochaine de là, apres qu'il eut faict ce qu'estoit requis touchant les choses ecclesiastiques, il vit vn ieune homme beau de visaige, & de belle corpulence, mais de trop grant couraige, lors se retournant deuers l'euesque qu'il auoit là ordonné luy dist en telle maniere: Ie te recommande singulierement cestuy cy, & en prens à tesmoing Dieu & toute l'eglise. A quoy l'euesque respondit qu'ille receuoit par son commandement, & qu'il y mettroit tou te diligence. Mais neantmoins l'apostre luy replicqua quatre ou cinq fois ces mesmes propos. Et sur cela s'en retourna en Ephese. Apres son departement l'euesque retira le ieune homme en sa maison, & mit tout son estude à le bien nourrir garder, & adresser. & finablement le baptisa. Mais apres qu'il fut baptise, soy

F iiij

confiant de la grace dont il estoit fortissé, commença à le moins garder, & y auoir moins de soing, dont le Iuuenceau soy voyant remis en liberté auant qu'il fust temps, par exhortement & perfuafion d'autres ieunes gens de son aage lubriques & mal viuans, l'addonna aux vices, en ensuyuant la vie des autres. Et premierement le deceurent par conuis & banquetz, apres l'acompaignerent à plusieurs larrecins qu'ilz faisoyent de nuit, puis le tirerent encores à plus grand exces. Car d'autant qu'il estoit de grand en tendement, peu à peu il s'addonnoit & accoustumoit aux vices &aux exces. Sicomme faict vn gaillard cheual quand il est debridé qui laisse le droit chemin & sans auoir crainte de celuy qui le gouverne l'en va courant par tous lieux dagereux. Tout ainsi ce-Luy Iuuenceau peu à peu estant accoustumé aux vices & n'esperant plus auoir misericorde de Dieu se desdeignoit de penser plus aux petitz pechez, ains pensoit aux plus grans. Tellement que soy voulant du tout perdre ne vouloit souffrir que autre le surmontast en peché & en meschaseté, & que ceulx mesmes qui auoyent esté ses maistres, deuindrent ses disciples. Car il les assembla pour les faire Brigans, & se fit leur chief, & auec eulx fit de grans cruautez. Mais quelque temps apres, ainsi que le besoing le requeroit, fut de rechief sainct Iehan appellé en icelle cité, lequel apres qu'il eut acheué ce pour quoy on l'auoit appellé, demanda à son euesque qui luy rendist ce que Dieu & luy, luy auoyent baillé en garde en la presence de toute son eglise, dont l'euesque sut tout esbahy cuidant qu'il luy demadast quelque argent, sçaichat qu'il n'en auoit point receu. Car il consideroit qu'il ne sçauroit tromper sainct Iehan, & que aussi il ne estoit pas pour demander chose qu'il n'eust baillee, & par ainsi estoit tout estonné sans riens respondre: quoy voyant, l'apostre luy dit: ie te demande ce Iu. uenceau & l'ame de ton frere. Lors le viel euesque en pleurant luy dit: Certes il est mort. Comment dit l'Apostre, & de quelle mort?Il est mort dit l'euesque quant à Dieu: car il est deuenu le plus mauuais, & le plus vicieux du pais. Tellement que à la fin il l'est faict capitaine des larrons, & l'est retiré en vne montaigne auec ses complices pour destrousser les gens. A celle parole le bon apostre, incontinent deschira sa robbe dont il estoit vestu, & en souspirant griefuement & frappant sa teste dit à l'euesque: l'ay laissé vn bon gardien à l'ame de mon frere. Si manda que prom ptement on luy amenast vn cheual, & vne guide: & sortant de l'e glise l'en alla tout droit contre la montaigne. Et quad il fut venu

iusques au lieu ceulx qui gardoyent l'entree le prindret. Lors sans l'efforcer de l'en fouir, ne de prendre autre chemin, leur dist à haute voix: Ie suisicy venu pour cela, menez moy à vostre capitaine, ce qu'ilz firent. Maisincontinent qu'il recongneut l'apostre de loing eut si grand honte qu'il s'en retourna suyant lors le bon apostre picqua son cheual & le suyuoit à toute diligéce, sans auoir regard à son aage criant apres luy: Ha mon filz pourquoy t'en fuiz tu deuant ton pere, qui est vieil & sans armes. Poure miferable na'ye paour, il y a encores en toy espoir de vie. Ic rendray compte à Jesuschrist pour toy, & volutiers mettroye ma vie pour toy, ainsi que nostre Seigneur receut mort pour nous, & mettray mon ame pour la tienne, demeure seulement & me croy: car no stre Seigneur ma enuoyé à toy. Finablement à ces parolles s'arresta le Iuuenceau, & tournant les yeulx en terre ietta les armes qu'il portoit, & tout tremblant se mist à plorer aigrement, foy iettant aux piedz du bon vieillard qui venoit à luy; & satisfaisant par pleurs & par gemissemens au mieulx qu'il pouuoit de ses faultes à grande abondance de larmes, par lesquelles de rechief se rebaptisa en cachant seulement sa main dextre. Quoy voyant l'apostre luy pormit & iura qu'il impetreroit son pardon enuers Dieu, & se ietta à genoulx deuant luy en le prenant par la main dextre que le Iuuenceau tenoit musse pour la memoire des maulx qu'il en auoit faict, & la baissant, comme si desia par repentance & contrition elle estoit purgee. Si le remena à l'eglise, & par continuation de prieres & de ieusnes qu'il faisoit auecques luy demandoit à Dieu la remission qu'il luy auoit promise. Et neantmoins par diuers langaiges consolatifz radoulcissoit son cueur tout espouuente, & iamais ne cessa iusques à tant qui le rendit si amendé qu'il luy bailla le gouuernement de l'eglise, donant par ce moyen grand exemple de vraye penitence, & grand enseignement de nouvelle regeneration, & monstrant aucunes enseignes en luy de visible regeneration. Ces choses

que Clement racompte auons icy inserees, non pas tant seulemét à fin qu'on sçache ce qui fut fait, mais pourtant qu'il pourra estre protisitable à ceulx qui le liront.

De l'euangile saint Iehan: go pourquoy on le met le dernier. Chapitre xx1.

R est il conuenable que nous faisions mention des escritz d'iceluy Apostre, qui sont en authorité. Et premierement y est son euangile qui desia par tout le monde, a esté publiee. Et la raison pourquoy les anciens l'ont mis le dernier apres les autres trois, est pour tant que les venerables apostres qui estoyent

vrayement dignes de la grace de Dieu, estans en toute purité de vie, & en toutes vertuz accompliz, ne faisoyent pas grand conte de parler elegamment: pourtant que eulx qui estoyent par grace diuine rempliz de toutes vertuz: & qui auoyent la grace de fai re les miracles & les grans signes que nostre Seigneur leur auoit donnee,ne mettoyent pas l'efficaee de leur sermon, en persuasion de parolles humaines; mais en ostentation du sainct esprit: eu la vertu duquel faisans choses merueilleuses, par lesquelles leurs parolles estoyent confermées, donnerent par tout le monde la scièce du royaume du ciel sans mettre peine de faire plusieurs liures. Pourtant que l'assertion & confirmation de leurs sermons n'auoit pas besoing d'aide de langaige humain, mais de vertu diuine: sainct Paul aussi qui est le plus elegant en langaige & le plus profond en sentences de tous les autres apostres, n'a faict que vn bien petit nombre d'epistres, lesquelles contiennent innumerables & incomprehensibles misteres & sacremens, comme faictes par celuy qui les auoit veues estant rauy iusques au tiers ciel, & qui auoit esté au paradis auquel est le Throne diuin: & illec ouy les parolles, & toute la doctrine qui est là, & par ainsi en corps & esprit, estoit faict disciple de celle glorieuse eschole. Et au regard des autres apostres, non pas des douze, tant seulement, mais des autres qui auoyent esté disciples à l'escole de nostre redempteur, silz ont laissé aucune memoire en escript par l'inspiratio du sain ct esprit de leur doctrine: si l'ont ilz couché succinctemét en toutes choses: & des xij.apostres n'y eut que sainct Iehan & S. Matthieu qui se missent à escrire, plus par necessité que autremét, car saince Marthieu apres qu'il eut presché aux !uifz l'euangile, voulant aller faire le semblable aux gétilz pour laisser à ceulx qu'il abadon noit memoire de cequ'il leur auoit persché leur bailsa son euangile par escript. Apres sainct Luc & sainct Marc sirét & esciuirent les leurs pour les raisons que nous auos touché dessus. Et tat que

touche sainct Ichan, lon dit qu'il perseuera sa predication iusques au dernier de son aage sans riens bailler par escript. Mais estans les autres trois euangiles publiez par tout, & paruenuz iusques à sa notice, il les approuua tant que touche la verité de leur narré. Toutesfois il dit qu'ilz auoyét obmis aucunes choses, mesmemét celles qui auoyent esté faictes par nostre Sauueur au commence ment de sa predication. Caril est tout certain que les autres trois cotiennent tant seulement, ce que fit nostre Sauueur l'annee que sainct Iehan Baptiste sut en prison, ou qu'il sut decapité comme il peut assez apparoir par ce que sainct Matthieu apres qu'il a par lé du Ieusne de Iesus Christ, & de sa tentation, incotinent dit que entendant comme sainct Iehan auoit esté prins, s'en partit de Iu dee & s'en alla en Galilee, & le semblable dit sainct Marc. Au re gard de sainct Luc auat qu'il parle d'aucun acte du redépteur dit en ceste maniere: Herodes apres tous les maulx qu'il auoit faictz y adiousta cestuy qu'il print & mist en prison Iehan Baptiste.Par quoy estat par lesdictz trois euangelistes obmis ce qu'auoit esté faict au parauat, fut requis de bailler par escrit. Et pourtat dit il à son euagile, là ou il narre le miracle que fist Iesus quand il couer tit l'eaue en vin estant aux nopces. Ce fut le premier des signes & miracles que fit Iesus. Et en vnautre lieu il dit: Et n'estoit pas en cores Ielian mis en prison, parquoy assez appert, qu'il escriuit les choses qui furent faictes auant l'emprisonnemet dudict sainct le han Baptiste. Par ainsi qui vouldra bien considerer cecy ne trouuera aucune discrepance en ce que iceluy sainct Iehan l'apostre à escript, auec les autres trois. Car il escript les choses faictes en au tre téps,& pource que sainct Matthieu & sainct Luc ont descript la generation charnelle de nostre redepteur : iceluy sainct Iehan. voulut comencer son euangile par la theologie & par la diuinité. Laquelle partie sans post de faulte auoit esté reseruée à luy come au pl' excellet des'autres. Et c'est quat à l'euagile de sainct Ieha.

Des autres trois euangiles, & außi des autres escritures saincles qui sont indubitablement receues par toutes les eglises.

Chapitre XXII.

V rauce que au qui plus

V regard de celuy de sainct Marc, nous en auons parlé dessus assez suffisammét. Et tant que touche sainct Luc, il declaire suymesme au commencement de son euangile, la cause qui le meut à l'escriture. Qui est pource que plusieurs auoyent presumé temerairement de

mettre par escrit les choses dont il auoit plus vraye cognoissan. ce:parquoy nous voulant retirer de la narration des autres: il atteste & tesmoigne, que ce qu'il a baillé par escrit, il l'a entendu de sainct Paul, ou des apostres qui l'auoyent veu. Et c'est assez quat à ce propos des euangiles: mais nous declairerons cy apres en autre lieu plus conuenable, des autres liures & escritures que les anciens nous ont laissees, commét il en va. Et outre, l'euangile sainct Iehan, sans point de doute, lon trouue de ses epistres, la premiere desquelles à esté receue comme sienne, tant par les anciens, que par les modernes. Mais des autres deux, & de sa reuelation, encores à present en est il quelque doute, ainsi qu'il a esté le temps passé. Et puis que nous sommes venuz à parler si auant de ceste matiere, nous designerons & descrirons tous les canons du nouueau testament. Et premierement nous mettrons le celestiel chariot des quatre euagiles, apres les epistres de sainct Paul, & consequem ment la premiere de sainct Iehan, & la premiere de sainct Pierre. Ce sont les escritz dont iamais n'a esté douté. En secod lieu nous mettrons celles dont il a esté quelque doute par aucuns : comme est la reuelation de sainct Iehan l'apostre, de laquelle nous disons en autre lieu les opinios de ceulx qui en ont parlé. Et parillement l'epiftre de sainct laques, celle de sainct lude, la seconde de sainct Pierre, la feconde & la troisiesme de sainct Iehan, desquelles lon faict grand doute. Lon dit aussi qu'il y en ya vne de sainct Barnabé,& yn traicté qui est nommé La doctrine des apostres. Aucuns aussi y ont adiouste l'euagile qui est nommee Des Hebreux:duquel vsent les Iuifz, qui font semblant de prendre la foy: mais en l'eglise ilz y contredisent. Toutes lesquelles choses nous auons necessairement declairé, à fin que lon entendit clerement qui sont celles escritures, dont nul n'a faict doute: & celles dot aucuns ont douté. Autres sont en suspens combien qu'elles soyent receues en plusieurs eglises. Il en ya des autres qui ont esté composees par les Heretiques frauduleusement soubz le nom des apostres, comme certains actes de sainct Pierre, de sainct Thomas, desainct Matthieu: & pareillement des autres apostres qu'ilz appellent euangelistes. Et vn autre contenant les actes de sainct André, de sainct Tehan, & des autres apostres desquelz nul des anciens, qui ont succedé ausdictz apostres, ne faictivne seule mention. Et si comprent lon que le stile est moult divers de celuy qui est accoustumé en l'eglise, & la substance moult dissonante & contraire à la foy des apostres, dot lon cognoit assez que ce sont choses cotrouuees, par

quoy n'est pas question de les mettre au ranc des autres, dont nous auons dit qu'il en est quelque doute, mais de les reiecter du tout comme discrepates de la vraye loy & religion Chrestien ne. Or à tant nous conuient reuenir à nostre Histoire.

> De Menander magicien. Chapitre xxIII.

SIMON Magicien succeda Menander, vn vray escu & glaiue du diable, nó pas moindre que le premier. Aussi estoit il Samaritain comme luy. Mais touchant l'art magique luy seul se trouue, non pas qui se peult equiparer à Simon son mai-

ftre, mais le surmonter. Car il vsoit des plus grans abuz, & choses plus estranges, & qui sembloit contre nature. Il se disoit, le Sauueur enuoyé des regions celestes & inuisibles, pour le salut des hommes, affermant que homme du monde ne pouuoit autrement vaincre les aguetz de ce siecle, l'il ne prenoit entierement de luy l'art magique: & que par le baptesme qu'il bailloit lon deuenoit immortel & eternel en ceste vie humaine. Toutes lesquelles choses lon peut au log sçauoir par les liures d'Hirenee. Et pareillement Iustin au mesme liure qui parle de Simon en faict aussi mention, disant telles parolles: Nous sçauons que vn homme nommé Menander Samaritain d'vn village appellé Capparatthea, disciple de Simon incité du diable vint à Anthioche, & par art magique deceut plusieurs gens, pourtant qu'il persuadoit à ses suyuas qui les feroit immortelz. Desquelz encores s'en trou uét aucuns qui de luy cofessent ce que dessus. Qui est voiremét vne inuention diabolique, que hommes magiciens vsurpent le nom des Chrestiens, à fin de pouuoir par ce moyen maculer & in fecter le sainct & venerable mistere de nostre religion. Jaçoit

qu'ilz se mocquent des enseignemens ecclesiastiques & les contemnent touchant l'immortalité de l'ame, & la resurrection des mors. Aussi ceulx qui s'auouent à telz maistres & autheurs de telles diableries, n'ont aucune esperance de salut ne de vie eternelle.

Le tiers liure

De la secte des Ebionites.

Chapitre XXIIII.

Vcus autres que le diable ne peuuet separer de l'amour de lesuschrist, deceuz par vn autre art: à sçauoir les Ebionites: qui est autant à dire, comme les poures. Aussi sont ilz veritablement poures en la science de lesuschrist. Car

ilz croyent qu'il fut pur homme. & que par bonté de vie & exercitation de vertuz, il deuint homme bon & parfaict : aussi qu'il fut engendré & né d'hôme & de femme, ainsi que les autres hom mes. Et outre ce, que lon doit garder les cerimonies de la loy ancienne, pourtant que par la seule loy de lesuschrist on ne se pour roit sauuer. Aucuns toutesfois d'entre eulx se retirent de ce blaspheme, Qu'il fut né d'homme & de femme, & confessent qu'il fut conceu du sainct Esprit & né de la vierge. Mais ilz dient qu'il ne fut pas tousiours Dieu, ne le verbe & la sapience de Dieu, & neantmoins observent la loy ancienne quant aux choses corporelles. Ilz redarguet tous les epiftres de sainct Paul, disans qu'il fur apostat de la loy, & vsent d'vne euangile qu'ilz appellent L'euangile des Hebreux: & de toutes les autres choses ne tiennent conte. Ilz gardet au surplus les sabatz auecques les Iuifz, & le iour du diméche, auecques nous: comme consacré par la resurrection de nostre Seigneur: dont proprement sont appellez Ebionites, pour la poureté de leur intelligence.

> De Cherinthus, un grand autheur de faulse secte. Chapitre xxv.

O V S trounos qu'en ce mesme temps se mit sus vn autre inuenteur d'vne nouuelle here-sie, nomé Cherintus, duquel parle Caius, au li ure de ses disputations, dot dessus auons faict mention, & dit en ceite maniere: Cherinthus aussi par aucunes reuelatios qu'il disoit auoir esté escrites, par vn grand apostre, & par les an

ges à luy enuoyez, nous a mis en auat aucunes choses mostrueus ses, disant: Que Christ apres sa resurrection regnera téporellemét en Hierusalem, & que les homes resusciter ot aussi en chair, & vi uront en leurs charnelles concupiscences, & en leurs vices, come deuant. Et dit cotre toute la verité de l'escriture, qu'il y aura mil le ans, esquelz se feront plusieurs actes & corruptions, & grandes

festes de nopces, & ce dit pour attirer & deceuoir ceulx qui sont enclins à voluptez & lubricitez. Dionysius aussi parlant de la reue lation de saince Iehan, & disputat d'aucunes choses qui surent an ciennement baillees en l'eglise, en faict mention par telz langaiges: Cherinthus(dit il) duquel a eu comencement l'heresie Cherinthiane, tachoit d'aquerir grande renomee, par ses iuuentions & fictions, & par donner mauuaise intelligence à ceste escriture. Car il affermoit que le regne de Christ seroit terrien, & ponrce qu'il estoit abandonné à son vetre & à sa gueulle, & aussi à la pail lardife & charnalité:il prononçoit deuoir aduenir les choses que propre volupté, luy persuadoit. C'est à sçauoir, que les homes au royent satieté des incitemens & appetiz charnelz du vetre, & des membres qui sont soubz iceluy, par boire, par manger, & par nop ces. Et pour monstrer qu'il disoit quelque chose plus saincte, il af fermoit q de rechef lon feroit & celebreroit les festiuitez de l'an cientestamét, & sacrisseroit lon les bestes. Hirence aussi au premier liure de son œuure, descouure plus amplemet les plus secret tes choses de celle heresse que lon pourra vcoir là, qui voudra

De Nicolas & de ses suyuans. (1)11
Chapitre XXVI.

I se leua aussi vne autre heresie, nommee des Nicolaites, dont sainct Iehan en sa reue lation saict mention, laquelle pourtant ne dura gue res. Et disoyent les sectateurs de ceste heresie, auoir d'icelle esté autheur, l'vn des sept diacres qui furent ordonnez par les apostres, auec sainct Estienne, nommé Nicolas. Duquel Cle

ment Alexadrin au troisiessme liure de ses Stromates, saict mention en telles parolles: Cestuy Nicolas auoit vne belle semme, & apres l'ascension nostre Seigneur, estat par les apostres reprins de ce qu'il en estoit ialoux, la mena au meillieu de la copaignie, & l'abadonna à tous ceulx qui en voudroyent charnellement abuser. Pour raison du faict, & desquelles parolles sessioner sestat teurs ont interpreté, qu'il soit loisible à vn chascu d'abuser de son corps en toutes voluptez & delectations, le prenant à leur auantaige en manuais sens. L'acte d'iceluy Nicolas, sut faict simplement & innocenment & sans aucune reuer ce ne distinction des personnes, accopilissans leurs cocupiscées charnelles en toutes sor tes illicites & prohibees. Mais i'ay pour verité, q Nicolas ne con-

gneut iamais femme finon la sienne qu'il auoit espousee: ains que de ses enfans, les femelles vesquirent en virginité iusques à grand aage, & le filz pareillement vsa sa vie en toute saincteté & chasteté. Parquoy il appert que ce que sit ledict Nicolas de sa semme, la menant deuant les apostres qui le souspeçonnoyent d'estreialoux : ille fit pour monstrer qu'il n'estoit point subiect à charnalité, & qu'il contenoit la chose qu'il estoit mescru de trop appeter: voulant par celuy acte monstrer que lon doit plus despri ser, que appeter la concupiscence de la chair. Pourtant qu'il ne vouloit(comme ie pense)iouxte la parolle de nostre Sauueur,ser uir à deux maistres, à sçauoir à Dieu & à la charnalité. Ilz disent aussi que sainct Matthieu enseigna que lon deuoit combatre con tre la chair,& en maniere quelconque ne consentir à aucune volupté & concupiscence: & que lon doibt nourrir l'ame de viande spirituelle, de science & de sapience: pour toussours l'accroistre & augmenter en perfection. Or auons assez parlé des Heresies qui en ce temps la eurent naissance, & neantmoins n'eurent pas longue duree.

Des apostres qui n'ont pas desprisé les loix demariage.

Chapitre XXVII.

LEMENT toutesfois escriuat cotre ceulz qui ont voulu les nopces despriser, entre autres choses dit ce qui s'ensuit: Veullent ilz re prouuer aussi les apostres? Sas et Pierre & sas et Philippe eurent semmes, & marierent leurs silles. Et sainct Paul en vne sienne epistre n'a pas honte de faire des recommandations & sa

lutations de sa compaigne: laquelle il dit ne vouloir mener par pais auecques soy, à fin qu'il soit plus deliure pour prescher l'euan gile. Et puis que nous auons faict mention de Clemét, il ne sera point hors de propos de raconter vne sienne narration digne de memoire: laquelle il met au septiesme liure de son œuure, disant ce qui s'ensuit: Lon dit que sainct Pierre quand il veit mener sa semme à la passion & au martire, s'en resiouit, voyant que par ce moyen elle estoit du nombre des esseuz, & qu'elle retournoit à sa propre maison de paradis. Et qu'il cria apres elle quand on la me noit l'appellat par son nom, & luy disant: O ma semme ayez sou-uenance de Dieu. Telz estoyent les mariages des sainctz, & leur assection si parsaicte.

Chapitre XXVIII.



A I S puis que nous auons parlé cy dessus de la mort de sainct Pierre, & de sainct Paul, & aucunement du temps que sainct Iehan l'apostre sina sa vic: il est conuenable de narrer le lieu de son repos selon le tesmoignage de Policrates euesque d'Ephese, lequel escriuat à Victor euesque de Rome, faict aussi men-

tion de sainct Philippe, & de ses filles, disant ce que s'ensuit: Ainsi que dessus nous auons dit que les grans luminaires de la foy en Asse sont estaintz, lesquelz nostre seigneur resuscitera au iour du iugement quand il viendra en sa gloire pour recognoistre les sainctz. Ie parle (dit il) de Philippe qui fut l'vn des apostres, lequel trespassa en la cité de Hierapolis, auquel lieu vserent leur vie ius ques en vieillesse de les filles en virginité, & l'autre pleine du sainct esprit demoura en Ephese. Auquel lieu mourut sainct Iehan, celuy qui reposa sur la poitrine de nostre Seigneur, qui sut prestre de Dieu, portant l'enseigne pontificale, martir & docteur tresexcellet. Et c'est quat au lieux ou leurs corps reposent. A quoy bien l'accorde ce que Caius (duquel dessus auons faict mention) escrit en son dialogue qu'il a faict, disputat auec Proculus, parlat des filles de fainct Philippe, en ceste maniere: Apres cecy furent quatre prophetesses, filles de sainct Philippe, duquel le corps repo fe en Hierapolis, vne des citez d'Asie, & auec luy ceulx de sesdictes filles. Desquelles saince Luc aux Actes des apostres, faict men tion du téps qu'elles estoyent encores en Cesarce, disant en ceste maniere: Nous vinsmes à Cesaree, & entrasmes en la maison de Philippe l'euangeliste, qui estoit l'vn des sept, & demourasmes auec luy, lequa auoit quatre filles, qui toutes quatre prophetisoyét. Ayans adonc ainsi declairé du teps des apostres, & de leur deces, ce que nous auons peu sçauoir par les escritures des anciens, qu'auons assemblees: Et pareillement des canons de la saincte escriture, à sçauoir, des liures qui sont en authorité: de ceulx qui sont du tout reprouuez, & des autres qui sont quasi come entre deux, pourtant qu'ilz ont esté receuz par les eglises, plus par la doctrine &instruction en la foy qu'ilz contiennent, que pour l'authori té certaine de ceulx à qui on les attribue, est conuenable de parler des autres choses.

De la Passion de sainet Simeon, euesque de Hierusalem? Chapitre XXIX.

> Pres Neron & Domitian, soubz l'empire de Traian, duquel temps nous faisons métion, en toutes les citez se commença une persecution contre nos gens, ainsi que nous auons entendu des anciens: auquel temps Simeon filz de Cleo

A

phas, lequel (comme auons dit dessus) estoit le secod euesque de Hierusalem, receut la corone de martire, ainsi que tesmoigne Egesippus, que nous auons ia en plusieurs choses allegué pour tesmoing, lequel raconte que iceluy Simeon estant accusé par aucus heretiques, qu'il estoit Chrestien, fut par plusieurs iours tormenté en diuers supplices: tant que le juge mesme, & ses amis s'emerueilloyent de sa patience. Et finablement ordonna qu'il receut la mesme passion que nostre Sauueur auoit enduree. Mais encores vault il mieux inserer lesdictes parolles dudict Egesippus, lequel en parlant des heretiques, dit en ceste maniere; Aucuns adonc d'iceulx accuserent Simeon filz de Cleophas, comme estant de la li gnee de Dauid,& Chrestien: si fut martirisé estant en l'aage de six vingtz ans, soubz l'empire de Traian: & par le jugement de Atticus homme consulaire. Et adiouste aussi ledict autheur, que les accusateurs d'iceluy Simeon, estans en ce temps là cerchez, ceulx qui estoyét de la lignee de Dauid, furent prins eulx messes. Et que Simeon fut l'vn des disciples de nostre Sauueur, l'ancienne té de son aage le monstre. Aussi peult il apparoir par l'euagile, ou il est faict métion, que Marie sa mere estoit femme de Cleophas. & si nomme encores ledict historien aucuns neueux de Iudas, qui fut l'vn des freres de nostre Seigneur, outre ceulx dont nous auos dessus faict mention, qui furent trouuez en vie du temps de Domitian,& martirisez, disant en telle maniere: Ceulx cy adonc vindrent & furent ordonnez pour presider à toutes les eglises, comme martirs & parens de nostre Seigneur. Lesquelz (estant l'eglise en paix) perseuererent iusques au temps de Traian, & iusques à ce que Simeo, qui fut cousin germain de nostre Seigneur, & filz de Cleophas (dont nous auons parlé dessus) fut calumnié & accusé par les heretiques, deuat le Proconsul, disant qu'il estoit Chrestien. Et apres que par plusieurs iours fut trauaillé par diucrs tormens, finablement fut couronné par martire. Dont tous ceulx qui estoyent presens, & le iuge mesmes, estoyent esmerueillez qu'vn vieillard, estant de sixvingtz ans, peut endurer le martire

de la croix. Apres ces choses, ledict escriueur dit, que iusques à ce luy temps, l'eglise estoit demouree pure & nette, come vne vier ge immaculce, pourtant que les corropeurs &violateurs de la ve rité,& de la parolle de Dieu, ne se trouuoyent en aucune part. Et si aucuns en y auoit, se tenoyent mussez dedans les cauernes en terre. Mais depuis que l'ordre des apostres, & tous ceulx qui auoyent ouy la doctrine de la bouche du Sauueur furent passez de ceste vie, l'erreur des faulses doctrines fut intromis, & entra dedans la maison de Dieu, la trouuant vuide: & commencerent à oppugner auec les armes de mensonge, la verité apostolique, comme s'elle estoit desarmee de la teste, & desemparee de tour defenseur. Toutesfois ceste guerre se faisoit au dedans, mais dehors, le poix des grandes perfécutions greuoit moult l'eglife. Car lon tuoit tous les iours si grand nombre de martirs, que Plinius le ieune, ayant pour lors l'administration d'vne prouince, & voyant le grand nombre des hommes qu'on faisoit mourir, rescriuit à l'empereur, comme on occisoit tous les iours maintz milliers de personnes qu'on ne trouuoit iamais auoir commis aucun delict, ne faict chose contre leurs loix Romaines, forstant seulement qu'ilz chantoyent aucunes Hymnes auant le iour à vn certain Dieu qu'ilz appelloyent Christ. Et au surplus, adultere & tous les autres crimes, leur sont prohibez, & s'en gardent. Et au remenant, viuent selont les loix communes.

Comment Traian defendit que lon n'enquit point des Chrestiens.

Chapitre xxx.

Quoy l'empereur par son escrit luy seit resposse, par laquelle il desendoit aux officiers, qu'ilz ne feissent plus d'inquisition sur les Chresties: mais si aucun leur estoit presenté & couaincu, qu'il sur puny. Par lequel mandement lon esperoit que le seu de la persecution sut en partie estainct: mais par cela ne sut point tollue l'occasion à ceulx qui auoyent volunté de monstrer leur cruauté cotre noz ges. Car aucunessois le peuple estoit instit gue & incité, autressois les iuges trouuoyet des occasions quand ilz vouloyét cercher quelcun pour le punir, disant qu'on le leur auoit presenté. Ces choses racompte Tertulian en son Apologetique, auquel lon peut veoir plus amplement.

G ij

De ceulx qui gouuernerent l'eglise de Rome. & de Hierusalem en celuy temps.

Chapitre XXXI.



ROME adonc apres que Clement qui fut les troisses me apres les apostres, eut gouuerné l'eglise neuf ans, il laisse le mistere de la parolle de Dieu & le sainct siege, à Euaristus. Et en Hierusalem apres la mort de Simeon, dont nous auons parié dessus, vn nommé su stus (qui de la loy des Juifz s'estoit conuerty

Chrestien) sut faict euesque. Auquel temps encores viuoit en Asse Policarpus, l'vn des disciples des apostres, euesque de Smyr

ne, & Papias euesque de Hierapoly.

De Ignatius & de fes epistres.

Chapitre XXXII.

Ais de nostre aage, obtint l'euesché d'Antioche, Ignatius, qui estoit de grande renomee. Et sut le premier apres sainct Pierre, lequel (à ce que lon dit) sut enuoyé des parties de Syrie, à Rome, au quel lieu, pour la foy de Iesuschrist, sut condané

à estre baillé aux bestes. Iceluy en allant à Rome prisonnier, & passant par le pais d'Asie, en tous lieux ou il descédoit, preschoit au peuple, & aux eglises, la foy Chrestiene, & enhortoit les Chre stiens à perseuerer, & de se garder des infections des heretiques, qui lors començoyent à pulluler, en gardant soigneusemet la do ctrine qu'auoyent baillé les apostres. Et à fin que cela ne demeurat incertain, i'atteste auoir celle doctrine laisse par escrit en ses epistres. Et finablement estant venu à Smyrne, ou estoit lors Po licarpus, escriuit de là vne epistre à ceulx d'Ephese, & à leur eues que:en laquelle il faict métion de Onesim⁹, & vne autre à vne ci tê, qui est assise sur la riuiere de Meander, nomee Magnesse, en laquelle il faict mention de l'euesque Dameus. Encores en escriuit il vne autre à l'eglise qui estoit à Tralles, à laquelle presidoit lors Polimius. Mais en icelle qu'il escriuit à l'eglise Romaine, les prie qu'ilz ne vueillent point, par pitie de ces tormes, empescher son martire. Entre autres choses, dit les parolles qui s'ensuyuent: Depuis Syrie iusques à Rome, ie cobas continuellemet cotre les bestes, & iour & nuict suis lié & attaché entre dix Leopars, i'en-


M

tens dix sergens, qu'on ma baillé pour me garder. Lesquelz, tant plus leurs fais de plaisir, tat me sont plus cruelz: mais leur cruaute me sert d'enseignemet, & si ne suis pas pourtant iustifié. O bestes falutaires, qui seront preparees pour moy, quand viendront elles, quand les me lachera lon, & quand pourront elles manger de ma chair? Certes ie desire que son m'apreste les plus cruelles, & les conuoiray de me deuorer, les priant qu'elles ne faillet point toucher à mon corps, come elles ont faict à aucuns autres & s'elles tardent, ie les forceray, & m'ingereray contre elles. Ie vous prie pardonez moy, car ie cognois ce qui m'est proffitable. Ie comen ce maintenant à estre disciple de Christ. Qu'enuie ou passions humaines, ou imbecilité d'esprit s'absentent de moy, à fin que ie puisse acquerir Iesus. Soyent cerchez & executez à moy tous les tormens q par art du diable ont esté trouuez, soit de feu, de croix, de bestes, de froissement de tous mes mébres: mais que ie puisse acquerir la gloire de Iesuschrist. Ces choses&plusieurs autres sem blables escriuit à diuerses eglises : mais en escriuant à Policarpus (come home apostolique) luy recomande singulieremet l'eglise d'Anthioche. Et en l'epistre qu'il escrit aux Smirniens, il dit aucunes parollles de nostre Sauueur, lesquelles ne sçauons ou il les a prinses, qui sont telles: Ie sçay (ditil) & croy que depuis sa refurrection il fut en chair: car quand il vint à sainct Pierre, & aux autres apostres, il leur dit: Venez à moy, à fin que voyez que ne suis pas vn esprit incorporel. Lesquelz l'ayas touché, creurent en luy. De celuy Ignace & de son martire, faict mention Hyrenee, & aussi de ses escriz, parlant de luy en telle maniere: Ainsi qu'vn des nostres m'a dit. Estat Ignace condéné aux bestes pour la foy de Iesuschrist, disoit telles parolles: Ie suis le froment de Dieu, qui seray moulu entre les dens des bestes, à fin que ie puisse apres de uenir le pain immaculé de nostre Seignenr. Mais encores Policarpus, en l'epistre qu'il escrit aux Philippenses, faict métion desdictes choses, disant ce qui s'ensuit: Ievous prie trestous que vueil lez perseuerer en obedience, & penser en la patience que vous auez veue en Ignatius, Ruffus & Zosimus, qui furent sainctes per sonnes:mais principalemet en sain& Paul, & aux autres apostres, qui ont esté par deuers vous. Et sçachez que tous ceulx cy n'ont pas couru en vain: mais ont couru par le chemin de la foy, & de iustice, iusques à ce qu'ilz sont paruenuz au lieu que Dieu leur auoit preparé, pourtant qu'ilz auoyent esté participans de ses passions: & n'auoyent point aymé ce mode, ains celuy-tant sevlemés

qui estoit mort pour eulx & pour nous, & apres resuscité. Et va peu plus bas il dit encores: Vous aussi, & Ignatius m'auez escrit, que si quelqu'vn alloit aux parties de Syrie voussist escrire, ce que ie seray quand i'auray l'oportunité: & si vous enuoyray les epistres d'Ignace, & aucunes autres, desquelles vous prendrez grand prossit, pourtant qu'elles cotiennent parfaicte instruction de soy & de patience, selon le commandement de nostre Seigneur. Et c'est assez quant à Ignace.

D'aucuns euangelistes, & en quel temps ilz eurent bruit.

Chapitre XXXIII.



batissoyent glorieux edifices sur les fondemens que lesdictz apostres auoyent iettez, en accroissant & multipliant en toutes choses la predication & la parolle de Dieu, & semant plus diffusement par toute la terre, la semence du royaume des cieulx. Entre lesquelz aucuns qui estoyent plus ardens & enslambez du de sir de la philosophie diuine, consacroyent leurs ames à la parolle de Dieu, en accomplissant le commandement de perfection, & distribuant leurs facultez entre les poures, pour apres estre plus deliures à la predication de l'euangile: & si aucunes prouinces restoyent qui n'eussent cognoissance de la parolle de Dieu pour y aller prescher. Et apres qu'ilz auoyent baillé les fondemens de la foy à aucuns, ilz choisissoyent des plus esseuz & des plus suffisans entre eulx, ausquelz ilz bailloyent le gouuernement des eglises qu'ilz auoyent fondees. Puis s'en alloyent de rechef aux au tres nations & prouinces, faisant office d'euangelistes, iusques à tant que par la grace du sainct esprit leur predication estoit confermee par signes & miracles, ainsi qu'estoit celle des apostres du commencement: tellement que lon veoit à vne seule predication, tout vn peuple entierement reduit à la foy Chrestienne. Car la foy des auditeurs n'estoit point plus tardiue, que la parolle des prescheurs. Mais pource qu'il nous seroit impossible de

nommer tous ceulx qui apres la premiere succession des apostres, furent princes, euangelistes, ou pasteurs es eglises qui sont par tout le monde. Il nous suffira de nommer ceulx la dont par leurs liures auons memoire & enseignement de leur soy & predication, comme de Clement, de Ignace, & des autres dont auons faict mention dessus.

De l'epistre de Clement, & de ses autres escritures Chapitre XXXIIII.

LEMENT en l'epistre qu'il escrit aux Co rinthiens, faict métion de celle de sainct Paul aux Hebrieux. & l'allegue en tesmoignaige, Parquoy il appert que sainct Paul voulant escrire à ses compatriotes, leur escriuit en leur commun languaige. Laquelle selon l'opinion d'aucuns, fut depuis transsate par sainct Luc,

ou par iceluy mesme Clemét, ce qui est plus veritable. Car le stile de ladicte epistre est du tout semblable à celuy de Clement, & les sentences mesmes de l'vn & de l'autre, sont moult conformes. Lon dit qu'il ya vne autre epistre de Clemét, dont nous n'auons eu aucune cognoissance, & aussi certains autres traictez siens, cóme la disputation de Pierre & d'Appion, que nous ne trouuons point auoir esté en vsaige de noz anciens. Aussi n'y trouue lon pas la pure & incorrupte reigle de la foy apostolique.

Des liures de Papias. Chapitre xxxv.

ON trouue ausii cinq liures de Papias qui sont intitulez L'explanation des parolles diuines, desquelz Hyrenee faict mention par telles parolles: Ces choses ausi atteste Papias en son premier liure, qui sut auditeur de S. Iehan l'apostre, & condisciple de Policarpus, l'vn des premiers & des plus approuuez des

anciens, lequel escriuit cinq volumes. Ainsi parle Hyrenee de Papias: mais iceluy Papias parlant de soymesme ne dit pas qu'il aye receu la doctrine euangelique de la bouche de sainct Iehan: mais par ses disciples, disant en telle maniere: Il ne nous greuera

G iiij

(dit il) exposer tout ce que nous entendismes iadis par les prebstres qu'auons bien retenu, auec leurs interpretations, & declarer la verité desdictes choses. Car nous ne nous sommes pas arrestez à ceulx qui disoyent beaucop de choses, mais à ceulx qui disoyét verité, ne à ceulx qui nous alleguoyent les commandemens des homes, mais à ceulx qui nous ramenteu oyent les doctrines qu'ilz auoyent aprises de la bouche du redempteur. Et quand il venoit quelqu'vn de ceulx qui auoyent suyuy les apostres: i'estoye continuellement apres luy pour prescher & apprendre de luy, quelle chose disoyent sainet André & sainet Pierre, quelle sainet Philippe, ou sainct Thomas, & quelles sainct laques, sainct Jehan, fainct Matthieu, ou quelqu'vn des autres apostres: & pareillemét Ariston, Iehan le Prebstre, & les autres disciples, pourtant qu'il ne me sembloit pas tant proffiter de veoir les liures & les escriptures, come d'ouyr & entendre la voix viue des maistres. Mais il me semble pourtant que ledict Papias oultre sainct Iehan l'a. postre qu'il met au nombre de sainct Pierre, de sainct Laques; & des autres apostres, & fut sans doute l'apostre & l'euangeliste. Il nomme vn autre Iehan different de celuy la, auquel il prefere Ariston, & nomement le distingue des apostres, & l'appelle prebstre. Et cecy conferme ce qu'aucuns Assatiques disent qu'en Ephese ya deux sepulchres, que tous deux s'appellent le sepulchre de Iehan. Et si nous y voulons bien penser, cestuy pourroit estre celuy Iehan, auquel est attribuee la reuelation de l'Apocalipse, si lon veult faire doute qu'elle ne soit de l'Apostre & euangeliste. Et cestuy Papias encores atteste comme il a entendu les parolles & la doctrine des apostres par ceulx qui les auoyent suyuyz, comme Ariston & Iehan le Prebstre: desquelz en plusieurs lieux de ses escriptz il faict mention, disant qu'il a aprins d'eulx ce qu'il dit en iceulx passaiges. Il faict aussi métion en ses œuures d'aucunes choses merueilleuses qu'il ne me semble pas debuoir taire: lesquelles il atteste luy auoir este dictes par les filles de Philippe l'euangeliste qui estoyent prophetesses, qu'il y eut en leur temps vn resuscité. Ét outre ce, recite vn grand miracle du Iuste, qui fut surnommè Barnabas, qu'il beut d'vne poison qui ne luy feit aucun dommaige, pourtant qu'il auoit beue au nom du Sauueur. Et cestuy Barnabas est celuy qui fut mis en sort auec sainct Mathias pour estre au lieu de Iudas le traistre, dot il est faict men tion aux Actes des apostres. Il raconte au surplus autres miracles: & recite certaines paraboles nouvelles du Sauveur, contenas vne doctrine incogneue & fabuleuse, qu'il dit luy auoir este dicte par les anciens. Cest q mille ans apres la resurrection, nostre saulueur reuiendra corporellemet regner en terre. Mais ie cuyde que les apostres disoyét spirituellemét en sens allegorique & figuratiuemét, il entédoit à la lettre. Car il ne pouvoit pas discerner les cho ses que les apostres disoyét par paraboles & exéples aux gens nou ueaux, come lon baille laict aux petiz enfans. Come il appert eui demmét par ses escriptz, esquelz il mostre bien qu'il n'auoit pas grand esprit qui fust capable de choses haultes & spirituelles. Et neatmoins il a baillé occasion d'errer à plusieurs qui sont venuz apres luy, qui mesuroyent l'auctorité de la doctrine par antiquité de teps, non pas par la raison des choses qu'il dit ainsi que feit Hyrenee & aucuns autres qui l'ont suyuy. Il recite au surplus plusieurs choses dudict Ariston, qu'il dit luy auoir esté dictes par le saulueur mesines. Et pareillemet de Iehan le Prebstre, lesquelles si quelqu'vn desire sçauoir, lise ses liures. Car nous ne prendrons en cest endroict, fors ce qu'il dit de S. Marc l'euageliste par telz langaiges: Ledict Prebstre nous racoptoit encores que S. Marc fut l'interprete & le truchement de sainct Pierre, & escriuit tout ce qui luy auoit ouy dire, no pas par ordre ainsi q nostre saulueur les auoit dictes : car il n'estoit pas de ses disciples & suyuans, ains apres la resurrection se mist à suyuir S. Pierre: no pas pour escrire les parolles du redépteur : mais pour luy ministrer en l'office de predication. Et pourtat n'est point à reprendre de ce qu'il recite plusieurs choses sans ordre, come vn homme qui a ouy vn long compte,& le reduyt à memoire peu à peu, ainsi qui luy en peult souuenir. Mais en cecy il a faict assez, en tant qu'il n'a riés obmis ne dit aucune chose qui ne soit veritable. Ainsi parle Papias de sainct Marc. Mais encores parle il de sainct Matthieu, par telles parolles: Matthieu (dit il) escriuit l'euangile en Hebreu: dont de . puis chacun l'a interpreté ainsi qu'il a peu. Ledict Papias aussi allegue la premiere epistre de sainct Iehan: & aussi la premiere de sainct Pierre. Et narre aussi vne parabole de la femme adultere, qui fut amenee à nostre Sauueur, par les Iuifz. De laglle aussi est faicte métion en l'euagile qui est intitulé L'euagile des Hebreux.


> Cy finit le tiers liure de l'histoire Ecclesiastique.

Cy commence le quart

LIVRE DE L'HISTOIRE ECclesiastique.

Des eucsques qui furent à Rome, & en Alexandrie du temps de l'empereur Traian: Et des maulx que les Iuisz souffrirent lors.

Chapitre premier.



Alexandre, & fut le cinquesme apres ledict S. Pierre. Et croissoit chacun iour en celle faifon la doctrine apostolique, la ou les Iuifz par continuelles occisions estoyent persecutez. Car la dixhuicties me annee dudict empire Traia, se leua de rechef par eulx nouuel le sedition & nouueau tumulte. Et commencerent premieremét en Alexadrie, par toute Egipte, & en Cirene comme par vne mu tinerie & ciuile dissention auoir grans questions & noises auec les autres habitans des villes ou ilz estoyent. Mais l'annee ensuyuant, ilz entreprindrent ouuertement la guerre contre l'officier & Duc Romain, qui se nommoit Lupus, & se tenoit es parties d'Egipte. Si ne fut pas la guerre petite, ains à la premiere bataille eurent les Iuifz la victoire. Mais les gentilz qui estoyent d'icelle bataille eschappez, estans retournez en Alexandrie, tous les Iuifz qu'ilz rencontroyent, mettoyent à mort. Dot les autres qui estoy ent en Cirene, lesquelz s'estoyent rebellez, soy voyans frustrez de leur secours, comme gens desesperez sortirent aux champs, & alloyent gastant les villes & le pais d'Egipte, soubz la conduicte d'vn nomé Lucas. Contre lesquelz l'Empereur enuoya Martius turbo auec bonne bende de gens à cheual & à pied, tant par mer que par terre. Lequel par assez long temps occist maintz milliers de Iuifz, non pas en Cirene tant seulement, mais en tout Egipte,

pourtant qu'ilz auoyent donné aide audict Lucas. Et craignant l'empereur que les Iuifz qui estoyent au pais de Mesopotamie n'entreprinssent semblables mutineries, manda à Lucius quintus qu'il deust exterminer & occire tous ceulx qui en icelle prouince estoyent. Lequel en executant le commandemét de l'Empereur auec son armee, en occir en bataille moult grad nombre. Pour re muneration duquel faict, l'empereur luy donna le gouuernemét de la prouince de Iudee. Desquelles choses ceulx qui ont escrit les histoires de Grece ont faict mention, selon les saisons qu'elles ad-uindrent.

De ceulx qui soubz l'empire d' Adrian ont escrit pour la deffension de nostre soy.

Chapitre 11.

A

PRES que Trayan eut gouuerné l'empire Romain dixneuf ans & fix mois, Heli^o Adrian luy fucceda, auquel vn Chrestië nommé Quadratus adressa & presenta vn liure Apologetique qu'il composa pour la dessension de nostre

foy plein de grandes & euidentes rzisons, pourtant que aucuns pleins de mauuaistie taschoyent de son téps persecuter noz gens. Lequel liure est bien gardé & conserué par nous & plusieurs de noz freres iusques au iour present, par lequel lon peut faire iugement que celuy qui le composa fut vn grand homme plein d'esprit, & de soy apostolique. Et si declaire la noblesse de son antiquité par telles parolles: Les œuures de nostre Sauueur (dit il)estoyent tousiours apparentes, viues, & vrayes de ceulx qu'il auoit guariz, & aussi resuscitez. Car on ne les auoit pas tant seulement veu guarir & resuscitez, mais les voyoit lon tout les iours, tant du viuant du redempteur, que par long temps apres: tellement que aucuns d'iceulx ont vescu iusques à nostre temps. Et c'est assez

des plein de Foy & de religion, feit & & composa vn semblable liure duquel encores auons

Des eucsques qui ont esté du temps d'Adrian d Rome, & en Alexandrie. Et de ceulx qui ont esté depuis nostre Seigneur iusques audict temps en Hierusalem.

Chapitre 111.



A troissesme annee de l'empire Adrian, Alexandre qui tenoit le siege apostolique de Rome, ayant en iceluy presidé dix ans mourut, & luy succeda Xistus. Et pareillement en Alexandrie ayant Primus tenu le siege douze ans, laissa Iustus son successeur. Au regard de Hierusalem, nous n'auons point trouué la suc-

cession entiere des euesques, ne le temps qu'ilz ont gouuerné, par escrit, pourtant que pour la persecution qui estoit si grande, ilz estoyent martyrisez si souuent, qu'ilz pouuoyent bien peu de temps tenir le siege, tellemet que par ce que ie trouue par le dict des Anciens depuis les apostres iusques au remps d'Adrian que les Iuifz furent deffaictz, il y eut bien quinze euesques, lesquelz ilz disent auoir tous esté luifz de nation, mais bons & entiers en la foy.Parquoy promptemét estoyét esteuz & deputez par ceulx qui pouoyent iuger du merite & de la verité de la foy. Pourtant qu'en celuy temps l'eglise estoit soustenue & entretenue par les luifz qui estoyent couertiz, commençant des apostres iusques au temps que le peuple Iudaique soy rebellant de rechief à l'Empire Romain fut par grand rigueur de guerre subiugué. Et pource qu'alors lon cessa de faire les euesques du peuple circoncis, il me semble necessaire de nombrer ceulx qui furent des le premier iusques en ce temps. Le premier adonc fut sainct saques qu'on disoit frere du Sauueur : le deuxiesme fut Simeon: le troissesme Iustus: le quatriesme Zaqueus: le cinquesme Thobias: le sixiesme Beniamin: le septiesme Iehan: le huyctiesme Matthieu: le neufiesme Philippes: le dixiesme Seneque: le vnziesme Iustus: le douziesme Leui: le tressesme Effren: le quatorziesme Ioseph. Et le dernier de tous, Iudas. Ce sont par effect ceulx qui depuis la mort du redempteur & des apostres ont gouverné l'eglise de Hierusalem, qui tous furent du peuple Iudaique. Et pour retourner à Rome, la douziesme année de l'Empire Adrian apres que Xistus eur gouverné douze ans, luy succeda Thelesphorus, qui fut le septiesme apres les apostres. Ét vn an & demy apres estant Iustus decedé en Alexandrie l'ynziesme annee de son pontificat,

Iny succeda Eumeneus, qui fut le sixiesme apres les apostres (com me dit est.)

De la derniere destruction des Iuifz, qui fut du temps d'Adrian.

Chapitre 1111.



STANS les rebellions & factions des Iuisz creues & multipliees contre l'Empire Romain, Ruffus qui lors estoit president en Iudee, auec la main armee que luy auoit enuoyé l'Empereur, les chastia bien rudement, en occisant grand nombre d'entre eulx sans auoir regard à sexe, ne à aage: & leurs heri-

tages & terres confisquoit à l'Empire Romain. Auquel temps estoit capitaine & conducteur des luifz vn nommé Barchochabas, qui est autant à dire en Hebreu comme estoille, (aueugle en François,) lequel estoit home cruel & vicieux. Mais par l'interpretation de son nom faisoit entendre au peuple comme à gens de seruile condition, qu'il estoit vne grande estoille, enuoyee des cieulx pour leur salut, & pour donner secours de lumiere au pauure peuple malade. Croissant adonc & en agregeant iournellement la matiere de guerre : la dixhuyctiesme annee dudict Adrian, & estant assiegee la ville de Bethera, qui estoit prochaine à la cité de Hierusalem, & au surplus moult forte. Finablement par necessité de famine furent tous ceulx de dedans exterminez & deffaictz. Et par ce moyen fut ledict Barchochabas guerdonné selon sa desserte. Apres cela, toute celle nation des Iuifz estoit prohibee d'approcher la cité de Hierusalem, ne les lieux circunuo y sins, tant par ordonnance de la loy diuine, comme aussi & principalement par les dessenses d'Adrian. Tellement qu'il ne leur estoit loysible de regarder leur cité & terre naturelle de lieu quelconques, tant fust hault & loing. Lesquelles choses Aristopelleus historien racopte plus amplement. Dont il aduint que celle cité estant par la mort & exil de ses citoyens vuydee des gens du pais, & remplie d'estrangiers qui là habiterent chan gea son nom, & fut appellee Helia par le surnom de l'Empereur Adrian Helius, à fin qu'estant du tout reduicte en la puissance & iuridiction des Romains changea, & la forme de viure, & le nom.

De ceulx qui en celuy temps furent chefz & aucteurs des faulses doctrines,

Chapitre v.



STANT adonc en telle maniere assemblee en celle cité l'Eglise du peuple Gentil, le premier cuesque apres ceulx qui auoyent esté de la nation Iudaique sut Marc. Et voyat l'ennemy de l'humain lignage que les Eglises des Chrestiens desia reluysoyent par tout come estoilles radiantes, & que tous comen-

coyent à croyre le nom & la foy de nostre redepteur Iesuschrist. & qu'il ne l'auoit peu prosterner n'abbatre par persecutions exterieures, trouua aucuns mauuais & peruers hommes & trompeurs qui la troublerent par vne guerre ciuile. Lesquelz par nom tant seulement eulx faignas Chrestiens, tiroyent en ruine & per dition les fideles qui se laissoyent deceuoir par leurs tromperies, & ceulx qui n'auoyent cognoissance de nostre foy par leurs do-Etrines & gestes brutales empeschoyent & desgouttoyent de la ve rité d'icelle. Et entre autres apres Menander (dont nous auons par lé dessus) mit en auant vn nommé Saturnin, natif d'Antioche, & vn Basilides natif d'Alexandrie comme une beste monstreuse ayant deux testes, par lesquelles auec deux langues diaboliques iectoyent venin infect & mortel. Car tous deux en leur quartier dresserent escole & boutique de leur damnee doctrine. Et par ce que Hirenee declaire, l'heresie de Saturnin estoit quasi semblable du tout à celle de Menader: mais Basilides soubz vmbre d'vne doctrine mistique & figuratiue, iecta son entendement plus hault en controuuant fables prodigieuses & detestables.

Des escriueurs ecclesiastiques qui furent en celle saison.

Chapitre v1.



A I S au contraire en celle saison se trouuerent maintz grans personnaiges ecclesiastiques pour dessendre la verité de la doctrine apostolique, tant de bouche que par leurs escritz qu'ilz laisserent, non pas pour consondre les heresies de celuy temps tant seule. ment : mais pour se garder de leurs poisons pour l'aduenir. Entre lesquelz est venu à nostre congnoissance le liure treselegant que composa Agrippa Castor, pour confondre l'heresse de Basilides, par lequel il descouure la malice & tromperie que celuy heretique auoit pour deceuoir les gens. Et en publiant ses fecretz, il narre qu'il auoit composé vingtquatre liures sur les e-uangiles, & qu'il auoit controuué certains noms des prophetes nouueaux, à sçauoir Barchaban & Barcob, & autres qui iamais ne furet, lesquelz il alleguoit à son propos, & leur auoit baillé noms estranges & terribles. Il disoit au surplus, que les Chrestiens pouuoyent sans peché manger de la chair des sacrifices faictz auxidoles, & renier la foy de Dieu en temps de persecution sans aucun scrupule de conscience. Et si vouloit que ses disciples tinssent silence durant quatre annees, ainsi que faisoyent les Pitagoriques.. & plusieurs autres choses adiouxte ledict Agrippa, par lesquelles il monstre auoir congneu & confondu l'erreur de celle secte maleureuse. Hirenee aussi escrit, que en celuy mesme temps fut vn autre maleureux homme, nommé Carpocrates, de la mesme vie & condition que les autres deux inuenteurs d'vne autre secte de gens, qui l'appelloyent Gnostici: qui estoit vn nom controuue de la science de l'Autheur, lequel enseignoit les artz diaboliques de Simon le Magicien, non pas secretement comme iceluy Simon, mais publiquement querant auoir louenge publique de sa doctrine comme vraye art bonne & souueraine. Et à ce ste cause preschoit en public les secretz de Magiqué mesmement des songes d'amours qui viennent par illusions diaboliques, & d'autres semblables tromperies. Et disoit que tout homme qui desiroit paruenir à la perfectió de son mistere (qui estoit vn vray crime & abuz) deuoit ces choses appredre, disant & affermat que par autre moyen les hommes de ce monde ne pouuoyent euader les princes de ce monde. C'est à sçauoir les diables, si par le moyen de ses artz damuees ne leur payoit à vn chascun d'eulx son de te. Et par le moyen de telz ministres l'ennemy de noz antes deceuoit & tiroit à perdition tant ceulx qui dessa estoyent instruictz en nostre foy, comme ceulx qui encores n'y estoyent venuz, Lesquelz voyans la vie excecrable de ces paillars qui se nommoyent Chrestiens, venoyent à cause de la à contemner & abolir nostre loy comme si tous sussent semblables. Et ne vint d'ailleurs le souspeçon que lon eut lors des Chrestiens qui fussent gens mauuais, & cruelz, & incestueux, & qu'ilz se messoyent auecques


toutes femmes charnellement, sans aucun regard de meres ne sœurs, & qui mengeoyent les petitz enfans de ces meschans heretiques. Mais ceste infamie & mauuaise renommee ne dura gue res. Car la verité se declara d'elle mesmes, ains en multipliant & croissant continuellement la renomee de bonne vie des gens s'esteignoit & amortissoit la mechanseté & obscurité des fictions & choses controuuees desdictz heretiques. Et si comme toutes ses sectes, qui estoyent tournees contre la vraye loy, alloyent euanois fant, ou foy confundant, & divifant en plusieurs especes diverses alloit de iour en iour la vraye foy & doctrine Apostolique multipliat & acroissant sans estre offusquee par aucune variete de téps. Car sa purité & chasteté, & aussi la renommee de sa diuine conuersation entre toutes gens resplendissoit par sapience, par doctri ne, par foy, & par bonnes operations, tellement que celle flabe de mauuaise renommee fut estaincte en la mesme saison qu'elle sut trouuee. Et demoura en l'entendement de toutes gens la verité. Laquelle soy aidat de ses propres forces conueing & cofond tousiours la faulseté. Et ne permit point nostre Sauueur la chasteté & purité de l'eglise estre offusquee & brouillee par les adulterins far demens des mesdisans. Tellement que iusques à nostre temps ny a eu personne tant sust de mauuais vouloir qui aye presumé de maculer & deturper la chasteté & honnesteté de nostre peuple Chrestien par parolles opprobrieuses, ains l'odeur de nostre sainête couerfation & des gestes de l'eglise est paruenu aux Romains, aux Grecz, aux Scithes, aux Barbares, & quasi aux natios qui sont musses es extremitez de la terre, tant & si auant que toute sorte de gens, en delaissant leurs anciennes & paternelles superstitions, se sont conuertiz à la foy de Iesuschrist. Et en oubliant leur barbare & naturelle fierté, se recourent à la doctrine d'iceluy redem. pteur, qui dit: Aprenez de moy à estre doulx & hubles de cueur. Il y eut aussi en celle saison par la grace de Dieu, des gens tresex cellens en doctrine, lesquelz par bonnes & euidentes raisons con fondoyent les erreurs de ces faulses doctrines, & les ordures & meschantes choses que les heretiques auoyent controuues contre nous, & qui remonstroyent clerement la chasteré que contenoit la vraye loy de l'eglise catholique. Entre lesquelz Egesippus fut le plus renommé, lequel escriuit en cinq liures, la vraye & pure doctrine des apostres, ou il fait mention des choses aduenues de son temps. Et à aucuns qui auoyent erigé certaines ymaiges escript en telle manière: Si leur ont edissé (dit il) Temples, ou à parler

parler au vray, sepulchres . ainsi que nous voyons encores maintenat, entre lesquelz est vn Esclaue de l'empereur Adrian, nomé Antinous, auquel lon celebre tous les ans des ieux & combas qui sont appellez Antinoyens, qui ont esté instituez de nostre temps. Et si a fondé ledict Empereur du nom de son dict esclaue vne ci té qu'il nomma Antinoe, & luy a institué temple, prestres, & prophetes. Desquelles choses Iustin (qui a esté moult entier & loyal professeur de nostre foy, & moult sçauant:oultre ce, es disciplines & sciences de Grece) en escriuat vn liure apologetique à l'em pereur Anthonin pour nostre religion faict mention, disant en tel le maniere: 11 ne me semble pas mal à propos de faire mention de Antinous, lequel n'agueres pour crainte du Prince tous adoroyent, comme Dieu: combien qu'ilz sceussent assez quel homme il auoit esté, de quelle vie, & dont il estoit natif. Et encores en escriuant de la Guerre des Iuifz qui en ce temps la se faifoit, dit à ce propos telles parolles: Et en ceste mesme guerre que l'on fait maintenant contre les Iuifz, Barchochabas leur capitaine faisoit prendre les Chrestiens seulement & iceulx occire & tourmenter comme blasphemateurs s'ilz ne renioyent la foy. Il parle aussi en sesdictz liures comme de la Philosophie des Gentilz,il se conuertit à la foy de Iesuschrist: & monstre qu'il ne le sit point legierement & sans grande raison, apres qu'il eut bien examiné & pourpensé, disant en telle maniere: Car moy estat instruit en la doctrine & Philosophie de Platon entendant qu'on diffamoit ainsi les Chrestiens, & neantmoins qu'ilz estoyent asseurez & fans paour à endurer tous tourmens, & la mort, confideré que il n'estoit pas possible que telles gens fussent charnelz & lubriques, ne mal viuans. Car qui est celuy aimant les voluptez, & les luxures,& mangeant par delices chair humaine, qui aille voluntiers à la mort, par laquelle il pert tout incôtinent la volupté pour cause de laquelle il est diffamé; ains plus tost s'il estoit possible de uroit desirer & tacher de viure perpetuellement, & de tenir secrete sa mauuaise vie, non pas soy offrir à la mort certaine. Et en vn autre lieu dit le mesme autheur que l'empereur Adrian ayant receu lettres de Serenus Gratianus president d'une prouince qui demandoit qu'il deuoit faire des Chrestiens, luy sit response qu'il n'estoit pas raisonnable que iceulx Chrestiens non estans couain cuz d'aucun delict, sans aucun jugement & sans les loix fus-

sent puniz. Si recite la teneur de l'epistre qui est telle.

L'epistre de l'Empereur Adrian, par laquelle il deffent que les Chrestiens ne soyent persecutez.

Chapitre VII.



que lon ne donne occasion aux calumniateurs de piller. Par ainsi si ceulx de la Prouince peuuet soustenir ceste leur requeste contre les Chrestiens, & en iugement les veulent accuser de quelque crime, ie ne les dessens point: mais en cela ie ne permetz point qu'ilz y viennent par requestes & par clameurs. Car il est beaucop plus raisonnable, que si aucun veult accuser, on congnoisse des crimes qui sont obiicez. Parquoy s'il ya quelqu'vn qui accuse les Chrestiens & preuuent qu'ilz ayent faict aucune chose contre les Loix, tu les puniras selon leur demerite: mais aussi tu auras grand regard si quelqu'vn les accuse calumnieusement, de le punir bien aigrement de sa malice.

De ceulx qui furent euesques d Rome & en Alexandrie du temps de l'Empereur Antonin, & des Hercsies d'iceluy mesme temps.

Chapitre VIII.

PRES qu'Adrian l'Empereur eut regné vingt & vn an, il mourut: & luy succeda Antonin surnommé Piteable. En la premiere duquel Thelesphorus ayant regy & gouverné l'Eglise de Rome vnze ans, mourut, & luy succeda Higinius. Toutessois Hirenee dit, qu'iceluy Thelesphorus sina sa vie par marty-

re. Et aussi que du temps de Higinius se leua la secte des Valentiniens prenant le nom d'vn Valentin autheur d'icelle Heresse, dont auoit esté inuenteur vn nommé Cerdon, lequel depuis ensuyuit Marcion, & qu'iceulx en vn mesme temps estans à Rome esmeurent diuerses erreurs. Car Valentin vint à Rome, & soubz le Pontisicat de Higinius sist son effort du temps de Pius, & dura insques au téps d'Anicetus. Cerdon aussi vint à Rome du temps dudict Higinius, qui estoit le neussesme eucsque apres les apodudict Higinius, qui estoit le neussesme eucsque apres les apo-

stres, lequel neantmoins quelque fois s'excusoit, & confessoit son erreur, comme l'il en eust repentance en public, quelque fois en secret, autre fois en public preschoit sondict erreur, dont estant co uaincu fut deiecté & excomunié de la copagnie des Chrestiens. Ces choses dit Hirence au troisses siure de son traicté qu'il a faict contre les Hereses. Et neantmoins au premier liure d'iceluy traicté, parle dudict Cerdon en telle maniere: Cerdon prenat son occasion de son erreur des sectateurs de Symó le Magicien, vint à Rome du teps d'Higinius, disant que celuy qui est dict & nommé par les prophetes & en la loy estre Dieu, ne fut pas pere de Iesus Christ. Car celuy estoit congneu, & cestuy est incongneu. Celuy est iuste, & cestuy est bon. Auquel succeda Marcion Pontique, qui sans aucune reuerence blasphemant, accreut la forcenerie de son maistre. Et par effect iceluy Hirenee iusques au fond toucha, declara, & confondit l'erreur dudict Valentin: & le tira à la lumiere par force, comme lon fai& vn serpent qui se retire en vne cauerne pour soy musser. Il faict aussi mention d'vn Marc, lequel estant moult expert en art Magique acquist grand bruit en ce temps, du quel & de ces damnez, prophanes, & sacrileges superstitions & secretz misteres, il escrit en telle maniere: Aucuns d'eulx (ditil) font vne chambre, & icelle dedient en forme de consecration par certains vers & motz secretz & excecrables, ensemble celux qu'ilz mettent dedans. Ilz disent que nopces spirituelles sont celles qui se font à la semblance des supernelles. Si ameinent les mariez à quelque eaue, & là les baptisent, disans sur eulx telles parolles: Au nom du pere incogneu de toutes gens, & de la verité mere de tous, & en celuy qui descendit en lesus. Les autres pour tenir les gens en plus grand crainte, sur ceulx qu'ilz dedient & baptisent, proferent parolles Hebraiques. Ces choses escrit Hirenee des sectateurs de Marc. Après mourat Higinius en la quatriesme annee de son potificat à Rome, luy succeda Pius. Et en Alexandrie estant trespassé Eume nides en la xIII. annee de son sacerdoce, luy succeda Marcus. Et apres qu'il eut presidé x.ans, obtint son lieu par mort, Cerdon. Et de rechef à Rome mourut Pius: la xv. annee de son pontificat, luy succeda Anicetus, du temps duquel Egesippus escrit qu'il vint à Rome, ou il demeura iusques au pontificat d'Eluterius, qui succeda audict Anicetus. Duquel temps mesme florissoit & estoit en estime Iustin: lequel en habit de philosophe, preschoit la loy Chrestienne, dessendant icelle tant par parolle, i

que par escriture vigoreusement. Et fait mention de Marcion, qui encores lors estoit en vie, par telles parolles: Marcion Pontique, qui vit encores, enseigne qu'il ya vn dieu plus grad que Dieu le createur. Laquelle chose persuadant aux hommes, ayans les dia bles en aide, a induit plusieurs à blasphemer, & à dire que Dieu le createur de toutes choses n'est pas le pere de Iesuschrist: mais estoit vn autre plus grand que cestuy cy. Et neantmoins tous ses sectateurs s'appellent Chrestiens, ainsi que tous s'appellent philosophes, combien qu'il en y aye diuerses sectes. Et apres aucunes parolles adiouste ledict Iustin: Nous auons outre cecy composé vn liure contre les hereses, lequel vous communiquerons si voulez le veoir & discourir.

La deffension de Iustin enuers l'empereur Antonin.

Chapitre 1x.

Estuy Iustin escriuit ausi vnvolume tresinsigne, contre les Payens & autres pour nostre religió.

Auquel combien qu'il escriue au Senat, adresse neantmoins ses parolles à l'Empereur. Car il se tenoit la pluspart de celuy tempr à Rome. Et en l'vn d'iceulx voulant monstrer qui il est, & dont il est descendu, parle de soy mesme en telle maniere. A l'empereur Antonin, Pie Cesar Auguste & tresvray philosophe, & à Lucius le Philosophe, propre silz adoptif de l'Empereur, amateur desapience. Et ausi à tout le senat, & peuple Romain, pour les gens cogregez de tou tes nations, qui sont persecutees par enuie, & soussirent indeuméte

tes nations, qui sont persecutees par enuie, & souffrent indeumét: Iustin filz de Priscus Bacchiades, de la cité de Naples en Palestine, seul pour tous les autres, presente ceste requeste. Mais requisiceluy Empereur de par ceulx qui estoyent persecutez par diuers outraiges en Asie, decerna vn rescrit à tous les peuples d'Asie, de la teneur qui s'ensuit.

La teneur de l'epistre qu'escriuit Antonin l'empereur aux Assatiques, en faueur des Chrestiens.

Chapitre x.

'Empereur Cesar Marcus Anoclius Antonin Auguste Armenique, grand euesque, chef de la puissance des Tribuns quinze sois, & cosul trois, à tous

les peuples d'Asie ensemble, salut. Je sçay bien que les dieux desirent que les malefices & malfaicteurs ne demeurent point occultes: & si ont plus grand interest, & se doyuent plus soucier si on ne leur veult sacrifier que vous. Mais vous cofermez le iugement que font de vous ceulx qui vot disant quevous estes cruelz, & sans aucun dieu: dont il aduient qu'ilz aiment mieulx mettre leur ame pour leur dieu, & mourir voluntairement, que d'estre telz comme vous, & obeir à vostre religion. Au regard des trem blemés de terre qui ont esté, & sont encores de present nous sem ble chose raisonnable de vous consoler par honneste admonnestement: pourtant que i'entens que par enuie vous les attribuez & imputez à eulz, dont ilz prénnent plus grande fiance de leur dieu. Et vous en tous temps qu'ignorez telles choses, desprisez les autres dieux, si deschassez le culte du Dieuimmortel, que les Chresties adorent, en persecutat ses seruiteurs iusques à la mort. desquelles choses plusieurs des iuges des prousces escriuirét à mó pere, lequel leur respondit qu'il ne vouloit qu'on fit aucun mal ne ennuy à ceste maniere de gens, s'ilz n'estoyent conuaincus de auoir entreprins quelque chose cotre l'estat de l'empireR omain. Et à moymesmes, plusieurs desquelz iuges ont pareillement escrit, ausquelz (en ensuyuant l'opinion de mon pere) i'ay respondu de la mesme sorte. Et neantmoins s'il ya personne qui vueille mouuoir trouble à l'encontre de ces gens là, sans aucun crime, ie veulx qu'il soit absoulz, quand bien son prouuera ce qu'on luy aura mis sus,à sçauoir, qu'il est Chrestien: & que celuy qui l'aura de crime accusé, soit puny de la peine qu'il pretendoit estre infligee à l'autre. Lequel rescrit fut publié en la cité d'Ephese, en pu blique assemblee.

Ce que lon trouue de Policarpus, disciple des apostres. Chapitre x1.

C

Es choses auoir esté ainsi faictes atteste pareillement Melito, euesque de Sardeine, au liure qu'il escriuit à l'empereur Verus, pour nostre soy & religion. duquel temps tenant Anicetus le siege apostolique de Rome (ainsi que Hirenee racon-

pte) vint à Rome Policarpus, & eut plusieurs parlemens auec ledict Anicetus du iour de la solennité de Pasques. Et si recite au surplus plusieurs choses d'icelny Policarpus, qui m'a semblé con-

H iij

uenable d'inserer en ceste mienne histoire. Il dit adonc au troisiesme liure qu'il a faict contre les hereses, en telle maniere: Policarpus hanta les apostres, & fut instruit en la foy par ceulx qui auoyent veu le Sauueur: & d'abondant fut par lesdictz apostres or donné euesque de Smirne: lequel nous auons veu en nostre ieune aage:pourtant qu'il vesquit longuement: & fut sa vie noble & glo rieuse: mais encores plus sa fin, pourtant qu'il sut coronné par mar tire. Il enseignoit tousiours ce qu'il auoit ouy des apostres: & ne bailloit aux eglises, fors ce tant seulemet qu'on deuoit enseigner pour la verité. Lesquelles choses tesmoignent toutes les eglises qui sont en Asie: & ceulx qui encores auiourdhuy tiennent son fiege. Et fut celuy autheur beaucop plus digne, & plus veritable tesmoing de la foy que Valentin, Marcion, & les autres peruers heretiques. Il vint du temps d'Anicetus, à Rome & connertit plu sieurs desdictz heretiques à la foy, disant & preschant que celle estoit la vraye foy que lon deuoit tenir en l'eglise, sans autre, qu'il preschoit & enseignoit: laquelle il auoit apprinse des apostres. Et y a encores des gens en vie, qui luy ont ouy dire que sainct Iehan l'apostre, estant en la cité d'Ephese, ainsi qu'il entroit aux baings, pour se baigner, entendant qu'il y auoit dedans vn heretique nom mé Cerinthus, l'en alla sans soy lauer, disant, fuyons nous en d'icy que la maison ne tobe sus nous, en laquelle se laue Cerinthus ennemy de verité. Iceluy mesme Policarpus ayant vn iour rencontré Marcion, & estant par luy interrogué s'il le cognoissoit, luy respodit: Certes ie te cognois comme le filz aisne du diable. Car tant estoit grande la cautelle que vsoyent les apostres à leurs disciples touchant la foy, qu'ilz ne vouloyent auoir communication de parolles, ne autremet 'auec ceulx qui se desuioyet de la verité: ainsi que sainct Paul nous enseigne, disant : Apres que tu auras vne fois ou deux reprins vn heretique, tu le doiz fuir & euiter, pour tant qu'il est peruers & en peché, & sçait bien luymesmes qu'il est damné. L'on trouue encores vne epistre que Policarpus escrit aux Philipenses tresbelle & de grande efficace, par laquelle tout homme qui est soigneux de son salut, peult apprendre la foy qu'il preschoit. Ainsi parle Hirenee. Ledict Policarpus en sadicte epistre allegue en tesmoignage la premiere de S. Pierre. Et apres que An tonin le piteable fut mort: ayant gouuerné l'empire. xx11. ans, & q Marcus Aurelius Verus, Et Anthoninus son filz auec Lucius son frere luy eurent succedé, en la grande persecution qui fut en Asie, receut iceluy Policarpus la coronne de martire, duquel me sem-

ble chose vtile faire memoire, pourtant mesmemet que lon trou ue vne sienne epistre escrite en personne de l'eglise de Smirne aux eglises de pont faisant mention de sondict martire, dont la te neur l'ensuit : l'Eglise qui est en la cité de Smirne à celle qui est Philemolis & à toutes autres eglises sainctes & catholiques, soit multiplice la misericorde, la paix, & la charité de nostre seigneur lesuschrist. Nous vous auons escrit, treschers freres, de plusieurs martirs, & d'vn Policarpe lequel par son martire, comme par vne enseigne, a mis fin aux persecutions. Et vn peu apres plus bas, faisant métion des tormens des autres martirs, dit en telle maniere: Les tirans voul as espouenter le peuple qui regardoit, faisoy et ba tre & deschirer la chair des martirs p sleaux, jusques aux entrail les, tat les parties du corps, q la nature auoit couuertes, estoyent denuces. Autresfois prenoyet des coquilles de mer froicees en pe tites pieces, auec autres menuz ferremens aguz & poignans, & couchoyent les martirs à l'enuers dessus: & apres qu'ilz auoyent exercé en eulx toute maniere de tormés, les bailloyent à mager aux bestes: mais entre les autres y eut vn plus fort &plus costant, nomme Germanicus, lequel par grace de la vertu diuine, reietta toute paour, & toute maniere de fragilité humaine. Car voulant le proconsul, par belles parolles luy persuader qu'il eust pitié de foymesmes, ayant regard qu'il estoit encores en la sleur de sa ieu nesse, luy, sans respondre ne plus tarder, s'en alla assaillir & prouoquer la beste qu'on luy auoit aprestee pour le deuorer, comme l'il eut regret que ses peines tardassent trop pour le grand desir qu'il auoit de paruenir à la fin soudaine de ceste vie mauuaise & inique:dont estant la multitude du peuple qui regardoit, est onee, voyat vne si hardie & glorieuse mort, & soy s'emerueillat de la grande vertu & constance qu'auoyent tous les Chrestiens à contemner la mort, commença à crier: Ostez ses paillars, & soit cerché Policarpus. Par lesquelles exclamations suruint grande pei turbation, tellement qu'vn Corinthien, natif du pais de Phrigie, dont il estoit venu n'auoit gueres, voluntairement endura & lasfa les bestes & autres tormens: mais à la fin le cueur luy faillit,& par lascheté perdit son ame : laquelle chose declaira qu'il s'estoit offert au martire plus par temerité & outrecuidance, que par denotion: car il l'estoit ingeré & presenté au iuge. Si fut vn exeple euident à tous autres, de proceder en telles matieres plus cautement, & en plus grande circonspection. Car ce n'est pas le merite qui est coronné: mais la foy, la modestie, & l'attrempance.

H iiij

Comment Policarpus auec aucuns autres, merita estre martirisé en la cité de Smirne soubz l'empereur Verus.

Chapitre XII.

E S choses furent faictes ainsi que a esté dire mais tât que touche Policarpus homme insigne entendant que le peuple vulgaire estoit esmeu & incité contre luy, ne se troubla de riens, mais demoura sans aucune peur, ainsi quil auoit accoustumé, paisible de meurs, & ioyeux de visaige: & combien qu'il fut deli-

beré de demourer en la ville : toutesfois à la persuasion & priere d'aucuns ses amis & familiers, s'en alla aux champs en quelque lieu assez prochain de la ville: ou il ne cessoit iour ne nuict d'estre en oraison, & prier pour la paix vniuerselle de l'eglise, ainsi qu'il auoit accoustumé toute sa vie de faire. Et perseuerant en oraison (comme dit est) trois iours auant sa passion, luy vint vne vision en songeant la nuich: Que le coussin qu'il auoit soubz sa teste estoit brussé. Lequel songe, quad il sut esucillé, il declaira & interpreta à ceulx qui estoyent auec luy, disant pour certain qu'il fineroit sa vie par feu. Et neantmoins pourtant qu'on le cerchoit par tout, à la persuasion de ses amis, s'en alla en vn autre lieu, auquel vindrent peu de temps apres, ceulx qui le cerchoyent, & prindret des garçons, lesquelz par menasses & battures leur mon strerent le lieu ou estoit Policarpus enuiron le soleil couchant. Et trouuerent qu'il reposoit au plus hault de la maison. Et iaçoit ce qu'il eut peu facilement passer en l'autre maison, ne le voulut faire, ains dit: Soit faicte la volute de Dieu: & vint au deuat de ceulx qu'il sçauoit estre venuz pour le prendre, en vn visage riant,ioyeulx, leur faisant gratieux & courtois recueil: tellement qu'ilz furent tous esmerueillez & esbahiz quelle poursuitte & affection pouuoit auoir esté si grande, de faire cercher & prendre vn homme de si grande grauité & honnesteté, en si vieil aage, & de si grande reputation de bonne vie. Mais luy promptement leur fit mettre la nappe come à ses hostes, & presenter à manger & à boire largement, leur demandant vne heure tant seulement d'espace, pour faire son oraison: laquelle faisant, il sembloit si remply de grace divine que tous les assistans s'emerueilloyent, & mesmes ceulx qui estoyent venuz pour l'emmener, se repétoyent d'estre contraincts de prendre vn si honeste homme, tant digne de la gra

ce de Dieu, & si venerable de viellesse pour conduire à la mort. Et apres en la mesme epistre plus bas, est dit ce qui s'ensuit: Quand il eut acheué son oraison, faisant mention & memoire de tous ceulx qu'il auoit cogneuz grands & petiz, nobles, & non nobles: & de l'eglise vniuerselle, qui estoit par tout le monde. Ainsi que l'heure s'approchoit, il vint à culx, lesquelz le menerent en la cité sur vn asne au iour du grand sabbat. Et auant qu'il arriuast, vindrent au deuant de luy le prefect de la paix, nommé Herodes,& son pere Nicetas: lesquelz le firent monter en leur chariot, & se perforcerent par tous moyes luy perfuader de sacrifier, luy remo-ftrant qu'il n'y auoit aucun mal de dire que Cesar estoit Dieu, & de luy facrifier, pour viure dores en auant en seureté: lesquelles choses il escouta premierement sans riens respondre: mais puis qu'illes vit perseuerer, seur respondit en ceste maniere: Quel besoing est il de parler plus, car ie suis resolu de no faire ce que vous me dictes, dont iceux furent si indignez voyans que leur persuasion n'auoit riens profité, qu'ilz le pousserent & ietterent hors de leur chariot iniurieusemet, & tellement qu'il se blessa en vn pied tumbant en terre. Mais sans faire aucune estime de cela s'en alla ioyeusement au lieu du martire, ou l'on auoit commandé qu'il fust mené. Et sicome il entroit au dit lieu se leua vn grant bruit de son entree, auquel bruit descendit vne voix du ciel qui luy dit: Policarpe, soye fort & constant & te porte virilement. Et ia çoit ce que plusieurs ouissent la voix, toutesfois nul ne veit celuy qui la profera. Ce temps pendant, le peuple voyant Policarpe estre amené deuant le juge, sut encores plus animé & surieux. Si luy demanda le proconsul de loing: S'il estoit Policarpus?& il confessa que ouy. Adoncques dit le iuge, ayant regard à to viel aage aye pitié de ta derniere vieillesse, iure la fortune de Cesar ayant repentance de ton erreur passee,& crie comme les autres qu'on ofte les sacrilegues. Lors Policarpus regardant d'vn oeil piteux au peuple qui estoit en la place pour regarder, leuant la main dextre au ciel cria à haulte voix en gemissant: Oste les sacrilegues, mais quand le proconsul le pressa disant, iure la fortune de Cesar, & renie Iesuschrist en iniuriant son nom, & ie te absoulz. Il respondit, il ya quatre vingtz & six ans, que ie l'ay serui, & iamais ne me fit mal, comme pourroyie donc mesdire de luy de blasphemer mon Roy qui m'a doné salut. Et estant de rechief pressé de jurer la fortune de Cesar, dit en telle maniere: Si tu quiers ceste gloire de me faire iurer la fortune de Cesar, seignant

ignorer qui ie suis, ie respons franchement que ie suis Chrestien: & fitu veulx que ie rende raison de religion, donne, moy iour, & i'en respondray. Lors le proconsul luy dit: Faiz que le peuple le trouue bon. A quoy Policarpus luy dit: C'est à toy à qui i'ay respondu: car nous auons par enseignement d'obeir & d'honnorer les princes & les officiers qui sont de Dieu, es choses qui ne contrarient à la religion: mais de satisfaire au peuple qui est tout en fureur, ce n'est pas à moy. Adoncques le proconful luy dit: l'ay des bestes toutes prestes pour te y bailler situ ne te reprens bien tost. Fais les venir (dit Policarpus) car ie suis permanent en mon opinion. Nous ne deuős par repentance changer le bien au mal: ains vauldroit beaucop mieulx que ceulx icy, qui perseuerent au mal changeassent. Aquoy le proconsul dit de rechief, Ie te feray cosommer parfeu si tu ne tiens compte des bestes, & ne te veux retirer de ton propos. Ha (dit Policarpus) Tu te esbahis du feu qui soubdainement s'alume & tantost apres s'estaint, pourtant que tu n'as pas cognoissance du feu eternel, du dernier jugemét, qui est preparé eternellement pour tormenter les mauuais: mais que attens tu, presente moy l'vn ou l'autre ? En disant l'ésquelles choses & autres semblables Policarpus se monstroit plein de confidence & de ioye, tellement que le proconsul estoit tout esmerueille de veoir la ioyeuseté de son visaige, & la constance de ses responses. Si enuoya Curion au peuple pour luy faire attester co me Policarpus par trois foiz auoit confessé qu'il estoit Chrestien, lequel peuple entendant cela, cria tout d'une voix autant les Iuifzi que les gentilz, qui estoyent en la cité de Smirne: C'est le pere & docteur des Chrestiens en toute Asie, & celuy qui subuertist noz Dieux. Car c'est luy qui enseigne qu'on ne sacrifie point aux Dieux, & qu'on ne les adore. Et apres ces parolles, crioyent au Gladiateur muneraire qui luy l'aschast vn lion, lequel respondit, qu'il ne luy estoit loisible: ar il auoit ia accoply ce qui luy estoit com mis. Lors crierent tous qu'on brussast Policarpus tout vif. Car aus si estoit il necessaire que la vision qu'il auoit eue, du coussin qui estoit brusse, fust accoplie. Lequel feu fut preparé, plus en maniere de parler plustost qu'on ne leur dit: Car incontinent le peuple. apporta boiz des baings, des lieux publiques & de tous autres pro chains, mesmement les Juifz. Tellement que en peu d'heure sut dressé vn grand buchier. Lors le bon vieillard ayant desçainte sa çaincture, & despouille sesvestemens, se parforçoit de deschausser pareillement ses soulliers, qui n'auoyent accoustumé d'estre tirez

si non par gens religieux, qui par foy & deuotion contendoyent ensemble lequel tireroit, tant auoit esté toute sa vie en grande veneration à tous. Apres que toutes les choses necessaires pour le feu furent prestes, & suy mis sur le buchier, voyant qu'ilz se vouloyent attacher à cloux, leur dit : laissez moy. Car celuy qui ma donné la grace d'endurer le feu me donra bien la constance de supporter la flambe sans me remuer & sans estre attaché à cloux. Lors l'attacherent à liens tant seulement sans cloux luy liant les mains derriere, & à dos: & en telle maniere comme vn aignel choisi en vn grant troupeau, sut presente pour sacrifice aggreable à Dieu. Auquel adressant ses prieres sit telle oraison: Vray Dieu pere de ton cher & benoist filz Iesuschrist par lequel nous auons prins cognoissance de toy, Dieu des Anges, des vertuz, de toutes creatures,& de toute la compaignie des iustes, qui viuent deuant toy: le te benistz & te mercie de ce que tu tes deigné de me con duire à ce iour & à ceste heure, pour estre participant des martirs & du calice de l'esuschrist ton filz en la resurrection de la vie eternelle du corps & de l'ame par incorruption du sainct esprit. Au nombre desquelz te supplie estre auiourdhuy receu come sa crifice plaisant & aggreable. Car ainsi que tu l'as preparé & prefiguré, ainsi l'as faict. Tu es vray Dieu qui iamais ne més, & pour ce en toutes choses ie te loue & te benitz, & si te glorisieray par l'eternel seigneur & euesque Iesuschrist, ton trescher filz, par leg 1 &auec lequel, ensemble le sainct esprit tu es en gloire, & seras eter nellement. Amen. Tout incontinét qu'il eut acheué son oraison, & dit'Amen, ceulx qui du feu eternel n'auoyent aucune cognoissance, mirent le feu dedans le bois. Et apres que la grand flabe fut eleuee, nous trestous, à qui Dieu auoit donne la grace, vismes les miracles, desquelz en ya encores plusieurs viuans, que Dieu a pre destinez pour annoncer aux autres ce qu'ilz ont veu. Car la slabe se voulta en maniere d'vne chambre, ou comme faict vne voille de mer, conflee par le vent, autour du corps du martir: lequel ne se monstroit point en forme d'vn corps humain qui brule, mais estoit resplendissant comme l'or ou l'argét que lon font en vne fornaise. Et au surplus nous sentismes au nez vne odeur com me d'encens ou doignement odoriferat. Et finablement voyant les ministres de peché, que le corps ne se consumoit point, coman derent au bourreau qu'il s'aprochat & qu'il perçast de glaiue le corps, auquel le feu n'auoit voulu mal faire. Et incontinent que cela fut faict, il en sortit si grade abundace de sang, q le seu en sut

du tout estaint, dont le peuple voyant le miracle, & cognoissant la grande faueur que Dieu faisoit à ses seruiteurs, s'en alla tout confuz. C'est adoc le maistre merueilleux, & esleu de nostre téps apostolique & prophetique, euesque de Smirne: de la bouche du quel toutes les parolles qui en sont sorties ont esté accomplies,& le seront pour le téps aduenir.. Mais celuy ennemy de tout bien & aduersaire de tous les iustes, voyant que pour la gloire du mar tire, & pour le merite de sa saincte vie, le bon Policarpus estoit co ronné & par la mort auoit acquis le guerdon d'immortalité, se perforça de faire qu'il ne fut pmis à nulz des nostres, q tous le de siroyent, d'enseuelir le corps. & instigua Niceta, pere d'Herodes, & frere de Dalces, d'aller impetrer du juge, qu'il ne permit point celuy corps estre inhumé, craignas (come ilz disoyet) q les Chresties ne laissassent celuy qui a esté crucifié, & començassent à adorer cestuy cy. laqlle chose machinoyet principalemet les Iuifz, qui se prenoyent garde soigneusement qu'aucuns des nostres ne rauit le corps estant encores le feu allumé: & ne sçauoyent pas les miserables que nous ne pouons iamais laisser lesuschrist, lequel aprins mort & passion pour nous: & que ne pouons adorer autre que celuy que nous sçauons estre le vray Dieu. Au regard des martirs, nous les aimons come disciples de Dieu, & les honoros comme loyaux seruiteurs du maistre duquel nous esperons aussi perseuerant en la foy & en charité, estre participans. Mais voyat le Centurion l'instace & l'obstination des Iuifz, brula le corps qui estoit au milieu du bucher, dont apres nous recuillimes les os ainsi brulez par le feu, plus riches & plus chers, que pierres precieuses,& qui auoyét par le seu esté mieux approuuez, que nul or du mode. Si les mismes en vn sepulchre, ainsi qu'il est de couitume: auquel encores de present, à l'aide de Dieu, nous faisons grandes assemblees:mesmemét le iour de sa passion, & auec luy celebros la memoire des autres martirs precedens, à fin que les cueurs de ceulx qui viendront apres, soyent incitez par exemples excellens & insignes, à ensuyure la voye des predecesseurs. Et c'est ce que contient ladicte epistre de sainct Policarpe, auec lequel furet pa reillemet martirisez en la cité de Smirne, douze autres Chresties qui venoyent de Philadelphie. Mais encores en la mesme epistre estoit faict mention de plusieurs autres martirs, qui furent en ce luy mesme temps: & entre autres, d'vn Metrodorus prestre, qui estoit de la secte de Marcion, lequel pareillement fut brulé. Mais fur tous ceulx qui furent en celle saison martirisez, fut moult renommé, vn nommé Pionins, duquel, si quelqu'vn veult à plein veoir la constance, qu'il eut en toutes ses responses, les remonstrances qu'il feit au peuple, pour nostre foy: & comment il perfista tousiours asseuré, & sans paour, deuant les iuges, disputant & enseignant continuellement au Tribunal mesme. Et comme il aida à ceulx qui auoyent uacillé aux persecutions à les releuer par bonnes exhortations: & estant en prison comme il conferma & fortifia à endurer le martyre les autres qui estoyent auec luy, & quelz tormens il souffrit pour le martire. Et finablement co ment il fut artache à cloux jetté dedans le feu ardant, & par ce moyen griefuement fina sa vie:lon pourra entendre par ce que nous auons autresfois escrit des anciens martirs. Apres cecy en la cité de Pergame, en Asie, surent plusieurs autres martirs, dont il est memoire mesmement d'vn nommé Carpatius, & d'vn autre nommé Papeius: & aussi vne saincte femme, nommee Agathonice: & de plusieurs autres femmes, qui pour côfesser nostre foy, souffrirent le martire.

Comment Iustin le philosophe preschant à Rome la foy de Iesuchrist, fut martirisé..

Chapitre XIII.



N ce nombre Iustin, dont nous auons dessus faict mention, homme merueilleux & singu lier, lequel ayant dessa composé le second liure de son œuure, pour la desence de nostre religion, & iceluy presenté aux iuges, pour recompense de sa doctrine veritable & elegante, sur reguerdonné du martire à l'instiga-

tion d'vn philosophe, nommé Crescent, pourtant qu'en plusieurs disputations qu'ilz auoyent eu souuent ensemble, ledict Iustin l'auoit tousiours confondu pour la verité, en presence de leurs disciples dont pour le loyer de sa doctrine, eut la coronne du saince martire. Laquelle chose auant qu'elle fut aduenue, iceluy Iustin, come vn vray philosophe, auoit prophetisé en sondict liure, par telz lagaiges: Car aussi, sçayie bien (dit il) qu'aucuns de ceulx ausquel i ay contredit à Rome, dresseront quelque aguet, & me seront assommer d'vn basto, & d'vne massue. Certes cela sit ledice Crescent, non pas vray philosophe, c'est à dire, amy de sapience, mais amy de vaine gloire, pourtant qu'il n'est pas digne d'estre nommé philosophe, qui publiquement dispute des choses qui ne

scait, & dit que les Chrestiens n'ont aucun Dieu, & sont mauuaises gens, pour coplaire à ceulx qui sont en erreur, & pour les immoler plus auant. Car l'il ne sçait la doctrine de lesuschrist & re prent ce dont il n'a cognoissance, il est mauuais & inique: & prie que les ignorans, lesquelz à tout le moins se gardent de disputer des choses qu'ilz ne scauent, & d'en porter tesmoignage. Et s'il a leu noz escriz, & il n'a entedu leur vertu: ou s'il l'a entendu & le dissimule, craignant estre souspeçonné de quelque chose, encores il est plus meschant & plus detestable de se declairer ennemy & proditeur de la verité & de la religion qu'il cognoit estre bon ne, pour complaire au peuple ignorant. Car sçachez que ie luy ay proposé des questions par la response desquelles lon cognoissoit qu'il n'en sçauoit riens. Et sont les choses que ie diz si veritables, que ie croy que les disputations des questions que nous eusmes ensemble, sont venues entre voz mains. Par lesquelles vous cognoistrez euidemment qu'il n'entend riens de nostre religion:& si encores ne les auez veues,ie m'osfre de disputer de rechef en vostre presence. Ce sont les parolles par lesquelles Iustin prophetisa qu'il viendroit à la gloire du martire, par l'aguet & imputation de Crescent. Tatianus aussi qui sut homme tressçauat, & en son ieune aage, apres qu'il eut eu enseigné, & leu l'art d'oratoire en grand estime (dont il auoit acquis grand gloire) soy reduisant apres à nostre science, laissa plusieurs liures cotre la loy des Gentilz, esquelz il faict métion de Iustin, pour memoire, disant en tel le mariere: Mais encores celuy merueilleux homme Iustin, assez bien a persecuté ces gens, disant qu'ilz sont semblables aux larrons. Et tantost apres dit en vn autre lieu, parlat des philosoplies, ce que s'ensuit: Crescent aussi celuy qui assiegea la grande cité, & qui estoit en peché contre nature auecques les garçons le premier, & qui de conuoitise ne se laissoit à nul preceder, en persuadant aux autresz qu'il deuoyent la mort contemner, monstra auoir si mauuaise opinion de ce qu'il disoit, qu'il pourchassa à Iustin la mort, comme le plus grand mal qui luy peut aduenir, pour tant qu'en preschant la verité, il reprenoit les philosophes voluptueux & deceueurs.

Des martirs dont Iustin faict mention en ses liures.

Chapitre XIIII.

Celuy Iustin auant qu'il paruint au martire, mit par escrit la passion des autres martirs qui furent deuant luy. Et au premier liure de ses descenses, dit en telle maniere: Vne femme y auoir conioincte par mariage auec vn homme meschant, aussi auoit elle esté qu'comencement paillarde, mais depuis qu'elle eut entendu les comandemens de Tesuschrift, deuint chaste & honneste, & persuadoit à son mary de viure aussi chastement, disant qu'il estoit escrit en la loy des Chrestiens, que ceulx qui en leur vie n'auroyent vescu iustement & chastemet, seroyent danez à peine eternelle. Mais le mary qui persistoit en ses paillardises, cognoissant sa femme en autre voluté, que la sienne, se retiroit d'elle. Elle aussi entendoit assez qu'il n'estoit point loisible à la femme de hater son mary, qui cerchoit & vouloit d'elle nouueanx moyens de luxure, contre les loix de nature, delibera de le repudier: Mais à la persuasion des parens du mary qui luy promirent qu'il se chastiroit, sut contraincte de retourner encores au ce luy. Toutesfois apres il s'en alla en Alexan drie, ou il perseucra de pis en pis en toutes paillardises. Dont estant la femme aduertie, & ne voulant plus demourer en sa com paignie, pour non estre participant de son peché, le repudia, & se despartit de luy. Lors le notable mary, qui se deuoit resiouir d'auoir vne telle femme, qui n'estoit pas tant seulement honneste de son corps, mais ne pouoit endurer l'ordure de son mary. Et pourtant qu'il ne se vouloit améder, s'estoit de luy despartie, par le cotraire se voulut venger d'elle,& l'accusa enuers l'Émpereur, disant qu'elle estoit Chrestienne, & qu'elle auoit presenté le libelle de repudiation premierement, pour pouoir disposer de ses biens, auant qu'elle fut contraincte de respondre de crime. Et voyant le mary qui ne la pouoit conuaincre, vsa d'vne telle astuce à l'encontre d'vn Ptholomee, qu'elle auoit conuerty à la foy, pour le destruire. C'est qu'elle auoit vn Centurion son amy, auquel il persuada de s'enquerir de Ptholomee, s'il estoit Chrestien. A quoy iceluy Ptholomee comme homme veritable, & qui ne vouloit celer la gloire de sa confession, confessa voirement qu'il estoit Chrestien. Et tout incontinent le Céturion le saisit, & miten prison, ou il le detint loguemet en grad misere. Et apres le pre fenta au iuge, nomé Vrbicius, lequel l'interrogua seulemét s'il estoit Chrestien. A quoy il respodit parcillement, qu'il l'estoit, soy, confiant de la bonté de Iesuschrist, duquel il se cognoissoit estre seruiteur. Car celuy qui nic ce qu'il est, il confesse son estat estre mauuais. Er si tost comme il eut cofesse, ledict Vrbicius l'enuoya à la mort. Lors vn autre Chrestien, nommé Lucius, voyant telle sentence tant precipitee, dist à iceluy Vrbicius telles parol-

les. Ie te prie diz moy pour quelle raison tu condemnes soubdai? nement & faictz liurer à mort vn homme pour vn mot seulement qu'il a dit, & confessé qu'il estoit Chrestien, la ou vn autre qui confesseroit tout autre crime, soit homicide, adultere, ou larrecin, tu ne le ferois pas si proptement. Certes ce que tu faiz, Vrbice,ne couient pas à vn bon empereur,ne à vn saige ieune hom me comme est son filz, & encores moins au senat. A quoy Vrbicius ne luy feit autre response, ains luy dist: Il me semble (feit il) que tu es Chrestien. & des que Lucius luy eut respodu qu'il estoit voirement, commanda pareillement qu'il fut mené à la mort. Lors Lucius dit en telle maniere: Ie te remercie que tu me deliures de la puissance des cruelz seigneurs, & m'enuoyé au tresbon pere & Roy de tout le monde, qui est Dieu. Vn autre aussi qui confessa liberalement qu'il estoit Chrestien, fut de mesme sorte puny. Et apres ceste narration, l'ensuit ce que iceluy Iustin prophetisa de soy mesmes dont nous auons parlé dessus.

Des escritz de Iustin qui sont venuz à nostre cognoissance.

Chapitre xv. (...

C

Estuy Iustin nous laissa plusieurs de les escriptz par lesquelz nous pouuons cognoistre la grande science, bonté, & amour de Dieu qui estoyent en son ame. Et ceulx qui aiment doctrine & science, les lisant y peuuent grandement prossiter. Et pre

micrement l'on trouue ce liure dont nous auons parle qu'il escriuoit pour nostre religion à Anthonin Pie, à son filz, & au Senat. Il en escriuit yn autre pareillement pour la desfension de la foy à fon successeur Anthonin verus, duquel nous descriuons maintenant le temps. Il en feit vn autre contre les payens, auquel il met vne longue dispute, faisant mention des Philosophes tant Grecz que Latins, auquel il parle aussi des diables plusieurs choses qui seroyent longues à narrer. Et si en feit encores vn autre contre les payens mesmes, lequelil nomme, confutation. Et vn autre qu'il nome, monarchies, qui sont tous farciz des dictz des Grecz. ll en ya encores vn autre qu'il nomme Psaltes. Et vn autre en maniere de subnotation parlant de l'ame, ou il couche plusieurs opinions des philosophes qu'il promect apres de confondre & en dire la sienne. Vn autre qui est, dialogue de la dispute qu'il eut en la cité d'Ephese cotre vn Iuif, nommé Tripho, qui estoit le plus excel-

excellét de toute la loy Indaique. Auquel liure il declaire en quel temps il vint par la grace de Dieu à la foy Chrestienne, ayant au parauant mis rout son estude es sciences de philosophie pour entendre la verité. Il faict aussi métion des Iuifz comment ilz sont cruelz insidiateurs des Chrestiens, & en cela il charge encores le. dict Tripho par telles parolles: Et non pas tant seulemét ne vous estes voulu repétir du mal qu'auiez faict, mais auez choisi en Hie. rusalem plusieurs personnaiges des plus abilles, lesquelz auez enuoyé par tout le mode pour publier qu'il s'estoit mis sus vne mau uaise secte des Chrestiens, & auec ce les imputant, chargeant, & diffamant d'aucuns crimes, à fin que ceulx qui n'en auoyent notice, euitassent nostre compaignie. En quoy faisant nauez pas tat seulemet esté occasion de vostre mort, mais encores de plusieurs autres. Il escrit aussi que iusques à son temps la grace de prophe tie à fleury en l'eglise. Et pareillement atteste que l'Apocalipse a esté faicte par sainct Ichan l'apostre. Il vse au surplus d'aucuns tesmoignaiges des Prophetes pour conuaincre Tripho, disant q les Iuifz les ont arraché &osté de leurs liures. Lo dit aussi qu'il a faict plusieurs autres liures qui se trouuent entre noz freres, lesquelz ont esté tant approuuez & trouuez dignes par les anciens, que Hirence les allegue pour tesmoignaige en son quatriesme liure contre les Hereses, parlant en telle maniere: Et Iustin au liure que il'a faict contre Marcion, l'a tresbien declairé, disant que iamais il ne croiroit à nostre seigneur, sil disoit qu'il y eust vn autre Dieu que le createur de toutes choses. Et encores au cinquesme liure de sondict volume, dit telles parolles: Iustin aussi nous afferme q auant l'aduenemét de Iesuschrist, iamaisle diable ne blasphema le nom de Dieu, pourtant qu'il n'auoit point encores entieremét cogneu sa damnation. Ces choses auons voulu declairer des œuures des Iustin, pour inciter tous bons Chrestiens à les cercher.

Des Euesques & des escriueurs ecclesiastiques, qui furent en celuy temps à Rome, en Alexandrie, & en Antioche.

Chapitre xvI.


A huictiesme annee dudict empereur Verus, ayant gouuerné le siege de sainct Pierre à Rome, Anicetus vinze ans, mourut: & luy succeda Sother. Et en Alexandrie decedant Celadion la quatoriesme annee de son Pontificat, luy suc

L

ceda Agripinus. Et en Antioche en ce mesme temps gouvernoit l'eglise Theophilus, qui estoit le sixiesme apres les apostres. Car le quatriesme depuis Neron, sut Cornelius, auquel auoit succedé Heros, qui sut le cinqiesme. En icelle mesme saison, estoit en moult grand estime Egesippus, dont nous auos dessus faict men tion, & pareillement Dionyssus euesque de Corinthe: aussi sut du nombre des euesques en Crete, Pinitus, homme tresexcellent. Et pareillement Philippus, Apolinaire, Melito, & Modestus. Et qui sut le plus excellent de tous, Hirenee. Desquelz tous les escritz & traictez contenans la doctrine de nostre soy sont paruenuz ius ques à nostre temps.

De Egesippus, & des choses dont il faict mention.

Chapitre xvII.



faict aussi mention en aucunes choses de l'epistre que Clement escriuit aux Corinthiens, qui me semble necessaire inserer en ce lieu, disant en ceste maniere: Et est demouré l'epistre de Clement aux Corinthiens en grande reputation en l'eglise, insques à l'euesque Primus, lequel ie vis allant à Rome, par mer, & demou. ray auec luy plusieurs iours à Corinthe, pour le plaisir que ie pre noye en la pureté de sa foy. Et estant arriué à Rome, ie demouray là iusques à ce que Sother succeda à Anicetus: & à Sother suc ceda Eleutherus. Et en toutes ses hortations & enseignemens, & pareillement aux autres que i'auoye veu en chemin, tout eitoit selon que lon trouuoit anciennement par la loy que les pro phetes auoyent prononcé, & aussi que nostre Seigneur auoit ordonné. Encores parlant ledict Egesippus des heretiques qui se leuerent de son temps, dit en telle maniere: Et apres que sainct Iaques, qui fut surnommé Iuste, receut le martire pour tesmoigner la verité, ainsi qu'auoit faict le Redempteur, Simeon silz de Čleo phas, fut eleu de tous euesque en son lieu, pourtat qu'il estoit cou sin de nostre Seigneur. Et lors estoit l'eglise appellee vierge, pour-

tant qu'encores n'auoit esté contaminee par les doctrines adulterines des Heretiques, Mais vn nommé Theobutes (pourtant qu'on ne l'auoit voulu faire euesque) commença à la troubler & corrompre. Car aussi il estoit des sept hereses qui nouuellement estoyent semees au peuple, desquelles estoit Simon: dont su rent nomez Les Simoniens Cleobius, dont furent les Cleobiens: Dozitheus, dont furent les Dozithiens: Gortheus, dont furét les Gortheniens: Masbutheus, dont furent les Masbutheiens: Et Me nander, dont furent les Menandriens. Et de ceulx encores descen dirent les Marcionistes, les Garpocratiens, les Valentiniens, les Ba filides, & les Saturniens. Chacun desquelz, corrumpant en diuerses sortes la vraye doctrine euangelique, seit sa secte à part: & eut ses seguaces à part : desquelz procederent les faulx Christes, les faulx prophetes, & les faulx apostres. Lesquelz en diuisant l'ynité des freres en plusieurs lieux par pollution des faulses doctrines, maculerent le lict treschaste de l'eglise, disans choses detestables contre Dieu, & contre Iesuschrist son filz. Encores narre ledict autheur de plusieurs hereses, qui estoyent entre les Iuifz de celuy temps, disant en telle maniere: Il y auoit (dit il) diuerses opinions entre les enfans d'Israel, qui estoyent moult contraires à la lignee de Iuda, de laquelle est Iesuschrift. Car il y auoit les Iesfeyens, les Galilees, les Hemerobaptistes, les Masbuthenies, les Sa maritains, les Saducees, & les Pharisees. Il dit encores plusieurs au tres choses en ce mesme lieu, dont nous auons faict mention des fus à autre propos. Il parle au surplus de l'euangile selon les Hebreux, & selon les Siriens: & dispute plusieurs choses de la langue Hebraique, faisant mention des doctrines Iudaiques bien amplement: dont il appert qu'il auoit esté d'icelle secte, quand il se conuertit Chrestien. Et dit entre autres choses, ce que Hirenee & tous les anciens ont confermé, que le liure qui est intitulé De sapièce:est vrayement de Salomon, ainsi qu'est celuy des Prouer-

bes. Et parlant des liures apocriphes alencontre d'aucuns heretiques, monstrent que plusieurs choses y ont esté corrumpues &

falsifices.

De Dionysius euesque des Corinthiens, & de ses epistres.

Chapitre XVIII.



R nous convient finablement parler du bon Dionysius, euesque des Corinthiens, de la do Ctrine duquel, & de la grace qu'il auoit à pres cher la parolle de Dieu, prositoyent, non pas tant seulement les peuples qu'il auoit à gouurerner, mais encores ceulx qui estoyent bien loing, ausquelz par epistres il communiquoit


sa presence. Et trouue lon premierement vne sienne epistre qu'il escriuit aux Lacedemonies de la foy catholique, en laquelle il enfeigne tresexcellemment de la paix & vnanimité de l'eglise. Vne autre en ya aux Atheniens, par laquelle il incite à la creance de l'euangile, ceulx qui y estoyent tardiz, & y venoyét mollement, & reprent aucuns qui estoyent quasi decheuz de la foy, estant Publius leur euesque martirisé. Et faict mention de Quadratus, qui auoit audict Publius succede, disant que par son industrie & labeur s'estoit en eulx reparé vne chaleur diuine de foy. Et en celle mesme epistre raconte de Dionysius Areopagita, lequel fut converty par sainct Paul, à la foy ainsi qu'il est contenu aux Actes des apostres, come il fut premier euesque d'Athenes, ordoné par sainct Paul. Lon trouue aussi vne autre sienne epistre que il escrit aux Nicomediens, en laquelle il impugne l'heresie de Marcion, par raisons euidentes, conformant nostre foy. Vne autre en escrit aussi aux eglises de Crete, en laquelle il dit leur euesque Philippe estre vn vertueux & sçauant homme. Et dit qu'on se doit abstenir de boire & de manger auec les heretiques.Il en escrit encores vn autre aux eglises de Rome, en laquelle faict mention de Bachilides & de Elpirius, comme de ceulx qui l'auoyent incité à escrire. Et pareillement de Palmeas leur euesque. Et en icelle epistre declaire plusieurs passaiges de la saincte escriture, & dit plusieurs choses de mariage & de chasteté: & aussi que tout homme qui est tombé en peché, quel qu'il soit, encores que ce fust heresie, s'il veult reuenir à penitence, doit estre receu. Vne autre epistre dudict aucteur, se trouue auecques les susdictes, escrite aux Ignosiens, priant Pinitus leur euesque qu'il ne vueille point imposer à ses disciples trop grand charge, & ne les vueille contraindre par necessité à garder chasteté, dot par infirmité aucuns pourroyét estre en dager. A quoy

faisant response Pinitus, luy escrit qu'il approuue son opinion come du'meilleur conseil, mais quant & quant luy prie (apres ce que desia luy auoit escrit) qu'il vueille desormais enuoyer de la viade plus forte en l'escriture diuine, de laquelle il puisse mieulx nourrir son peuple, & les faire plus robustes en la foy: à fin qu'estans desia enuicilliz en icelle foy, ne soyent pas tousiours comme petiz enfans, repeuz de laict. Et declaire bien en sadicte epistre iceluy Pinitus, les enseignes de sa vraye foy, le soing, & la cure qu'il a de son peuple, & la vertu qu'estoit en luy de doctrine & de sapience, & de predication. Lon trouue aussi vne autre epistre de Dionysius, escrite aux Romains, qui leur fut baillee par Sother, en laquelle il declaire qu'il veult garder les enseignemes baillez en l'eglise Romaine, disant en telle maniere: Et des le comencement (dit il) fut nostre coustume d'aider à tous noz freres par plusieurs benefices, & d'enuoyer par toutes les eglises qui font en diuers lieux, ce dont ilz ont besoing, & consoler tous les necessiteux en particulier. Et aussi d'enuoyer aux freres qui sont releguez à l'ouuraige des metaulx, ce qu'est conuenable à eulx. Ces choses a du commencement accoustumé de faire l'eglise Romaine, ainsi que les anciens peres auoyent ordonné, & tousiours ont esté bien gardees. Mais vostre sainct euesque Sother ne les a pas seulement entretenues, ains les à amendees & accreues. Car il ne fornit pas tant seulement aux sainctz ce que leur est necessaire pour le corps, mais encores ceulx qui viennent à luy il confole de doulx & humain langaige,& se monstre enuers tous, comme piteux & religieux pere. En ceste mesme epistre il faict mention de l'epistre de Clement aux Corinthiens, laquelle il dit par ancienne ordonnance & coustume, auoir tousiours esté leué en l'eglise, & disant en ceste maniere: Nous auons reputé ceste iournee de dimenche bien eureuse, en laquelle auons leu vostre epistre, & icelle lisons tousiours pour nostre instruction, ainsi que nous faisons celle de Clement qu'il nous escrit. Et en vn autre lieu luymesmes encores parlant de ses epistres, que par aucuns auoyent esté fassisses, dit en telle maniere: I'ay escrit aucunes epistres à mes freres qui m'en auoyent prié, mais aucuns apostres de Sathan les m'ont remplies de zizanie, y adioustant aucunes choses, & en ostant d'autres que ie re metz tout au jugement de Dieu. Et ne se faut pointse merueiller se ilz se sont parforcez de corrompre & falsisser les parolles de la saincte escriture, puis qu'ilz ont corropu nos escritures qui sont

tant viles & de petite importance: lon dit encores qu'il ya vne epistre que iceluy Dionysius escriuit à Chrisophore sa Seur, en laquelle il luy baille viande spirituelle conuenable à son sexe & à sa capacité. Et c'est assez parlé de Dionysius.

> De Theophile enesque d'Antioche, & d'aucuns autres escriueurs Chrestiens.

> > Chapitre xix.



Et par ainsi en celle saison ou il y auoit plusieurs heretiques qui al loyent maculant & infectant la vraye semence de la parolle de Dieu pur leurs zizanies & faulses doctrines, se trouuoyent aussi de tous costez bons euesques & vigilans laboureurs qui se parforçoyent de iecter dehors du bon grain la mauuaise semence. Et comme diligens pasteurs chasser & rebouter les loups aguettans les brebis par clameurs & admonnestemes instruisant leurs freres & escriuant à ceulx qui estoyent loing, assaillant les heretiques quand ilz les r'encontroyent par parolles pleines d'efficace, & les abbatant & prosternant par disputations & bonnes raisons. Et si ont encores pourueu à la posterité par leurs escritz & commentaires. Entre lesquelz, Theophilus (dont nous auss parle) par ce que lon trouue en escrit, feit vn grand combat par disputation à l'encontre de Marcion: auquel succeda en l'eglise d'Antioche Maximus, qui fut le septiesme apres les apostres. Et pareillement Philippe euesque des Corinthiens (dont nous auons parlé dessus) a notablement escrit contre ledict Marcion, aussi a Hirenee: mais sur tous les autres plus magnifiquement a escrit Modestus, lequel a descouuert toutes les deceptios & fallaces dont celuy Marcion se couuroit.

Chapitre xx.




Eliton ausi eucsque de Sardene, & Apollinai re eucsque de Hierapoly en celuy temps e-stoyent en grand estime, lesquelz pareillemét feirent des liures apologetiques pour nostre soy, qui furét presentez à l'épereur. Desquelz sont paruenuz à nostre notice ceulx qui s'ensuyuét. Premierement de Meliton Ion trou-

ue de la Paique deux liures. De la tresbonne conuersation vn, & aussi des prophetes de l'eglise vn. Du dimenche, de la foy de l'ho me, de la fiction, de l'obedience, de la foy. des Sentemens de l'ame, du corps, & de l'entédement. Et de l'hospitalité vn autre qui l'appelle la clef, & l'autre qui est du diable, & de la reuclation sainct Iehan, & vn autre de Dieu incarné. Et apres tous les autres celuy qu'il escriuit à Anthoninus Verus l'empereur. Et en son petit traicté de la Pasque, il declaire le temps qu'il escriuoit, disant en telle maniere: Soubz Sergius estant proconsul en Asie Paulus, du temps que Sagaris fut martirize, l'esmeut vne grande questió en la cite de Laodice touchant la feste de Pasques, duquel temps nous escriuismes cecy. De celuy traicté faict pareillement mention Clement euesque d'Alexandrie en son traicté aussi qu'il faict de la Pasque, ou il dit, Qu'il fut meu de l'escrire pour cestuy mesmes qui premierement auoit esté publié par Meliton. Et en celuy liure qu'il escrit à l'empereur, il faict mention des persecurions qui furent faictes en ce temps la par telz langaiges. Les bon nes gens & piteables sont maintenant persecutez, ce que ne fut iamais veu. Ilz sont chassez & banniz de tous costez d'Asie par man demens nouuellement publiez. Car les gens calumnieux & couuoiteux qui taschent de rauir les biens d'autruy, prenant leur occasion sur les commandemens de l'empereur, pillent & rauissent iour & nuict sur les pauures innocens. Et apres en ce lieu mesine dit ainsi, parlant à l'empereur: Et s'ilz le sont par ton com mandement, nous croyons que tout ce que vn bon & iuste prince commande soit bonne chose, & endurons vouluntiers la mort qui nous est auancee par ton commandement. Mais nous te supplions vne chose, que tu te vueilles premierement enquerir des ministres de ceste cruaulté, & discuter si ce que font ces meur-

driers, ilz le font par ton commandement. Et si tu trouues que ce commandement si cruel & inhumain soit faict sans ton sceu, nous te supplions qu'il te plaise ne nous abandonner, ne souffrir tes subiectz religieux par larrecins si euidens estre meurdriz. Et encores plus bas, il dit en telle maniere: Et ceste philosophie dont nous vsons, florissoit premierement entre les Barbares, & fut introduicte du temps de Auguste par bonne conuersation en vostre cité de Rome. Dont la hautesse de vostre regne par le bon heur de ceste observance est plus haut montee. Duquel empire qui a esté ainsi heureusement fondé, tu es tresheureux successeur, & auecques ton filz le gardes en grande fecilité. Parquoy vueilles garder le rite de nostre religion, qui t'a esté baillé ensem ble auec l'empire. Comme celuy qui à son entree as baillé à tes peres cause de prosperité, ensemble la foy laquelle est creue auec la felicité d'Auguste. Pourtant que audict Auguste à l'entree d'icelle foy, ne à son progres n'est aduenu aucune chose desplaisante, ains par le cotraire toutes choses ioyeuses & pleines de gran de prosperité. Pourtant que les culteurs de ceste religion prioyent continuellement pour son accroissement. Et n'y a eu aucun des Empereurs qui ait contrarie à ceste nostre doctrine, sinon Neron & Domitian par mauuais conseil, duquel téps il aduint que nous fusmes diffamez calumnieusemet. Mais icelle leur erreur qui pro cedoit par ignorance, fut apres corrigee par les progeniteurs, lefquelz depuis par leurs decretz manderent estre puniz ceulx qui feroyent aucun destourbier à ceux de ceste religion. Et entre les autres ton aieul Adrian escriuit à plusieurs Iuges, mais principallement à Fondanius proconsul d'Asie. Ton pere aussi qui gou uernoit l'empire Romain auec toy, enuoya ses editz par toutes les citez d'Asie: pour ceste cause, mesmement à ceulx de Larisse, de Thesfalonique, & d'Athenes. Si croyons que tu garderas & ob serueras ceste mesme sentence & volunté beaucop mieux que eulx. Et esperons que tu donras plus ample prouision & plus humaine comme celuy qui es vray philosophe & amateur de pure religion. Ces choses & autres plusieurs dignes & notables il escriuit audict liure dont dessus auons faict mention.

Ce que dit Meliton des liures du vieil testament.

Chapitre XXI.



souuét prié pour l'affectioque tu as à la parolle de Dieu, que ic te vueille declairer les tesmoignaiges que nous auss en la loy & aux prophetes, du saulueur, & de nostre foy. Et quant & quant que ie te monstre le nombre & l'ordre des volumes du vieil testament, i'ay bien voulu accomplir ta requeste, sçaichant le desir, que tu as d'apprendre: & que la deuotion que tu as à la foy, est telle que tu desires la vie eternelle sur toutes choses. Saiches adoncques que ie suis allé iusques en Orient aullieu ou ie commençay ma predication, & ou ont esté faictes toutes les choses que l'on trouue par escript, & que i'ay à toute diligence cerché là, quelz sont les volumes du vieil testament. Si ay trouué apres diligenté inuestigation, que ce sont ceulx qui l'ensuyuent. Premierement les cinq liures de Moise. C'est à sçauoir le Genese, L'exode, le Leuitique, le nombre, & le Deuteronomic. Apres Iesus naué les Iuges, Ruth, les quatre liures des rois, deux liures de Paralipomenon. Les pseaumes de Dauid, les prouerbes de Salomon, que lon dit sapience, l'ecclesiastes, les catiques, Iob, & les prophetes, Esaias & Hieremias: & le liure des douze prophetes, Daniel, Ezechiel, & Esdras, desquelz trestous ie t'ay enuoyé les eglogues: C'est à sçauoir les tesmoignaiges extraictz & digerez en six liures, c'est ce que nous trouuons des œuures de Meliton.

De Apollinaire.

Chapitre XXII.



E S œuures d'Apollinaire, combien que plufieurs en alleguent maintz autres, toutesfois à nostre cognoissance sont venuz tant seulement ceulx qui s'ensuyuent. C'est à sçauoir le liure apologetique à l'épereur, dont nous parlons. Et cotre les payens cinq liures: de la ve-

rité, deux liures. Et ceulx qu'il composa en apres contre Montanus & ses prophetesses Cathafrigies, qui auoyent lors premierement commencé de deuier du droit chemin.

De Musanus, & de la secte de Tatianus.

Chapitre XXIII.

O N trouue aussi vn liure moult elegant composé par Dusanus (dont nous auons dessus faict mention) ainsi qu'on dit à l'encontre d'aucuns qui estoyent tobez en l'heresie qui estoit nom mee des Eucratites, qui lors nouuellement estoit trouuee. De laquelle auoit esté inuenteur Tatianus, ainsi qu'est le commun bruit: celuy

mesmes duquel nous auons cy deuant faict mention, ainsi que fainct Iustin tesmoigne, duquel lon dit qu'il fut disciple. Hirenee toutesfois en son premier liure contre les hereses parle de luy en telle maniere: De Saturnin & de Marcion (dit il) descédirét ceulx que lon appellé Eucratites, lesquelz reprénent les noces qui furét iadis par Dieu instituces: & accusent celuy qui du commencemet feit le masse & la femelle à la conservation de l'humain lignaige.Ilz deffendent aussi l'vsaige des bestes, comme gens ingratz à Dieu qui les a crees pour cela. Ilz contredisent aussi grandement au falut de l'homme, comme ennemiz d'iceluy. Et cecy a esté trouué nouuellement par ceulx aufquelz vn nommé Tatianus auoit esté aucteur & precepteur. Et auoit introduit ces blasphemes, legl fut auditeur de Iustin. Toutesfois du teps qu'il fut auec luy, ne declaira iamais qu'il eut telle opinio desdictes choses. Mais depuis q iceluy Iustin fut martirise, il se departit par arrogace des docteurs ecclesiastiques. Et ensle d'une trop grade gloire soy reputat meilleur q les autres, aima mieulx introduire vn nouueau stile d'enseigner que d'ensuyure celuy qu'auoyet laisse les ancies. & cotrouua aucus siecles inuisibles en ensuyuat les fables de Valétin. Et au surplus il punissoit par vne mesme loy les noces aussi bien que la fornicatió & la corruptió, en confermant ce que Mar ció & Saturnin en auoyent dit. Il met aussi en doute par diuerses questiós le salut d'Ada. Et vn peu apres dit encores iceluy mesme Hirenee telles parolles: Peu de teps apres(dit il) vn nommé Seuerus conferma celle heresic, & donna grande somentation à ses se

Etareurs, dont ilz sont plus appellez Seueriés. Lesquelz vsent bien de la loy des prophetes, & de l'euangile, mais par leurs faulses in terpretations, ilz gastent & peruertissent totalemet le sens des es critures. Ilz contredisent aussi à sainct Pierre & à sainct Paul, & reiectent leurs epistres, ensemble les actes des apostres. Mais Tatianus qui fut leur aucteur, en faisant certaine collatió & copositió des euangiles, en seit de tous quatre ensemblevn qu'il nomma Diatesseno: lequel on trouue encores en plusieurs lieux. Lon dit aussi qu'il changea plusieurs choses des sermons des Apostres, comme celuy qui vouloit immuter l'ordre & la composition des parolles, & laissa vn nombre infiny de liures. Entre lesquelz celuy qu'il escriuit contre les gentilz est le principal, & tresutile. Etc'est assez quant à ceulx cy.

De Bardesanus Sirien, & de ses escritz.

Chapitre xx1111.



N ce mesme temps que les hereses pulluloyét par tout innumerables, & mesmement en Mesopotamie, vn treselegant homme en langue Siriène nommé Bardesanus qui estoit au surplus grand Dialeticien, composa en sadicte langue certains Dialogues contre Mar cion, & aussi plusieurs autres volumes que ses

disciples convertirent en Grec. Car il estoit si fort & si vehement en parolles, en doctrine, & en disputation, que maintz grans & notables hommes furent ses disciples & sectateurs. Et trouve lon vn sien liure de fortune qu'il escrit à l'empereur Anthonin, tresbien fondé. Et pareillement composa plusieurs autres liures qui estoyét fort necessaires en celle saison des persecutions. Et dit on qu'il fut premierement de l'eschole de Valentin: mais des qu'il ap perceut son erreur, & cogneut les follies de ses fables, il sembla qu'il se voulut couertir à meilleure doctrine: toutes sois il ne lais sa point du tout les taches des vieilles erreurs. En celuy mesme temps mourut Sother euesque de Romme.

Cy finist le quart liure de l'histoire Ecclesiastique.

Cy commence le cinq-

IESME LIVRE DE L'HISTOIRE Ecclesiastique.

Exorde.



STANT adonc le pape Sother allé à Dien, apres qu'il eut regy le siege apostolique huict ans, luy succeda Eleuthere, qui fut le douziesme apres les apostres, au dixseptiesme an de l'empire Anthoninus Verus. Duquel téps noz gens eurent grandes persecutions, par plusieurs regions du monde: mesment par emo

tions & seditions des peuples: dont s'en ensuyuit le martire de maintz milliers de Chresties en diuerses prouinces: ainsi que lon peut apperceuoir par les histoires que nous auons veu escrites de celuy temps, pour la memoire desdictes choses. Et iaçoit ce que nous ayons escrit amplement, faisans mention particuliere des martirs en vn liure autrement intitulé: par lequel nous estimons auoir donné grande cognoissance & instruction des choses susdictes. Toutesfois il nous a semblé estre conuenable de repeter & inserer en cestuy nostre liure, aucune petite partie de plusieurs nar rations qui sout en iceluy. Et si comme les autres historiens escriuent les victoires, les triumphes, les faictz, les trophees, & les faictz des princes & ducz, & aussi la mort des citoyens, des ennemis, des femmes & enfans, & de la desolation des citez & pais en diuerses manieres. Il ne sera point hors de propos de reciter en cestuy nostre liure, qui cotient la narration des choses appartenans à Dieu, la guerre qu'a soustenu la chair & le corps des martirs, pour sauuer l'esprit: & qu'a faict l'ame pour recouurer le royaume des cieulx: & la verité pour soustenir la foy. Lesquelles guerres icelle verité n'a pas combatu cotre les souldars terriens mais contre les diables spirituelz: non pas pour la liberté de la chair, mais pour cel le de l'esprit. Et par essect nous ne reciterons pas les guerres qui ont esté faictes pour conquerir pais, terre, ne prouinces: mais pour le royaume des cieulx, & pour la succession de paradis: & no pas pour acquerir vn Roy mortel: mais pour acquerir la gloire de tous triumphes du Roy immortel & Dieu vniuersel de tous.

Le nombre & la maniere de ceulx qui souffrirent martire soubz Seuere en Gaule.

Chapitre premier.

L ya en Gaule deux tresnobles citez: à sçauoir Lion & Vienne, assisses toutes deux sur la riuie re impetueuse du Rosne: esquelles surent faictes moult grades choses alencotre des sasctz martirs, du téps de l'empereur Anthonin° Ve rus: qui ont esté escrites par ordre, & enuoyoes par culx à la verité aux eglises d'Asie & de

Phrigie. Et à fin que lon adiouste plus de foy à la verité, i'ay vou lu icy inserer la teneur des lettres, qui est telle: Les serfz de Dieu qui sont es citez, de Lion & de Vienne au pais de Gaule, à tous les, freres d'Asie & de Phrigie, qui ont la mesme foy & esperance de la redemption de nostre sauueur Jesuschrist, paix soit donnee: grace & gloire par Dieu le pere tout puissant, & par nostre seigneur lesuschrist. Et apres le proheme d'icelle lettre, venant à nar ration du faict, comence en telle maniere: A racoter les grandes& merueilleuses tribulations q nous auos soustenues,& la fureur des Gétilz, qu'ilz ont exercee alencontre des sainctz martirs, ne nous seroit possible de narrer& exprimer de bouche, quad bien serions auecques vous, & donc tant moins le pouons escrire. Pourtat que l'ennemy de nature humaine a faict tout son effort pour mostrer par la cruauté de la persecution, le commencement de sa venue: & par ainsi a instruit & informé ses ministres cotre les seruiteurs de Dieu, en tout exercice de peché & cruauté. Car du commencement, nous fut dessendu de demourer en noz maisons, apres l'vfage des baings: & encores depuis, de ne venir en public: & finablement que nous ne deussions mostrer en lieu quelcoque, public ou priué, en la ville, ne aux champs. Mais la grace de Dieu estoit auecques nous, qui retiroit les plus fragiles des nostres de leurs mains: & leur offrit des hommes plus fors, & plus constans, & plus fermes que piliers: lesquelz n'estoyent pas tant seulement suffisans pour soustenir par leur vertu & patience les assaulx que l'en nemy excogitoit contre eulx: mais d'abondant se venoyent de leur gré offrir à tous leurs outrages, opprobres & tormens. Et là ou les bourreaux estoyent presque las & recreuz, il leur sembloit trop peu ce qu'ilz auoyent souffert: pourtant qu'il leur estoit ad-uis qu'ilz tardoyent trop de paruenir à la compagnie de lesus Le quart liure

Christ, ou ilz desiroyent aller, & par effect plus que par parolles en icelle leur patience croyoyent ce qui est escrit, que les passions de ceste vie presente ne sont pas dignes pour meriter la gloire qui se ra en nous reuelee. Ilz enduroyent adonc constament les crieries, les opprobres, & iniures que le peuple disoit alencontre d'eulx. Et reputoyent icelles iniures estre leurs louenges: & d'auataige endu royent patiement d'estre battuz, lapidez & emprisonnez par eulx: & prenoyét en gré tout ce q la forcenerie d'iceluy peuple furieux pourpensoit alencontre' deulx. Si aduint vn iour qu'en la presence du tribun & des principaulx de la cué, aucuns de noz freres à la seule acclamation du peuple, furent prins & tirez en prison: & de puis amenez iusques à la presence du president : lequel vsa tant de cruauté alencontre d'eulx, que impossible seroit le descrire par le menu. Et y estoit entre les autres de noz freres Decius Pagathus homme plein de parfaicte charité enuers Dieu & euuers les hom mes. La vie duquel(iaçoit qu'il fust encoresieune) estoit si examinee & si congneue, qu'elle estoit preferee à celle de plusieurs graues vieillards, car il viuoit selon les commandemens de Dieu fans ancune querelle, & si estoit tousiours prest à tous services enuers les seruiteurs de Dieu. Iceluy plein de bon zele & d'vne gran de ferueur d'esprit, voyant les cruelz tourmés que l'on faisoit aux seruiteurs de Dieu, & les peines insupportables qu'ilz enduroyét en leurs corps contre toute raison, ne le peut plus endurer, ains de manda que on luy voulsist bailler audience pour parler en faueur & dessence des bons Citoyens, cotre lesquelz on ne pouuoit prou uer aucune chose mauuaise. Car il estoit homme de grande estime en la cité,& de grad sçauoir. Mais le iuge cruel sans le vouloir autrement ouir, luy demada tant seulement s'il estoit Chrestien. Et apres qu'il eut franchement & liberallement respondu que ouy, le iuge commanda qu'il fust lyé auec les autres comme aduocat des Chrestiens: & neantmoins les accusateurs ne sçanoyent que dire contre luy. Mais luy qui auoit Dieu pour son aduocat merita d'estre honnoré de ce nom d'aduocat des Chrestiens, ainsi qu'auoit esté le fainct prestre Zacharie: lequel aussi pareillement vsant de toutes œuures piteables enuers les saictz martirs, en leur assistant & soustenant leur liberté & verité de nostre religion, en ensuyuant l'exemple de nostre sauueur, mist son ame pour ses ouaillés & pour ses amiz. Et à ceste cause tous deux comme loyaulx disciples de l'esuschrist suyuiret laigneau paschal au royaume des cieulx par tout là ou il ira, ainsi que dit sainct Iehan en l'Apoca-

lipse. Ayant adonc le remenant des sainctz, veu ces deux capitaines bons & fideles, qui leur auoyent monstré la voye, metoyent hardiment & gayement leurs ames pour la dessension de la verité, reserué aucun petit nombre, à sçauoir dix: lesquelz pourtant qu'ilz estoyent trop foibles de cueur, & trop debiles de foy pour foustenir vn tel sez, en decheant de leur bon propos, nous causerent yn grand deuil â trestous, & yne grand douleur . Car ilz firent amolir le cueur de plusieurs autres qui auoyét esté asseurez & confermez par la foy & patience des autres. Tellement que nous fumes tous espouentez, non pas tant pour paour des tor-mens que pour la craincte que nous auyons de confession, & du soustenement de la foy que nous voyons en branle. Car nous auyons plus de douleur de veoir noz champions succuber, que de tous les tormens. Toutesfois lon en prenoit tous les jours de nou ueaux que nostre Seigneur subrogeoit au lieu des pusilanimes. Car de toutes deux les eglises à sçauoir de Lion & de Viene, tous les plus fermes & les plus studieux en la foy, & par labeur & industrie desquelz icelles eglises estoyent regies, estoyent enquis & prins. Et si aduint que les esclaux d'aucuns des nostres qui estoyét payens furent prins auecques les autres, pourtant qu'il estoit man dé prendre toute sorte de gens: lesquelz esclaux pour la paour qu'ilz auoyent des horribles tormens qu'ilz voyoyét endurer à noz gens, à la persuasson des bourreaux & satelites qui auoyent ainsi esté instruictz par noz persecuteurs, cofessoyent & controu uoyent certaines fables & superstitions telles que lon recite aux Theatres, & certaines infamies abominables & meschantes contre nous, qu'il ne nous est loisible de dire, ne de penser : & telles que nous ne pouvons croire que iamais hommes ayent perpetré: lesquelles apres qu'elles furent diuulguees au peuple, nous commençames estre tous en grand horreur & en grande abomination à tous viuans : voire à ceulx mesmes qui au parauant monstroyent auoir quelque pitié & compassion de nous, commencerent tout d'yn accord à fremir & crier contre les Chrestiens, & à les persecuter par une fureur insatiable. Et lors veismes estre accomply ce qu'auoit prononcé nostre Sauueur, quand il dit à ses disciples: Le temps viendra que tout homme qui vous occira, pensera auoir faict vn grand sacrisice à Dieu. Et apres furent aprestez & exercez les tormens si cruelz, & de tant de fortes diuerses contre nous tous, qu'il n'est homme qui les sceust racompter, à l'instigation de Sathan: à fin que par leur confession

ilz peussent verifier que par nous eut esté commile aucune desdictes choses controuuees. A quoy tous estoyent ententifz & aheurtez par vne mesme fureur, à sçauoir le peuple, le iuge, les officiers, & les satellites. Lesquelz entre autres, pressoyent par tormens, vn diacre nommé Sanctus de Vienne, & vn autre nommé Maturus, nouuellement Chrestien, mais ferme & constant en la foy: & vn autre natif de Pergame, nommé Attalus, lequel a esté le pilier & le fondement de nostre eglise en toutes choses. Et outre ce vne femme, nommee Blandine, par la constance de laquelle nostre Seigneur a monstré que telles creatures (qui sont des prisees empres les hommes, & dont lonne faict pas grand compte)sont en grand gloire & honneur empres luy. Et que sa charité faict que les choses qui sont fragiles par nature, deuiennent tresfermes par grace. Car là ou nous tous estions en grand doute & tremblions de paour, & mesmes sa maistresse qui estoit du no bre des martirs, pour doute que nous auions qu'icelle Blandine ne fut vaincue par les tourmens, & que pour la debilité de son corps elle ne peut à peine soustenir les premiers plus legers. Elle fut de si grade vertu & tolerace, q les mains des bourreaux & sa tellites, que le iuge inhumain faisoit venir, les vns apres les autres à celuy ouuraige, faillirent plustost, & furent lassez de tormenter, qu'elle de souffrir. Tellement qu'ayant continué des la poincte du iour, iusques au soir, confesserent à la fin qu'ilz estoyent vaincus. Estans tous esmerueillez comme l'esprit pouoit estre encores en celuy corps, qui n'auoit presque plus de chair ne de forme. Mais icelle femme vrayment bien eureuse (ainsi que depuis on nous a racompté) à toutes les fois qu'elle confessoit le nom de Dieu, disant ie suis Chrestienne, receuoit nouuelle force & vigueur. Et comme si par celle confession les douleurs luy fussent ostees, elle estoit restauree & renforcee pour soustenir nouueaux tormés, pour raison dequoy cognoissant que par celle con fession la douleur luy passoit, la repliquoit & reiteroit tant plus fouuent, & criant à haute voix, ie suis Chrestienne, & en nous n'a aucun mesfaict. Ledict diacre aussi, nommé Sanctus, porta plus auant qu'on ne pourroit dire, & que la force d'vn corps humain ne pourroit porter les diuers & insupportables tormens que les ministres du diable trouuoyent & appliquoyent cotinuellement pour le contraindre à confesser aucune desdictes choses. Mais iceluy bon champion plein de la grace de Dieu desprisa tant leur effors,& tint si peu de conte de leurs tormens, qui ne leur deigna

iamais desclairer de quel pais, de quelle maison, ne de quelle ville il estoit. Ains à toutes les interrogations qu'on luy faisoit sur cela, respondoit Ie suis Chrestien: C'est mon nom, c'est mon surnom, c'est mon pais. Et par esfect ne suis riens autre que Chreftien, dont les satellites & ministres du diable estoyent tous confuz & enragez, veu que par tant de sortes de tormens il ne luy eussent pas tant seulement peu faire dire son nom. Et finablement luy appliquerent des lames de fer & d'arain toutes rouentes & rouges de feu aux inquines & autres membres plus delicatz, tellement que sa chair tomboit & distilloit toute brusse, & neantmoins il perfistoit sans soy mounoir, sans auoir paour, ne sans varier, esteignant les flambes & feux materiaux auec eaue de fontaine celestielle, & eternelle, qui est Iesuschrist. Toutes fois il estoit si martirisé par tout le corps, que lon pouoit dire qu'il n'y auoit qu'vne seule playe qui côtenoit le tout: & la forme hu maine estoit perie en luy, tellement que lon ne cognoissoit, non pas tant seulement qui il estoit, mais quelle chose c'estoit, tant auoit la cruauté des tormens effacé & estainct la cognoissance de luy. Et non pourtant lesuschrist seul se recognoissoit en luy par la gloire de martire, lequel par sa patience destruisoit les puissances des aduersaires. Et par l'exemple de ceste tolerace r'enforçoit ses cheualiers& chapions, monstrant euidemment à chacun qu'il n'y a riens qui soit terrible là ou est l'amour de Dieu le pere. Et n'y a ries de fainct &frauduleux, làou est la foy de Iesuschrist. Ce nonobstant les ministres de peché ne furent point cofuz par la vertu du martir:ains peu de iours apres confiderans que si les playes estoyent encores fresches, tellement qu'en les touchant tant seulement de la main tout doucement, ce seroit assez pour renouueler les douleurs & les tormens, & à vexer de rechef les membres qui estoyent desia pourris: & par ainsi seroit force qu'il l'ensuyuit de deux choses l'vne, ou qu'il descendit à leur damnee volunté, ou s'il perseuereroit iusques à sa mort ce seroit vne paour & terreur aux autres, voyant telle cruauté: à ceste occasion le tormenterent derechef. Mais il aduint tout autrement que les inhumains n'auoyent imaginé: car il aduint (combien que ce foir chose increable aux infideles) que son corps fut renouuellé en sa premiere forme & vertu, par les seconds tormens: & repara la seconde cruauté, l'efficace des membres que la premiere auoit tolluc:en maniere que les tormens reiterez, ne luy furent pas peine: ains medecine. Et pareillemét Blandine (de laquelle nous auons

parlé dessus fut ramenee autressois à la gehenne & aux tormés, laquelle estat desia presques voisine à la mort, ainsi qu'on la frap poit & tormentoit, se leua soudainement comme d'vn someil, & ayant souuenance de la felicité eternelle, d'vne voix constante & vigoreuse, comme s'elle eut presché en vn throne au peuple, dit celles parolles: Vous errez grandement poures gens: pensans que ceulx mangeassent les entrailles des enfans qui ne mangent pas tant seulement la chair des bestes brutes. Et en telle maniere per seuerant en sa cosession, sut dereches menee en la prison auec les autres martirs.

Comment les saincitz martirs, tant qu'ilz estoyent en vie, renoquoyent à la foy ceulx qui estoyent tombez & decheuz en la persecution.

Chapitre 11.

Ais apres que pour la patience des martirs les tor mens des tyrans furent euanouiz, le diable de rechef prepara autres moyens pour abatre les seruiteurs de Dieu, à sçauoir, de les tormenter en prison, à fin qu'estans consommez par l'obscuri-

té & austerité de la prison: & outre ce, tirez par gehénes, & leurs nerfz estaduz (à maniere de parler)iusques au septiesme poinet, en lieux obscurs & tenebreux: & au surplus martirisez par toutes sortes de tormens, dont la cruauté des furieux bourreaux, se sçauoit aduiser, perissoyent miserablemét. Si en furent plusieurs murtris en ceste maniere dedas les prisons, dont Dieu receut l'es prit,&leql ne leur retira point son aide, pourtat qu'ilz fussent en ces lieux solitaires. Et si en y eut aucus, lesquelz apres qu'ilz euret enduré les cruelz tormens, voyans qu'on ne leur permettoit vser d'aucun remede humain, commencerent par grand merueille à recouurir leur vigueur par vertu diuine,&à reprendre soudainement vne ioye de cueur, & vne force de corps, là ou plus n'auoit d'espoir en leur vie. Tellement que par leurs enhortemens & remonstrances ilz induisoyent & confermoyent les autres qui estoyent en semblables tormens, à patience. Et ceulx qui ne pouoyent endurer les peines, & qui auoyét esté nouuellemet prins, & qui par tormens n'estoyent encores endurciz, estoyent ceulx là qui apres finoyent miserablement leur vie en my la puanteur, & en l'obscurité de la prison. Mais entre les autres n'est pas à ou-

М

blier la glorieuse confession de sainct Fotin, euesque de Lion, lequel ayant dessa passé l'aage de quatrevingts dix ans, & par ainsi estant presque mort, quant au corps, viuoit tant seulement pour le desir du martire. Il sut adonc amene au tribunal du iuge, ou pour parler plus propremét, treiné: car il estoit si debilité de vieil lesse & de maladie, qu'à peine pouoit il aller. Et n'estoit son ame reseruce en son corps, à autre sin, sinon à ce que Iesuschrist triuphast plus magnifiquemet par icelle, en vn corps si debile. Estant adonc le bon vieillard presenté deuant le iuge, le peuple furieux commença à crier, qu'il estoit Chrestien. Et lors le iuge luy demanda qui estoit le dieu des Chrestiens, & il respondit en telle maniere: Si tu es digne de le sçauoir, tu le sçauras. De laquelle response tout le peuple assistant fut esmeu par vne raige de fureur excessiue, tellement que ceulx qui estoyent empres le bon vieillard, le frappoyent, les vns des poings, les autres des piedz, sans auoir aucun regard ne reuerece à son aage, n'à sa grauite. Et ceulx qui estoyent plus loing iettoyeut contre luy de pierres ou glaiues, ce qui leur venoit en main, de sorte que celuy qui ne faisoit riens contre sa personne, se tenoit pour auoir faict grand faulte. Et disoyét qu'en iceluy vengeroyét l'outraige faict à leur dieux, dont apres qu'il fut ainsi foulé & batu estant mené en prison à de my mort, dedans peu de temps rendit l'esprit à Dieu. En celuy mesme temps la bonté de Dieu enuoya soudainement par sa gra ce & misericorde vn soulagement inexcogité à ses bons seruiteurs, par la main & par le mistere de ses persecuteurs: Car ilz prin drent de rechef & mirent en prison tous les Chrestiens qu'ilz auoyent au parauant prins & apres deliurez, pourtant qu'ilzauoyent renoncé la foy & d'autant estoit leur confusion plus gran de qu'ilz n'estoyent point persecutez comme Chrestiens, mais comme meurdries & incestueux, qui leur estoit double peine. Pourtant que les vrais Chrestiens & chapions qui estoyent tormentez auoyent soulagemet pour l'esperace des bies eternelz. Et aussi pour la grace du saict Esprit, & pour la charité de lesuschrist, là ou les meschans outre la peine qu'ilz auoyent de la prison, estoyent stimulez par leurs cosciences de leur peché & mesfaict. Ainsi à les veoir estoyét ilz bien aisez à cognoistre des autres bos Chresties, lesquelz vouloyet sortir des tormes auec vne face ioyeuse, ayas vne espece de diuinité en leurs visaiges, & leurs sers & liens ilz reputoyent come ioyaux precieux; & la prison obscure come vne boutique de bonne senteurs, pour l'amour & cofiance

qu'ilz auoyent en Iesuschrist, là ou les meschas & inconstans e? stoyent tristes & douloureux, & auoyent vn regard effrayé & ha ue. Et si estoyent abominables aux Payens mesimes, comme gens lasches & meschans qui auoyent perdu leur foy & encoru autres crimes, & en perdat le nom de Chrestie ne pouoyent eschaper les peines d'homicides. Pour laquelle chose surent les autres Chrestiens si asseurez & confermez, que des qu'ilz estoyent prins sans aucune variation, confessoyent constamment & franchement qu'ilz estoyent Chrestiens, & non autre chose. Et apres plusieurs autres narrations contenues en ladicte epistre, estoyent les parol les qui s'ensuyuent: Apres toutes ces choses nostre seigneur lesuschrist, voyant le triumphe de ses martirs, qui par diuers tormens l'estoyent monstrez costans, offroit à son pere eternel vne coronne de diuerses fleurs pour remunerer eternellemet ses bons champions, comme victorieux & hardis combatans. Car Maturus, Sanctus, Blandine, & Attalus, aucuns iours apres furent amenez au millieu de la place ou le peuple estoit assemblé en grande multitude. Et premierement Maturus & Sanctus furent par nouueaux tormens gehennez & martirisez, tout ainsi comme si au parauant ne l'eussent point esté. Et cela faisoyét les bourreaux & ministres à l'instigation du peuple pour rompre leur patience, & leur faire pérdre la coronne qu'ilz auoyent dessa, par maniere de dire, sur la teste. Mais d'autant plus estoyent constans qu'ilz se veoyent voisins à la gloire, & leur sembloit qu'ilz tinssent desia la corone en leurs mains. Et apres que toutes manieres de tor mens, & le temps ordonné à cela furent passez, voyant les ministres qu'ilz ne les pouoyent desmouuoir de leurs bons propos: Combien qu'apres tous les autres tormens, les eussent assis sur vne selle de fer, & mis le feu dessoubz qui leur brussoit la chair iusques aux os:finablemét voyant leur esprit immuable, leur trécherent les testes. Apres cela fut Blandine attachee à vn paul, les bras estandus en maniere d'vne croix, laquelle lon vouloit faire manger aux bestes: mais estant ainsi pédue auec vn visaige tout asseuré & assez ioyeux, faisoit sa priere à Dieu, luy suppliant qu'il pleut à sa diuine bonte luy donner patience & constance, & aux autres qui estoyent au mesmes cas, perseuerance: Esperant que sa priere seroit exaucee, quant aux autres lesquelz elle aidoit, non pas tant par prieres que par exemples. Et au surplus leur remon-Îtroit que ceulx qui estoyent cosors de Iesuschrist & de sa passion, seroyent aussi participans de sa gloire en paradis. Toutesfois il. aduint que nulle des bestes qui furent laschees contre elle, n'osa toucher à son corps. Quoy voyans les Payens, la remenerent en prison pour luy faire apres nouueaux tormens, à fin que par plu sieurs victoires la teste du serpent ennemy de nature, sut froissée, & le cueur des Chrestiens euertué & enslambé à endurer tous tormens: voyans icelle semme en vn petit corps & fragile endurer tant de peines, & neantmoins demourer inuincible, & s'en departir tousiours de la bataille auec la victoire.

De la vision qui apparut au sainct martir Attalus. Chapitre 111.

PR ÉS fut à grand clameur du peuple demandé Attalus. Or estoit il homme fort noble, & que plus faict à estimer, de moult bonne conscience, & pour la foy de Iesuschrist, en toutes persecutions tousiours constant. Estant adonc amené au long du theatre, ayat vn escriteau sur sa teste, ou estoit escrit Atta-

lus Chrestien. Le peuple par fureur enragee, commença à crier contre luy: mais estant le president aduerty qu'il estoit citoyen de Rome, le fit ramener en la prison auec les autres, & escriuit à l'empereur pour sçauoir ce qui luy plaisoit en estre faict. Ce téps pendat qu'il attendoit la respose, les glorieux martirs qui estoyét en prison, ne perdoyent pas temps: ains par une vigueur de cueur & vne liesse de foy, ceulx qui estoyent les plus constans confermoyent les autres qui estoyent plus fragiles. Et auant qu'ilz paruinssent au martire par les enhortemens, en firent venir plusieurs, dont saincte mere eglise menoit grand ioye, voyant ses enfans qui desia estoyétien perditió, estre par ces glorieux chapions reduiz à vie. Et mesmes aucuns de ceulx qui estoyent abortifz auoyent renocé à la foy, renaissoyent de rechef, & reuenoyét à la confesser: dont Iesuschrist estoit en eulx resuscité de rechef, & co gnoissot lon en ceulx là, que Dieu ne desire pas la mort des pecheurs, mais qu'ilz viuent & se convertissent. Apres estant venue la respose de l'empereur, par laquelle estoit mandé que ceulx qui persisteroyét en celle foy, fussent puniz: & ceulx qui la renon ceroyent, fusseut relachez. Le iuge à vn iour de feste bien solennelle, auquel de tous pais conuenoyent marchans & autres gens pour raison des foires qui se font en la cité de Lion, sit mettre son siege au milieu du marché, puis comande que les Chrestiens luy K iii

fussent presentez, pour les faire tormenter en plus grande peine, present tout le peuple, & furent là de rechef dresses croix & autres engins de tormens. Et feit appeller les citoyés Romains, lesquelz il feit to' decapiter. Les autres feit preséter aux bestes, pour estre deuorez. Mais en tout ce mistere, Dieu estoit glorisié gran dement de tous, mesmement de ceulx lesquelz au parauant n'auoyent peu estre deliurez, cobien qu'ilz vousissent renoncer la foy. Et maintenant estoit question, si vouloyent persister en icel le foy, ou à la renoncer, pour tat qu'il estoit mandé qu'en renonçant ilz fussent relachez. Faisant adoc le iuge l'inquisitio de ceulx là y assistoit vn medecin de Frise, nomé Alexandre, homme religieux & prudet, & pour ses vertuz & bones meurs, moult aimé & estimé d'vn chacun, lequal ainsi que lon amenoit les prisonniers deuant le tribunal du iuge, pour sçauoir s'ilz vouloyét persister ou renier, leur faisoit signe de la teste le mieulx qu'il pouoit que ilz persistassent, tellement q tout le peuple s'en aperceut : dont plusieurs voyans q par ce moyen aucuns de ceulx qui auoyét au parauant renié par vn nouuel esprit diuin, reuoquoyent leurs erreurs, furent moult indignez, disant q cestoit par les signes que faisoit iceluy Alexandre. Quoy voyant le iuge, le sit amener au milieu de la place deuat luy. Si luy demanda qui il estoit? Leql luy respondit franchement qu'il estoit Chrestien: lors le iuge sans autre delay le condéna à estre exposé aux bestes. Si fut le iour en suyuant amené deuant le iuge auec Attalus, lequel Attalus iceluy iuge comanda estre baille aux bestes auec ledict Alexandre, pour gratifier au peuple. Jaçoit ce que fut contre le comandement de l'empereur. Mais voyat que nulle des bestes n'y vouloit toucher, les fit trainer, battre & tormenter dessus le sable longuement. Et apres comanda qu'ilz fussent esqueulez. Et non pourtant le benoist Alexadre en tous ses tormés, iamais ne profera vn seul mot que lon ouit, mais le veoit on parler en soy mesmes, côme l'il rai sonnoit auec Dieu, perseuer at tousiours en ses louenges & oraisons, Mais Attalus estant assis sur la selle de fer: & ayat le feu desfoubz, qui luy bruloit la chair, tellemét que la puâteur venoit au nez de tous les circonsistans, escria à haute voix au peuple telles parolles: Cecy q vous nous faictes est bien mager les homes manifestemet, dont vous nous cerchez qui le faisons occultemet. Ce que nous ne faisons n'autre chose mauuaise. Et lors luy fut demandé quel nom auoit son Dieu, à quoy il respondit en telle ma niere: Certes là ou lon presume estre plusieurs, il est besoing de

scauoir leur nom: mais à ceulx qui croyent qu'il n'en est fors vn seul, il ne leur fault point de nom. Apres tous les autres, le dernier iour de la feste, sut amence Blandine: & auec elle vnieune garz de l'aage de quinze ans ou enuiron, natif du pais de Pont: lesquelz on auoit faict assister au martire des autres tous les iours, à fin que voyans les tormens des autres, ilz fussent espouétez. Estans adonc presentez au milieu du marché deuat le iuge, leur sut comandé qu'il y deussent iurer per les Dieux: à quoy ilz firent res pose qu'il n'en estoit point de ceulx la par lesquelz on les vouloit faire iurer. Et perseuerant en celuy propos & detestant la supersti tion des Payens, le peuple comença à venir en si grande sureur & rage cotre eulx, que sans auoir aucun regard, ne au ieune aage de l'enfant, ne au sexe fragile de la femme, les firent martiriser de toutes les sortes de tormens qui estoyent là apprestez, tant que le bon Pontique aiant longuement perseueré en la patience des tor mens, par l'enhortement de sa merc, finablement rendit l'esprit à Dieu. Et apres la glorieuse Bladine, come la mere qui auoit enuoié son enfant deuant, à la corone du martire, voulant le suyure pas à pas, l'é alloit toute ioyeufe, côme celle qui estoit couice aux noces, & à la châbre de son doulx espoux: tellemét que quand on la batoit, elle dancoit. Et estat sa chair rostie sur le gril, elle se res iouisoit, comme si elle eust esté en un bancquet royal. Apres sut iettee aux bestes: lesquelles ne la voulurét toucher. Lors l'auiserét les cruelz bourreaux d'vne autre nouuelle façon de tormens, si l'enueloperent en vn fillé, puis luy lancerent vn fier thoreau, lequel ilz inciterent contre elle: mais combien qu'il luy baillast in finis coups de ses cornes, & la iettast tout au tour de la rue, toutesfois ne luy feir aucun mal: ains elle demeura tousiours constante & ioyeuse, comme si elle fut desia auec Iesuschrift. Et finablement commanda le iuge, qu'on luy coupast la gorge en grand esbahissement de tout le peuple, & mesmes des plus cruelz, qui disoyét que iamais femme n'auoit esté, qui tat de tormés eut peu endurer. Et non pourtant ne furent pas soulez de ce qu'ilz auoyét faict: car estas enuenimez de la poison & du venin de l'ancien ser pent, ne peurent leurs meurs inhumaines & barbares, estre reduites à l'humanité: & la grade patience qu'ilz veoyét aux martirs, les faisoyét encores plus enragez. Car ilz estoyent tous honteux, de veoir plus de vertu en ceulx qui estoyent tormentez que en ceulx qui les tormentoyent, qui estoit la cause pour quoy le iuge & le peuple estoyent prouoquez à plus grande hayne cotre eulx.

< iiij

A fin que la saincte escriture fust accomplie laquelle dit, le mauuais homme fera encores des iniquitez, & le iniuste des iniusticos. Car les corps de ceulx qui estoyent occis en la prison, ilz faifoyent ietter aux chies, & mettoyent gardes iour & nuit à fin que nul par pitié ne les enseuelist: & par tel moyen ce qui estoit sobre aux bestes ou du feu, & mesmes les testes trenchees, & remenat des corps, tout estoit laissé la soubz la garde des sergens, à fin que on ne les rauist pour enseuelir. Et queroyent s'il y auoit plus aucune maniere de cruaulté pour exercer à ceulx qui dessa auoyent rédu l'esprit. dot ainsi qu'il se ressouissoyent de telles inhumanitez, nous autres estions en grans pleurs & souspirs, voyant que ne pouuyons pas tant seulement enseuelir les reliques des mortz de iour ne de nuit. Et si ny auoit remede aucun de corrompre les gardes par prieres, ne par dons, ne par autre moyen quelconque, tant estoyentsoigneux pour garder que les os ne fussent inhumez. Et apres qu'ilz les eurent gardé aucuns iours ilz les bruleret & mirent en cendres: & apres les messerent parmy la pouldre & ietterent tout dedans la riuiere du Rosne, à fin que l'on nen trouuast iamais riens. Comme si en faisant cela ilz vainquoyent Dieu, & par ce moyen leur tollissent l'espoir de la resurrection. Car ilz disovent en telle maniere: Telz. Chrestiens pour l'espoir qu'ilz ont par leur nouuelle superstitio de resusciter qu'il mettra leurs os dedans des sepulchres viennent joyeusement aux tormens. Or voyons maintenant filz resusciteront, & si leur Dieu les deliure de noz mains. Ce sont en somme les choses qui furent faictes en celuy temps contre les. Chrestiens ainsi qu'il est contenu en l'epistre des Lionnois: par laquelle lon peut coniecturer ce qui fut faict par les autres prouinces: en laquelle epistre est d'à uantaige faict mention de l'humanite & humilité des saincls martirs que i'ay bien voulu icy inserer par les mesmes parolles de la lettre, qui sont telles: Ét ces glorieux martirs ensuyuant ce qui est dit du redempteur lequel iaçoit qu'il fust en forme & & substance divine ne reputa point estre reprimé de soy dire egal à Dieu, combien qu'ilz fussent en telle gloire constituez que ilz auoyent desia consomme plusieurs martirs de bestes, de feuz, de lames ardans, & autres qui ne se nommoyent point pourtant martirs, ne vouloyent permetre que on les appellast ainsi. Ains si quelcun de nous les y appelloit par lettre, ou en parlant, le reprenoyent griefuemét, disant que celuy nom appartiét à lesuschrist tant seulement, lequel seul est le vray martir de verité, & qui est

le primogenit des mors & autheur de vie : Ou si à aucuns autres est deu ce nom, c'est à ceulx qui apres la bonne & suffisante confession, ont merité de passer de ceste vie, & aller à Dieu. Mais quant à nous, nous desirons d'estre poures & humbles, à fin que à tout le moins la simple confession de Iesuschrist demoure en nous asseurement. Et en disant ces perolles requeroyent à chaudes larmes les autres freres qu'ilz voulsissent prier Dieu pour eulx, à fin qu'ilz peussent paruenir à la parsaicte confession du martire:dont leur humilité estoit si grande, que iaçoit qu'ilz feussent martirs par esfectz, recusoyent neantmoins la ventance du nom. Et quand ilz estoyent deuant les Payens ilz persistoyent en la foy auec vne constance & confiance merueilleuse: tellement qu'ilz donnoyent bien à cognoistre par leur contemnement des iniures, & par leur patience & torment la noblesse de l'ame. Et par effect ilz estoyent entre les freres humbles, & entre les perfecuteurs, haultains: doulx, & courtois aux fiens, & aux aduerfaires terribles: subiectz quant à Dieu, & rebelles aux diables: en quoy faisant & eulx humiliat soubz la main puissante de Dieu, ilz sont maintenant exaulcez en la gloire eternelle. Ilz apaisoyent chacu, & n'accusoyent personne. Ilz deslioyent tout home sans en point attacher. Ét d'abondant prioyent pour leurs persecuteurs disant les propres parolles du glorieux sainct Estienne premier martir: Seigneur Dieu ne leur vueilles imputer ce peché: mais d'autant le diable leur dressoit grans guerres qu'il les veoit auoir plus gra de charité enuers Iesuschrist: mesmement voyans que par eulx ceulx qui estoyent tumbez en infidelité par crainte & qu'il cuidoit dessa auoir entre ses mains pour les engloutir, estoyent arrachez par leurs merites & exemples de son ventre, encores pleins de vie, & sicomme la mere faict enuers ses enfans: aussi de tous leurs cueurs, & de toute leur force, vsoyent de charité & misericorde enuers eulx, faisans prieres piteuses à larmes & souspirs à Dieu pour leur salut, lesquelles estoyent exaulcees. Et ne reputoyent pas eulx en aller ioyeusement en paradis, ne la coronne du martire leur estre plaisante, silz permetoyent que le diablera uist quelque partie de leurs membres & de la saincte eglise comme proye de sa victoire. Mais sur toutes choses ilz aimoyent la paix, & nous admonnestoyent la garder, & ne preparoyent autre chemin pour les conduire à la gloire du martire que icelle paix. & à leur pouuoir mettoyent peine de ne laisser apres eulx aucune dissention entre les freres, ne aucune tristesse en l'eglise. A ceste

cause admonnestoyent tousiours les freres de garder paix & cha? rité entre eulx. l'ay toutes ces choses pesé non estre inutiles pour ceulx qui liront ce present liure: à ceste cause les ay voulu inserer lesquelles sont procedees de gens de si grad' authorité. Et ce pour ceulx qui sont enflez & orguilleux enuers les freres: & qui pesent si quelqu'vn a titubé en la foy, que la misericorde de Dieu leur soit du tout denice. En la mesmes lettre est encores contenue vne autre narration, que i'ay bien encores voulu inserer de telle substance. Entre ceulx qui estoyeut prisonniers pour la foy, en y auoit vn nonmé Alcibiades, lequel menoit vne vie moult austere. Car il ne vouloit riens manger fors du pain, & boire de l'eaue auec du sel: laquelle vie voulant continuer luy estant en prison, il fut notifié à Attalus, apres sa premiere confession qu'il auoit fai-Ete au theatre, qu'iceluy Alcibiades faisoit mal de ne vouloir vser à son mager des creatures que Dieu a faictes, & que cela scan dalizoit les autres: laquelle chose estant venue à la congnoissance d'iceluy Alcibiades, se mit à manger par l'admonnestement de Attalus de toutes choses comme les autres, rendant graces à Dieu : pourtant que le sainct esprit qui reueloit à iceluy Attalus ce quil enseignoit, reueloit à cestuy qu'il deuoit ensuiure son admonestement. Et icy mettray fin à ladicte epistre.

Comment ceulx de l'eglise de Gaule escriuirent au Pape Eleuthere, touchaut les différens qui estoyent entre eulx, de la foy.

Chapitre 1111.



R estoyent en celuy mesmes temps, aux par ties de Phrigie, trois hommes qui estoyent reputez prophetes: c'est à sçauoir Montanus, Alcibiades, & Theodotus. Et pour ce qu'en celuy temps plusieurs autres grandes vertus se administroyent par la bonté du sainct esprit en maintes eglises, cela est assez creable,

que ceulx cy eussent l'esprit de prophetie. Estant adonc leuce vne grande dissension entre les freres & eglises de Gaule en tout humilité & declaration d'entiere foy, en enuoyeret leurs opinios & iugemes, allegans les epistres des marrirs qui auoyet consommé leurs martires en leurs contrees, les quelles ilz auoyet escrit estans en prison aux freres qui estoyent en Asie & en Phrigie, & pareil-lement à Eleutherus, qui lors estoit euesque de Rome, l'enhor-

tant à la paix de l'eglise, & luy recommandoy et Hirenee, qui lors estoit euesque de Lion, portans tesmoignage de sa bone & sain-

Ete vie, par leurs lettres qui estoyent de telle teneur:

NOVS desirons grandement ta sante & prosperité en Dieu, pere Eluthere. Nous auons prié nostre frere & compaignon Hirence, toy porter ces presentes lettres. Si te prions que l'ayes pour recomandé: car il est vray zelateur du testament de Iesuschrist. Nous sçauons bien que le seul ordre de l'eglise ne faict pas vn homme iuste: toutes fois cestuy cy vse tresbien de l'ordre de prestrise: mais nous estimons beaucop plus sa bonne vie. Et apres cela ilz narrent & nomment en icelles lettres les martirs qui ont esté entre eulx. & le nombre de ceulx qui ont esté occis par glaiue, des autres qui ont esté baillez aux bestes, des autres qui ont esté brulez, & des autres qui sont morts en prison. Toutes les que les choses, si quelqu'vn est curieux de veoir, aille cercher ladicte epistre, ou il trouuera le tout.

Comment soubz l'empire de Marcus Aurelius Cesar, Dieu à la priere des Chrestiens, sit plouvoir: & donna la victoire à l'exercite Romain.

Chapitre v.


V temps adonc d'Anthoninus, duquel les cho fes dessuffictes se faisoyét, les histoires tesmoignét que faisant Marcus Aurelius Cesar son frere la guerre cotre les Germains, & con tre les Sarmathes, en estant en grad'necessité d'eaue, & l'exercite presques affollé de soif, & non sçachant point remede, se trouuerent en

icelle armee aucuns souldars Chrestiens, lesquelz ayans faist à genoux deuotement leur oraison ainsi qu'est leur coustume, incontinent vint du ciel si grand' abondance d'eaue, que l'exercite (qui estoit en grand danger d'estre perdu) sut reficié & beut son saoul: & les ennemis qui estoyét dessa bien prochains pour les cobatre, par souldres & esclairs surent chassez, & se missent en suit te: laquelle chose est aussi resmoignee par les historiens Gentilz & Payés: iaçoit qu'ilz ne disent pas, que ce sust par la priere & par le merite des nostres. Car aussi n'adioustent ilz point de soy aux autres miracles que les nostres ont faist. Mais de noz historiens, Tertulian le tesmoigne: & des Grecz, Apolinaire: lequel dit que

celle legion pour la memoire du faict, fut par l'Empereur des lors appellee Fulminee: c'est à dire Fouldroiante. Et selon que dit Tertulian, lon trouue encores des epistres de l'empreur Marcus, qui le tesmoignent clerement. Or nous conuient reuenir à l'ordre de nostre histoire.

Comment Hirenee fut eucfque de Lion, apres Phoslin, & ce qu'il escrit des successeurs de sainct Pierre en Rome.

Chapitre VI.



temps que Eleutherus tenoit le siege à Rome, duquel teps nous parlons à present, & dit en telle maniere: Estant adonc fondee & edifiee l'eglise de Rome par le bon apostre sain & Pierre, ilz bail lerent l'office apres sa mort à Linus, duquel sainct Paul en son epistre qu'il escrit à Thimothee, faict mention. A iceluy succeda Anacletus, apres lequel obtint le siege, Clemét, qui fut le troissesme successeur de sainct Pierre, lequel auoit esté auec les apostres, & vsé grand' partie de sa vie en leur compaignie: au moyen dequoy, estant institue & endoctriné par eulx en la foy, enseignoit aux autres la doctrine qu'il auoit receue nouvellemet d'eulx. Et auoit toute la forme de leur predication deuant les yeulx, foubz le pontificat duquel se leua vne grosse sedition entre les freres à Corinthe, A l'occasion de laquelle, il escriuit vne epistre au nom de l'eglise Romaine aux Corinthiens pour les reduire à concor de, & pour reformer & renouveller leur foy & creance qui auoit esté contaminee. En laquelle epistre il leur declaire la doctrine qu'il auoit de fresche memoire aprinse des apostres. Et vn peu plus bas contient ladicte epistre de Hirenee ce que s'ensuit: A ce stuy Clement succeda Euaristus, à Euaristus Alexandre, à Alexan dre Sixtus, à Sixtus Thelesphorus, qui fut martirizé moult glorieusement. Apres lequel sut creé Higinius, auquel succeda Pius, à Pius Anicetus, à Anicetus Sother, à Sother Eleutherus qui est le douziesme apres les apostres : lequel de present obtient le siege

de l'histoire Ecclesiastique.

79

de Rome, & garde entierement les doctrines & predications des apostres.

Des miracles qui se faisoyent encores en celuy temps par les fideles.

Chapitre VII.


E S choses dessussaus racopte Hirenee en session des dessus au second d'iceulx recite comme encores de son temps lon trouuoit en plusieurs eglises aucunes reliqs de la vertu diuine disant en telle maniere: Il s'en fault beau cop qu'ilz ne resuscitent les mors comme feit nostre Seigneur, & apres luy ses apostres par

oraisons, & oultre les apostres plusieurs des freres l'ont faict souuent en maintes eglises non pas secretement, mais tous les freres d'icelles eglises assemblez. Car apres qu'ilz auoyent par ieus nes & oraisons inuoqué la misericorde de Dieu, l'esprit retournoit au corps qui estoit mort. Et en vn autre lieu apres dit ce que s'ensuit: Et si lon veult dire que nostre seigneur Jesuschrist a faict ces choses par fantasmes & illusions, venons aux prophetes qui ont predit comme il se debuoit faire, & qui ont affermé qu'il estoit filz de Dieu. Pour raison dequoy ses apostres soubz son nom,&. moyennant la grace qu'ilz ont de luy, font ces mesmes choses pour le salut des hommes, ainsi que Dieu le permet à vn chacun d'eulx. Car les aucuns chassent les diables des corps humains, & les purgent: tellemét que aucuns d'iceulx qui ont esté deliurez, demourent en la foy & en l'eglise. Aucuns autres recoyuent l'esprit de prophetie,& predient les choses aduenir qu'ilz ont entendues en vision prophetique. Autres guarissent les malades leur mettat la main sus. Et qui plus est, aucuns par eulx ont este resuscitez de mort à vie. Entre lesquelz resuscitez, en ya eu qui ont vescu auec nous par plusieurs annees. Et pour abbreger, on ne pourroit nom brer ne specifier les vertus & miracles qui se font par l'vniuersel monde es eglises en vertu du nom de lesuschrist, qui fut crucifié soubz Ponce Pilate. Lesquelz miracles se font tous les iours non pas par marchandise, ne pour gaigner arget, mais ainsi que les fre res ont receu la grace liberalemet, la despartent sans aucu loyer. Et encores en vn autre lieu dit iceluy Hirenee: Ainsi que nous auons ouy dire, il ya plusieurs freres en l'eglise qui ont la vertu

de prophetie, & parlent de toutes langues par grace du sainct esprit, & declairent quand il est besoing les misteres & secretz de Dieu. Toutes ces choses nous auons icy inserees pour prouuer comment encores en celle saison diuerses graces du sainct esprit se administroyent en plusieurs eglises par ceulx qui estoyent dignes de les auoir. Pourtant que nous auons promis au commencement de ce liure ainsi le faire en son lieu.

Comment Hirenee dissinist le Canon de la sain Ete escriture: & des lxx. Interpretes.

Chapitre VIII.



dogmatizoyent à Rome, & illec iettoyent les fondemens de la foy. Apres lesquelz, sainct Marc disciple & interprete de sainct Pierre, recueillit ce qu'il en auoit entendu par sapredication de son maistre, & le redigea en vn liure. Depuis sainct Iehan disciple de Iesuschrist (lequel se reposa sur la pioctrine en la cene)coposa & publia son euangile estant en la cité d'Ephese. Ces choses dit Hirenee au tiers liure de son œuure. Mais au cinqiesme parlant de la reuelation de sainct Iehan, & du nom de l'antechrist. dit en telle maniere: Estant adonc les choses ainsi qu'a esté dit que lon trouue escrites aux anciens & vraiz exemplaires, il est de besoing que ceulx qui ont veu sainct Iehan l'apostre en vie preschât la parolle de Dieu, confermét lesdictes choses selon le nom bre de la beste dont ilz parlent ainsi que les Grecz escriuent. Et vn peu plus bas dit encores: Mais nous ne voulos pas encourir aucun dangier parlat trop audacieusement du nom de l'antechrist. Car s'il en fault parler publiquement & prescher en ceste saison, certes celuy qui a escrit l'Apocalipse eust exprimé son nom, pour tant que icelle reuelation a esté faicte depuis peu de temps quasi de nostre aage, enuiró la fin de l'empire de Domitian. Ces cho ses nous tesmoigne ledict Hirenee de l'Apocalipse de sainct Iehan. Il faict aussi mention de la premiere epistre dudict sainct

Ichan, & de la premiere de sain & Pierre, sur lesquelles il prent plusieurs exemples. Et approuue pareillement le liure qui est appellé Pastoral, disant en telle maniere: Bien parle adonc l'escriture qui dit, Qu'il est vn seul Dieu qui a creé toutes choses. Il vse aussi parcillement de tesmoignaige de la sapience de Salornon, & allegue à tous propos d'vn homme apostolique, sans le nommer: & pareillement allegue ce que Iustin & Ignace martirs ont escrit. Et promect qu'il composera vn liure pour confuter les heretiques de Marcion. Mais entendez ce qu'il dit d'auantaige de l'interpretation des lxx. Interpretes, par telz langaiges: Dieu(dit il)se feit homme,& nous sauuera, lequel donna le signe que nous auons de l'enfantement de la vierge : non pas ainsi que aucuns ont depuis voulu interpreter l'escriture autrement, disant, quelle ne faict point mention de Vierge, mais quelle dit, vne ieune fil le concepura & enfantera. Ainsi ont interpreté Theodocien , Ephestion, & Aquila potique, tous deux Iuifz & proselites. Laquelle interpretation ont depuis suyuy les Hebionites, qui ont par ce voulu dire que Iesuschrist sut engendré par Ioseph. Et tantost apres dit ledict aucteur: Auant que l'empire des Romains fust en la grand' force du temps que les Macedoniens tenoyent l'Asie, Ptolomee Roy d'Egipte, filz de Lagus, voulant illustrer sa librai rie qu'il auoit faicte en Alexandrie, en laquelle auoit assemblé tous les liures anciens des Grecz, enuoya en Hierusalem pour auoir les liures des Iuifz qui estoyent en langue Hebraique, pour les translater en langue Grecque. A ceste cause lesdictz Iuifz qui lors obeisToyent aux Macedoniens, esleurent lxx. des plus sçauas hommes qu'ilz eussent es deux lagues, tous prestres, & instruictz en la loy. Si les enuoyerent audict Ptolomee, lequel creignant que l'ilz faisoyent leur translation ensemblement, ne luy voulussent celer aucun mistere de leur foy, les feit tous separer, & voulut que chacun d'eulx fit sa translation à part. Et apres qu'ilz eurent tout translaté, les feit venir tous ensemble pour conferer de leur translation. Et lors fut bien le nom de Dieu glorisié & cogneu veritablement que cestoit sa loy. Car lon trouua qu'ilz auoyent trestous, des le commencement iusques à la fin, escrit vne mesme chose, par mesmes noms, parolles, & sentences. Tellemét que les payens qui furét lors presens, cogneurent que celle interpretation auoit esté faicte par inspiration diuine. Si n'est pas à merueiller si la diuine prouidence ordona cela en celle saison. Car dessa au parauant du temps que le peuple Iudaique fut en

captiuité durant le regne de Nabugodonosor, estans toutes les es critures perdues ou corrompues: quand ilz reuindrêt en leur pais enuiron septante ans apres, du temps de Artaxerses Roy de Per se, Dieu inspira à Esdras prestre de la lignee de Leui, tellement qu'il resist & repara tous les liures des anciens prophetes de mot à mot, & restitua au peuple la loy que Moise leur auoit baillee. Ainsi parle Hirenee.

Les euesques qui furent soubz l'empire Commodus, & de Panthenus le philosophe, & de Clement Alexandrin.

Chapitre Ix.

Iant Anthonin regné en l'empire l'espace de dixneuf ans, luy succeda par mort Commodus. Au premier an de l'empire duquel Iulian sur promeu à l'euesché d'Alexandrie par la mort de Agrippinus qui auoit tenu le siege douze ans. Au-

quel temps tenoit l'office de maistre d'escholle & de docteur enladicte eglise d'Alexandrie Panthenus, qui estoit homme tresno ble & plein de doctrine. Car c'estoit leur coustume lors (qui dure encores iusques à present) que en icelle eglise y eust maistres & docteurs tenans eschole, gens moult sauans & approuuez. Entre lesquelz, ledict Panthenus auoit vn grant bruit comme aucteur presque de ceste observance, lequel estoit grandement sondé en philosophie selon la secte des Stoiques. Et neantmoins sut si ser uent & si studieux en la loy Chrestienne(comme lon dit) qu'il fut deputé a prescher l'euangile à toutes les nations d'Orient. Et vint preschat iusques aux Indes citerieures pour le grat zele qu'il auoit de proffiter. Car encores en celuy temps se trouuoyent au cuns euangelistes qui alloyent discourant par diuerses parties du monde, pour infinuer & manifester la loy euangelique aux peu ples & nations qui encores n'en auoyent congnoissance, moyennat la grace de Dieu, & leur grant & bon vouloir. Entre lesquelz, ledict Panthenus estoit reputé des principaulx. Et dit lon que estant paruenu aux Indes, il trouua que sainct Barthelemy l'apostre auoit desia semé la premiere semence de la foy Chrestienne: & leur auoit laissé l'euangile de sainct Matthieu escrite en let tres Grecques.lequel iceluy Pathenus ayant illec trouué, l'apporta en Alexandrie. Auquel lieu, apres qu'il eut en plusieurs autres œuures & doctrines ecclesiastiques exercité sa vie, paruint à la

consummation tresglorieuse d'icelle. Car outre la doctrine qu'il auoit semee par ses sermons à haute voix, il laissa aux posterieurs grand tresor de liures pleins de science, touchant la foy. Et en l'es colle d'iceluy Panthenus, proffita grandement en Alexandrie vn qui fut nomé Clemet, ainsi que iceluy qui succeda à Rome aux apostres (dont nous auons parle dessus) lequel au septiesme liure de ses Dispositions, faict mention de sondict maistre Panthenus. Et encores au premier liure de ses Stromates, faisant mention de aucuns qui auoyent enseigné la doctrine des apostres, en parle tai siblement par telle manière: Ie n'ay pas escrit ces commentaires par ostétation, mais pour faire memoire de ma vieillesse, pour vn remede d'oubliance. Et à fin qu'en lisant iceulx, i'aye souuen a ce de plusieurs choses magnifiques, & de plusieurs parolles diuines que i'ay merité d'ouir d'aucuns sainctz homes qui m'ont instruit, I'vn en Achaye, l'autre en Syrie, & l'autre en Orient: & mes mement en Palestine, d'vn qui estoit de la nation Hebraique. Et finablement ay esté endoctriné en Egypte par vn homme excel lent sur tous les autres, tat en doctrine qu'en vertuz. Apres lequel ayant, comme dit l'enangile, trouué le tresor caché dedans le champ, n'en ay point voulu cercher d'autre, voulant entédre dudict Panthenus. Puis dit encores: Et ceulx que ie dis, m'ont ensei gnéla vraye doctrine qu'ilz auoyent apprinse immediatement des premiers aucteurs & promulgateurs d'icelle : à sçauoir, de S. Pierre, & de sainct Iaques, de sainct Iehan & de sainct Paul apostres. Et icelle m'ont mesdictz maistres baillé comme peres à seur filz. Mais il n'est gueres de filz telz que les peres. Toutes sois par culx ont esté en moy plantez les greffes de la foy apostolique.

Deseuesques qui furent en Hierusalem, & de la sette de Rhedon, & de Marcion.

Chapitre x.

N celuy temps estoit euesque de Hierusalem, Narcissus, homme fort renommé, dont il est memoire encores auiourdhuy. Lequel estoit le quinziesme de ceulx qui auoyent tenu iceluy siege, apres les premiers qui furent du peuple circócis, iusques à la destruction de ladicte ville que sit Adrian. Car le premier qui sut depuis

du peuple Gentil, sur Marc: apres Marc, Cassianus, auquel succe-

da Publius: & à Publius, Maximus: à Maximus, Iulia: à Iulian, Ga ius: à Gaius, vn autre Iulian: à iceluy Iulian, Capiton: à Capiton, Vallant: à Vallant, Dolitia: & à Dolitia, ledict Narcissus, qui fut le trenteiesme apres les apostres. Au téps duquel, vn nomé R hedo, natif du pais d'Afie, lequel auoit esté endoctriné à Rome, de Ta tian (dont dessus auons faict métion) entre les autres qui ont es crit fit beaucoup de liures, & mesmemet cotre l'heresie de Mar cion. Laquelle iceluy Tatian dit estre diuisee en plusieurs opinios, parlat d'icelle en telle maniere: Et si sont diuisez entre eulx & discors, pourtant qu'ilz veullet soustenir une chose qui ne peut estre. Car il ya vn d'entre eulx, nommé Apelles, lequel pour la prerogatiue de sa vieillesse, & aussi de sa grande abstinence, dit, que de toutes choses n'ya qu'vn commencement. Mais que les prophetes ont esté inspirez au contraire: & cela dit à la persuasion d'une vierge qui estoit vexee de l'esprit diabolique, nommee Philumene. Les autres, comme Marcion qui est le chef, difant qu'il ya deux principes. Et ceste opinion suyuent Ponticus & Basilicus, sans toutes sois l'approuuer par viues raisons. Mais cela disoyent ilz, pource qu'ilz ne scauoyent dessendre l'autre opinion. Les autres disoyent encores pirement, qu'il estoit encores trois principes, & trois natures. De laquelle secte, le principal autheur fut Sirenus, ainsi que disent ses disciples. Et luy mesmes at teste qu'il disputa auecques Apelles: laquelle dispute raconte plus au long l'autheur en cest endroit, que i'obmez pourtant qu'elle ne sert de riens. Mais apres continuant sa matiere, dit ce qui s'en suit: Ces choses & plusieurs autres nous trouuons par les liures dudict escriueur. Mais l'ennemy d'humaine nature pour tousiours guerroyer les hommes fideles, ne cesse de semer nouvelles heresies par tous les lieux ou il peut. Et entre autres, il erigea en Asie & en Phrigie vn grand serpent de sa nourriture, à sçauoir, Montanus, qui se faisoit appeller Paraclit, & auecques luy deux

Montanus, qui se faisoit appeller Paraclit, & auecques luy deur femmes, I'vne nommee Prisce, & l'autre Maximille, les quelles il se vantoit par son inspiration an

quelles il se vantoit par son inspiration auoir faict prophetiser.

Du scisme qui aduint soubz Blasius à Rome, & de Pheresie de Montanus.

Chapitre XI.



A I S en celuy téps, vn prestre nommé Florinus, qui estoit descheu de son ordre, auecques vn sien compaignon, nommé Blassus, peruertirent plusieurs Chrestiens par leur per uerse doctrine, & par nouuelles inuentions. Toutes sois contre l'heresse des Cataphriges, Apollinaire Hierapolitain sit vn grand es-

82

fect, & plufieurs autres scauas hommes, & bien fondez en la foy, vindrent là pour la dessense d'icelle foy, lesquelz nous ont laissé par escrit plusieurs bonnes choses qui seruent grandement à nostre histoire. Entre lesquelles, ledict Apollinaire escriuant contre ceste heresie, recite comme allant par les eglises de Galatie,& des prouinces voisines, & trouuant plusieurs Chrestiens desia entachez de celuy venin, en conuertit plusieurs par disputations. Mais oultre ce, à la requeste des freres, mit par escrit ce qu'il en auoit dit,& leur enuoya. Esquelz escriz en parlant de l'autheur de celle heresie, dit ce qui s'ensuit: L'heresie qui est nouuellemét suruenue en l'eglise, a prins sa naissance en telle maniere: Il ya au pais de Phrigie vn villaige (comme lon dit) qui est nommé Ardabau, auquel y auoit vn homme nommé Montanus, lequel nouuellement s'estoit faict Chrestien. Mais par conuoitise qu'il auoit eu d'obtenir quelque office & administration empres le proconful d'Asie, nomme Gratus, donna lieu aux mauuais espriz contraires à la foy, d'occuper son entendement. Et comme, rauy en esprit plein de prophetie, commença à prononcer plusieurs & diuerses choses toutes nouuelles & contraires à la foy, & doctrine que l'eglise auoit par succession receu des apostres. Quoy voyant ceulx qui le venoyent escouter, disoyent les vns qu'il estoit remply d'esprit diabolique pour deceuoir les ames. Si le chastioyent & reprenoyent, & luy desfendoyet qu'il ne deut plus telles choses publier, ensuyuant par ce moyen l'enseignemét de l'euangile qui dit: Gardez vous des faulx prophetes. Aucuns autres disoyent qu'il estoit inspiré du sain & Esprit, & proplietisoit tellement qu'ilz le prouoquoyent à prescher, & à enseigner ses fausses propheties. Et cela se faisoit par art diabolique, pour deceuoir ceulx qui n'estoyent pas bien instruictz en la foy,

Dont voyant iceluy Montanus que ceulx la luy donnoyent tant de foy & d'authorité, vint à si grande audace & temerité, qu'il retira auec luy deux femmes, lesquelles il abastit & enfolia de celuy mesmes esprit phanatique, dont estoit remply, à sin que par les deux sexes plus facilement se peut son erreur estandre, tant aux hommes que aux femmes. Et desia estoit venu à telle resuerie, qu'il se disoit beatisser ceulx qui le suyuoyent, & les remplissoit de vaines & grandes promesses, & neantmoins quelque fois en tensoit aucuns, à fin qu'il ne semblat pas du tout flateur. Toutesfois il y auoit bien peu de Phrigiens qui se laissassent deceuoir par ses forcenneries. Car il persuadoit aux gens que tou te l'eglise qui estoit en l'vniuersel monde, blasphemoit. Parquoy il ne dessendoit pas tant seulement qu'on ne luy portast reueren ce, mais d'auantaige qu'on entrast point dedans. Toutesfois il ve noit souuent des freres d'Asse qui confondoyent par raisons euidentes, ces heretiques & persecuteurs de la foy Chrestienne, & les dechassoyent de la compaignie des fideles. Ces choses escrit ledict Appollinaire en son premier liure, auquel il va confutant de poinct en poinct toutes les erreurs de celle heresie, & descouurat toutes les tromperies & fallaces d'icelle. Et au second liure continuant ce propos, dit ce qui s'ensuit: Pourquoy est ce qu'ilz nous appellent meurdriers des prophetes? à cause de ce que ne voulos receuoir leurs faulses fantasies, disant, qu'ilz sont les vraiz prophetes que nostre Seigneur a promis enuoyer à son peuple. Mais si ainsi est que Montanus, & ses femmes, & suyuans ont esté enuoyez de par Dieu, qui est celuy d'eulx qui a esté persecuté par les luifz, ne par les autres ennemiz de la foy, & occis? ou à tout le moins prins & mené deuant les rois, & deuant les iuges pour le nom de Dieu? Ou lequel a esté lapidé aux sinagogues, ou flagellé? Mais au contraire, lon dit qu'ilz ont finé leur vie, comme fit le traistre Iudas, & que par la conduicte du diable qui les inspiroit en diuers temps, se sont penduz & estranglez. Et celuy qu'ilz reputent le filz aisné de leur secte, nommé Theodotus, lon dit qu'vn iour il fut si forcené, qui 'lluy sébla qu'il motast aux cieulx. Car il fut tellement abusé par le faulx esprit, qu'il fut rauy en l'air bien hault:mais tantost tomba de sorte qu'il sina là miserablement sa' vie. Et iaçoit ce que leurs disciples & suyuans, nient ce qu'a esté dit de la fin infame de leurs chefz. Toutesfois plusieurs auteurs l'ont escrit, dont nous laissons la verité en son lieu. Apres il parle ce qui l'ensuit: Mais deux bons & dignes euesques qui su

rent en celuy temps, à sçauoir Zoticus de Cumes, & Iulian de Apamie, vindrent pour contraindre & faire taire le faulx esprit qui estoit au corps de Maximilla, si luy firent estoupper & clorre la bouche. Apres ledict autheur voulant reprouuer la faulse prophetie d'icelle Maximille, qui auoit dit qu'il seroit de grandes guerres, dit en telle maniere: Et ne voit lon pas euidemment sa menterie? Car il ya plus de treze ans que celle femme est mor te, & toutesfois par tout celuy temps n'a esté guerre publique ne particuliere, ains les Chrestiens mesmes ont la paix perdurable. Apres au troissesme liure parlant de ce que ces faulx prophetes l'estoyét vatez qu'ilz seroyét plusieurs martirs de leur secte, parle en ceste maniere: Et voyant qu'ilz ne peuuent riens respondre à ce qu'auons dit, se recouurent aux martirs, disant qu'il en est plusieurs de leur secte, qui est bien grande approbation qu'el le est bonne. Mais est ce pourtant à dire, que les sectes de plufieurs autres heretiques soyent bonnes? s'ilz ont eu des martirs? Certes les premiers quil'ont appellez Martianistes, ont eu plusieurs martirs : mais qu'elle verité de martirs peut estre en ceulx qui n'ont point la verité de la foy? Et plus bas il dit encores: Mais les vraiz martirs qui souffrent les tormens pour la foy, quand ilz sont menez à la mort auec les autres, s'ilz voyent quelqu'vn qui soit de la secte des Phrigiens, se separent d'eulx, & refusent totallement leur compaignie, & ne voulant accepter venant à la mort l'esprit de Montanus, ne de Maximille pour bien. Ainsi que de nostre temps aduint en la cité d'Apie, qui est au dessus du fleuue Meander, en la personne d'Alexandre, & de Caius d'Eumenie qui furent là martirisez. En celuy mesme liure faict mention Apollinaire de Melciades, lequel pareillement escriuit contre ladicte heresie, & recite partie de ses parolles qui sont de telle substace: Il n'est pas (dit il) à croire qu'vn home qui est agité d'esprit comme forcené, soit vray prophete. Car c'est le propre signe des faulx prophetes, pourtant que tout homme qui est ainsi troublé d'entendement, n'est capable de raison ne de verite:mais prent son commencement celuy abuz d'ignorance, & à la fin reuient en forcennerie. Aussi ne trouue lon point au vieil testament ne au nouueau qui aye prophetisé de telle sorte. Ne Agabus, ne Iudas, ne Silas, ne les quatre filles de Philippes, ne Am mie, laquelle prophetiza en l'eglise, ne Quadratus, ne aucuns autres de ceulx de qui est memoire, qui ont prophetise. Et en vn autre lieu dir iceluy autheur telles parolles: Si apres Quadratus

& Ammie icelles femmes de Montanus, ont succedé en la prophetie (comme ilz disent) & ont esté enuoyees pour prophetiser en l'Eglise vniuerselle iusques à la venue de nostre Seigneur, certainement le tesmoignage est esuanouy, pourtant qu'il y a ia plus de quatorze ans que Maximille est morte. Ces choses recite Apollinaire de Milciades, duquel nous trouuons autres escritz pour nostre foy. A sçauoir vn liure contre les Payens, vn autre contre les Iuifz, vn autre aux princes Romains, & vn autre contre ladicte heresie des Cataphriges. Vn autre escriueur nommé Apollonius, a pareillement faict vn liure contre lesdictz Cataphriges. Auquel liure il monstre clerement la faulseté de leurs propheties, & les reprent par viues raisons de mot à mot, en recitant pareillement la vie & les meurs des autheurs d'icelle heresie par telles parolles: Mais voyons qui est cestuy nouueau maistre, & comme sa doctrine est commandee & approuuee par sa vie selon l'enseignement de l'euangile. C'est celuy en esset qui a enseigné de rompre les mariages, & qui a premierement imposé les loix des ieusnes, & qui a nommé deux villaiges de Phrigie Hierusalem. Ausquelz il a ordonné que ses disciples s'assemblassent, & aucuns exacteurs pour receuoir soubz couleur d'oblation les deniers, dont ceulx qui preschent sa doctrine doyuent estre alimentez, à fin que par ce moyen ilz ayent meilleure occasion de la prescher. Ces choses dit il de Montanus & de ses femmes. Puis parle en telle maniere: Nous monstrerons premierement que ces prophetesses depuis qu'elles furent ainsi vexees de l'esprit, laisserent leurs mariz. Parquoy est matiere euidente de dire, que Prisce fut vierge (comme ilz disent.) Et apres parlat encores de ceste matiere, dit telles parolles: Ne scaiz tu pas que la saincte escriture dessend aux prophetes qu'ilz ne prennent dons & argent? Si donciceluy qui se disoit prophete prenoit argent, habillemens, & choses precieuses, comme se pouvoit il dire vray prophete? Et apres encores dit ce que s'ensuyt: Mais Themistius qui estoit tout enssé & enorgueilly du seul nom de confesseur qu'il s'attribuoit, combien qu'il auoit le nom sans fruict, pourtat qu'il se feit deliurer de prison à force d'argent, là ou il deuoit endurer en humilité. Et neantmoins estant esleué en arrogance, & soy attribuant authorité apostolique, escriuoit des epistres à toutes les eglises soy parforçant d'enseigner en la foy ceulx qui croyoient mieulx que luy, & les enhortoit à luy prester oreilles à ses intentions damnees en blasphemant Dieu, les apostres, & la

at this one beerginginging saincte eglise. Et en apres encores parlant d'aucuns qu'ilz honorent comme martirs, dit ce que sensuyt: Mais à fin que ne multiplions en parolles, dictes nous d'Alexadre, lequel se dit huy mes mes martir, & lequelicelle prophetesse auoit pour son commensal, & l'adoroit comme Dieu? Ne fut il pas condemné pour larrecins & autres crimes execrables, ainfi qu'il appert par les proces & actes publiques? Qui est donc celuy des deux qui remect les pechez à l'autre, est ce la prophetesse qui remect les larrecins au martir, ou le martir qui remect à la prophetesse les rapines & l'auarice. Certes nostre Seigneur a commandé à fes disciples qu'ilz ne deussent auoir or ne argent, ne plus d'vn habillement mais toutesfois ceulx cy font du contraire, car ilz acquerent & congregent ce que nostre Seigneur a commandé que lon laissast. Car nous trouuons & faisons apparoir que ceulx qu'ilz nomment prophetes & martirs, ont prins & exigé argent, non pas des riches tant seulement: mais des pauures vefues & pupilles. Et l'ilz se confient en leur bonne vie, qu'ilz se presentent & viennent disputer auec nous, à fin que l'ilz sont conuaincuz ilz se gardent, à tout le moins doresenauant. Car le prophete doibt estre approuué & congneu par ses œuures, tout ainsi que l'arbre par son fruict. Et pour congnoistre plus certainement que cestoit d'Alexandre, il fault sçauoir qu'il fut iugé & condemné par Frontin Proconful d'Ephese: non pas pour la foy de Iesus Christ, pourtant qu'il auoit dessa reniee: mais pour ses larrecins. Toutesfois à fin qu'aucuns bons Chrestiens qui auoyent authorité enuers le Proconsul eussent occasion de prier pour luy, il se seignit estre detenu pour la foy Chrestienne, & par ce moyen à leur requeste sut deliuré. Et non pour tant ceulx de son eglise qui le congnoissoyent trestous estre larron, ne le voulurent receuoir. Et si quelqu'vn ne veult croyre ce que nous disons, il trouvera les proces encores en Ephese, qui sont bien gardez. S'il est adonc conuaincu de telz cas, il fault bien dire qu'il n'est pas bon prophete. Cecy & plusieurs autres choses pouuons nous faire apparoir. Mais toutesfois si ceulx quile soustiennent veulent maintenir du contraire, viennent en auant & en respondent. Et encores tantost après dit telles parolles: Et si veulent nyer que leurs prophetes n'ont point prins d'argent, & confesser que s'il se trouue autrement, on n'y doibt

point adiouster foy, ie leur en feray mille preuures. Tou-

L iiij

tesfois il me semble necessaire de reprouuer pareillement leurs autres prophetes. Dictes moy vous prophetesses, si ceulx qui prophetisent, se fardent le visaige de couleurs blanches & vermeilles? & fielle se delectent en habillement pompeux? & filz iouent aux tables & aux cartes? & prestent leur argent à vsu re? Certes ie prouueray qu'ilz ont faict toutes ces choses. Ainsi parle Apollonius pour confondre ladicte secte, & allegue plusieurs autres raisons apparentes. Et par ce qu'il escrit, appert que il y auoit desia quarante ans que Motanus qui auoit esté aucteur de celle secte, estoit mort. Et raconte au surplus d'vn nommé Zoticus, lequel estant à Pepuse, & voyant Maximille qui feignoit prophetizer, commanda au mauuais esprit qui la faisoit parler, qu'il se deust taire, ce qu'il sit: mais ceulx qui vouloyent complaire à icelle femme, ne luy permirent continuer. Il faict aussi mention d'vn certain martir nommé Tharse, lequel disoit auoir entendu des anciens disciples, que nostre Seigneur auoit commandé aux apostres que de douze ans ilz ne partissent de Hierusalem. Et que sainct Iehan l'euangeliste resuscita des mors en la cité d'Ephese. Et plusieurs autres choses, par lesquelles ladi-Ete heresie est manifestemét conuaincue. Ainsi parle Apollonius. Mais Serapion, lequel fut euesque d'Antioche apres Maximus, en vne epistre qu'il escrit à Caricus & à Ponticus, parlant de ceste Heresie, dit en telle maniere: Et à fin que vous sçaichez que ceste nouuelle prophetie, ou pour mieulx parler, execration est refusee & reprouuee par tous les freres qui sont en l'vniuersel mode, ie vous ay enuoyé l'epiitre de Apollinaire Hierapolitain, euesque de la prouince d'Asie, par laquelle en serez plus amplemét instruictz. Et estoit icelle epistre de Serapion, subscripte par aucus euesques & martirs, dont l'vne subscription estoit en telle substance: Aurelius Cirinus martir desire qu'il vous soit bien. L'autre estoit en telle forme: Aurelius Publius Iulius Adebeltho, euesque de la Colonie de Tracie, Dieu qui vit au ciel sçait que saince Sophas qui est en Anchiale voulut chasser le mauuais esprit qui estoit en Priscile, mais ces flateurs ne luy permirent. Et sianoit en icelle epistre subscription de plusieurs autres euesques en telle substance. Et c'est assez quant à cecy.

de l'histoire Ecclesiastique.

Des traiclex & liures que feit Hirenee contre les heretiques qui estoyent à Rome.

Chapitre XII.



N celuy mesme temps la vraye doctrine ecclesiastique estoit impugnee & vexee à Rome par nouvelles traditions d'aucuns heretiques, pour raison dequoy, Hirenee escriuit plusieurs lettres & traictez à diverses gens. En tre lesquelz en ya vn intitulé des scissmes, qu'il addresse à vn nommé Blasius: & vn autre en

escrit à Florin, qu'il intitule, de la monarchie. Vn autre aussi en escrit d'vn heretique nommé Ogdoades, auquel il faict mention comme il a veu & congneu aucuns des successeurs des apostres. La subscription duquel·liure ma semblé expediét inserer en ceste mienne histoire qui est telle que s'ensuit. Ie coniure tous ceulx qui doubleront & transcriront ce mien liure par nostre sei gneur lesuschrist, & par son aduenemet quand il viendra iuger les mors & les vifz, qu'ilz reuoyent & corrigent diligemment les co pies qu'ilz feront de ce liure auec l'exemplaire du commencementiusques à la fin:ensemble ceste conjuration. Et ceste insertion ie fais voluntiers en mon present liure, à fin que ceulx qui le doubleront soyent plus diligens de le bien reuoir, & iustement corriger, voyant que les sainctz hommes nous ont laissé l'exemple & l'enseignement d'estre diligens en telles choses. Et pour retourner à nostre propos, en iceluy liure que Hirenee escrit à Flo rin, il faict mention de Policarpus, & comme il auoit hanté, disant en telle maniere: Ie te dis Florin asseurement, que les doctri nes dont tu fais mention, ne sont bonnes ne saines, ne consonantes à la doctrine ecclesiastique. Et mesmes les heretiques qui ont esté chassez de l'eglise, ne les ont peu dessendre, pourtant qu'elles contiennent erreur & meschaceté. Et les bons prestres qui ont esté deuant nous, & qui ont veu les apostres, iamais ne les ont bail lees, lesquelz tu as cogneu comme moy. Car du téps que i'estoye encores ieune gars, ie te vis en Asie auec Policarpus, auquel tu mettois peine de complaire, combien que tu demourasses encores dedans le palais. Et me souuyent trop mieulx de cela, & des autres choses que ie vis lors, que des choses que ie voy maintenant, pourtant que les choses que lon apprent en ieunesse on les imprime en la memoire, en maniere que iamais ne

en sortent. D'ent ie te certifise, que ie te sçauroye dire encores le lieu ou sainct Policarpe se seyoit, quand il disputoit, la façon de son visaige, sa corpulence, sa forme d'aller, & sa façon de viure. Et si me souvient des disputations qu'il faisoit au peuple: & comme il racontoit la conuersation qu'il auoit eue auec sain& Iehan l'apostre: & auec les autres qui auoyent veu no stre Seigneur, en vie: & des parolles qu'il disoit leur auoir ouy di re & affermer qu'ilz les auoyent ouves de la bouche de nostredict Sauueur: lesquelles estoyent toutes consonantes auec les escritures. Et lesquelles moy (iaçoit ce que ie fusse bien ieune) tou tesfois pour la grace & misericorde que Dieu me seit, ie retins & escriuis lors, no pas en papier, ne en parchemin: mais en mo cueur, tellement que ie les reduiz continuellemet à ma memoire, & les rumine & digere. Si prens Dieu à tesmoing, & te dis en verité deuant luy, que si le bon Policarpus eust ouy parler d'aucune de ces nouuelles doctrines, il eust estoupé ses oreilles, & cust dit, comme il auoit de coustume, auec vne grande exclamation: Ha mon Dieu, pourquoy m'as tu reserué iusques à ce temps pour ouir telles choses? & soubdainement se fust party du lieu ou il eust esté assiz ou debout, quand il eut ouy telles parolles. Et d'abondant lon peult assez comprendre son opinion en cecy par les epistres qu'il a escrites à diuerses eglises, & à aucuns freres, les confortant & confermant en la foy.

Comment Apollonius fut martirisé à Rome.

Chapitre XIII.



V temps que Commodus tenoit l'empire de Rome, l'eglise Chrestienne estoit en paix par tout le monde, & la parolle de Dieu reduisoit toute sorte de gens à la cognoissance de verité. Et mesmes en la cité de Rome plusieurs illustres & grans personnaiges, auec leurs sem mes, enfans, & leurs familles se conuertissoy-

ent à la foy. Quoy voyant l'ancien ennemy de l'humaine nature ne le peut endurer: ains machina plusieurs & diuers moyens pour troubler les Chrestiens. Et premierement en la cité de Rome cotre Apollonius qui estoit grant dessenue de la foy. La passion duquel i'ay veu dessa escrite par forme d'histoire en langaige Grec. Et come ie trouue par escrit, pourtant que iceluy Apol-

lonius lequel estoit homme plein de sçauoir tant en nostre soy comme en toutes les facultez de philosophie alloit preschant l'e uangile, & reprenant les idolatres de leur damnee superstition, sut accusé par vn malheureux homme & desesperé de son salut, instigué par le diable. Lequel pourtant que la loy imperiale auoit ordonné que ceulx qui seroyent conuaincuz en iugement d'entre Chrestiens, sussent punis, mais que les saulx accusateurs & de lateurs sussent pareillement punis. Fut par le iuge nommé Perhennius condamné à auoir les cuisses rompuees. Et tantot apres iceluy Apollonius obtint qu'il luy sust loisible de publier enescrit la desension de la foy, dont apres ce qu'il auoit dit publiquement deuat, pour tout le senat & peuple Romain, si recita treselegam ment. Par la sentence du senat sut condamné à auoir la teste tren chee, pourtant qu'il estoit ainsi ordonné par la loy tresinsigne.

Des notables euesques qui furent de celuy temps.

Chapitre XIIII.



N celuy temps que Comodus regnoit à Rome, Eleutherus apres qu'il eut tenu le siege de sainct Pierre treize ans, mourut: & luy succeda Victor. & en Alexandrie apres la mort de Iulian qui auoit regy l'eglise dix ans, sut subrogué en son lieu Demetrius. En Anthio che sut esseu Scrapion, qui fut le huicties me

apres les apostres, duquel nous au os parlé dessus. En la cité de Cesaree au pais de Palestine sut esteu Theophilus. En Hierusalem Narcissus. En Corinthe, Bacil⁹: & en Ephese, Policrates. Lesquelz tous furent gens de grand renommee. Et pourtant en faisons spe ciale mention, car combien qu'il en y eust de ce temps plusieurs autres notables euesques, toutes sois la foy & la doctrine de ceulx icy est venue à nostre cognoissance par leurs propres dictiers & escritz.

De la question qui fut des pasques.

Chapitre xv.

V temps que les sussidietz euesques gouvernoyent les eglises, sortoit une grande question es prouinces d'Asse, touchant la feste de pasques, à que liour

on la deuoit celebrer: pourtant qu'ilz auoyent accoustumé de la celebrer le quatorziesme iour de la Lune. Auquel iour les Iuifz sacrifioyent l'agneau paschal selon la loy, quelque iour de la semaine qu'il se rencontrast. Laquelle coustume n'auoit iamais esté gardee aux autres eglises À l'occasion dequoy furent faictes plusieurs assemblees d'euesques: & plusieurs conciles par toutes les prouinces. Et apres qu'ilz eurent par lettres communiqué la resolution les vns aux autres, sut par vn commun accord estably & ordonné que ladicte feste se deust celebrer en iour de dimenche: auquel nostre Seigneur resuscita: & no en autre iour. Et trou ue lon encores auiourdhuy le decret du cocile qui fut tenu pour ceste matiere en la cité de Cesaree, en la prouince de Palestine: auquel se trouuerent Theophilus euesque d'icelle cité, & Narcissus euesque de Hierusalem. Et le semblable decret se trouue 2uoir esté faict au concile qui fut tenu à Rome:auquel presidoit Victor euesque d'icelle cité. Et au cocile de la prouince de Pont: auquel presidoit Palmeas. Et en la prouince de Gaule: auquel presidoit l'euesque Hirenee. Et en la prouince d'Acaye: auquel presidoit Bacilus euesque de Corinthe. Lesquelz estans tous en diuerses prouinces, s'accorderent en vne mesme opinion. Mais les euesques du pais d'Asie estoyent de contraire opinion, disans qu'ilz deuoyent garder la coustume de leurs ancestres touchant cela. Et Policrates, qui estoit le principal des euesques d'iceluy pais, en escriuit vne epistre à Victor euesque de Rome, luy signifiant l'ancienne obseruance de l'eglise d'Asse, qui auoit esté gardee iusques à son temps, par telles parolles: Mais au regard de nous (dit il) nous gardons inuiolablement le iour de pasques, sans y riens changer, ainsi que plusieurs grans luminaires qui ont esté enl'eglise d'Asie nous ont enseigné. Lesquelz nostre Seigneur, quand il viendra iuger le monde, resuscitera, & remunerera de sa gloire, auec ses autres sainciz. Entre lesquelz est Philippe l'euage liste, qui mourut en la cité de Hierapoly, & deux de ses filles, lesquelles enuielirent gardans leur virginité: & vne autre, la quelle remplie de l'esprit de prophetie, repose en la cité d'Ephese. Et pa reillemet Icha l'apostre, qui reposa sur la poictrine du Sauueur, le al fut souverain euesque en Asie, & porta l'enseigne potificale: & si fut resmoing de la foy, & docteur de l'eglise: leql pareillemet mourut en Ephese. Et outre ceulx la y est Policarpus, qui a esté euesque & martir en la cité de Smirne. Et Trazeas euesque d'Eumenie, qui consomma le cours de son martire en la cité de Smirne. Et Sagares le bó euesque & martir, dót le corps repose en la cité de Laodice, & finablemét Papirius, Macarius, & Melito, lequel pour l'honneur de Dieu se chastra, & fut remply du sainct esprit, dont les os reposent en la cité de Sardes. Lesquelz tous ont gardé l'observance ancienne de pasques au quatorziesme iour de la Lune selon l'euangile, sans cercher riens d'ailleurs. Et moy Policrates, qui suis le moindre entre vous, le garde ainsi ensuyuant la do Etrine que m'ont donné mes ancestres. Car sept de mes ancestres ont esté successiuement euesques l'vn apres l'autre: qui tous ont ceste observance confermé à celle des Juifz : & ie suis le huictiesme. Parquoy treschers freres, estant en l'aage de soixantecinq ans,& ayant eu cognoissance par la grace de Dieu de plusieurs euesques de diuerses nations: & encores vacque à l'intelligence des sainctes escritures, ne me troubleray point des choses que lon dit pour m'espouuenter: pourtant que i'ay apprins de mes maieurs, que lon doit obtemperer plus à Dieu que aux hommes. Et vn peu plus bas, parlant des autres euesques qui estoyent en sa compaignie, dit en telle maniere : Ie vous pourroye nommer les euesques qui sont assemblez auec moy, lesquelz i'ay conuoqué, en ensuyuant ce que m'auez mandé: mais le nombre seroit trop grand. Lesquelz tous cognoissans ma paruité, ont par leur consen tement confermé ce que ie vous rescris. sçachans que pour neant ie n'ay point les cheueulx blans: mais ay vsé toute ma vie en la discipline de Iesuschrist. Veu lesquelles lettres, Victor euesque de l'eglise Romaine, vsant de pertinacité, voulut priuer generallemet toutes les eglises d'Asie & des prouinces voisines de la com munion & societé de l'eglise: & decerna lettres pour les publier pour excommuniez. Mais la plus part des autres euesques ne trou uoyent pas cela bon:ains luy mandoyent par leurs lettres, qu'il deust plustot tascher à la paix, & à l'vnió, que faire cela: & trouue lon encores plusieurs de seurs lettres:par lesquelles ilz le reprennent grandement, comme non ayant bon regard au bien commun de l'eglise. Et entre autres, Hirenee auec les autres euesques de Gaule, aufquelz il prefidoit, escriuant audict Victor: combien qu'il approuue le decret de celebrer le iour des pasques au dimenche:toutesfois il argue Victor, disant qu'il a mal faict de separer du corps & de l'vnion de l'eglise si grand nombre des eglises de Dieu, pour auoir gardé l'observance qui d'ancienneté a esté gardee par leurs ancestres, & l'amonneste de plusieurs autres choses par telz langaiges: Il n'est pas tant seulement (dit il) que-

stion de la solennité du jour de Pasques, mais encores de l'obseruance des ieusnes. Car les vns disent que on ne doibt ieusner fors que vn iour, les autres deux, les autres quelque plusgrant nombre, & les autres quarante iours. Et content les heures du iour & de la nuict, pour vn iour entier. Laquelle varieté n'a pas commécé de maintenant & de nostre temps, mais long téps auant par ceulx comme l'estime, qui n'ont pas du commencement bien entendu ce qui a esté ordoné, mais par negligence ou ignorace, l'ont mué, & changé. Et neantmoins tous ceulx icy, combien que entre eulx sussent differens touchant ceste observance, ont toutesfois tousiours esté pacifiques auec nous, & sont encores: & la diuersité des ieusnes n'a point rompu la consonance de la soy. Et tantost apresiceluy Hirenee insere en son epistre vne histoire laquelle nous a semblé ne deuoir point obmetre, disant en telle maniere: Et par effect (dit il) tous les autres euesques qui ont preside en l'eglise de Rome ou tu preside maintenant auant Sother: A sçauoir Anicetus, Pius, Iginius, Telesphorus, Xistus, n'ont pas gardé ceste observance, ne ceulx qui estoyent auec eulx. Et neantmoins com bien qu'ilz ne la gardassent ont toussours vescu en paix & vnion auecques les autres eglises qui la gardoyent: & iaçoit qui leur sem blast que les autres deussent faire comme eulx, toutes fois iamais n'en ont rebouté vn de la societé de l'eglise, ains les reprenoyent humainemet quand ilz venoyent deuers eulx: & qui plus est, tous les euesques qui ont esté auant toy à Rome, enuoyerent aux eues ques des autres eglises qui ne gardoyent point celle observance comme eulx la saincte eucaristie en grande solennité: & mesme fainct Policarpe estant venu à Rome du temps de Anicetus, apres qu'ilz eurent parlé de plusieurs autres choses, quand vint à parler de ceste cy, combien que vn chacun dessendist son opinion par raison: toutessois demourerent de ceste conclusion, que l'vn ne l'autre ne deust point estre obstiné en sadicte opinio. Car Anicet ne pouuoit persuader à Policarpus d'observer touchant cela, autrement que ce qu'il auoit veu garder & obseruer à sainct Iehan, disciple de Dieu, & aux autres apostres. Aussi Policarpus ne pouuoit persuader audict Anicetus de laisser l'observance que ses pre decesseurs auoyent gardee. Et apres qu'ilz eurent longuement deuisé de ceste matiere, finablement communiquerent l'vn auec l'autre, en maniere que Anicetus defera à Policarpus, & se departi rent d'ensemble en bonne paix & charité, en telle resolution que toutes les eglises autant celles qui gardoyent l'observance de Pas

ques au dimenche que les autres, demourassent neantmoins au remenant en bonne paix & concorde. En telle maniere escriuit Hirenee pour garder la paix& vnion de l'eglise, non pas à Victor tant seulement, mais à plusieurs autres euesques, affermant que pour ceste controuersse ne deuoit point naistre aucune dissention en l'eglise:pareillement au pais de Palestine estant assemblez Narcissus enesque de Hiernsalem, & Theophilus (desquelz nous auons parlé dessus)ensemble Cassius, Titius, & Clarus de Ptolomaide auec plusieurs autres euesques, pour decider de ceste question : à la fin du decret de leur concile conclurent en la maniere qui s'ensuit: Nous voulons que le double de nostre epistre soit enuoyé par toutes les eglises, à fin que nous ne soyons coupables des ames qui sont seduictes par diuerses erreurs: & vous faisons sça uoir que en Alexandrie lon garde la mesme observace touchant le iour de pasques, que nous gardons icy. Car ilz nous communi quent par lettres leurs affaires: & nous à eulx les nostres, à fin que tous d'vn accord celebrions celle saincte solennité de pasques. & cest assez quant à ceste matiere, de ce qu'en auons trouué escrit par les anciens.

Des escritz de Hirenee, qui sont venuz iusques d'nostre temps, & de plusieurs autres fameux & elegans escriueurs, qui ont escrit de nostre foy.

Chapitre XVI.

O N trouue encores autres plusieurs liures & traictez de Hirenee, oultre ceulx dont nous auons faict mention cy dessus. A sçauoir vn qu'il a faict contre les gentilz, lequel il a intitulé, De la discipline, & l'a adressé à vn nommé Marcian. Et aucuns dialogues de diuerses choses, esquelz il allegue en tesmoignage

plusieurs passaiges de l'epistre de sainct Paul aux Hebreux. & du liure de Salomon, qui est intitulé Sapience. Desquelz liures & trai crez la copie en est venue iusques à nostre téps. Apres que Commodus eut regné en l'empire Romain treize ans, il alla de vie à trespas, & luy succeda Pertinax lequel ne vesquit fors six mois tat seulement, & eut pour successeur Seuerus. durant l'empire duquel y eut plusieurs grans & notables clercz qui escriuirent en moult elegant stile de nostre foy. Entre lesquelz sut Eraclitus qui fist au cuns commentz sur les epistres de sainct Paul. Et Maximin lequel escriuit amplement de celle question vulgaire des heretigs

qui demandent & enquierent dont viennent les maulx, & dont naist la malice, & de la matiere, si elle a esté faicte ou nom. Et Candidus qui a escrit sur les liures de Genese, & pareillement Appius qui a escrit sur iceulx mesmes. Et Sixtus qui a escrit de la ressurrection, & d'aucunes autres choses. Arabion aussi, & innumerables escriueurs en nostre soy furent de celuy temps dont seroit trop long à raconter, & declairer les noms & les traictez.

De ceulx qui ont introduiet la secte d'Artemon, de quelle vie ilz furent, & comment ilz corrompirent & faulserent les liures de la saincte escriture.

Chapitre XVII. DJone



A plus part toutessois desdictz escriueurs ont tasché de consuter & consondre les erreurs & hereses qui nasquirent de Ieur temps, & de soustenir & dessente la vraye soy & doctrine apostolique. Et entre autres ont escrit contre la peruerse & heretique doctrine d'Artemon, laquelle Paulus Samosathenus a voulu resu-

sciter de nostre temps. Si nous a semblé estre conuenable d'en faire mention en nostre histoire. Ceste herese afferme que Iesus Christ nostre Sauueur fut homme pur, & dit faulsement & contre verité que les apostres l'ont ainsi tesmoigné. Contre laquelle damnable doctrine vn des catholiques escriueurs (dont nous auons faict mention cy dessus) parle en telle maniere: Ilz disent (fait il) que les apostres mesmes l'ont ainsi dit & enseigné comme ilz le maintiennent, & que cecy a esté tenu & creu pour verité iusques au temps de Victor euesque de Rome inclusiuemet, qui est vne menterie euidente. Car si les apostres l'auoyent ainsi affermé comme auroyent leurs successeurs à sçauoir Iustin, Milciades, Tacian, Clement, & autres infinis dit, presché, & escrit le contraire: lesquelz tous en escriuant contre les gentilz ont parlé de la deité de Iesuschrist ouvertement. Et pareillemet Hirenee, & Meliton, qui furent d'iceluy temps lesquelz expressement attestent sa deité & humanité. Mais oultre ce, les pseaulmes & cantiques, lesquelz par les fideles, des le comencement de nostre foy ont esté instituez, & chantez, en la louenge de Dieu, ne declairent ilz pas euidentement que Iesus Christ sut le verbe diuin? Coment veulent donc dire sessible le se le se creance de la diuinité de Iesuschrist, a esté trouvee nouvellement depuis la mort de Victor? mais qui plus est, comme osent ilz imputer faulsement ceste calumnie à Victor qu'il aye creu le contraire: veu qu'ilz sçauent bien qu'il priua de la communion de l'eglise, Theodotus Coriarius, qui auoit esté le prince & inuenteur de ce ste faulse heresie, c'est qu'auoit presumé le premier de dire publi quement à Rome que Iesuschrist auoit esté pur homme. Certai nementsi Victor eust esté en ceste creance, il n'eut pas chasse ice luy Theodotus de l'eglise, comme blasphemateur. Et c'est assez dit des choses qui furent du temps de Victor. Auquel apres qu'il eut tenu le siege de Rome dix ans, succeda Zepherin, en la neufiesme annee de l'empire de Scuerus, duquel Zepherin, l'escriture mesmes (dont nous auons faict mention dessus) parle en telle maniere: Si vous veulx admonnester, mes freres, des choses qui sont aduenues de nostre temps, lesquelles s'elles fussent aduenues du temps de Sodome, ie croy qu'elles estoyent suffisantes pour reduire à penitence les Sodomites. Si les diray en breflangaige: Il y auoit en nostre quartier vn confesseur, nommé Natalis, lequel estant deceu par Asclepiodote, & par vn Theodotus col lectaire, qui furent tous deux disciples de Theodotus Coriarius, celuy qui premierement fut chasse de l'eglise par Victor, lors euesque de Rome, par ceste faulse opinion (ainsi que nous auons dit dessus) fut par eulx tellement persuade qu'il se fit chef & euesque de celle heresse & secte danable, par telle conuenace que ilz luy payeroyent centcinquante deniers tous les mois. Mais apres qu'il eut esté ainsi seduit, Dieu, qui est tout misericors, & qui ne vouloit point perdre son champion lequel en plusieurs perlecutions auoit porté tesmoignage de luy, l'admonestoit souvent par songes, qu'il se desistast de celle mauuaise secte. Et neatmoins voyant qu'il ne tenoit conte de ses voisins, tant estoit aueugle pour l'ambition de l'euesché, & pour l'auarice. Finablement vne nuict fut tant battu & tormété par les anges de Dieu, que le len demain matin, il s'en vint vestu d'vne here, & pouldreux de cendre, ietter aux piedz de Zepherin euesque de Rome: & à grans pleurs & lamétations se voultra longuement en terre, deuant les piedz, non pas dudict euesque seulement: mais de tous ceulx qui là estoyent presens, tant clercz, que laiz, leur suppliant qu'ilz voul sissent prier & requerir Dieu le createur pour luy, à fin qu'il eut pitié de son pecheur: leur monstrant les playes & les battures qu'il auoit autresfois receues pour la confession du nom de Ie-

Le cinquesme liure

suschrist. Et finablement apres beaucoup de larmes & de prieres à grand difficulté obtint absolution de son mesfaict. Et fut receu à la communion de l'eglise. Et encores plus bas en vn autre lieu parle ledict escriueur en telle maniere: Ilz ont corrumpu les escritures diuines sans aucune crainte de Dieu. Et ont reietté la vraye & ancienne doctrine de la foy, ignorans la deité de Christ, pourtant qu'ilz ne l'ont pas voulu cercher. Et sont venuz à telle forcenerie, que quand on leur allegue le tesmoignage de la sain cte escriture, ilz viennent à silogismes & sophisteries, & en delaissant la saincte escriture, respondent par art de geometrie, comme gens qui sont de terre, & parlent de terre : & n'ont cognoissance de Dieu qui est es cieulx, & alleguent en grande veneration Euclides, qui fut grand geometrien: & pareillement Aristote & Theophrastes. Et aucuns d'eulx adorent & ont en grande reuerence Galien,par la doctrine duquel ilz maintiennent & def fendent leur heresie, en peruertant par telles authoritez des gens qui ont esté infideles, la simplicité &verité des sainctes escritures. Ét cela font ilz pourtất qu'ilz n'ont iamais approché de la foy. Et pourtant ont sans aucune crainte contemné les sainctes escritures, & en les contemnant, disent qu'ilz les veulent corriger. Et à fin que lon ne puisse dire que ie die chose contre eulx qui ne soit vraye, lon trouuerra par leurs escriz mesmes, qui les vouldra conferer les vns auecques les autres, qu'ilz sont repugnans & contraires entre eulxmesmes. Car yn chascun d'eulx corrige l'escriture sainste ainsi que bon luy semble. Et les Esclapions ne s'ac cordent pas du tout auec Theodotus: & leurs disciples qui sont venuz apres, y ont changé & adiousté selon leur fantasie. Et dit chacun d'eulx qu'il a les liures tous bien corrigez: mais à la verité, chacun les a falsifié à son intention. Et oultre ce les copies & exemplaires de Hermophilus ne l'accordent pas auecques ceulx d'Appolonides. Et qui plus est, iceulx exemplaires sont discordas & diuers à eulxmesmes en diuerses parties, pourtant que ceulx à qui desplait le liure qu'ilz corrigent, trouuent toussours quelque chose à y corriger. Et voyant que ce qu'ilz lisent là, est contraire à ce qu'ilz vouldroyent trouver, Ilz cerchét toussours choses nou uelles, & si ne doute pas qu'ilz n'entendent bien la faulte & le messaict qu'ilz font. Car ou ilz ne croyent pas qu'icelles sainctes escritures ayent esté promulguees par l'inspiration du sainct Esprit, & par ainsi sont infideles: ou s'ilz le croyét ilz se reputent plus saiges que celuy sainct Esprit. En quoy saisant, ilz confessent

assez qu'ilz sont agitez & vexez de l'esprit diabolique, & si ne peuuent pas nyer les faictz: car lon trouue encores en leurs exemplaires les corrections faictes de leur main. Et sisçauent bien qu'ilz ont apprins de leurs maistres & precepteurs l'escriture, se-lon icelle interpretation corrompue. Aucuns d'entre eulx se trou uent qui n'ont daigné prendre la peine de corrompre l'escriture saincte, mais bien la nient simplement: à sçauoir, la loy, & les prophetes. Et par telle abnegation detestable sont paruenuz

au dernier degré de perdition. Et c'est assez quant à ce propos pour l'histoire presente.

Cy finit le cinquesme liure.

Cy commence le six

IESME LIVRE DE L'HISTOIRE Ecclesiastique.

De la persecution de Seuerus.

Chapitre premier.

ERSEVERANT l'empereur Seuerus en la persecution des Chrestiens, en y eut plu sieurs qui souffrirent moult constamment, maintes grandes persecutions & tormés pour la foy. Mais sur tout en la cité d'Alexandrie,

en laquelle ilz estoyent menez, tant des de-

sers de Thebaide, que de tout Egypte, comme en vn lieu de combat, desquelz plusieurs par diuers martires acquirent la coronne de gloire.

Du martire de Leonides, pere d'Origene: Et comment iceluy pere endoctrina sondict filz en la soy Chrestienne.

Chapitre 11.

E

Ntre ceulx qui furent martirisez en Alexandrie, fut Leonides, pere d'Origene, lequel laisse sondict filz encores bien ieune. Et me semble qu'il

M ij

ne sera point hors de propos, de declairer par quelle constance & magnanimité iceluy Origene fut permanent & constant en la loy diuine:pource mesmement que son nom est moult celebre entre plusieurs grans personnaiges: & si lon vouloit descrire par ordre toute sa vie & ses gestes, certainemet ilz sont telz & si gras, qu'à les racontes par ordre il y fauldroit vn gros volume. Mais pour tenir l'ordre de breueté, q nous au os ensuyui en ceste nostre histoire presente, nous en diros vne petite partie tant seulement que nous auons retiré, tant d'aucunes ses epistres que lon trouue encores à present, comme d'autres qui ont escrit de ses faictz. Et si la matiere dont nous traictons le permettoit, il seroit expediét de commencer à son enfance, en laquelle il fit des choses dignes de memoire. La dixiesme annee adonc de l'empire de Seuerus, en laquelle Letus estoit president pour luy en Alexandrie, & en tout le pais d'Egypte, & que Demetrius estoit euesque d'Alexan drie, apres la mort de Iulian, fut la persecution suscitee tresaspre & trescruelle en la cité d'Alexandrie, au moyen de laquelle plusieurs bons champions gaigneret le pris & le loyer du sainct mar tire, duquel Origene, estant encores bien ieune gars, sut si couuoiteux,& de si ardat courage la desiroit,qu'il alloit à son gré cer chant les moyens pour y paruenir. Et quand il veoit les autres au combat de la foy es lieux publicz, se venoit deuant tout le monde ingerer & presenter pour leur tenir compaignie, come s'il pre sumoit la mort, & la vouloit prendre à force, laquelle sans point de faulte, il eut acquise n'eut esté que Dieu pour le bien voiuerfel de toute l'eglise (comme il est à croire) le preserua par la solicitude & diligéce toutesfois de sa mere, laquelle par divers moyens empescha d'accomplir son desir. Car voyant que par prieres, par larmes & remonstrances piteuses, elle ne le pouoit retirer: ains de plus en plus le veoit ardant & animé au martire, mesmement durant la prinse de son pere, & qu'il vouloit à toute force luy aller tenir compaignie en la prison, & aumartire: Elle vsa d'vne cautelle procedante d'vn amour maternel: car entendant vn soir que le lendemain auant qu'il fut iour, s'en vouloit sortir à l'emblee, de la maison, & apres aller presenter au lieu du martire, elle entra la nuict ainsi qu'il dormoit dedans sa chambre, & luy print & embla tous ses habillemens, sans lesquelz n'eut peu sortir de la maison. Et non pourtant voyant qu'il estoit contrainct de demourer, par l'empeschemet de sa mere, entreprint vne chose plus grande que son aage ne portoit. Car il escriuit vnes lettres

à son pere, par lesquelles luy signifioit qu'il estoit detenu & empesché par sa mere, de ne suy pouoir aller tenir compaignie. Et neantmoins l'enhortoit qu'il deut estre constant, ainsi qu'il auoit commencé, en adioustant encores ces parolles: Garde, mon pere, que pour nous autres tu ne changes de propos. Ce furent les premices & les premiers experimes de sa vertu en sa ieunesse, par les quelz lon peut bien cognoistre quelzele il auoit à Dieu. Apres al la commencer à lire & estudier les choses appartenas à la foy, & soy exercer assez diligemment en la confession d'icelle, en laquelle son pere luy auoit dessa au parauant baillé quelque commandement: & en luy faisant apprendre & enseignant la gramai re, & les sciences primitiues: luy auoit lit & declairé aucuns liures de nostre foy, & luy auoit dit & persuadé qu'il deut iceulx preferer aux autres liures scolastiques. Et apres l'auoit induit à deman der tous les iours, de son bon gré, à son dit pere qui luy declarat vne leçon desdictz liures, & quand il auoit estudie, à la venir rendre par cueur. Quoy faisant il mettoit si grand estude, qu'il ne se contétoit pas d'entendre sa leçon & de la reciter, mais faisoit plufieurs argumens & questions à sondict pere, lequel faisoit semblant de l'arguer & reprendre, disant qu'il enqueroit trop auant selon son aage. Mais en son secret, il estoit le plus ioyeulx du mode, & rédoit graces à Dieu de ce qui luy auoit doné telle lignee. Et dit lon qu'il le venoit plusieurs fois voir au lict quand il dormoit, & luy descouuroit l'estomach, puis le regardoit par grade admiration, comme vn temple remply du sainct esprit: & apres le baisoit doulcement, & tendremét, & cela faict, s'en alloit tout resiouy, soy reputant trop eureux & trop tenu à Dieu d'auoir vn tel enfant. Ces choses & plusieurs autres lon dit d'Origene, du temps qu'il estoit encore ieune enfant du viuant du pere. Apres la mort duquel demoura auec sa mere & six autres petiz freres en l'aage de dixsept ans, en moult grande poureté, pourtant que les biens de son pere (qui n'estoyent pas petiz)auoyent esté con fisquez pour la foy. Et non pourtant ne fut pas abandonné de Dieu, ains vne noble & riche femme voyant sa doctrine & sa religion, le retira, & fit nourrir moult cherement: Laquelle toutesfois auoit retiré & adopté vn autre pour son filz, nommé Paule, qui estoit infect d'vne ancienne heresse. Et neantmoins en cela monstra Origene sa constance & perseuerance en la vraye & entiere foy Chrestienne. Car iaçoit que force luy fut viure en la maison de ladicte dame, en la compaignie dudict heretique, tou-

M iij

tesfois ne sceut iamais tantfaire que pour homme ne autrement iceluy Origene voulust aller ouir vne de ses leçons, Iacoit que pour cause de sa prosonde science plusieurs tant de sa secte, que de bons catholiques y vinssent souvent: & qui plus est iamais ne se voulut trouver à faire son oraison en sa compaignie, tant estoit en celuy ieune aage observant & soigneux de la vraye doctrine Chrestienne, & tant luy estoit la compaignie des heretiques execrable. Aussi dit il en quelcun de ses liures, que la doctrine des heretiques doit estre à tous bons Chrestiens abominable. Et si ne laissoit pas pour l'exercice qu'il avoit aux liures de la soy de soy exerciter aux sciences modaines. Ains apres la mort de son pere avoit si bien prosité en l'estude de Gramaire & Rethorique, qu'il en tenoit escole aux autres, dont il entretenoit sa maison.

Comment en son ieune aage il preschoit la soy. Chapitre 111.

EN ANT adoc Origene l'escole de gram maire en Alexandrie (ainsi que luy mesmes recite en aucuns de ses escritz) & vacant à l'office de maistre d'escole en l'eglise de ladicte cité: pour tant que nul ne l'osoit accepter pour crainte de la grande persecution qui se faisoit lors:aucuns des Payens & Gen-

tilz venoyent neantmoins à son auditoire de grammaire, pour ouir quelque chose de nostre foy: lesquelz il ne reuoquoit pas tant seulement de leur superstition & mescreance: mais les instruisoit & addressoit à vie entiere & parfaicte. Entre lesquelz le premier fut vn nommé Plutarque, lequel ne garda pas tant seulement les commandemens de Dieu, viuant tressainctement : mais qui est le comble du merite, souffrit le martire pour nostre foy. Le second fut Heraclas frere dudict Plutarque, tant par martire que par foy, lequel vint à si grande persection de vie, & de doctrine, qu'il fut esseu euesque d'Alexandrie apres Demetrius. Or auoit Origene dixhuict ans, lors qu'Aquilas estoit president en Alexandrie, & en Egypte, duquel temps son nom estoit dessa respandu & estime, non pas entre les Chrestiens tant seulement: mais encores entre les infideles. Et mesmement. pource qu'il confortoit les pauures Chrestiens qui estoyent prisonniers pour la foy, tant de bonne doctrine & enhortemens à la perseuerance, comme aussi d'autres subsides corporelz & cha-

ritables. Et bien souuent venoit au Tribunal des iuges, deuant lesquelz les pauures martirs estoyent interroguez, & gehennez, & les regardoit d'vn œil & d'vn cueur piteux, & le mieulx qu'il pouuoit par signes leur enseignoit qu'ilz deuoyent respondre. Et apres qu'ilz estoyent codamnez à prendre la mort en gré, & estre constans, soy exposant par ce moyen à tous dangiers, voire iusques à baiser lesdictz martirs, prenant le dernier congié d'eulx, en la presence des inges & persecuteurs, tellement que quelquefois les infideles venoyent sur luy à grand effort & impetuosité: mais tousiours moyennant la grace de Dieu,il eschappoit: & ne pourroit lon dire les grans dagiers, dont Dieu le deliuroit quasi tous les iours, estant assidue & costant à la predication de la foy. Et combien de fois il eschappa des aguetz que lon auoit mis sur luy pour le tuer, & par effect tant auoit prouoqué la haine des infi deles cotre soy, en enseignat & preschant la foy Chrestienne, que les sergeans enuironerent vn iour la maison ou il se tenoit pour le prendre. Toutesfois par l'ayde de Dieu il se sauua d'eulx: mais finablement tous les Payens voyans que par luy seul si grad nobre de gens estoyent couertis à la foy, le suyuirent de si pres que toute la cité d'Alexandrie n'estoit pas suffisante pour le musser. Ains estoit chassé de maison en maison, voyant que quelque part qu'il s'en fuist, il y auoit tousiours grand nobre de gens qui le suyuoyet, pour estre instruiz en la foy. Et ceste grace de couertir ainsi les ges auoit il, no pas tat par l'excellece de la doctrine, come par l'integrité & saincteté de sa vie. Car lo disoit de luy comunement: C'est home à la vie de mesmes la doctrine, & n'enseigne riens qu'il ne face. Et si veoit lon euidémet que la grace de Dieu habitoit en luy. Pour raison dequoy Demetrius euesque d'Alexandrie voyat la pfondité & sincerité de sa doctrine, & la perfection de sa vie, luy dona authorité de catheciser en l'eglise: C'est à dire, d'enseigner en la soy ceulx qui se vouloyent baptiser, qui estoit vn office bien grand lors en l'eglise, lequel auoit en icelle cité premierement exercé apres les apostres Panthenus: Secondement, Clement, & le tiers fut iceluy Origene, qui auoit esté disciple dudict Clement, lequel vint iusques à la fin de l'Empire de Commodus, ainsi qu'il peult apparoir par ses liures. Esquelz il faict mention des temps & des choses qui aduindrent en iceulx, & par ainsi de ce qu'il aduint durat l'Empire de Seuerus, duquel nous parleros à present. Et de celuy mesmes temps y eut vn nommé Iudas qui escriuit sur la prophetie des M iiii

sepmaines de Daniel, lequel semblablement parle de la dixiesme annee de l'Empire de Seuerus. Et pour la grandeur de la persecution que lon faisoit contre noz gens, il vouloit arguer, & affermoit que le iour du iugement l'aprochoit, dont il mist plusieurs Chrestiens en trouble & en soucy. Estant adonc Origene faict & deputé par l'euesque Demetrius maistre d'escole de l'eglise d'Alexandrie ne voulut plus soy messer de grammaire, ne de rhetorique, ains l'aplica du tout à enseigner la foy, & non pourtant pourueut en son cas, non pas en ieune homme, mais bien saigement. Car il bailla ses liures qu'il auoit des sciences mondaines à vn sien loyal amy, en telle condition qu'il luy donneroit tous les iours quatre deniers oboles, pour la sustentation de sa vie, à sin qu'il ne donnast charge à personne, & aussi qu'il ne fust contraint amasser argent pour cela. Si perseuera par bien long téps en la pre dication & doctrine de la foy, & au surplus en tous exéples de sain cte vie & immaculee: tellemet qu'il estoit reputé & nomé le vray philosophe de la foy Chrestienne. Car pour refrener les cupiditez,& cocupiscences charnelles, que son aage luy pouuoit engen drer, se reduysoit de iour en iour à plus grande abstinence. Ieusnat la plus part du temps, & viuant aut remenant moult sobrement; Et neatmoins cotinuant sans intermission à l'estude & à la lecture des liures de nostre foy iour & nuyt, sans dormir si non bien pe tit. Et tousiours sur la terre tout nud, sans aucune chose entredeux. Et sur toutes choses il vouloit garder l'enseignement de nostre Sauueur en l'euangile, par lequel il deffend que lon ne ave point deux robes, que lon ne porte point de souliers, & que on ne pense point au lendemain. Si les gardoit si estroictement qu'en grand froideur & necessité, en ensuyuant l'apostre sainct Paul, il combattoit contre la sensualité, monstrant par ce moyen à ses auditeurs, le chemin de renoncer à tous biens mondains, & de viure en poureté. Pour raison dequoy il estoit aimé de tous: & n'auoyent regret ne question auecques luy, sinon pource que quand quelqu'vn luy vouloit donner quelque chose pour la sustentation de sa vie, ne la vouloit accepter, pour garder entierement le comandement de poureté. Iaçoit que pour la peine qu'il prenoit, & pour le fruict qu'il faisoit en la doctrine de la foy, il estoit jugé & reputé digne, non pas de double honneur (comme dit l'Apostre) ains de beaucop plus grand. Mais il reputoit son honneur consister en continence extreme: tellement que lon dit qu'il fut maintes années sans porter souliers, tousiours alla nudz piedz. Et si nevsoit de vin, de chair, ne de telles choses nutritiues, sinon pour la necessité de sa vie, i usques à ce qu'il sut contraint d'en vier pour cause de l'estomach qu'il auoit dessa presques gasté par abstinence. Par telz moyens & bons exemples il induisoit les Payens, non pas à laisser leurs fausses creaces seulement: mais à soustenir tous martires pour la foy Chrestienne: dont il en y eut plusieurs qui acquirent par ce moyen la gloire eternelle.

Des disciples d'Origene, qui furent martirisez, & singulierement de saincte Potamie.

Chapitre 1111.




NTR E lesquelz fut Plutarque (dont nous auons parlé cy deuant) lequel estant mené au martire & voyant le peuple, que Origene l'al loit confortant, vint courir sur luy tout surieu semét pour le deschirer & mettre en pieces, comme celuy qui estoit cause de la mort de l'autre. Mais par la prouidence diuine, il sut

sauué & deliuré de celuy danger, ainsi qu'il auoit esté les autres fois. Le second de ses disciples fut Serenus: le tiers, Heraclides:le quart, Heres Neophite: c'est à dire, nouvellement converty: lequint fut vn autre Serenus, lequel apres plusieurs tormens fut decapité. Et outre les hommes, y eut plusieurs semmes : entre lesquelles fut vne nommee Heracle: laquelle n'auoit pas encores re ceu le sainct baptesme : parquoy il dit en quelqu'vn de ses liures, qu'elle fut baptisee en seu. Et sur toutes les autres lon racote d'vne qui fut nommee Potamie, & de son bourreau Basilides. Car la renommee est encores au iourdhuy en celle cité d'Alexandrie, des vertus de celle femme, & des persecutions & griefz tormens qu'elle souffrit. Premierement pour garder sa virginité, & apres pour la confession de la foy. Et à la parfin mourut glorieusement auec Marcelle sa mere, par seu. Et raconte lon que Aquilas, qui estoit le iuge & persecuteur de la foy, voyant sa constance & fer meté en la foy, la menassa qu'il la bailleroit à des bourreaux qui la massacreroyent par diuers tormens, ou à des rustiens qui la vitupereroy et de son corps par toutes sortes de paillardise. Et pour ce qu'en luy demadant lequel elle aymoit le mieulx, & qu'en luy respondant elle prosera aucunes parolles, qui estoyent reputees à blaspheme contre les dieux des Payens, incontinent prononça

sa sentence contre elle, par laquelle la condemna à mort. Apres estant menee par les bourreaux, en y eut vn nommé Basilides, lequel voyant plusieurs paillars qui luy venoyent disans par derision maintes parolles deshonelles & infames, & l'approchoyent d'elle pour la toucher deshonnestement, les reboutoit de son pouoir par humanité, & pour pitié qu'il auoit d'elle. Laquelle voyant son bon vouloir, luy dit telles parolles: Soyes certain mon amy, qu'apres que ie seray auec mon Dieu, ie prieray incontinent pour toy, de sorte que ce bien lequel tu me fais, ne te sera point irremuneré. Et tantost apres estant au lieu du supplice, receut moult constamment les tormens qui luy auoyent esté ordonnez. A sçauoir la poix refine fondue, qui luy fut distilee petit à petit par tous ses membres, dont assez tost rendit l'ame glorieuse à Dieu, & ne tarda gueres apres que Basilides estant requis par ses compaignons de iurer pour quelque different qui estoit entre eulx, leur feit response: Qui ne luy estoit loysible de ce faire, pourtant qu'il estoit Chrestien, & cecy disoit il publiquement. Et combien que du commencement lon cuydast qui le dist par ieu, toutessois voyant qu'il le disoit à bon escient, sut mené deuant le luge, lequel voyant qu'il perseueroit, le feit mettre en prison. Et si comme aucuns des nostres l'alloyent illec visiter pour le conforter & louer de ce sainct propos, en y eut quelqu'vn qui luy demanda comme ceste volunté luy estoit soudainement venue? A quoy il respondit, que trois iours apres que Potamie auoit esté martyrizee elle luy apparut la nuict, & luy mettant vne coronne sur la teste, luy dist comme elle auoit faict priere pour son salut, à fin que la parolle de l'euangile fust accomplie en luy, laquelle dit que qui reçoit le martire en nom de martir, receura la remuneration de martir. Lesquelles parolles entendant les nostres en grande admiration, luy firent le signe de la croix, & prindrent congié de luy: & le iour ensuyuant perseuerant en son sainct propos fut decapité. Et dit lon d'auantaige, qu'il y cut plusieurs autres qui auoyent esté condisciples d'icelle Pota-

mie en la doctrine Chrestienne soubz Origene en la cité d'Alexandrie, ausquelz elle apparut pareillement, leur presentant des coronnes, qui depuis furent coronnez par la victoire du sainct martire. Chapitre v.



en ya aucus qui se chastrent pour acquerir le royaume des cieulx. Et le fist nó pas tant seulement pour garder sa chasteté, mais pour oster toute suspicion & occasion que lon pourroit auoir de mal parler de luy. Pour autant que durant celle perfecution, il enseignoit des choses de la foy en lieux secretz & mussez: nó pas aux homes tant seulemet, mais encores aux femmes. Et iaçoit qui le vousist tenir secret pour euiter gloire modaine, toutes fois il ne le peult faire, tellement qu'il vint jusques aux oreilles de l'euesque Demetrius: lequel de primeface fut tout esbahy & admiratif de ce cas, cossiderant le grand cueur & la feruente foy de ce ieune ho me, & son ardent desir au seruice de Dieu. Si dit que des lors pourroit Origene enseigner toutes sortes de gens, & perseucrant en son office de doctrine sans aucun scrupule de suspition. Tel iugemét faisoit lors Demetrius de luy lors qu'il n'auoit aucune cho se qui peust peruertir son entendement. Mais depuis voyat iceluy cuesque q la renomee dudict Origene se respadoit tous les iours de plus en plus, tant en la cité que dehors, par vn stimule d'enuie cómença à blafmer grandement ce qu'il auoit du cómencement hault loue. Et ce fist il, entendant que les deux plus renommez euesques qui fussent au pais de Palestine, à sçauoir Alexandre euesque de Hierusalem, & Theoristus euesque de Cesaree, pour la finguliere doctrine, & pour la faincteté de vie qu'ilz auoyent cogneu en iceluy Origene, l'auoy ét ordoné prebître, & le iugeoy ét tresdigne d'estre euesque. Et q cela estoit trouué bon par tous les Chresties: & blasmoit lo Demetrius, de ce q luy mesme ne l'auoit faict, en disant qu'il n'estoit pas digne d'auoir vn si sainct & si sçauat home en son eglise. Pour lesquelles parolles, il fut si grademet picqué, que ce qu'iceluy Origene auoit faict en sa ieunesse, que ledict Demetrius estant desia euesque auoit moult loué, luy impropera lors à vice, no pouat trouuer autre crime pour luy obicer.

Et pour ceste raison disoit, que les euesques qui l'auoyent ordon né, auoyent mal faict. Mais ces choses icy ne aduindrent pas du temps de Seuerus l'empereur (dont nous parlons à present) ains long temps apres. Car du viuant dudict Seuerus, iceluy Origene sur tousiours docteur en l'eglise d'Alexandrie. Et perseueroit en sa doctrine, en ensuyuant l'enseignement de l'apostre en toutes les sortes qu'il pouuoit, tant en predication que en lecture & disputation, tant secretement que publiquement, & tant de nuict que de iour, par vne merueilleuse considence, comme estant deliuré de tous empeschemens. Durant lequel temps, Seuerus apres qu'il eut regné dixhuict ans mourut, & laissa l'empire à An thonin son silz. Duquel téps se trouu a plusieurs grans champions de la soy qui auoyent soustenu grades persecutios: Mais Dieu les auoit preseruez par sa prouidéce eternelle iusques en celle saison.

De Narcissus, & Alexandre euesques de Hierusalem.

Chapitre vI.



T entre les autres qui se trouuerent de celuy temps soubz l'empire de Anthonin, surét Alexandre euesque de Hierusalem (dont nous auons parlé cy deuant) & Narcissus son prede cesseur. Duquel (puis qu'il viét à propos d'en parler) lon raconte plusieurs choses dignes de memoire, que ceulx du lieu tesmoignent

encores à present. Mais nous raconterons vn seul de ses faictz, par lequel lon pourra iuger les autres, & adiouxter soy à ce que lon en dit. Il aduint vne sois la vigile de pasques qu'il estoit question de benistre les sons, & faire les autres sacremens, que onne trouua point d'huille pour mettre au luminaire, dont tout le peuple & le clergé su trop desplaisant & marry. Quoy voyant le bon Prelat par vne grande soy & considence, commanda aux ministres qui luy apportassent de l'eaue. & apres qu'ilz l'eurent ap portee, la benist: & commanda qu'on la mist dedans les lampes, ce qu'ilz sirent, dont il aduint chose trop merueilleuse, C'est que l'eaue pure se transsorma en liqueur grasse comme l'huille, telle ment qu'elle donnoit lumiere & clarté aux lampes & luminaires, encores plus grande que l'huille. Et pour plus grande approbation du miracle, plusieurs freres religieux de celuy téps qu'ile virent, reserverent aucune partie de celle eaue transsubstantice

en la ville dont lon en trouue encores à present, qui est pour faire tesmoignaige de sa grande & parfaicte foy, & de son merite. Mais pour sçauoir & cognoistre sa vertu, & la grandeur de son cueur aux œuures de la foy, lon recite vn autre de ses actes digne de memoire. Estant iceluy homme constant, iuste, & seuere, aucuns meschans hommes de petite condition & de mauuaise vie, qui craignas estre reprins & puniz de leurs mesfaictz, non sçaichant autre moyen pour euiter la punition, excogiterent pour eschapper vn remede damné & detestable, c'est de le scanda lizer enuers le peuple. Si luy mirent sus vn cas de crime bien infame, & enorme. Et pour le prouuer contre luy, produirent deuant le iuge des faulx tesmoings d'entre eulx. Lesquelz à fin que plus grade foy fust adioustee à leur faulx tesmoignaige, en iurat eulx dire verité, adiousterent aucunes execrations. A sçauoir l'vn que le feu le peust brusser sil ne disoit vray . L'autre, qu'il peust deuenir ladre. Et l'autre, qu'il peust perdre la veue. Et iaçoit ce que pour leurs sermens & execrations nul des gens de bien du peuple, & de ceul x qui viuoyent en craincte de Dieu ny adioustast foy, estans trestous bien informez de la saincte vie, & mesmes de la chasteté du bon Prelat, toutesfois luy qui ne peut endurer vne telle infamie, & que au surplus desiroit sur toutes choses la vie secrete & solitaire pour contempler & philosopher, se retira de la cité,& de la veue du peuple,& de l'eglise en aucuns lieux desertz & secretz par plusieurs annees. Mais l'œil de la diui ne prouidence ne se clouit pas à la longue. Ains contre les faulx tesmoings exercea la vengeance selon les execrations & imprecations qu'ilz auoyent faictes. Car le premier estant par vne petite scintille le feu alumé vne nuict en sa maison, fut si surprins que luy, ensemble toute sa mesgnie & sa maison furent totalement bruslez. L'autre deuint ladre depuis le teste iusques aux piedz,dont il mourut miserablement. Quoy voyant le tiers,& cognoissant la vengeance de Dieu, & creignant qu'elle ne vint sur luy, sut stimule de conscience (iaçoit que ce sust bien tard)& vint publiquement en l'assemblee du peuple declairer le cas, du quel il estoit si desplaisant, qu'il ne cessa iour ne nuict de plourer, iusques à ce qu'il perdit la veue. Cela fut la punition du faulx tes moignaige dessussais ce pendant que iceluy Alexandre auoit esté absent, les euesques des citez circouoisines, pensant qu'il estoit necessaire de pouruoir à la cité de Hierusalem de euesque, mistent en son lieu vn nommé Dinus. Lequel estant dedans

peu de temps decedé, y misrent vn autre nommé Germanius, & apres Germanius, misrent Gordius. Lequel tenant le siege d'eues que, soubdainement reuint ledict Narcissus de son exil voluntai re comme si Dieu l'eust renuoye, lors que lon ny pensoit plus. Si fut requis par les freres & Chrestiens de reprendre la cure & solicitude de l'euesché. Car ilz estoyent beaucop plus enclins à luy que à l'autre, tant pour ce que lon auoit congneu son innocence du crime, qui faulsement luy auoit esté imposé, come ausi pour ce qu'il auoit esleu la vie solitaire & contemplatiue plustost que venir à contention auec ces faulx accusateurs en laissant la vengeance à Dieu selon qu'il est comandé. Mais pourtant qu'il estoit desia si debilité de vieillesse, qu'il ne pouuoit plus bonement exercer le ministère & la charge d'euesque, par admonition & reuelation diuine, du consentement de tout le peuple, print pour son coadiuteur Alexandre, (dont nous auons parlé dessus) iaçoit qu'il fust euesque d'vn autre lieu par le moyen que ie vous diray: Iceluy Alexandre estant au pais de Capadoce euesque d'vne bonne cité, estoit venu par deuotion en Hierusalem pour visiter & adorer les sainctz lieux. Et si comme il sut illec arriué les habitans du lieu par instinct & voluté de Dieu, prindrent si grande amour en luy, voyant sa deuotion & saincte vie, qu'il ne le voulurent laisser partir de là. Ains par humbles requestes & religieuses admonitions le retindrét par quelque temps. Pourtant que Dieu par secretes visions & reuelations montra au bon euesque Narcissus & à plusieurs d'entre eulx qu'ilz le deussent retenir pour estre euesque en celuy sainct lieu, & à luy, qu'il y deust demourer. Et que plus faict à merueiller, le propre iour que iceluy Alexandre entra en la cité, (luy estant allé au deuant grande multitude des Chresties qui en auoyent esté aduertiz, iusques dehors la porte par honeur) fur ouye vne voix du ciel de telle substace: Re ceuez l'euesque q Dieu vous enuoye. Pour raison desquelles choses, les euesques des citez voisines cognoissans la voluté de Dieu, laquelle estoit par tat de moyens manifestee, le cotreignirent de demourer là. Et iceluymesme Alexadre en aucunes epistres qu'il escrit à Anthonin l'épereur (desquelles la copie est venue iusques à nostre téps) faict mention d'iceluy Narcissus son compaignon & collegue audict euesché par telz lagaiges. Narcissus vo° salue, lequel à eu chargé de ceste euesché auant moy, & maintenant estat en laagede exvj.ans, perseuere auec moy en oraisons. Et vous prie aussi (comme moy) que vueillez estre d'accord ensemble. Et c'est quant aux euesques de Hierusalem.

Des eucsques qui furent d'iceluy temps en Antioche.

Chapitre VII.

A vid

A I S en la cité d'Antioche, estant passé de la vie presente l'euesque Scrapion, Asclepiades fut subrogué en son lieu, qui fut vn sainct pre lat: duquel Alexandre (dont nous auons parlé cy dessus en vne epistre qu'il escrit à ceulx de la cité) faict mention en telle maniere: A lexandre serf de Iesuschrist & prisonnier pour

son nom, à l'eglise d'Antioche, Salut. Nostre Seigneur a reuelé ma prison, & a prolongé mes liens, pourtat que i'ay entendu que Asclepiades, qui est homme tresuertueux, a prins la charge de l'euesché de vostre cité. Et à la fin de ceste epistre, faict mention comment il a enuoyé par vn sainct prestre nommé Clement, di sant telles parolles: Ceste epistre ie vous enuoye par Clement prestre, qui est homme approuué & experimenté en toutes vertus: lequel yous cognoissez & cognoistrez encores plus: la presen ce duquel, a par la diuine prouidence donné grand accroissement & establissemet en nostre eglise. De celuy Serapion qui fut hom me moult sçauat, i'estime qu'il sont venuz plusieurs escritz entre les mains d'autre gents:mais aux nostres, ilz sont venuz tant seulemét aucunes lettres qu'il escrit à vn seigneur, lequel estat Chre stien, auoit abandonné nostre foy, & s'estoit remis à la loy Iudaique: & autres lettres qu'il escrit à Pontius & à Caritius. Et pa reillement un petit traicté, qu'il a faict de l'euangile qu'on attri bue à saince Pierre: auquel il reprouue aucunes choses faulses, quise trouuoyent audictieuangilei& se perforce les conuaincre, & retirer les freres qui estoyent à Rosse, à sin qu'ilz ne tombent par le moyen d'icelle en erreur d'heresie. Et m'a semblé bon inse rer icy aucunes choses, ainsi qu'il les dit en iceluy liure, pour don ner à cognoistre quelle opinion il auoit dudict euangile: si dit en vn lieu telles parolles: Certainement mes freres, nous receuons la doctrine de sainct Pierre & des apostres, comme celle de Iesuschrist: mais les choses qui faulsemet ont esté escrites soubz leurs noms, nous les reiettons & refusons, sçachans leur intention & creance estre au contraire: & que cela n'est point procedé d'eulx. Par ainsi estant auecques vous, ie cuidoye du comencement que fusiez tous bien instruictz en la foy : & sans auoir leu & discouru le liure de l'euangile que baillastes escrit & composé

foubz le nom de sainct Pierre, entendant qu'estiez en question & different sur la lecture d'iceluy: ie vous dis que s'il n'y auoit au tre controuersse entre vous que de cela, le deussiez lire. Mais à present entendant que ceulx qui taschoyent qu'il fust leu, le demandoyent pour sous le plus soit que ie pourray: car nous sçaus assez en quelle heresse sur le plus soit que ie pourray: car nous sçaus assez en quelle heresse sur martianus, lequel encores sut contraire à soymesmes, non entendant ce qu'il disoit, & vous le pourrez bien entendre par ce que vous escriuons, qui l'auons voulu enten dre par ceulx mesmes, qui auoyent iceluy euangile aprins de luy, & sels sa doctrine, de laquelle ilz se disoyét successeurs. Et neantmoins ont eschangé plusieurs choses au sens & à la lettre dudict euangile: car il est tout certain qu'il y a plusieurs passages esquelz ilz s'entent tresbien de nostre Sauueur, & en aucuns tresmal, lesquelz nous vous specisions. Ainsi escrit Serapion.

De Clement, & de ses liures, esquelz il fai & mention des liures anciens de nostre soy.

Chapitre VIII.

E celuy Clement prebître (dont nous auons cy deuant parlé) lon trouue plusieurs liures appartenans à nostre foy. Entre lesquelz sont venuz en noz mains ceulx quis 'ensuyuét. Pre mieremét aucuns qu'il mesmes intitule ainsi, les comentaires de Titus Flauius. Clement de la vraye philosophie en manière de Stro-

mates, qui est autant à dire en Grec, contenans plusieurs choses, & en diuers stiles. Il en ya autres huict que nous pouvons nommer, liures des informations, esquelz il faict mention de Pantherus, le nommant son maistre. Et en plusieurs des dictz hiures insere aucunes de ses doctrines. Vn autre aussi sen trou ue contre ceulx qui suyuent es escritures le sens Iudaique, qu'il escrit à Alexandre euesque de Hierusalem, duquel nous auss parlé. Et en celuy qu'il appelle des Stromates, il n'allegue pas à confirmation de la soy les liures de la saincte escriture tant seulemét, mais e ncores ceulx des anciens Grecz: car il luy sembloit estre vtile de pouvoir approuver nostre soy tant des escritures divines, que des humaines, & tant des sideles, que des insideles, & monstre qu'elles s'accordent en cela. Et par ce moyen reprouve plusieurs erreurs des heretiques,

retiques, & descrit historiquement plusieurs choses, & par effect. nous baille diuerses sortes de doctrine, dont raisonnablement ses dictz liures il a voulu estre appellez Stromates. Et si allegue en tesmoignage, non pas tant seulement les liures de la saincte escriture, qui sont approuuez, mais encores ceulx qui sont apocrifes: C'est à sçauoir du liure de Salomon, qui est appellé, la Sapien ce. Et de celuy de Sirac, qui est appellé Ecclesiastique: & pareillement les epiftres de sainct Barnabé, & de sainct Clement, & de Iude. Il faict au surplus mention de plusieurs anciens escriueurs, à sçauoir de Tatian, & de Cassian, qui ont escrit en forme de cro nique. Et aussi de Philon, d'Aristobolus, de Iosephus, de Demetrius, & d'Eupolemius escriueurs Iuifz, voulant prouuer entre au tres choses, que la nation des luifz est plus antique, que celle des Grecz, par les liures des vns des autres. Et entre autres choses, il nous donne à entendre en son premier liure qu'il fut tantost apres le temps des apostres. Et si faict mention de Meliton, & de Hirenee, desquelz il insere aucunes narrations en sessiez liures. Et en l'autre liure qu'il appelle, des informations, il explane quasi toute la saincte escriture. Et entre autres choses, parlant de l'epistre saince Paul aux Hebreux, dit: Que veritablement il la leur escriuit en langaige Hebraic. Mais depuis elle fut translatee par sainct Luc son disciple, en Grec. Dont il aduient qu'elle est, quant au stile, semblable au liure que ledict sainct Luc a faict des Actes des apostres. Et si réd la raison pourquoy iceluy sainct Paul n'y voulut poit inserer son nom, qui est, pource qu'il estoit moult hay des Hebreux: tellement qu'il leur estoit dessendu ne rece uoir, ne lire aucunes de ses escritures. Parquoy s'il eut au commencement mis son nom, comme il faisoit aux autres, elle eut esté d'arriuce repudiee. Et apres encores plus bas, allegue vne au tre raison: C'est que si comme sainct Pierre auoit esté enuoyé aux Hebreux, luy au oit esté enuoyé aux Payes & Gentilz. A ceste cause, pour humilité ne se vouloit nomer apostre des Hebreux, ou encores-pour reuerence du Sauueur, lequel auoit dit qu'il estoit enuoyé pour recouurir les ouailles de la maison d'Israel, qui estoyent perdues. Il declaire au surplus l'ordre des euangiles, selon qu'il auoit entédu des plus anciens que luy. Et dit que ceulx qui parlent de la generation de nostre seigneur Iesuschrist, à sça uoir, sainct Matthieu & sainct Marc, furent les premiers. Et dit que la cause pour laquelle ledict sainct Marc sit son euangile, sut telle: Estant sainct Pierre à Rome, & ayant presché l'euangile,

selon qu'il avoit eu de nostre Sauveur, moyennant laide du sainct esprit. Ceulx qui l'auoyent ouy, prierent sainct Marc, pourtant qui l'auoit longuement suyuy, qui leur voulsist rediger par escrit ce que ledict sainct Pierre leur auoit presché, ce qu'il sit : sans toutesfois en riens dire audict sainct Pierre. Mais quand il le vit depuis, le trouua bon & l'approuua. Il dit au surplus, que sain& Iehan voyant que les autres trois qui auoyent escrit les euangiles, auoyent plus faict mention des choses qui sont selon la chair, que de celles qui sont selon l'esprit, à la requeste de ses disciples, voulut escrire aussi les choses appartenans à l'esprit: Ce qu'il fit, comme estant remply du sainct esprit. Ces choses dit Clement, dont nous parlons, duquel faict mention Alexandre, euesque de Hierusalem, dont nous auons cy deuant parlé. Aussi faict il de Panthenus, comme d'homme qu'il auoit cogneu en vne epistre qu'il escrit à Origene, parlant en telle maniere: Ce a esté la volunté de Dieu (comme tu sçais) que i'ay gardé inuiolablement l'amitié que i'ay eu auecques noz peres, & l'ay augmenté de plus ardent, & de meilleur couraige. l'entens noz peres les sainctz do cteurs qui sont allez à Dieu deuant nous, lesquelz nous suyurons, principallement Panthenus & Clement mes bons seigneurs & maistres: & au surplus hommes sainctz & parfaictz, qui m'ont instruit & enseigné en plusieurs choses. Et oultre ceulx la, plusieurs autres telz, & par le moyen desquelz i'ay eu cognoissance de toy, que ie repute homme venerable en toutes choses, & mon bon seigneur & frere. Ainsi parle ledict Clement.

Comment Origene fut à Rome, & comment estant retourné en Alexandrie, il print Heraclas pour son coadinteur.

Chapitre 1x.

T pour reuenir à la narration de la vie d'Origene, (lequel estoit aussi nommé Adamantin)

du temps que nous auons parlétenant le siege de l'eglise Romaine Zephirin, vint volunté audict Origene, d'aller voir la tresancienne e-

glise de Rome, ou il ne demoura pas long téps. Ains apres qu'il eut rendu son veu, s'en retourna en Alexandrie, auquel lieu tint son estude, & toute son entente à continuer son office de doctri-

ne & de predication, par enhortement de l'euesque Demetrius. Lequel aussi de son costé se voulut bien acquiter, de sorte que les freres ne se peussent plaindre d'auoir fauste de bone doctrine. Mais en ce faisant, voyant Origene qu'il ne pouuoit supplier & fournir à tout, à sçauoir, traicter & enseigner les questions & ma tieres profondes & difficiles, declairer & explaner les sainctes es critures, & instruire ceulx qui tous les iours se venoyent nouuel. lement reduire à la foy: par lesquelles choses, il estoit tous les iours continuellement si occupé, qu'il n'auoit pas vne seule heure de respit. Ains des qu'il auoit faict à l'vn, estoit appellé de l'autre: tellement que des la pointe du jour, jusques à la nuict obscure, son auditoire estoit frequente de gens. Les vns qui venoyent quand les autres partoyent, & les autres qui n'en bougeoyent, tant estoyent attraictz & retenuz pour la doulceur de la parolle de Dieu qu'iceluy Origene leur administroit, luy sembla necessaire de despartir sa charge. Si donna la commission d'instruire & enseigner les plus rudes, & les nouueaux en la foy, à vn de ses disciples qu'il cognoissoit bien sçauant & bien fondé en la sain cte doctrine,& en toute science de philosophie,& eloquence. Et au surplus, homme experimenté en toutes bonnes œuures & ver tueuses, nommé Heraclas. Et il retint la charge de ceulx qui estoyent desia presque parfaictz, & totallement fondez en la foy, & par ce moyen fit ledict Heraclas son compaignon & coadiuteur en son office.

De la grande diligence que print & vsa Origene pour entendre & interpreter les saincles escritures, & de l'heresie des Ebioniens.

Chapitre x.



NTRE les autres diligences qu'Origene fit pour mieulx entendre la saincte esciture; il aprint la langue Hebraique, pour sçauoir à la verité quel est le sens de la lettre en celuy langaige. Et si l'interpretation que les septante interpreteurs ont faict, est differente des autres que lon trouue à present, à sçauoir de

Aquila, de Simmacus, & de Theodotion, & aucunes autres qui ne sont pas communes. Mais les trouue lon en lieux secretz, ou

n'est point escrit le nom de l'interprete & translateur. Et fut le premier qui trouua la façon d'escrire le texte de la lettre en vn baston, ou vne columne de papier, & apres en diuers bastons ou columnes les interpretations & translations d'vn chaseun qu'il trouuoit, mettant premierement le texte en lettre Hebraique. Secondement, le mettant de mot en mot, de l'autre cousté en lan gue Grecque. Tiercemét, l'interpretation d'Aquila. Quartemét, celle de Symmacus. Quintement, celle des septante interpretes. Et sextement, celle de Theodotion. Pour raison dequoy, il nom ma ces liures ainsi composez, six ordres. Et en l'interpretation du Pfaultier, il adiouxta aucunes des autres traflations qui n'auoyét point de nom, qu'il nomma, la septiesme edition. Entre lesquelz interpretes, il trouua que Simmacus fut de l'heresie des Ebionies, qui dient que Iesuschrist sut pur homme, né de Marie & de Iofeph, de laquelle auons faict mention dessus. Et se parforçoit de prouder sadicte Heresie par aucuns passages qu'il trouuoit en l'e uangile de saince Matthieu. Et trouua iceluy Origene vn liure d'vn nommé Iulian, qui faisoit mention commét il auoit eu lesdictz liures heretiques, de Simmacus mesmes.

De l'excellence du scauoir, & de la dostrine d'Origene, & de sa continuelle exercitation en la foy Chrestienne, & du fruist qu'il fit en l'eglise.

I polone,

Chapitre x1.



N autre nommé Ambroise, homme assez renommé, tant de maison que de sçauoir, qui estoit contaminé de l'heresse des Valentiniés, fut par la doctrine & disputation d'Origene, conuerty & vaincu, tellement qu'il reuint à la lumiere de la vraye soy. Et plusieurs autres gés de grand sçauoir, entendans la prosonde scien

ce & doctrine d'iceluy Origene, venoyent souuent deuers luy, les aucuns pour monstrer leur sçauoir & pour disputer: les antres qui auoyent meilleur zele, pour entendre & ensuyuir sa doctrine. Et si en venoit vn nombre infiny à luy de ceulx qui estoyent sectateurs & disciples des heretiques. Lesquelz après qu'ilz se veoyent confus par les viues raisons d'iceluy Origene, faisoyent penitence de leur erreur, & se retournoyent à la vraye soy. Et

mesmes les grans philosophes, & ceulx qui estoyent les plus estimez, confessoyent & recognoissoyent iceluy Origene estre le non pareil, tant en leur science, qu'en la nostre. Car aussi tenoit il certain que les ieunes escoliers qu'on luy bailloit pour instruire & endoctriner, si les veoit aguz & ingenieux, il leur enseignoit auec la foy les sciences des artz liberaux, esquelles les philosophes l'exercitent du commencement'. Comme l'arithmetique, la geometrie, & la dialectique : esquelles il escrit si parsond, que quand il estoit question d'en parler & disputer, tous ceulx qui en faisoyent profession, estoyent tous admiratifz de l'en ouir deuiser, & le reputoyent come l'vn des anciens maistres & autheurs d'icelles sciences. Esquelles il enhortoit plusieurs des nostres qui en estoyent ignorans, disant que cela seruoit grandement à nostre foy, d'estre sçauans & bien fondez aux artz liberaux, & en phi losophie. Et que nostre foy estoit la vraye philosophie, laquelle contenoit en soy partie de celles des Grecz, qui n'estoit pas la vraye. Et par ainsi que lon ne deuoit pas laisser les parties qu'elle auoit en icelles, pourtant que sa faulseté & mensonge les eut preoccupees. Et pour verification de sa doctrine esdictes sciences, lon en trouue plusieurs tesmoings,des philosophes mesmes. Des quelz les vns en composant leurs liures & traictez, les addressoyent à luy, les autres les soubmettoyent à sa correction. Et mes mes celuy grad philosophe Porphirius de Sicile, qui escriuit con tre nostre foy, plusieurs liures, ayant discouru ceulx d'iceluy Origene, & ne trouuant en iceulx aucune chose qu'il peut reprendre,se tourna aux iniures, & luy obiice pour crime des choses que nous reputons à grande vertu, & dignes de grande louenge. Desquelles toutesfois il dit en partie verité, & en partie ment, selon sa coustume: & en aucun lieu le loue hault, comme excellent philosophe, en autre le desprise comme Chrestien. Si est expedient d'entendre la sorte dequoy il en parle en aucun passaige. Iceulx Chrestiens (dit il) adherent aux escritures des Hebreux, & non trouuant en icelles aucune certaine intelligence, ne aucun fens conuenable, controuuent aucunes interpretations & narrations incongrues & dissonantes. Lesquelles sont plustost choses controuuces pour amuser & delecter ceulx qui les lisent, que declarations d'icelles escritures, qui sont du tout obscures & confuses. Et disent que les choses que Moise a escrites en stile rude & rustique, luy ont esté reuelces de Dicu par figures & termes obscurs, contenans grans misteres. Et comme gens ambicieux & en

flez de gloire, pour monstrer la force de leur entendement, en delaissant la raison de la science humaine, reputent icelles choses contenir sacrement, que celuy paisant rude, & ignorant, ne sçait luymesmes expliquer & declairer. Et tantost apres dit telles parolles: Et le commencement de ceste interpretation incognue & malsonnante a esté vn que l'ay cogneu estant encores bien ieune, qui estoit plein de tout sçauoir, ainsi qu'il peut apparoir par ses escriz: C'est à sçauoir, Origene, lequel est le plus renommé en tre tous les docteurs: aussi fut il disciple d'Ammonius, qui fut le plus excellent philosophe de celuy temps. Et quand à la doctrine, certainement iceluy Origene ensuyuit tellement ledict Ammonius, qu'il semble que la science du maistre soit totallement transplantee au disciple. Mais quat à la vie, & à la secte, il fut du tout cotraire à luy. Car Ammonius, iaçoit qu'il fut né de pere & de mere Chresties, & luy mesmes l'eut esté, toutes fois apres qu'il vint en aage de cognoistre la verité, & qu'il fut entré en la porte de philosophie, incontinent se remit au chemin de bien viure. Mais Origene fit tout le contraire:car estant né de pere & de me re Payens, & instruict es sciences des Gétilz, à sçauoir, des Grecz, se conuertit à la creance & religion des Barbares. Enquoy faisant, il corrompit & gasta tout celuy engin excellent qu'il auoit illuminé des sciences de philosophie. Car ensuyuant la vie supersticieuse des Chestiens, il occupa tout son entendement, & tout le sçauoir qu'il auoit acquis des sciences de philosophie à ses narrations ineptes & fabuleuses. Et certainement il auoit comprins tous les secretz de Platon, & si auoit leu & bien entendu les liures de Numenius, de Chronius, d'Appollophanes, de Moderatus, & de Longinus. Et oultre ce, en la secte des Pithagoriques, auoit recerché & perscruté les commens de tous les plus excellens qui y ont escrit. Et pareillement auoit estudié les volumes de Chere mon & de Cornutus, qui furent grans Stoiques. Au moyen de quoy, il à appliqué tous les secretz de la philosophie à celle secte Barbare, & aux superstitions Indaiques. Ces choses dit Porphirius en son troissesme liure qu'il a escrit contre les Chrestiens, desquelles il dit en partie verité, & en partie mensonge. Car tant que touche l'excellence de l'engin & de la doctrine d'iceluy Ori gene, il n'en ment de mot. Mais en ce qu'il dit que de Payen, il de uint Chrestien: & que Ammonius sit le contraire, il dit contre verité. Pourtant qu'iceluy Origene fut Chrestien, non pas de pere & de mere (dont nous auons parlé dessus) tant seulement, mais

de grand pere, d'ayeul & de bisayeul. Et Ammonius pareillement perseuera en la foy Chrestienne iusques à la mort inclusiuement, ainsi que ses liures nous tesmoignent, lesquelz nous lisons tous les jours. Et entre autres, celuy qu'il a escrit de la conso nance de Moise à Iesus, & plusieurs autres de ses œuures se trouuent consonans à nostre foy, que les studieux & diligens ont recouuertz. Toutes lesquelles choses nous auons dit pour monstrer par tesmoignaige de noz ennemiz, l'excellence de l'engin & du sçauoir d'iceluy Origene. Lequel en respondant à aucuns ses de tracteurs en quelque son traicté, dit telles parolles: Mais apres que ie me fuz conuerty à l'estude, & à la science du verbe de Dieu, & que ma renommee fut aucunement respandue, estans aucuns philosophes venuz à moy pour me arguer, ou pour disputer & contendre contre moy, & pareillement plusieurs des heretiques pour me confuter & confondre, il me sembla estre necessaire de lire les liures des philosophes & des heretiques, & de les perscruter & ruminer diligemment, à fin que en disputant, les aduersaires ne me peussent surprendre, si ie ne les auoye veuz, & que ie fus se mieulx informé pour les confondre. Et ce i'ay faict en ensuyuant mon bon maistre & precepteur Pantheon le vray philosophe, lequel fut excellent en la doctrine des Grecz, & en philosophie. Et pareillement Heracle, celuy qui honore de present l'eglise d'Alexandrie en l'ordre de prestrise,& en excellence de do-Etrine. Lequel ie trouuay à l'escole du maistre des philosophes, ou il auoit estudié plusieurs annees auant que ie y vinsisse. Et lequel pour euiter toute espece de detraction, laisse son habit commun qu'il auoit porté au parauant, & print l'habit philosophal, lequel il a porté iusques à present, & ne cesse de lire les liures des anciens philosophes. Ces choses dit Origene de soimesmes, en respondant à aucuns ses detracteurs. Lon trouue aussi de luy, que du temps qu'il lisoit & preschoit en Alexandrie, vint vn souldart qui luy porta des lettres de l'euesque Demetrius, par lesquelles le prioit qu'il s'en allast à toute diligence deuers le presect de Egypte & le Duc d'Arabie qui auoyent escrit pour prier audict euesque à grande instance qui luy enuoyast iceluy Origene, pour les informer de la foy Chrestienne, qu'il preschoit continuellement ainsi que lon disoit communeement. Lesquelles lettres receues, Origene s'en alla incontinent deuers eulx, & les informa tellement de la foy, qui les conuertit. Apres estant retourné en Alexandrie, se leua vne grande mutine-

rie & dissention ciuile en la cité, à l'occasion de laquelle, plusieurs des citoyés f'en allerent les vns deça, les autres dela, & il f'en alla en Palestine. & feit sa demourance en la cité de Cesaree. estant au quel lieu, luy fut par les Euesques commis l'office de disputer en l'eglise, & de interpreter & declairer les sainctes escritures auant toutesfois qu'il fut encores prestre, par ce que nous auons trouvé par vne epistre de Demetrius qu'il escriuoit long temps apres à Alexandre:par laquelle il reprenoit ce faict, disant en telle manie re: Et au regard de ce que tu dis qu'il ne fut iamais veu ne enten du que les laiz & seculiers disputassent de la foy en la presence des euesques, ie ne sçay qui te meut d'affermer vne mensonge si eui dente. Car toutes les fois que lon trouve quelque personnaige qui soit suffisant & apte pour consoler & instruire les peuples, les éuesques ont accoustume de le prier qu'il le vueille faire, ainsi que feit nostre frere l'euesque Neon à Euelpius, en la cité de Larade: & l'euesque Celsus à Paulin, en la cité de Iconie: & l'euesque Atticus à Theodore, en la cité de Sinnade. Et n'y a point de doute que les autres euesques ne facent le semblable en leur diocese quand ilz rencontrent quelcun qui soit homme pour proffiter au peuple: toutes fois cecy des lettres que nous parlons, fur quelque temps apres ce dont nous auons parlé, que Origene alla à Celaree. Car à celle fois (dont nous auons faict cy dessus mention) Demetrius enuoya par aucuns de ses diacres des lettres audit Origene par lesquelles le prioit tresinstamment qu'il vousist retour ner en Alexandrie pour continuer en son office de doctrine & de predication.

Des euesques qui estoyent en celuy temps, & aussi des empereurs, & comme Origene sut appelle par Mammee mere de l'empereur Alexandre.

Chapitre XII.



N celle mesmes saison y auoit par les eglises plusieurs euesques grans & notables personnaiges en doctriné, desquelz nous auons trou ué les epistres quilz s'escriuoyent les vns aux autres en la librarie de Hierusalem. Laquelle auoit faict faire l'euesque Alexandre (dont nous auos parlé dessus) & de laquelle pour di-

re verité, nous auons prins & retiré toute la substace de ceste pre sente histoire. Et entre les autres, le principal de ceulx dont nous trouuons les escritz en eloquence, estoit Berillus, qui fut euesque de Bostre, en la region maritaine d'Arabie: lequel escriuit & com posa plusieurs petites œuures. Et semblablement l'eucsque Hypolite. Nous auons aussi trouué en ladicte librarie vne disputation qui fur faicte par vn euesque nommé Gayus, contre vn de la secte des Catafriges, nomé Proculus, en la cité de Rome, present l'euesque Zephyrin, lequel Proculus estant argué par ledict Gayus qui alleguoit des sainctes escritures que lon ne trouuoit point, luy dit qu'il auoit trouué quinze epistres desainct Paul, sans celle qui est escrite aux Hebreux, de laquelle est doute entre les Latins, si elle est sienne (comme nous auons dit dessus) Et pour reuenir à l'histoire estant en ses entrefaictes mort l'empereur An thonin, apres qu'il eut regné sept ans luy succeda Macrin, qui ne tint l'empire fors vn an. Et succeda vn autre Anthonin en la premiere annee duquelmourut Zephyrin qui auoit tenu l'euesché de Rome dixhuict ans, & fut esseu en son lieu Calistus: lequel tint le sainct siege cinq ans, & depuis luy succeda Vrbain. Ét pareillemét en l'empire, apres que ledict Anthonin l'eut tenu quatre ans, mourut: & l'obtint Alexandre. Et de celuy temps estant mort Asclepiade en Anthioche luy succeda Philetus. Or estoit la mere de l'empereur nommee Mammee Chrestienne,& deuote femme, laquelle entendant la renommee de Origene, de sa doctrine & bonne vie, eut moult grant desir de le veoir, & d'entendre & d'aprendre de luy ces choses apartenans à la foy, pourtant que lon disoit merueilles tant de sa doctrine que de sa foy, & aussi de son eloquence. Si enuoya aucuns nobles hommes deuers luy en Antioche ou il estoit, le priant & supliant en toute reuerence qu'il voulsist venir deuers elle, & luy signifiant le desir qu'elle auoît de le veoir & ouir sa doctrine, comme du vray amy de Dieu, & qui auoit la parfaicte intelligence de sa saincte loy, ce qu'il fit incontinent. Et apres qu'il eut illec demouré le temps qui luy sembla estre requis, & accomply l'œuure qu'il entendoit illec faire en l'edification de la foy, & qui luy fust aduis auoir as-fez bien estably ce qu'il auoit edifié, s'en retourna à son office de maistre d'escole en Alexandrie en delaissant toutesfois là dot il partoit, beaucop plus grande renommee de luy qu'il n'auoit auant qu'il y vint.

Des liures de Hippolite. & comment Origene commenca à commenter su la saincte escriture.

Chapitre x111.



Yppolite (duquel nous auons tantost parlé) fit & composa plusieurs liures & traictez, entre lesquelz nous auons veu celuy qu'il fit de la calculation de la feste de pasques pour seize ans, finissant au premier an de l'empire de Alexandre. Vn autre sur l'Exameron, vn autre sur les cantiques, Vn sur Ezechiel, & vn

contre tous les heretiques. En celuy mesmes téps Origene commença premierement à commenter & escrire sus la saincte escriture, & à la grande instace de l'euesque Ambroise, lequel pour le grand desir qu'il auoit de veoir de ses commentaires luy fournissoit tout ce qui luy estoit necessaire, & entre autres choses de sept escriuains qui ne cessoyent presques iamais d'escrire soubz luy chacun à son tour, car il leur dictoit quasi continuellement, & si auoit oultre ceulx la, autres gens qui escriuoyent soubz luy, & mesmes des ieunes pucelles qu'il auoit aprinses en pareil nom bre, en telle maniere iceluy Ambroise luy fornissant abondamét tout ce que luy faisoit besoing, le contreingnoit par vne force & contraincte religieuse & saincte à dicter & composer incessamment. Pour raison dequoy il se faisoit digne, & meritoit de impetrer celuy bien du bon docteur Origene, & d'entédre tous les secretz de la saincte escriture.

Comment Origene fut faich prestre, & comment il parle du vicil & nouueau testament.

Chapitre XIIII.



N ces entrefaictes, mourut Vrbain euesque de Rome ayant tenu le siege huict ans, & luy succeda Pócian: & en Antioche à Philetus luy succeda Zebenus, du temps duquel fut Origene requis par les euesques & prestres qui estoyét au tour d'Antioche, que il voulsist venir iusques la, pour conuaincre

les heretiques qui estoyent en celuy quartier. Allant auquel lieu. & passant par le pais de Palestine, sur par les euesques de celuy

pais ordonné prestre, dont se leua vne merueilleuse enuie contre luy. Et pour la deffendre à l'encontre des envieux furent par lesdicts euclques faictes plusieurs choses,& mesmes contre ceulx qui mesdisoyent de sa doctrine par enuie, dont lon porroit faire gras volumes:mais nous en auons assez amplement parlé au second li ure de nostre appologie, ou lon en po urra veoir qui vouldra bien au long, car il ne sert de riens à la narration de la presente histoire. Mais deuant tout ce temps iceluy Origene labouroit incesfamment en l'explanation & interpretation des fainctes escritures, tant en la cité d'Alexandrie, que en celle de Cesaree : ainsi que l'on peult veoir par ses commentaires. Et en l'exposition du premier pseaume, il declaire tout le canon du vieil testament, disant en ceste maniere: Il ne faict à douter que au cano du vieil testament ny aye vingtdeux liures, ainsi que les Iuifz les nous baillent selon le nombre des lettres qu'ilz ont. C'est à sçauoir le liure de Genese, celuy de Exode, le Leuitique, celuy des Nombres, ce luy de Deuteronome, celuy de Iesunaue, celuy des Iuges, le premier & le second liure des Rois, qu'ilz intitulet tout par vn nom, Samuel: & pareillement le tiers & quatriesme, ne sont que vn à eulx, qu'ilz nomment le Regne de Dauid: & aussi les deux liures que nous appellos Paralipomenon, ilz intitulent soubz vn seul, les sermons des iours. Semblablement les deux liures de Esdras, ilz mettent en vn. Apres vient le liure des Pseaumes. Et consequam ment les trois liures de Salomon, à sçauoir celuy des Prouerbes, l'Ecclesiastiq, & celuy des Catiques. Apres viet le liure des douze Prophetes qu'ilz mettet tous en vn. Apres celuy d'Esaie, celuy de Hieremie, celuy d'Ezechiel, celuy de Daniel, celuy de Iob, celuy d'Hester. Ce sont en effect les liures que les Iuifz nobrent au Ca non des liures diuins. Et au regard des liures des Machabees, ilz les mettent à part. Ainssi parle Origene des liures de l'ancien testamét. Au regard de ceulx du nouueau il en parle au premier liure du comment qu'il a faict sus l'euangile de sainct Matthieu, en telle maniere par la tradition des anciens. Icy aprins que quat les euangiles sans plus doyuent estre receu par toute l'eglise vniuerselle sans difficulté quelconque. Car ainsi nous ont tesmoigné & commandé noz peres & Ancestres en la foy, disans que le premier fut celuy que escriuit sainct Matthieu celuy qui auoit esté auant sa conuersion publique : C'est à dire, Dacier, ou Banquier, & l'escriuit aux Hebreux en leur langaige. Le second fut escrit par sainct Marc, selon ce qu'il auoit ouy pres

cher à sainct Pierre: lequel en faict mention en son epistre canonique, quandil dit: Mon filz Marc vous salue. Le tiers fut celuy que escriuit sainct Luc, dont sainct Paul faict mention: & le loue pour autant qu'il a escrit pour les Payens conuertiz en la foy. Mais sur tous les autres est celuy de sainct Iehan. Au regard des epistres des apostres, ledict Origene en parle en telle maniere: Mais celuy qui se dit auoir esté faict ministre suffisant du nouueau testament, non par lettre: mais par esprit. I'entends de sainct Paul, qui publia l'euangile depuis Hierusalem, iusques en Illyrie, qui est auiourdhuy en partie appellee Sclauonie, n'escriuit pas ses epistres à toutes les eglises qu'il auoit conuerties: mais seulement à quatorze: entre lesquelles en ya aucunes bien briefues. Combien qu'aucuns font doute de celle qui est escrite aux Hebreux: pourtant qu'il ne garde pas au stille d'icelle ce qu'il tesmoigne de soymesme en autre lieu, disant qu'il n'est pas sçauant en parler & en eloquence: mais ie tiens pour tout certain (ainsi que i'ay apprins de mes maistres) qu'elle est d'iceluy sainct Paul. Car tous ses anciens l'ont ainsi intitulee, & receue pour telle. Et si tu me demande par qui son parler a esté ainsi poly & composé? le te respons que Dieu le scet:mais l'opinion des gens est diuerse. Car les vns disent que Clement, qui fut disciple des apostres, estant euesque de Rome, la translata en language Grec, en stile assez elegant: sans l'arrester à la simple traduction : mais prenant le sens des sentences. Les autres disent que ce fut sain & Luc, celuy qui a escrit l'euangile & les Actes des apostres. Outre ceulx la, sainct Pierre, sur lequel Iesuscrist fonda son eglise, en escriuit deux, desquelles encores aucuns ont douté: de la seconde de sainct Iehan, aussi, qui reposa sur la poictrine de nostre Seigneur. Apres qu'il eur escrit son euangile, escriuit l'Apocalipse: en laquelle toutesfois luy fur dessendu de declairer que signifioit les voix des sept tonnerres: & encores apres escriuit trois epistres, dont les deux sont moult briefues. Et cobien qu'aucuns les veulent mettre en doute. Ainsi parle Origene des liures du nonueau & vieil testament.

Des euesques diceluy temps, qui suyuoient la do Etrine d'Origene.

Chapitre XV.

E fut la dixiesme annee de l'empereur Alexandre qu'Origene s'en fouit d'Alexandrie pour la sedition populaire, & s'en vint en la cité de Cesaree,

laissant son escole & son auditoire à vn de ses principaux disciples nommé Heraclas, dont nous auons parlé dessus. Et tantost apres Demetrius euesque d'Alexandrie, ayant tenu le siege quarantetrois ans, rédit l'ame à Dieu: & luy succeda ledict Heraclas, estat lors euesque de Cesaree vn Capadocien nommé Firmilian: lequel auoit Origene en grand amour & reuerence, à cause de sa doctrine, qu'i le contreignoit presque tousiours estre auec luy: & quand il ne le pouoit faire venir en sa maison, se partoit de son eglise & l'alloit trouuer en son logis: & par essect estoyent continuellement en celle vicissitude que ledict euesque le faisoit venir en son eglise pour instruire son peuple, ou il alloit deuers luy: & ne bougeoit iour & nuict de sa compagnie, pour apprendre de luy. Et le semblable faisoyent Alexandre euesque de Hierusalem (dont nous auons parlé dessus) & Theotistus, qui gouuernoit l'eglise de Cesaree:lesquelz quant à la doctrine ecclesiastique tenoyent iceluy Origene pour leur souuerain maistre.

De la persecution de l'empereur Maximin, & de l'election de Fabian euesque de Rome.

Chapitre xv1.

PRES que l'empereur Alexandre eutregné quatorze ans, luy succeda Maximin lequel ayant haine mortelle contre la maison d'iceluy Alexandre son predecesseur, esmeut vne nouuelle persecution contre les eglises non pas generalement contre tous les Chrestiens: mais contre les prelatz & les docteurs. Lesquelz

(comme il disoit) estoyent occasion d'entretenir celle secte: duquel temps Origene escriuit à Ambroise, le liure du martire: lequel estant venu entre les mains de plusieurs, estoyent par iceluy si confermez en la soy, qu'il s'alloyent offrir au martire. Et par ce moyen, par l'espace de trois ans, que dura telle persecution, y eut vn nobre merueilleux de martirs. Mais au bout de trois ans, elle print sin, ensemble la vie dudict Empereur: & luy succeda Gordian. Et à Pontian cuesque de Rome succeda Antherus: lequel ayant à peine tenu le siege vn mois, mourut: & luy succeda Fabian, par vne facon miraculeuse, qui fut telle (ainsi que lon dit) Estant tout le peuple Chrestien de Rome ensemble en l'eglise, apres la mort d'Antherus pour faire election: ainsi qu'ilz crioyét

& nommoyent diuers personnaiges, comme lon saict communement en tel cas: aduint que Fabian venant des champs auec sa famile, se vint sourrer en l'assemblee auec les autres, pour veoir lissue de celle assemblee: & lors une columbe se vint asseoir sur sa teste, en la forme que lon la paint descendant sur nostre seigneur Iesuschrist, quad il sut baptisé au sleuue lordain: dot le peuple voyat le miracle, s'accorda: & d'une voix esseut ledict Fabian: comme par inspiration diuine, & incontinent l'instalerent en la chaire cathedrale de sainct Pierre: lequel miracle aucuns disent qu'il aduint en l'election dudict Fabian: les autres disent que ce sur à Zephyrin. En celuy temps mesmes en la cité d'Antioche, estant decedé Zebennus, luy succeda Babilas.

Des Disciples d' Origene.

Chapitre XVII.

E

N Alexandrie estant Heracle esseu euesque en lieu de Demetrius:iceluy Demetrius remit l'est cole & la maistrise qu'il auoit eu d'Origene, à Dionysius: pource qu'il auoit pareillement esté des disciples dudict Origene: lequel du

temps qu'il se tint en Cesaree, eut merueilleuse affluence d'auditeurs & de disciples:pourtant qu'ilz venoyent illec de tous quar tiers, & des prouinces loingtaines: & laissoyent leurs parens pour venir ouir sa doctrine: & aussi pour la suyure: entre lesquelz fut moult renomé Theodorus, qui a esté presques de nostre temps, de grande renommee entre les euesques du pais de Pont, homme tout apostolique, tant de foy que de science, & aussi de vertus:lequel on nomme à present Gregoire. Et pareillement Anthenodorus son frere: lesquelz estas tous deux à l'escole d'iceluy Origene en leur ieune aage, pour apprendre l'art de rethorique, furent par luy retirez à la philosophie diuine: en laquelle ilz pro fiterent si grandemét en cinq ans, qu'ilz y furet tant en excellence de scauoir, que de bonnes meurs, & de sainctete de vie, qu'ilz furet par les prestres du pais de Pont, retirez d'ilec: & contraincts accepter la charge d'euesques, combien qu'ilz fussent encores moult ieunes.

De Affrican & de ses escritz, & aussi de ceulx d'Origene. Chapitre XVIII.

E

N celuy mesmes temps sur Affrican, qui escriuit noblement en la saincte escriture. Et entre autres lon trouue vne epistre, qu'il escriuit à Origene, par laquelle il argue que l'histoire de Susanne, qui est inseree en Daniel, est chose

controuuee: pourtant qu'es volumes des Hebreux on ne la trouue point. A quoy Origene luy respond treselegamment & magnifiquement, que lon ne doit l'arrester aux inventions & menteries des Iuifz de celuy temps: mais adiouster pleine foy, quant à la saincte escriture, à ce que les septante interpreteurs & translateurs ont escrit & translaté: pourtant que cela sans autre, a esté approuué par authorité apostolique. Iceluy Affrican a pareillement escrit tresdiligemment vne chronique, laquelle est venue entre noz mains. Et entre autres choses dit en quelque passaige dicelle: qu'il estoit deliberé d'aller en Alexandrie pour la grande renommee qui estoit d'Heracle euesque d'icelle cité, de science & doctrine, tant en philosophie & en toutes les sciéces des Grecz, comme aussi en la philosophie diuine. Il escrit aussi à vn nommé Aristide, de la dissonance qui semble estre de prime face entre les euangelistes, & mesmement entre sainct Luc & sainct Matthieu, touchant la genealogie de nostre seigneur Iesuschrist: & monstre euidamment qu'ilz l'accordent tresbien ensemble: ainsi que nous auons declairé au premier liure de ceste histoire. En celuy temps aussi Origene publia le comment qu'il auoit faict fur vne autre partie d'Ésaye prophete, contenant trente liures: & celuy qu'il auoit faict sur Ezechiel, contenant vingteinq: lesquelz il atteste auoir acheuez lors qu'il s'en alla à Athenes. Estant auquel lieu, il composa les cinq premiers liures qu'il a faictz sur les Cantiques: & les autres cinq acheua apres son retour, en Cesaree. Mais nous n'auons pas entreprins de nombrer icy tous les liures qu'il a composé, lesquelz sont innumerables. Car nous l'auons faict en escriuant la vie de sainct Pamphile, faisant mention de la diligence que iceluy Pamphile auoit faict d'assembler des liures anciens, & mesmes de comments de Origene, en sa librairie de Cesaree. Et si quelcun est curieux de sçauoir le nombre desdictz œuures de Origene (qui sont venues à nostre cogno: sance) le pourra trouuer là. Et à present retournerons à la narration de nostre histoire.

Comment Origene confondit & confuta l'heresie de Berillus, & feit plusieurs autres telz actes pour la deffense de la foy Chrestienne.

Chapitre xIX.

O N trouue encores d'Origene, que estans Berillus (dont nous auons parlé dessus) euesque de Bostre, au pais d'Arabie, il voulut cor rompre la vraye doctrine apostolique, & semer certaines nouuelles erreurs, disant que nostre sauueur n'auoit point esté auat la vier ge Marie, & qu'il n'auoit point de diuinité en

substance: Maistant seulement que Dieu habitoit en luy par gra ce paternelle, pour lesquelles nouvelles traditios les autres cuesques dudict pais furét souuent assemblez, & eurét plusieurs disputations cotre luy, & finablement fut prié Origene de venir à leur assemblee. Lequel du commencement en disputant tout doulce ment auec ledict Berillus tira de luy ce qu'il entédoit, & croyoit, touchant cela. Et apres qu'il eut entendu remonstra les inconueniens, & inexcusables erreurs qui s'en ensuyuroyent à tenir telle opinio, & apres l'éhorta de l'en departir & reuenir à la vraye foy, si viuement & par telle efficace, qu'il ne le reuoqua pas tant seulement de celle erreur: mais l'edifia & conferma en la foy grandement, laquelle chose n'aduyent pas souuent en tel cas. Et se trouue encores (comme lon dit) celle disputation entre Origene & Berillus redigee par escrit, par la lecture de laquelle ló peut co gnoistre la dignité & excellence de l'œuure. Plusieurs autres ses dicts & gestes de telle sorte dignes & magnifiques auos entendu, tant par les escritures que par rapport d'aucuns, lesquelz pour la briefueté de l'histoire nous laisserons à present. Et neatmoins qui seroit curieux d'en sçauoir plusauant, en pourra estre informé par l'apologie que Pamphilus & moy auons escrite de luy.

De l'empereur Philippe qui fut Chrestien. Chapitre xx.

Pres que l'empereur Gordian eut regnésix ans, luy succeda en l'empire Philippe, ensemble son filz nommé aussi Philippe, lequel (comme nous auons entendu) sur Chrestien. Et qui aux vigiles de pasques voulat entreuenir & estre present aux sacre-

A

facremens de l'eglise, & communiquer aux misteres, ne luy sut permis par l'euesque, du lieu, iusques à ce qu'il eut confess se pe chez, & apres se fut mis au nombre des penitens: & dauataige cela faict, luy sut par l'euesque dessendu, qu'il ne receut point le sacrement iusques à ce qu'il eut faict penitéce de plusieurs pechez qu'il auoit commis. A quoy luy, comme prince plein de soy, & ayant crainte de Dieu, acquiessa & accomplit ce qui luy auoit esté par l'euesque, enioinct.

De Dionysius euesque d'Alexandric, & de plusieurs traictez, & epistres d'Origene.

Chapitre XXI.

L

A troissesme annee de l'empire dudict Philippe mourut Heracle, euesque d'Alexandrie, qui l'auoit esté six ans, & en son lieu succeda Dionysius, laquelle annee, comme lon dit, Origene, qui dessa estoit sexagenaire, ayant prins grand

confiance de son sçauoir en la saincte escriture, en laquelle il auoit vacqué par longue exercitation & par grans labeurs, comen ça à permettre que ce qu'il disoit iournellement de viue voix en l'eglise fut par escriuains redigé en escrit, ce qu'il n'auoit iamais voulu permettre au parauant, sinon à gens qu'il eut cogneu personnaiges graues, saiges & experimentez. En celuy mesmes teps il composa vn traicté, contenant huict liures, pour respondre à vn philosophe Epicurien, nommé Celse, qui auoit escrit contre nostre foy. Et si publia lors le comment qu'il auoit faict sus l'euangile sainct Matthieu, contenant vingtcinq liures, & autres co ments qu'il auoit composé sus les douze prophetes, dont à nostre cognoissance n'en sont venu, fors vingteinq liures, ensemble aucunes epistres qu'il escriuit à l'empereur Philippe, & à Seueresa femme, qui ne contiennent aucune adulation. Et aucunes autres qu'il escriuit, tant à Fabian euesque de Rome, qu'à aucuns autres prelatz de l'eglise de la foy catholique qu'il tenoit, desquelles nous auons faict plus ample mention en l'apologie qu'auons co posee de luy auec sainct Pamphile, (dont nous auons parle dessus) & oultre lesdictes epistres, il en escriuit vn nombre infiny à diuerses gens, dont nous en auons recouuert iusques à cent,

lesquelles auons redigees en yn volume

diuisé par liures.

De l'erreur des Arabes, & comment Origene confuts aucunes autres heresses.

Chapitre XXII.



N celuy mesmes temps s'esleua vne nouuelle heresie au pais d'Arabie, d'aucuns qui voulurét maintenir que les ames mouroyet auecques les corps, mais au iour du iugemét elles resusciteroyent auecques iceulx corps: pour estaindre laquelle erreur estans les eues ques du pais assemblez, prierent Origene

qu'il f'y voulsit trouuer, & porter la parolle. Ce qu'il sit par si gran de vertu & efficace que tous ceulx qui eitoyent infectez d'icelle erreur (desqu'ilz eurent ouy)se conuertirent à la vraye creance. Et le semblable fit d'une autre heresse qui se leua d'iceluy temps des Helchesaites, de laquelle il faict mention quandil dispute du pseaulme octantedeuxiesme, disant en telle maniere: Il est ve nu (faict il) vn certain home ces iours passez, qui se donnoit d'en tendre sçauoir quelque grand' chose plus que les autres, lequel vouloit soustenir aucunes opinions damnees,& nephandes, & deffendre l'heresie des Helchesaites, qui nouvellement a esté mi se sus. Et vous diray quelle est leur erreur, à fin que nul de vous n'en soit abusé. Ces gens reiettent aucunes des sainctes escritures,& neantmoins s'aident du vieil & nouueau testament quad ilz veulent. Mais sur tout ilz refusent & reiettent les œuures de sainct Paul. & disent qu'en temps de persecution, ce n'est point peché de renier la foy, pourtat q si par force la parolle est reniee, toutesfois le cueur demeure en la foy.'Ce sont les choses qu'ilz afferment: & ont vn liure qu'ilz portent ça & là, disant qu'il a esté enuoyé des cieulx.

De la persecution de l'empereur Decius, & des martirs qui furent de son temps, mesmement contre Origene.

Chapitre XXIII.



PRES que Philippes eut tenu l'empire fix ans, luy succeda Decius, lequel pourtant qu'il estoit ennemy dudict Philippe, resuscita vne nouuelle persecution contre l'eglise, en laquelle Fabian, euesque de Rome, sut martirisé, & luy succeda Cornelius. & en la cité de

Hierusalem l'euesque Alexandre fut accusé pour la foy, & presen té deuant le iuge, & apres mis en prison, & enchainé, pourtant qu'il estoit fort aagé, & auoit soustenu plusieurs autres tormens & persecutions, pour la foy, en le menant de la prison au tribunal, & du tribunal à la prison, par continuelle vexation rendit l'esprit à Dieu, & fut esseu en son lieu Mazabbantes. Et la semblable fin en toutes sortes, fit Babille eue sque d'Antioche, auquel succeda Fabian. Mais s'il fault parler des grandes choses qui furent faictes durat ceste persecution cotre Origene. & des aguetz que luy attira l'ennemy de nature humaine, auec tout son exercite,& les dangiers, tormens & trauaulx qu'iceluy Origene soustint pour la confession & soustenement de nostre foy: Oultre & par dessus les autres de celuy temps, & par conclusion comme tous les dars, & tous les glaiues du diable estoyent conuertis contre luy, pourtant qu'on le tenoit pour le principal champion & destenseur de nostre foy, & comme il a esté persecuté par mille sorte de mort, sans qu'il en peut estre attaint d'vne iaçoit qu'il ne desirat autre chose, & en la maniere comme il en eschappa, ta chant l'ennemy par tout son engin de le torméter incessammét, sans vouloir mettre fin à son torment, dont lon pourra par les epi stres qu'il en a escrit, entendre la verité & le proces tout au long.

Des persecutions qui furent faicles de celuy temps en la cité d'Alexandrie, tant contre l'euesque Denis, que contre les Chrestiens.

Chapitre XXIIII.

N iceluy mesmes temps, Dionysius euesque d'A lexandrie (ainsi que nous trouus par ses epistres mesmes) sut pareillement moult renommé magnisque & magnanime, pour la grande constance qu'il monstra en plusieurs passions & tormés

pour la foy, & dit lon: Qu'vn iour ainsi qu'aucuns le poursuyuoyent de langaige, il leur respondit telles parelles: Que fault il tant combatre de langaiges, prenez ma teste (pour laquelle vous trauaillez tant) de dessus mes espaules & en faictes vn present au tirant, qui luy sera tresagreable. Et luy mesme en vne epistre qu'il escrit à Fabian euesque d'Antioche, de ceulx qui surent martirisez soubz Decius, en la cité d'Alexandrie, parle en telle maniere: La persecution n'a pas commence contre nous par le commandement de l'empereur, ains le ministre des diables

la commencee vn an entier, auant l'edict d'iceluy empereur, lequel ministre on appelloit en nostre cité, homme diuin, pourtant qu'il auoit concité & esmeu le peuple supersticieux contre nous, tellement qu'il ne demandoit que nostre sang. Et premieremet prindrent vn vicil bon homme, nomé Metranne, & le vouloyent contraindre à proferer des parolles detestables contre la foy.& voyant qu'il refusoit de ce faire, à grans coups de bastos luy frois serent tout le corps, & apres auecques des cannes agues luy percerent tout le visaige & les yeulx, & puis l'ayant ietté hors de la cité, ainsi abillé à coupz de pierres, luy osteret le peu d'esprit qui luy estoit demouré. Apres celuy prindrent vne femme, nommee Corinthe, & l'ayant menee deuant les idoles, la vouloyent contraindre les adorer, & pourtant qu'elle ne refusa pas tant seulement de ce faire, mais dit aucunes parolles execrables contre lesdictz idoles, ilz la tirerent attachee par les piedz, au long de la cite, par toutes les rues moult hideusement & inhumainement. Et cela faict tout d'vn accord, se ruerent dedans les maisons des Chrestiens, pillant & robant leurs biens, & faisant plusieurs autres inhumanitez. Car apres qu'ilz auoyent prins tout ce qu'ilz trouuoyent de bon, prenoyent le remenant qui estoit de vil pris, & le portoyent en my la rue, & en faisoyent vn beau seu. Toutessois noz gens en ensuyuant ce que dit l'Apostre, prenoyent ceste pillerie & forragement en gré, pour l'honneur de Dieu: mais entre les autres se trouua vne vierge assez aagee, nommee Apollonia, à laquelle estant prinse en telle fureur (pourtant qu'elle ne vouloit renoncer à la foy) arracherent premieremet toutes les dens, & apres voyant qu'elle perseueroit en la côfession de Iesuschrist, firent alumer yn grand feu deuant elle la menassant de la ietter dedans, l'elle ne disoit les parolles execrables contre la foy, auecques eulx. Laquelle voyant le feu allumé, pensa vn petit entre elle mesme, & apres s'escappa des mains des bourreaux, & se ietta de son gré dedans le feu, duquel ilz la menassoyent: dont les autheurs & ministres de la cruauté furent tous estonez, qu'vne femme fut plus prompte à prendre la mort, qu'eulx à luy donner. Vn autre nommé Serapion, fut trouué en sa ma maison, & illec tormenté par diuers supplices, tellement qu'apres qu'ilz luy eurent desnoué presques toutes les ioinctures des membres, le ietterent par les fenestres du haut en bas. Et bref,il n'y auoit homme des nostres qui osat aller par les rues, ne soy monstrer par les mar-chez, de jour ne de nuict sans grand dager. Car aussi tost que lon

en veoit vn par les rues, la huce du peuple estoit leuce sur luy,& couroyent tous contre luy, comme contre vne beste sauuaige, & le tiroyent par les piedz au long des rues, ou le bruloyent tout vif. Mais continuant ceste raige par plusieurs iours, sourdit vne sedition ciuile entre noz persecuteurs, moyennant laquelle nous eumes vn petit de relache & de respiration. Laquelle toutessois ne dura pas longuement, pourtant que bien tost apres furent ap portez & publicz les edictz des empereurs, contenans si cruelles choses contre nous, qu'il aduint lors ce que Dieu auoit predit en l'euangile: Que la persecution deuoit estre si grande, que s'il estoit possible, les iustes mesmes seroyent scandalisez. Car desque iceulx edictz furent publicz, aucuns des nobles hommes se retournoyent eulxmesmes aux choses desrogantes à la foy. Les au tres desqu'ilz estoyent adiournez, les autres qui estoyent accufez par leurs voifins, l'auançoyent d'aller facrifier aux idoles com bien que les aucuns, en le faisant palissoyent, & trembloyent, de sorte qu'il sembloit mieulx qu'ilz sussent facrifiez, que qu'ilz sacrifiassent,& dont les assistens se mocquoyent d'eux, disans: Que ilz estoyent aussi espouuentez pour sacrifier, que pour mourir. Aucuns autres y alloyent si gayement qu'ilz vouloyent bien que lon creut qu'ilz n'auoyent iamais esté Chrestiens. Et veritablement tous ses gens estoyent de ceulx dont nostre Sauueur auoit predit: Qu'à peine se sauueroyent ceulx qui auroyent argent. Les autres suyuoyét ceulx cy par vne precipitation, ou s'en fuyoyent, dont les aucuns furent suyuiz & ramenez en prison, & d'iceulx les vns desquelz estoyent en la presence du iuge, renioyent la foy. Les autres apres qu'ilz eurent vn peu enduré de tormens: mais ceulx qui furent constans, & confermez en leurs sainctz pro pos, par la grace du saince Esprit, eulx monstrans fermes comme piliers bien fondez, donerent vn merueilleux exemple & spectacle de la foy, de vertu, & de patience à tous ceulx qui les virent, & vne ioye infinie aux sainctz anges de paradis. Desquelz le premier fut vn venerable homme, nomme Iulian, qui estoit fort perclus de la goutte, tellement qu'il ne pouoit aller, ne foy tenir debout. Si fut prins en sa chambre, & fut porté par ses seruiteurs domestiques qui auoyent accoustumé de le porter, dont l'vn d'ar riuee renia la foy. L'autre nommé Enus, perseuera en la saincte confession auecques son maistre. Si furét tous deux menez tous nudz par la ville, sur des Cameaulx, & les alloyent les bourreaux battant à grans fouetz & nerfz de beuf, tant qu'ilz rendirent

ij

Le sixiesme liure

l'esprit. Et apres qu'ilz furent mortz vn homme de guerre voyant que les paillars encores les vouloyent l'aidenger & vituperer, les voulut deffendre, dont la clameur se leua côtre luy de tout le peu ple, & fut mené deuant le juge, lequel comme hardy & constant cheualier, ne perdit en riens le couraige, ains perseuera constamment en la confession de la foy, iusques à tant que par sentence du cruel iuge fut decapité. Vn autre nommé Macaire du pais de Libie estant enhorté par diuerses persuasions par le Iuge à renier la foy, & perseuerant constamment, fut brulé tout vis. Aussi furét Epimacus & Alexandre, apres que par long temps ilz eurent esté trauaillez en diuerses prisons & liens, & par plusieurs gehennes & tormens perseuerans tousiours en la foy, auecques lesquelz furent martirisez quatre semmes, dont la premiere qui estoit vierge nommee Amonaire, fut par toutes sortes de persuasions, & apres de tormens tentee & molestee par le juge: lequel voyant que elle auoit respondusi constamment, qu'elle ne consentiroit iamais à chose qui fust contre la foy de Iesuschrist, vouloit bien vaincre son obstination, & auoir ceste gloire de luy auoir faict changer propos. Mais à la parfin voyant qu'il n'y auoit remede luy sir trencher la teste. La secode nomee Mercuria aussi vierge. La tierce Denise qui fut semme fort aagee, mere de plusieurs en fans, lesquelz toutes fois elle ne voulut preferer à Iesuschrist. Et la quatriesme fut aussi nommee Amonaire comme la premiere, lesquelles eurent si grand' constance contre le juge, qu'il se reputoit cofus d'estre ainsi vaincu par telles femmes. Et apres qu'il les eut bien esprouué par diuers tormens, finablement les feit decapiter. Apres furent presentez au iuge Heron, Arsinius, & Isidorus Egiptiens, auec vn ieune filz de ouinze ans nommé Dioscorus. Le quel à cause de son ieune aage, le iuge esperoit bien pouuoir aisement convertir par remonstrances. & voyant que les parolles ny faisoyent riens, le fit premierement battre de verges, & apres par felonnie & par despit qu'il ne le pouuoit destourner le fit gehenner par diuers tormens auecques les autres trois dessus nom mez. Et finablement voyant leur grande constance immuable, fit les autres trois brusser: Mais quant à Dioscorus considerant sa constance & son parler qui estoit plein de raison & de prudence, en fut tout emerueille, si dilata sa condemnation, esperant par rai son de son aage qu'il se reuiendroit. Laquelle chose n'aduint pas tant par la pitié & compassion du cruel juge, comme par diuine prouidence, laquelle preserua iceluy Dioscorus pour la consola-

tion & confirmation de son peuple. Consequamment sut accusé deuant ledict iuge vn autre Fgiptien nommé Nemesius de larrecin, & apres qu'il fut purgé & trouué innocent dudict crime, fut accusé de la foy, en laquelle accusation le juge proceda sans aucune figure de proces, & le fit brusser auec les autres larrons, non seaichant que par sa cruaulte il faisoit la mort du bon martir ressembler à celle de nostre Sauueur, lequel pour le salut de l'humain lignaige fut mis en croix entre deux larrons. Or s'estoit assemblé au jugement une compaignie de gensdarmes pour veoir le mistere, entre lesquelz en y auoit cinq Chrestiens, à sçauoir, Amon, Zenon, Ptolomee, Igenius, & Theophile, homme fort vieil. Lesquelz assistas au Tribunal du iuge, & voyantz vn de ceulx qui estoyent tormentez vaciller, & presque condescendre à renier la foy, l'en tormentoyent entre eulx mesmes de desplaisir: & tant par signes que par gestes se parforcoyent de redresser &cosorter celuy qu'ilz voyoyét vaciller, haulsans les mains. Et fai soyent tout plein de signes si euidens que les insideles qui estoyét illec assemblez, s'en apperceurent: & leur demanderent aucuns d'entre eulx, de quelle opinio ilz estoyent eulx mesmes. Lesquelz auant que le peuple fit aucune acclamation contre eulx, se tirerent auant contre le Tribunal, & declairerent publiquement qu'ilz estoyent Chrestiens. Dont les dictz infideles furent grande ment estonnez, & les nostres grandement reconfortez, voyant ceulx que lon pensoit estre vaincuz par tormens, eulx offrir de leur bon gré à iceulx tormens, & cercher comme pour vne grande volupte, ce dont les payens menassoyent pour mettre les gés en grand terreur : car Dieu vouloit en telle maniere triumpher par ses sainctz. Et à ce propos ne sut pas à tant le faict digne de memoire de Scirion, lequel estant seruiteur d'vn puissant homme, fut par son maistre pressé de sacrifier aux idoles, tat par blan dices & doulces parolles, comme par menasses & villenies: Mais voyant qu'il n'y proffitoit riens, auec vn pal egu de fer le passa au trauers du corps, dont il mourut incontinent. Maisencores outre tous ceulx qui furent ainsi martirizez, il ne fait à racompter le grant nobre de ceulx qui moururet par les desers, & par les mon taignes de fain, de froit, & de maladie. Et aussi ceulx qui furent tuez par les brigas, ou deuorez par les bestes. Lesquelz tous en en suyuant les saincts prophetes, ont merité la coronnne de martire. Entre lesquelz, sut le venerable euesque de Nicopolis en Egipte, nommé Ceremon. Lequel s'en estant fouyauec sa femme moult

Le sixiesme liure

ancienne, aux montaignes d'Arabie, ne fut iamais depuis veu. Combien que plusieurs des freres feissent toute diligence d'en sçauoir quelques nouuelles. Ces choses (mon trescher frere) ie ne tay pas escrit sans cause, mais à fin que tu soyes informé des grans choses que les saincts martirs de par deça ont faict à la lou enge de Dieu.

De Noustus, & de son Heresie. Chapitre xxv.



T encores plus bas en son epistre, dit iceluy Dionysius telles parolles: Ces saincts martirs adonc lesquelz sont de present en la gloi re des cieulx auec nostre Sauueur, & iugent auec luy de ceulx qui sont rencheuz en infidelité, certainement ilz n'ont pas reiecté ne resusé leur penitence quand ilz se sont vou-

lu retourner à la foy: sçaichans que Dieu, duquel ilz sont martirs, ne veult pas la mort des pecheurs : ains desire qu'ilz se conuertissent, & qu'ilz viuent. Et si ceulx la en ont receu aucuns à penitence, & depuis les ont ordonnez a l'eglise, & communiqué auecques eulx en boire & en manger, que vous semble il que nous deuons faire? N'est il pas plus raisonnable que nous suyuons leur opinion, & leurs faictz, que de nous monstrer cruelz & sans pitié enuers ceulx dont ilz ont eu misericorde? Certes ie ne suis point d'opinion que nous venons contre leurs sentences, ne que nous enfregnons leurs œuures piteables, ne troublons leurs bos & louables faitz, ne aussi que violos leurs ordonnances & institutions sainctes & religieuses. Ainsi escriuit Dionysius de ceulx qui estoyét encheuz au peché de infidelité du temps que Nouatus prestre de l'eglise Romaine, par vne orgueil leuse & temeraire presumption oftoit à iceulx pecheurs & relaps toute esperance de salut, quelque penitence qu'ilz sceussent faire. Lequel Nouatus, fut le prince & le chief de l'heresie des Noua tiens.qui se separoyent de l'eglise par grant orgueil & oultrecuidance, & se faisoyent appeller Cathares, qui est autant à dire en Grec comme, netz. Pour raison de laquelle heresse, fut tenu vn concile en la cité de Rome.auquel entreuindrent soixante euesques,& autant de prestres,ensemble grant nombre de Diacres de celle prouince. Et outre ce, en fut escrit aux euesques des autres prouinces, pour sçauoir ce que lon deuoit faire. Et par effect, sut par ledict cocile iceluy Nouatus excommunié auec tous ses com plices, qui le suyuoyent plus par vaine gloire que autrement, & desuoyent de toute charité & amour fraternelle. Et ordona aussi plus ledict concile, que lon deust par vne miseration & compassion fraternelle reuoquer & retirer les freres qui estoyét encheuz audict peché de infidelité, & les guarir par bonnes & charitatiues fométatios & persuasios de leur maladie spirituelle. De ceste ma tiere escriuit Cornelius euesque dudict Rome, à l'eglise d'Antio che, & aduertit l'euesque d'icelle cité Fabian, tant de ce qu'auoit esté coclud audict concile de Rome, come aussi de ce qu'auoyét sur ce ordonné ceulx d'Italie, d'Affrique, & des autres prouinces occidentales. Don Cyprian euesque de Chartage, composa vn liure tresmagnisique & elegant, par lequel il conclud que lon doit retirer à penitence lesdictz relaps & excomunier tous ceulx qui contredisent à ceste opinion. Lon trouue aussi vne autre epistre que l'euesque Cornelius escriuit au dessusdict Fabia euesque d'Antioche, en laquelle il declaire quel home estoit ledict Nouatus,& de quelle vie,& coment il l'estoit desuoié de l'eglise, disant, que toutes ces choses il auoit faict & controuuees, pour la gran. de couvoitise qu'il avoit en son secret d'estre evesque. Et prenoit le fondement de sa gloire & de son outrecuidace, principalement de ce que du commencement il auoit eu en sa compaignie plufieurs notables personnaiges de ceulx qui auoyent esté tormétez &martirizez pour la foy. Entre lesquelz estoyent vn prestre de l'e glise Romaine, nommé Maxime, & vn autre nommé Vrban, qui auoient esté par deux fois puniz & gehennez. Et pareillement Sidonius & Celerin, lesquelz auoyent glorieusement vaincu & furmonté horribles tormens. Mais tous ceulx cy apres qu'ilz ont eu diligemment & soigneusement consideré & cogneu, que tout ce que faisoit ledict Nouatus, n'estoit que tromperies, deceptios, menteries, & periuremens: & que la bonté qu'il faignoit, n'estoit finon pour deceuoir les simples ignoras, l'ont laissé: ou à mieulx parler, detesté sa compaignie, & se sont venuz rendre à leglise, auec grande satisfaction de penitence. Et ont en la presence des euesques & des prestres, & encores des seculiers premierement confessé leur erreur, & apres descouuert les fraudes & deceptios dudict Nouatus: lequeliaçoit qu'il eust souvent iuré deuant ses freres qu'il ne vouloit point d'Eucsche, toutesfois il se monstra par effect soubdainemet euesque par vne nouuelle façon, contre les ordonnances & institutions ecclesiastiques, presumant vsurper

Le sixiesme liure

l'auctorité episcopale qu'il n'auoit point eu de Dieu. Car il feit venir trois euclques, hommes simples & ignorans des plus loing taines parties d'Italie, & par subtiles & captieuses persuasions les induisit à le consacrer, non pas en forme legitime, mais plus tost desguisee & fainte. Desquelz euesques toutes fois l'vn s'en vintin continent rendre à l'eglise, & confesser son peché, & sut à l'inter cession du peuple receu à la communion des laiz, & les autres deux furet deposez, & deux autres enuoyez en leur lieu. Celuy adonc qui vsurpoit la science de l'euagile, ne sçauoit pas qu'il doit auoir vn euesque en l'eglise catholique de Rome, en laquelle il voit quarantesix prestres & sept diacres, autant de soubdiacres & quarate deux Acolites, & d'exorcistes, le cteurs, & ostiaires cinquate deux. Et ausurplus de vefues & de poures indigens, iusques à mil cinq cens: lesquelz tous sont nourriz en sadicte eglise de Rome. Il dit d'abondant en ladicte epistre, que iceluy Nouatus en sa ieunesse fut possedé du mauuais esprit, & apres qu'il eut esté quelque temps en la copaignie des exorcistes, cheut en une si griefue maladie, que lon ne luy esperoit la vie. A cause de la quelle par ne cessité sut baptizé dedans le lict, sans que depuis on aye faict & accomply sur luy les autres cerimonies ordonees de l'eglisé apres le baptesme: ne pareillement luy sut depuis baillé le sacrement de la cresme ou de confirmation, parquoy n'a peu entierement meriter la grace du sainct esprit. Et depuis encores ayant acquis vne bienueillance & grace particuliere auec l'euesque au moyen de laquelle il le vouloit ordonner prestre. Tous ceulx du clergé, & encores du peuple y cotredirent, disant qu'il n'estoit pas raison nable ne licite que vn tel homme fust receu à l'ordre de prestrise, qui auoit esté baptizé par necessité, & neantmoins ledict euesque leur requist qu'ilz luy voulsissent de grace speciale permettre ordonner celuy la. Il escrit au surplus, que durant le temps de la persecutió, estát iceluy Nouatus caché & retiré en vne chambre secrete, les diacres vindrent à luy, ainsi qu'il estoit de coustume, de le requerir qu'il voulsist venir dehors pour subuenir aux Cathecumins qui estoyent conuertiz à la foy, & encores n'estoyent batizez, mais pour crainte qu'il eut de sortir nya qu'il fut prestre. Ditencores, que depuis ainsi qu'il administroit les sacremens au peuple, il prenoit les gens par les deux mains desquel les ilz tenoyent le sainct sacrement, & auant qui le leur laissaft re ceuoir, les constreignoit iurer par iceluy sacrement qu'ilz tenoyent, qu'ilz ne l'abandonneroyent iamais pour aller à Cornelius.

Ces choses & plusieurs autres telles de la vie infame & prophane d'iceluy Nouatus, escrit Cornelius en ladicte epistre : duquel aussi escrit l'euesque Dionysius audict Fabian : & en sa lettre raconte vne histoire digne de memoire, disant: Qu'il y eut vn hom me en Alexandrie, nommé Serapion, qui estoit vn de ceulx qui 2-uoyent renoncé la foy: lequel depuis requit par plusieurs fois que on le vousit receuoir à penitence: mais il ne le peut obtenir. Auint que apres quelque temps il cheut en vne maladie si griefue. qu'il perdit le parler l'espace de trois iours: & le quatriesme iour estant vn peu reuenu,& ayant recouuert la parolle,appella sa fille, & luy dit: Pourquoy me detenez vous icy? le vous prie que lon m'aille demander un prestre qui me deliure or mais de ce-ste peine. Et apres qu'il eut ainsi parlé, perdit derechef la parolle. Lors fut à toute diligence enuoié vn garçon pour appeller le prestre, tout de nuict comme il estoit: lequel ne peut venir, pour tant qu'il estoit malade. Toutesfois pource qu'on auoit comman dé,qu'à l'article de la mort lo ne deut refuser l'absolution & l'eu charistie à personne, encores qu'il sur relaps, mesmement à ceulx qui l'auroyent au parauant demandé: ledict prestre bailla vn peu de sacrement au garçon, pour le porter au malade: & desqu'il sut arriué, ledict Serapion regarda encores autour de luy, & dit au garçon: Tu es reuenu. Combien que le prestre n'ait peu venir, bail le moy ce qu'il t'a baillé, à fin que ie m'en puisse partir d'icy. Et si tost qu'il eut receu, il rendit l'esprit tout ioyeusement, comme s'il estoit deliuré d'une prison. Dot il appert bien, que nul ne doit estre defraudé d'un si grand bien. Et outre ce, iceluy Dionysius escrit audict Nonatus, dont i'ay bien voulu inserer icy la copie, qui est de telle teneur: Dionysius, à Nouatus son frere, Salut. Si tu es venu à ceste chose contre ton gré(comme tu dis)tu le peux monstrer en le laissant voluntairement. Car aussi estoit il raisonnable & requis d'endurer toutes choses, pour cuiter qu'il n'y eust diuision en l'egise de Dieu. Et n'eust pas esté moins de gloire de souffrir & endurer le martire, pour euiter la diuision de l'eglisc, que pour non vouloir sacrisser aux idoles, ains par mon opinion seroit plus de merite. Car en celuy cas, vn chascun combat pour soname particuliere, mais en cestuy cy lon combat pour toute l'eglise vniuerselle. Et encores à present si tu peulx cotraindre ou persuader tes freres de retourner à la cocorde & vnion, tu acquer ras plus grant merite, que tu n'as faict de mal en commettant le peché, car ledict peché ne te sera plus imputé. Et ce que tu feras à

present, te redondera à grand gloire: mais silz veullent persister en la mauuaise creace, tu dois sauuer ton ame. Et à tat te dis à Dieu, qui te doint grace de desirer la paix, ainsi q ie la te souhaitte. Et en la mesme substance escriuir ledict Dionysius aux Nouatians: & si escriuit aux Egiptiens autres epistres touchant ceste matiere des relaps, esquelles donna certaine sorme & certaines reigles de venir à penitence en tel cas. Plusieurs autres lettres & traictez escriuit & composa ledict Dionysius que l'autheur specifie: & entre autres, ce qu'il dit de l'euesque de Hierusalem Alexandre, disant ces parolles: Celuy homme digne de grande admiration Alexandre estant en prison, nous a par sa sin glorieuse precedé au chemin de Paradis.

Cy finit le sixiesme liure.

Cy comméce le sept

IESME LIVRE DE L'HISTOIRE Ecclesiastique.

De l'empire de Gallus, & de sa maluersation contre les Chrestiens.

Chapitre premier.

E septiesme liure de ceste presente histoire ec clesiastique aura commencement par les escritz de Dionysius, qui fut le plus noble prelat de son temps. Lequel (estant occis l'empereur Decius auec ses enfans, auant qu'il eut acheué la seconde annee de son empire, & en son lieu subrogué Gallus, celle annee mes-

me que Origene mourut en l'aage de septante ans) escrit dudit Gallus à vn sien amy nommé Hermamon, en telle maniere: Et Gallus mesme n'a peu veoir n'acheuer le mal de Decius: mais a hurté contre la mesme pierre d'ossension. Car estant son empire du commencement en grand' prosperité tellement que toutes choses luy succedoyent à son intention, il commença à persecuter les sainctz hommes qui faisoyent prieres à Dieu pour la paix de son Royaume. En quoy faisant, il perdit & la prosperité & la paix.

De la question qui sut entre les prelatz de l'eglise, si lon deuoit rebaptiser les heretiques qui se retournoyent à la soy, ou non.

Chapitre 11.



STANT Cornelius euesque à Rome, & Ciprian à Chartage, qui estoyent tous deux prelatz de grande foy & de grande vertu, se meut vne grosse question, principalement es parties d'Affrique, Si lon deuoit rebaptizer les heretiques qui retournoyent en la foy? En laquelle ledict Ciprian, & presque tous les euesques

dudict pais d'Affrique furent d'opinion, qu'ilz deuoyent estre rebaptizez. Mais Cornelius & tous les autres euesques d'Italie, (en gardant toutesfois la concorde & vnion ecclesiastique auec lesdictz Affricains en autres choses)furent de contraire opinion. Et ordonnerent que lon deust garder la reigle & ordonnance qui auoit esté baillee par les anciens en celuy cas, laquelle contenoit que lesdictz heretiques apres qu'ilz auroyent confessé & congneu leur erreur, fussent absoulz par penitence sacramentale. Et apres la mort de Cornelius qui tint le siege enuiron trois ans, & apres Lucius qui le tint huict mois tant seulement, succeda Estien ne, lequel feit la semblable ordonnance que auoit faict Cornelius. Auquel Dionysius, L'euesque d'Alexandrie adressoit plusieurs de ses escritz apartenas au faict de l'eglise. Entre lesquelz, luy faict mention comme toutes les eglises de leuant ayant reie cté la presumptueuse Heresie de Nouatus, estoyent en bon accord, disant en telle maniere: Ie sçay aussi mon bon frere, que tou tes les eglises d'Orient (lesquelles au parauant estoyent en grant trouble)sont maintenant reduictes a bonne cocorde, & ont gran de ioye & consolation de la paix & vnion, qui est reuenue entre eulx plustost qu'ilz n'esperoyent. C'est à sçauoir Demetrius en Antioche, Theotistus en Celaree, Mazabbanes en Hierusale, qui a succedé à Alexandre. Marin en Tyre, Heliodorus en Laodice, Helenus en Tarse, & Firmilia en Capadoce. Lesquelz ie t'ay vou lu nommer en especial, pourtant que ce sont les euesques des prin cipalles citez, pour non estre trop prolixe en mes lettres, si ie vou loie nomer tous les autres. Mais ne faiz point de doute que tous les autres qui sont au pais de Sirie, d'Arabie, de l'ont, de Mesopotamie,& de Bithinie, ne soyent tous en bonne concorde & charité, rendans graces & louenges à Dieu. Et apres que Estienne

eut tenu le siege de Rome deux ans, luy estat succedé Sixte, iceluy Dionysius luy escriuit encores de ladicte matiere du rebapti sement des heretiques, saisant mention commét ledict Estienne son predecesseur en escriuant à Firmilian, à Helenus, & aux autres euesques de celle prouince, auoit ordonné & dessendu que lon ne communicast point auec ceulx qui auoyent reiteré le ba presine: considerant la grandeur du temps: & que tous les principaulx & plus renommez euesques auoyent esté de ceste opinion. Dit au surplus, qu'il en auoit escrit plus amplement à Dio nysius, & à Philemon, prestres de l'eglise de Rome.


De l'heresie de Sabellius. Chapitre 111.

E D I C T Dionysius eucsque d'Alexandrie, en sadicte epistre faict encores mention de l'heresie de Sabellius, qui estoit nouuellemét publice, disant en telle maniere: Que diray ie de la doctrine qui a esté nouuellement trouuee au pais de Ptolomaide, en la cité de Pen tapolis: laquelle est pleine de blaspheme con-

tre Dieu le pere, & contre Iesuschrist nostre sauueur. Lequel en ladicte doctrine nie estre vray silz de Dieu, engendré de luy eter nellement auant toutes creatures: & au surplus nie l'entendemét & la grace du sainct esprit. Sur laquelle heresie, estans venu par deuers moy, tant ceulx qui la maintenoyent, que ceulx qui tenoyent le contraire, ie debatiz la matiere en la presence de mes freres le mieulx que ie peuz, selon mon entédement. Et apres en cores le redigeay par escrit: en declairant & deduisant les authoritez de la saincte escriture, ainsi que pourras veoir par la copie de mondict traicté que ie t'enuoye.

De la reuelation que l'enesque Dionyssius ent de ce qu'il lison les liures des heretiques.

Chapitre IIII.



ques, & metz peine de les bien entendre: iaçoit que en les lisant, me semble pour l'heure que i'en suis contaminé & polusmais cela me sert grandement pour les conuaincre. Et neantmoins estant par aucuns de mes freres euesques admonnesté de ne les plus lire, & de non me maculer & infecter de leur lecture, comme d'vne sange trop puante, m'aduint vne vision que Dieu m'enuoya pour me confermer en mon opinion. Car il me sembla ouir vne voix qui me dist: Liz hardiment tous les liures qui te viendront entre mains, car tu peulx bien cognoistre & discerner le bon du mau-uais: attendu mesment que cela a esté cause du commencement de ta creance. Laquelle vision i'ay acceptee & ensuyuye, pourtant qu'elle est conforme à la sentence de l'Apostre, qui dit: Liz tout, & retiens ce qui est bon.

Ce que ledict Dionysius escrit touchant la question de la reiteration du baptesme.

Chapitre v.

N celuy mesmes liure & traicté, ledict Diony sus escrit plusieurs choses contre l'heresie de Nouatus. Et outre plus faict mention comment en celuy temps sut en Affrique promul gué le decret de rebaptizer les heretiques combien que dessa au parauant en la cité de Iconie & aucunes autres d'orient, eut esté traicté de la

dicte question, & sur icelle saict aucuns conciles prouinciaulx. Et apres escriuat de la mesme matiere à Sixte euesque de Rome, ra côte vn cas qui aduint, par telles parolles: Veritablemét mô frere ie te requiers côseil, & demade ton opinion, pource que ie crains de saillir en vne question & matiere qui s'est meue en nostre egli se. Il y auoit en icelle vn frere Chrestien moult ancien, auant que ie susse euesque: & encores auant mon predecesseur Heraclas le quel assistat & oyant les interrogatiós qu'on leur saisoit, & les resposes qu'ilz saisoyét, s'en vint en plourat, ruer à mes piedz, disant: Qu'il auoit esté par les heretiques baptisé en autre maniere: la sle le il ne tenoit point pour vray baptesme, pourtant qu'elle estoit pleine de blaspheme, & moult diuerse de la nostre, disant au sur plus: Qu'il auoit si grand stimule de celle erreur, qu'il n'osoit le-uer les yeulx au ciel, me requerant tresinstammét que le voulsisse

purifier de rechef par le sainct baptesme en la forme de l'eglise à fin qu'il peut obtenir la grace du fainct esprit. Ce toutesfois que ie n'ay ofé faire: ains luy ay dit, qu'il luy deuoit suffire la commu nion des sacremens qu'il auoit eu par si long temps en l'eglise. Et mesmement qu'en receuant le sacrement de l'autel, il auoit tousiours dit Amen. Parquoy me sembloit qu'il auoit esté assez purgé par la vertu desdictz sacremens, l'enhortant au sur plus qu'il se voulut confier de sa foy & de sa conscience. Laquelle ie reputoye estre assez purgee par la participation des sacremens qu'il avoit eu si longuement avec nous. Mais toutes fois quelques remonstrances que luy aye faicte, il ne cesse de plourer, & n'ose venir auec les autres à la communion, ne à grand' peine à l'oraison, ne au seruice. Ces choses & plusieurs autres raconte ledict euesque Dionysius en ses liures de ses Questions, & autres semblables.

De la persecution de Valerian.

Chapitre VI.



Pres que Gallus l'empereur eut occupé l'empi re, enuiron deux ans, mourut: & luy succeda Valerian auec Gallien son filz, duquel escrit le dict euesque Dionysius à Hermamon, en telle maniere: Il a esté reuelé à sainct Iehan, & commandé qu'il deut dire ceste prophetie qui l'ensuyt en telle substance: Et luy a esté donné

la bouche parlant grandes choses & blasphemes: ensemble la puis sance par l'espace de xl11. mois lesquelles deux choses ont esté accomplies en Valerian. Car certainemet il faict à merueiller com ment du commencement il a esté plus begnin enuers les seruiteurs de Dieu, que nul de ses predecesseurs: voire enuers ceulx mesmes qui n'estoyent Chrestiens que de nom, leur portant hon neur & reuence: tellement que toute sa maison estoit vne eglise. Mais il fut depuis corropu & feduict par vn faulx & mauuais docteur, qui estoit prince des magiciens d'Egypte: tellemen qu'il manda que lon deut persecuter & faire mourir les Chrestiens: pourtant qu'ilz estoyent contraires à l'art magique, à laquelle il l'estoit abusé. Aussi à la verité il y auoit des gens en celuy temps-& en cores s'en trouue de present, qui par la vertu de leurs merites repriment & repreuuent les fallaces du diable, dont vsent lesdictz magiciens, lesquelz font certains misteres detestables & cruelz, foit occire des ieunes enfans, pour voir & perscruter dedans leurs entrailles & dedans leurs vaines ce qu'il vouloit sçauoir, cerchat la voix au corps qu'il auoit priué de vie: & plusieurs autres choses inhumaines & detestables raconte iceluy Dionysius dudict Vale rian. Et apres finablement dit, qu'estant prins par les Barbares, & priue de la veue, auoit laissé se enfans successeurs de son peché & de sa superstition.

De la persecution que soustindrent & endurerent Dionysius euesque d'Alexandrie, & aucuns autres Chrestiens en ladicte cité.

Chapitre VII.

EDICT Dionysius faisant métion des per secutions & tormens qu'il a soustenu pour le nom de Dieu, en vne epistre qu'il escriuit à vn euesque nommé Germain, lequel estoit aucunement son detracteur, raconte ce qu'il sit en sa confession estant mené deuant le pre sident nomé Emilian: & dit que pource qu'il

maintenoit qu'il n'y auoit qu'vn seul Dieu createur du ciel & de la terre, que lon deuoit adorer, & que les autres n'estoyent point dieux, ne deuoyent estre adorez. I celuy presidét l'enuoya en exil en vne ville nommee Cefro, pourtant mesmement que les habirans d'icelle estoyéttous Payens, & moult dediez à superstition des idoles. Lesquelz d'arriuee receurent ledict Dionysius assez mal voluntiers,& come leur ennemy. Mais quelque peu de téps apres, ayant iceluy Dionysius peu à peu presché, & semé la parol le de Dieu à celuy peuple Barbare & sauuaige, les reduisit, moyé nant la grace de Dieu, tellement que la plus grade partie en delaissant ses idoles, se couertit à la foy de lesuschrist. Laquelle cho se entenduc, fut osté de là, & enuoyé en vn autre lieu plus voisin de la cité d'Alexadrie, mais deserte, & presque du tout inhabitee. Estant auquel lieu le peuple Chrestien de la cité, sentat l'odeur de leur bon pasteur à l'occasion de luy, frequétoit moult iceluy lieu, dont par ses bonnes persuasions & admonestemens se faisoit plus ferme en la foy, pour soustenir toutes persecutions. A l'occasion dequoy, fut par le president enuoyé vn preuost auec des souldars, qui le print de rechef, & auec luy deux autres, l'vn nommé Gaius, & l'autre Pierre. Si les enchainerent & trauaillerent par di-

uers tormens, & apres les amenerét en vn lieu tout desert & inhabi table, au pais de Lybie, distat de la cité de Paretone, enuiron trois iournees, & illec les laisserent attachez & enchaînez. Toutes ces choses se trouuent escrites par luymesmes en diuerses epistres, esquelles il faict pareillement mention d'vn prestre nommé Ma xime, de Dioscore, de Demetrius, de Lucius, de Faustin, & d'Aquila qui furent en celuy temps glorieusement coronnez de la coronne du sainct martire, & d'aucuns diacres, lesquelz apres leur confession de la foy, moururent en exil. Et de deux qui demourerent en la cité, l'vn nommé Fauste, '& l'autre Eusebe. Lesquelz moyennant la grace de Dieu, eurét tant de costance & de cueur, que là ou à nul des freres n'estoit permis ne souffert aller visiter les poures Chrestiens prisonniers, ne leur faire aucune humanité, ces deux y alloyent continuellement, & les administroyent ce que leur estoit necessaire. Et iaçoit que de iour en iour la fureur & la cruauté du iuge creut de plus en plus, tellement que les vns il faisoit estrangler, les autres mourir par autres tormens, & les au tres par dure & longue prison. Et surtout dessendit à peine de la vie qu'on ne laissat personne aller à eulx pour les consoler, à fin qu'ilz mourussent de fain,& de mesaise. Toutesfois Dieu dona tant de grace ausdictz deux diacres pour le bien de ses bons confesseurs, que maugré tout le monde il leur estoit souffert entrer aux prisons. Et iceluy Eusebe, dont nous parlons, sut depuis euesque en la cité de Laodice, au pais de Sirie. Et le prestre Maxime (dont nous auons aussi faict mention) succeda à Dionysius. en l'euesché d'Alexandrie. Et Fauste qui estoit confesseur auecques eulx, dura & perseuera iusques à la persecution qui a esté de nostre temps, en laquelle estoit desia moult vieil & aagé, consom ma le cours de son martire par peine capitale. Toutes ces choses nous auons trouuees pour certain de Dionysius,& des autres, dot nous auons parlé.

De ceulx qui furent martirisez en la cité de Cesaree.

Chapitre vIII.

Vrant telles persecutions qui furent soubz l'empire de Valerian, y eut en la cité de Cesaree au pais de Palestine, plusieurs confesseurs qui conformerent le cours de leur martire tresglorieusement. Entre lesquelz y eut trois ieunes homes de merueilleuse vertu & constance, dont l'yn se nommoit Pris-

cus, l'autre Malcus, & l'autre Alexandre. Lesquelz eulx estans retirez en vne maison aux chaps pour fuir la persecution, & meuz d'vne grande ferueur de foy, se commencerent à arguer l'vn l'au tre de pusillanimité, disoyent: Que là ou en la cité son trouuoit les coronnes de martire que Dieu enuoyoit du ciel à ses bons champions, eulx estoyent illec sans les desirer ne rauir: & comme gens failliz de cueur, perdoyent illec le temps, & se rendoyent indignes du royaume de paradis, que nostre Seigneur dit deuoir estre gaigné par force: & en telles exhortations surent si euertucz & animez, qu'ilz s'en vindrent en la cité, & d'arriuce s'addresserent au iuge qui persecutoit les Chrestiens, & luy demanderent: Qui le mouuoit estre si cruel, & prendre si grand plaisir à l'essufion du sang humain? Pour raison dequoy, le iuge les condemna à estre liurez aux bestes pour d'elles estre deuorez, & aucceulx vne femme, laquelle suyuant leur audace sit la semblable confes fion: & dit lon qu'elle auoit esté à l'escolle de Marcion. Vn autre nommé Marin, natif de Hierusalem, & habitant de ladicte ci té de Cesaree, homme militaire & riche, deuoit auoir quelque preeminence & degré en son art militaire selon son ordre. Mais son compaignon qui venoit au tene apres luy, pour le rebouter, luy reprocha qu'il estoit Chrestien, & par ce ne pouoit venir à tel degré de dignité. Lors le iuge luy demanda, l'il estoit vray qu'il fust Chrestien Et il luy respondit franchement que ouy. Quoy voyant, le iuge luy donna trois iours à deliberer& choisir ce qu'il aimeroit miculx des deux, ou de sacrifier aux dieux, & à l'empereur, ou d'estre occis comme Chrestien. Et apres qu'il fut sorty du tribunal, Theotignus euesque de la cité, le print par la main, & le mena à l'eglise, & illec l'enhorta & persuada par plusieurs belles exhortations & remonstrances au martité. Et finablement le me na derriere l'autel, & luy mostra l'espec qu'iceluy Marin portoit ceinte. Et apres luy mostra les liures des sainctes euangiles, & luy demada lequel il aimoit mieulx des deux. A quoy Marin respon dit promptement, qu'il aimoit mieulx l'euagile. Certes dit Theo tignus, tu as tresbien choify, parquoy il te conuient despriser ceste vie presente pour paruenir à l'eternelle, & aller tout asseurement au jugement prendre & receuoir la coronne du fainct mar tire que Dieu t'a preparee. Sur lequel admonestemét Marin s'en vint à l'heure assignce deuat le tribunal du iuge, & illec sans atté dre qu'iceluy iuge luy demandast qu'il fit sa response, luy dit & declaira promptement qu'il auoit bien consideré,& estoit resolu

d'ensuyure le commandement des peres anciens, qui dit que lon doit plustost obeir à Dieu qu'aux hommes. Pour raison de laquel le response fut par le juge condemné à estre decapité. Mais entre tous les autres fut le plus glorieux & le plus insigne de merites & de foy, Astirius, senateur Romain, & patrice: home au surplus de grande noblesse, riche, puissant, & allié auec les rois, lequel estant present à la cosummation du martire dudict Marin, apres qu'il eut la teste trenchee, se despouilla son manteau, & d'iceluy enuelopa le corps du bon martir, & apres le chargea sur ses espau les. Pour raison duquel cas, sut incontinent condemné à semblable peine. Mais celuy Astirius auoit faict auant sa mort plusieurs choses dignes de memoire pour la foy, ainsi que nous auons entendu par ceulx mesmes qui ont esté en sa copaignie, luy estant en vie. Entre lesquelles, nous en ont raconté vne qui est telle. Em pres la cité de Cesarce, Philippiques que les Pheniciens appellent Paneade, au pied d'vne montaigne que lon nomme Panee, dont sort le fleuue Iourdain, auoit vn certain lieu auquel les gens du pais selon leur supersticieuse erreur auoyent accoustume de faire certain sacrifice,& par art diabolique, desquelz la beste & victi me estoit apportee & immolee au sacrifice, elle euanouissoit, tellement qu'on ne la veoit plus,& cuidoyent les gens qu'elle fut ra uie au ciel:pour raison duquel faulx miracle, lon venoit voir ledict sacrifice de tous coustez. Si aduint vn iour que ledict Astirius f'y trouua, lequel voyant l'abuz des Payens, & ayant compassion de leur erreur, leuant les yeulx au ciel de tout son cueur en larmoyant, sit priere à Dieu qu'il voulsit declairer & descouurir cel le abusion du diable,& deliurer le poure peuple de celle erreur. Apres laquelle requeste, incontinent sut veue la beste dedans la ri uiere par tous les assistens, ne iamais depuis se peut en celuy lieu restaurer celle illusió diabolique: & par ce moyen à la requeste d'vn seul Chrestien la fallace & deception du diable qui auoit du ré par si long temps, sut en tout esteincte & abolie.

Des signes qui se fontencores en la cité de Paneade, par la vertu de nostre Sauueur.

Chapitre 1x.

T pource que nous auons faict mention de ladicte cité, nous femble estre couenable de racon ter aucunes choses qui sont en icelle, lesquelles nous semblent dignes d'estre mises en la presente histoire. Il est

tout certain que la femme qui fut guerie du flux de sang par noftre Sauueur, (ainsi que l'euangile raconte) estoit de celle cité,& monstre lon encores auiourdhuy sa maison. Et au deuant de la porte en vn lieu eminet vne columne, sur laquelle est l'image di celle femme de cuyure, à genoulx, estédant ses mains come pour faire quelque humble requeste, à l'encontre d'vne autre imaige aussi de cuyure, en forme d'hôme habille d'vn habillemet long, qui tient la main à la femme. Et au pied d'icelle statue croit du pil lier vne certaine herbe estrage, laquelle en croissant monte le cotremont. Et des qu'elle est creue iusques à la fimbrie dudict habil lement, a merueilleuse vertu contre toutes maladies, en prenant quelque petite partie d'icelle, & la beuuant auec de l'eaue. Mais elle n'a aucune vertu iusques à ce qu'elle aye touché ladicte fim brie en croissant naturellemét. Et dit on que celle statue auoit esté faicte à la semblance de nostre Seigneur, laquelle y estoit encores de nostre téps. Et ie l'ay veue de mes yeulx. & si n'est point à merueiller si les Payés pour recognoissance des benefices que ilz auoyent receu de nostre Sauueur, luy auoyét offert ceste ima ge & representation. Car nous voyons en plusieurs autres lieux les images, non pas du Sauueur tant seulement, mais encores de sainct Pierre & de sainct Paul. Et mesmes de celles qui sont anti ques,& ont esté gardees en des tableaux que nous auons veu. Et me semble que cestoit la coustume des anciens Payens quad ilz vouloyent honnorer quelques personaiges, de garder leur image & statue pour la reuerer, & aussi monstrer l'amour qu'ilz portoyét au vif. En celle mesme cité est iusques au iour present con seruee la chaire de sainct Pierre l'apostre, que l'euangile appelle frere de nostre Seigneur, lequel sut premierement par les apostres esleu euesque de Hierusalem. Et sur icelle s'assient encores de present, tous ceulx qui sont esseuz cuesques de ladicte cité. Et si est ladicte chaire gardee moult songneusement, & en grande veneration. Tant pour la memoire de la saincteté dudict sainct laques, comme aussi pour la reuerence du premier sacerdoce & euesché, qui fut sanctifié sur icelle.

Comment Galien rendit la paix aux cuesques, & des euesques qui furent d'iceluy temps. Chapitre x.

Pres que Galien filz de Valerian, eut obtenu l'em pire & la monarchie, tout seul, il se monstra plus doulx & plus humain enuers noz gens, qu'il n'a-

uoit esté au parauant. Et sit par decret public dessendre que lonne sit plus aucune persecution alencontre d'eulx: & permettant à vn chacun tenir la religion telle qu'il vouldroit. En celuy téps tenoit encores Sixte le siege de sainct Pierre à Rome, Demetrianus celuy d'Antioche, Firmilianus celuy de Cesaree en Capa doce. Et ceulx de Pont tenoyent Gregoire (qui auparauant estoit nommé Theodore) auec Athenodore son frere, qui auoyent esté tous deux disciples d'Origene. En Cesaree au pais de Palestine, apres la mort de Theotistus, succeda Domnus: lequel ne vesquit gueres apres: & luy succeda Theotignus, lequel pareillement auoit esté disciple d'Origene: & a vescu insques à nostre temps en Hierusalem: apres la mort de Mazabanes, succeda Hirenee, lesquelz tous regissoyent leurs eglises en bonne paix & tranquilité.

Desmaulx qui aduindrent en Alexandrie.

Chapitre x1.



A I S en la cité d'Alexandrie, iaçoit qu'il n'y eut aucune occasion de mal pour cause de la foy:toutesfois (pource que le peuple de sa nature est fier, seditieux & sans repos) se leuer et aucunes seditions & guerres ciuiles entre les citoyens:non pas pour cause de vertu, ne pour la dessension: mais pour les meurdres qui se

faisoyent des citoyens: dont l'euesque Dionysius escrit & raconte qu'icelle cité auoit esté si gastee & destruicte par ses propres ci toyens, que là ou elle souloit estre si pleine de peuple, qu'à peine lon pouvoit passer par les rues: lors estoit si despeuplee, que lon n'y veoit à peine personne par les places & marchez: & que les rues estoyent pleines de sang, & couvertes de charongnes: tellement que ceulx qui estoyent demourez en vie, à peine suffisoyent pour enseuelir ceulx qui estoyent mortz: dont par l'infection de l'air qui s'estoit engédrec par la puanteur d'iceles charognes, s'en estoit ensuyuie après la guerre, la pestiléce, pour emmener ce que la guerre auoit laissé. Ces choses escrit Dionysius en son epistre qu'il a faicte de la feste de Pasques, disant en ceste maniere: Il sem blera par aduenture aux autres que ce temps ne soit pas conuenable pour celebrer la solemnite de Pasques, pourtant que toutes les rues & toutes les places de la cité sont pleines de pleurs & de lamentations, & les maisons de gemissemens, & de criz, pour la

grande multitude des gens qui meurent continuellement, ainfi qu'il aduint en Egypte, quand par iugement de Dieu, tous les primogenites moururent en vne nuict. Car il n'y a maison (comme il a esté escrit) en laquelle quelqu'vn ne soit mort freschement: pourtant que premierement ilz ont occis la plus grande, & la meilleure partie du peuple, en persecutant les Chrestiens. Vne autre partie est perie par les guerres ciuiles, & dissensions intestines, & l'autre est à present deuoree par la peste. Et non pourtant nous n'auons iamais (quelque temps qu'il aye couru) cessé n'obmis de celebrer la festiuité de Pasques. Et mesmes du temps que lon occisoit, & en toutes autres aduersitez: pourtant qu'il nous est commandé nous resiouir en temps de tribulation. Et n'ya en lieu quelconques de ceulx qui nous ont esté deputez pour punition, fust aux champs, aux desers, aux isles, ou en la prison, qui nous ait peu empescher de celebrer ladicte feste. Mais les fainctz martirs qui l'ont celebree en paradis auec les anges, l'ont eu trop plus ioyeuse que nous. Apres noz persecuteurs ont conuerty leurs armes, & leurs glaiues, contre eulx mesmes, ne pour ce la les nostres ont cessé de celebrer leurs Pasques. Finablemét s'en est ensuyuie ceste playe terrible de la peste: laquelle toutes sois est beaucop plus espouentable à ceulx qui n'ont aucune esperance des bies futurs: car à nous toutes ces choses semblent exercices & experimens de vertuz. Et toutesfois la persecution d'icelle peste n'a pas à beaucop pres esté si grande sur les nostres, que sur les autres:mais si en est il mort plusieurs qui par charite vouloyent,non pas tant seulement visiter les infectz:mais leur administer ce qui leur estoit necessaire : dont en voulant estre participans de leurs douleurs & aduersitez, ont voluntairement receu la mort auccques eulx. Et veritablement il l'en est trouué plusieurs, non pas des prestres & des diacres tant seulemét: mais encores des laiz, lesquelz par vne ardeur & constance de foy & de charité, comme si ce fut le téps de martire pour copassion des malades se sontoffers & ingerez à la mort. Et en les pensant, ou enterrant alloyent tantost apres eulx:ce que les Paiens faisoyent tout au contraire : car des qu'il en y auoit vn malade, il ne se trouuoit pere, ne mere, filz, femme, parent, n'amy qui en eust pitié: Ains incontinent qu'ilz les veoyent pallir & treinbler de la maladie, les chassoyent tout ainsi malades & demy mortz, qu'ilz estoyent, hors la maison emmy la rue, ou il mouroyent sans que nul les enterrastidont encuidant fouir la maladie les maleureux l'encouroyent en deux

manieres: l'vne pour la peste, l'autre pour la puanteur des chacrongues.

Ce que Dionysius escrit du temps de Galien.


Chapitre XII.

Edict Dionysius recite comment durant l'empire de Galien, les eglises viuoyét en paix: Mais quasi au mylieu de son empire, se leua contre luy Macrinus comme vne nuee obscure & espesse, laquelle obsusca & obtenebra la lumiere

de son regne: toutes sois ainsi comme vne nuee s'espart en temps d'esté, & la resplendisseur du soleil reuient incontinent, tout ainsi estant aboly, ledict Macrinus, reuint au mode, la lumiere de l'em pire de Galien, lequel tout à vn coup osta au tyrant & le royaume & la vie. Et ces choses aduindrent la neusiesme annee de l'empire dudict Galien, ainsi qu'escrit ledict Dionysius, lequel a faict & composé plusieurs œuures merueilleuses & vtiles. Entre lesquelles a escrit des promissions diuines de la gloire eternelle, pour oc casion d'une chose qui aduint telle que nous dirons cy apres.

De Nepos, & de son heresie.

Chapitre XIII.



par aucuns passaiges de l'Apocalipse de sainct Iehan, de laquelle secte & heresie il composa aucuns liures & traictez, à l'occasion de quoy ledict euesque Dionysius escriuant desdictes repromissions à icelluy Nepos changea le stile de son intétion. Car au pre mier liure & du commencement il declaire son opinion qu'ila desdictes repromissions, & au second escriuant de l'Apocalipse de sainct Iehan saict mentió dudict Nepos par telles parolles: Ilz produissent dit il) aucuns commentaires de Nepos sur lesquelz se sondent grandement & par iceulx soustiennent comme par

vn grand sacrement, que le royaume de Iesuschrist sera sur la terre Et à la verité en plusieurs autres choses ie tiens grand conte de Nepos & l'aime, tant pour sa foy que pour sa doctrine, & pour la peine qu'il prent d'entendre les sainctes escritures. Et mesmement pour son exercice de psalmodier, pour lequel plusieurs des freres suyuent volutiers sa compaignie. Et ie luy porte grad reuerence,& d'autant plus qu'il est alle à Dieu: Mais non pourtant la verite doit estre aimee & preferee sur tout. Il fault louer & accepter tout ce qui a esté bien dit, mais aussi fault il discerner & reiecter ce qui a esté mal escrit. Et si celuy dont nous parlons qui a escrit fut present il nous souffiroit de discuter aucc luy ce qui no sembleroit auoir esté mal dit. Car en demandant & respondant l'un à l'autre la verité se trouueroit: mais puis qu'il ya des liures escritz lesquelz (comme lon dit) contiennent aucunes raisons assez persuasiues, & là ou il ya des docteurs lesquelz ne estiment riens la loy, ne les prophetes, & ne suyuent point l'euagile, & desprisent la doctrine des apostres. Et suyuant une nouvelle doctrine contenue en iceulx liures, qui lisent & gardent en grande veneration, & come vn singulier mistere. Et enseignent au simples Chresties qu'ilz ne doyuet attedre ne esperer aucune chose grande ne excellente de l'aduenement,&de la presence de nostre sauueur Iesuschrist, ne de la gloire de la resurrection des mortz, & que nous deuős estre assemblez auecques luy en semblable gloire come nous est promis. Et leur persuadent qu'ilz doyuent pour toute beatitude, esperer aucunes petites choses, toutes telles que nous voyons en ceste vie mortelle. Certes il me semble necessaire respondre à nostre frere Nepos, article par article touchant lesdictes choses. Et vn petit plus bas il dit ainsi: Nous estions en la cité de Arsenoite, auquel lieu ceste heresie auoit dessa pullulé par log téps, tellement qu'il y auoit grad scisme entre les freres, nous assemblames, les euesques & les docteurs qui estoyét aux eglises, & publiquement commençay à declairer & traicter ceste matie re, les priat que s'il y auoit aucune chose qui les meust au contrai re la voulsissent proposer sans aucu respit ne regard. Et lors pour toute defense ilz me produirent le liure de Nepos, comme vn mur inexpugnable, lequel ie prins gratieusemet, & par trois iours continuelz depuis la poincte du iour iusques à la nuit continuay à leur declairer & impugner de poinct en poinct les erreurs d'iceluy liure. & remonstré les inconueniens qui l'en ensuyuroyent qui croiroit les choses contenues en iceluy. Et veritablement ie

fus tout emerueillé de veoir la constance & patience des freres, & aussi leur sçauoir, car à chascun poinct ilz proposoyent cotre ce que ie disoye & faisoyent de grans argumens cotre ce que ie leur respondoye. Mais apres quandilz auoyent entendu la verité ilz acquiessoyent, sans aucune contention ne pertinacité, & disoyent que c'est sens de ne soy aheurter post à sa premiere fantasse: mais de changer opinion quad lon cognoist que le cotraire est mieux fondé. Et par effect apres qu'ilz me auoyent ouy, ilz se reduisoyet à lavraye doctrine, non pas par eloquéce qui fust en moy, ne pour persuasion que ie leur sceusse faire, mais pour l'auctorité des sainctes escritures que leur mettoye en auat. Et fut la prou ue de nostre assertion & demonstrance si euidente, que celuy qui estoit reputé le plus grat docteur & l'homme de plus saincle vie d'entre eulx nommé Coration se leua au milieu d'entre eulx, & dit à haulte voix: Que nul ne deuoit iamais plus faire mentio de celle doctrine, & que c'estoit trop de ce qu'il auoyent erré au parauant, voyant la manifeste verité par la teneur & explanation des sainctes escritures estre au contraire, dont tous les autres fre res auec vne ioye spirituelle rendoyent graces à Dieu d'auoir amendé leur erreur.

Ce que dit Dionysius de l'Apocalipse sain Et Ichan.

Chapitre XIIII.



PR ES le propos de Dionyssus (dont nous auons cy dessus faict métion) il parle de l'Appocalipse de sainct Iehan, en telle maniere. Aucuns de noz predecesseurs ont du tout re iecté celuy liure & dient qu'il ne doit point estre receu entre les canons de la saincte escriture, en le redarguant de chapitre en cha-

pitre, & disant que l'intitulatió d'iceluy est faulse: car sainct Iehan ne le sit iamais & n'est point reuelation: mais vne chose pleine de fantasse. Toutes sois quant à mon opinion, ie n'oseroye rebou ter ne resuser l'escriture de ce liure, attendu messmement qu'il y a plusieurs des freres qui sont de mon opinion. Et pense plus tost d'iceluy que la matiere dont il parle excede la partie & capacité de l'entendement humain, & dont son sens est admirable à ceulx qui ne l'enrendent. Et moymesmes l'ay en admiration, & en re-uerence: encores que ie ne l'entéde. Et suis d'opinion que soubz

les parolles humaines d'iceluy sont celez & occultez aucuns misteres & sacremens diuins, non pas que ie vueille iuger de cela: mais le croy tat seulemét. Car ie ne veulx pas reprouuer leschoses que ie n'entens, ains d'autant plus les ay en admiration que ie les coprens moins. Et apres ces parolles, il touche de poinct en poinct tous les articles dudict liure, & conclut qu'il est impossible l'en tendre, ne y prendre sens selon la lettre. & encores plus bas dit à la fin que bienheureux serot ceulx qui garderont le contenu en celle prophetie, & luy mesmes se dit bien heureuz par telz motz, Et moy ausi Ichan qui l'ay veu & ouy. Parquoy ie confesse que celuy qui fit ledict liure auoit nom Iehan & qu'il fut sainct homme, car fans point de faulte il a esté faict par l'inspiratio du sainct esprit. Encores que ce ne sust pas sainct lehan l'euangeliste celuy qui sut silz de Zebedeus, & frere de sainct Iaques, & qui a escrit l'epistre canonique. Nous voyons adonc que Dionysius vse du tesmoignage de l'Apocalipse, & atteste qu'elle a esté reuelee par le sainct esprit, cobien qu'il ne vueille pas affermer pour certain que ce sut sainct leha l'apostre qui la sit, pource que iceluy sainct lehan l'euangeliste en ses autres œuures ne se nomme iamais. Et non pourtant celuy qui a escrit ledict Apocalipse, il se nomme en trois lieux, & aussi n'est du mesmes stile, parquoy lon pourroit dire que ce fut qu'elque autre sainct home de celuy temps nom. mé pareillement Iehan, à qui Dieu reuela ladicte prophetie. Plu sieurs autres liures nous a laissé ledict Dionysius seruans à la do-Arine ecclesiastique, que tous ceulx qui sont curieux d'icelle deuroyent bien tascher de les lire. Mais il nous conuient retourner à nostre histoire.

> Du concile qui fut tenu pour conuaincre l'heresie de Paule de Samosate.

> > Chapitre xv.



PRE S que Sixtus eut gouuerné le fiege de Rome vnze ans luy succeda Dionysius:& en Antioche succeda à Demetrianus Paule de Sa mosate. Lequel eut vne tresmauuaise & faulse opinió de Tesuschrist, disant qu'il sut pur hom me naturel comme les autres, pour raison dequoy Dionysius euesque d'Alexadrie sut prié

de venir au concile qui se tint de ceste matiere. Mais il ny peut veuir à cause de son vieil aage. Et neatmoins enuoya son opinion

par escrit, & declaira bien la foy & la reuerence qu'il auoit à nofire sauueur. Et pareillement les autres euesques de diuers lieux vindrent de tous costez à celle assemblee contre ledict Paule, comme lon deuoit faire contre vn loup qui vouloit aguetter le parc des brebis de Iesuschrist. Entre lesquelz furent les plus insignes Firmilian cuesque de Cesaree en Capadoce, Gregoire & Athenodore freres euesques en la prouince de Pot, Helenus eues que de Sardes, Nicomas euesque de Iconie, Himeneus euesque de Hierusalem, Theolignus euesque de Cesaree en Palestine, & Maxime euesque d'Asie, qui estoit bien digne de soy trouuer en celle assemblee: auec lesdictz euesques conuindrent plusieurs pre stres & Diacres en ladicte cité d'Antioche pour conuaincre & ex tirper celle heresie nouuelle, lesquelz tous furent souuent assemblez, en faisant au milieu d'eulx venir & assister ledict Paule de Samosate descouurirent clerement sondict erreur & heresse. Iaçoit que luy quelque fois la voulut occulter, & autresfois dissimuler, & par plusieurs raisons euidentes luy remostrerent la gran de blaspheme que conceuoit ladicte opinion. Et non pourtant ne le peurent conuaincre. Ains furent plusieurs fois assemblez sans riens conclure.

De sainet Gregoire euesque au pais de Pont.

Chapitre xvI.



A I S puis que nous auons faict mention du fainct euesque Gregoire, me semble conuenable de raconter en ceste presente nostre hystoire sa vie, & ses gestes, qui sont celebrez & recitez par toute gens tant en la region de Leuant que en celle de Septentrion. Et entre autre choses son raconte, qu'il y auoit au pais

de Pont vn grand estang bien peuplé de poissons, de la pesche duquel les Seigneurs faisoyent grand argent, lequel estant venu par succession à deux freres, la couvoitise & l'avarice (laquelle sur monte & entache presque tous les cueurs des hommes) viola tellement la charité fraternelle, que quand venoit au temps de la pesche, ilz s'assembloyent non pas tat pour prédre les poissons, com me pour tuer gés. Car ilz venoyent à celle guerre, que le sang hu main se respandoit en lieu des poissons. Mais Dieu par sa providence y remedia, au moyen du bon euesque Gregoire, lequel

estant illec venu vn iour que les deux freres estoyent assemblez auec leurs gens en armes l'vn contre l'autre, demanda qui estoit la cause de celle assemblee. Et apres qu'il eut entendu que ce n'e stoit fors pour la pesche de l'estag, voyat que les parties pour honneur & reuerence de sa personne s'estoyent vn peu retirees, & faisant silence, leur dist en telle maniere: Mes enfans ne vueillez pl° offendre les ames raisonnables pour des poissons muetz & in sensez ne violer la charité fraternelle, pour couvoitise de gaing, & de proffit, en corrompant les loix diuines: mais vous en venez tous deux auecques moy sur le bord de l'estang, & ie vous osteray (moyennant la vertu de Dieu) toute matiere de question. Ce qu'il firet, & desqu'il fut au bord, il planta vne verge qu'il por toit en sa main dedans l'eaue, au plus pres du bord, puis se mist à genoux, & leuat les yeulx & les mains au ciel, fit sa priere à Dieu de telle substance. O vray Dieu de noz peres : qui apres que nostre premier pere Adam eut peché & transgressé ton commande ment, tu le renuoyas en mitigant la peine qu'il auoit merité, en la terre de labeur & de malediction, luy disant, mauldicte sera la terre en tes operations, ie te supplie que en ayat pitié du sang de ces ieunes freres (qui est en danger) tu vueilles commander que ceste eaue soit mauldicte en leurs operations, pour laquelle ilz ont par grad fureur oublié la charité fraternelle, en maniere que en ce lieu iamais lon ne voye plus poisson ne eaue: Ains demoure & se conuertisse pour tousiours en terre labourable, au moyen duquel la concorde demourera à iamais entre ces deux freres. Lesquelles parolles dictes tout incontinent l'eaue se commença à grand cours retirer, & obeissant au supernel commandement, à la veue de tous ceulx qui estoyent presens, s'en retour na à son abisme, & laissa le chap tout sec aux deux freres, qui par ce moyen demourerent d'accord. Et iusques au iour present son voit le lieu qui souloit estre abodant de poisson, fertilede bledz. Lon raconte encores vn autre miracle qu'il fit beaucop plus insigne & merucilleux. Il estoit question de edifier vne eglise en quelque lieu bien cotrainet, assis entre vn roc & vne riuiere, tellemet qu'il n'estoit pas bien capable de l'edifice: dont voyat le bon pere que le peuple en estoit moult desplaisant, pourtant qu'il ny auoit autre lieu conuenable pour edifier ladicte eglise, se mist en oraison, & y perseuera toute la nuict, plain de foy & de esperace, requerant & suppliant à Dieu qu'il fut souuenant de la promesse qu'il auoit faicte en l'euangile, quand il dist à ses disciples. Si vous

auiez de foy autant que vn grain de seneué, & vous commandezàvne montaigne qu'elle se remue, & se iette dedans la mer, il sera ainsi faict. Ayant adoncques entiere foy d'obtenir sa requeste vint le matin au lieu, & le peuple auecques luy, si trouuerent que la montaigne s'estoit reculee, d'autant qu'il estoit necessaire que le lieu fut essargy pour bastir l'eglise. Lon raconte plusieurs autres choses: mais pour non tenir le propos trop long nous en dirós encores vne tant seulement: Il alloit en vne saison d'hyuer par vn chemin de montaignes, & quand il fut au hault desdictes montaignes n'y trouua aucun logis, fors yn temple de Apollo. Car le lieu cstoit desert, & plein de neiges, auquel temple il logea celle nuict, & le l'endemain matin f'en partit. Or auoit en ce luy temple vn prestre de la loy payenne qui faisoit des interrogations au Dieu Apollo, duquel la statue estoit là, & venoyent les gens à luy pour ceste cause, dont il gaignoit sa vie honnestemet. Estat adoc party d'illec le sainct euesque Gregoire, ledict prestre par aucuns iours continuoit à faire les sacrifices & ses demandes au Dieu Apollo: mais quelque sacrifice ne priere qu'il fit n'auoit aucune response par plusieurs iours dont il estoit tout esbahy. Et finablemét ainsi qu'il dormoit vne nuict, luy apparut iceluy Apol lo, & luy dit telles parolles: Pourquoy me inuocques tu en ce lieu ou ie ne puis venir? Et demandant le prestre la cause pourquoy ny pouuoit venir?luy respondit, que c'estoit pource que Gregoire y auoit esté. Lors luy demada s'il y auoit aucun remede? Et il luy respondit que ouy, Si Gregoire luy permettoit. Lors le prestre se mist en chemin pour aller trouuer ledict Gregoire, & en cheminant alloit reuoluant en son entendement plusieurs fantasies de cecy, finablement estant venu à Gregoire, luy declara la chose, le priant que pour l'auoir logé en sa maison ne luy voulust faire ce dommaige, dont Gregoire meu par ceste requeste escriuit vnes lettres de telle teneur: Gregoire à Apollo, Salut: le te permetz re tourner en ton lieu, & faire ainsi que tu as accoustume, laquelle lettre ayant le prestre porté & mis empres la statue, elle luy sit les responses comme parauant, quoy voyant le prestre pensa à soymesmes, Si ce Dieu s'en est allé par le commandement de Gregoire, & apres par son commandement est reuenu, il fault bien di re que iceluy Gregoire est plus grand, & a plus d'auctorité que le Dieu. Si ferma son temple & reprint les lettres de Gregoire auec lesquelles s'en vint deuers luy, & apres qui luy eut racoté tout le cas comme il estoit aduenu, le pria qui le voulsist presenter au

Dieu, en vertu duquel il commandoit aux dieux des gentilz. Lors Gregoire voyant sa bonne volunte, & qu'il perseueroit en icelle, le cathecifa. Et apres cognoissant qu'il continuoit en bonne vie,& faisant grandes abstinences, & qui ne laissoit pas tant seulement les erreurs de l'ydolatrie: mais encores toutes les choses mondaines, le baptisa. Lequel perseuera tellement de vertu en vertu, & vint à telle perfectió, qu'il succeda audict Gregoire en l'euesché. Oultre ces actes miraculeux ledict Gregoire nous en laisse par au cuns traictez siens la remembrance de son sçauoir. Car il sit sur l'Ecclesiaste vne glose tresnotable, & pleine de sens: & d'auantaige, vne expositio en nostre soy en bref lagaige, laquelle l'ay bien voulu icy inserer, pour l'instruction des eglises, & est de telle substance: La foy de Gregoire euesque de Nycocesaree, vn Dieu pere du verbe viuant de la sapience subsistante, parfaict en sa vertu, & figure,geniteur du parfaict,pere du filz vnigenit,vn feul Dieu de Dieu seul, figure & imaige de la deité, produisant le verbe de sapience, comprenant toutes choses en vertu, par laquelle toute creature a peu estre faicte, vray filz du vray Dieu inuisible, engendré de l'inuisible, incorruptible de l'incorruptible, immortel de l'immortel, sempiternel du sempiternel, vn sainct esprit ayant substance de Dieu, lequel est apparu par le filz parfaict. Parfaicte cause de toutes choses viuantes. Saincteté qui donne toute sancti ficatio, par lequel Dieu est cogneu sur toutes choses, & en toutes choses. Et le filz par tous, parfaicte trinité en maiesté, & en sempi ternité, laquelle ne se diuise, & ne se despart point de son regne. Car il n'y a en icelle trinité aucune chose imparfaicte ne introdui te de nouueau pourtant que iamais le pere ne fut sans le filz, ne le sainct esprit, sans le pere, & le filz. Ains a esté tousiours vne trinité incomprehensible, & immuable. Et c'est assez parlé de Gregoire, si nous convient retourner à nostre histoire.

Comment l'heresie de Paule de Samosate euesque d'Antioche fut condemnce, & luy priué de l'euesché. Chapitre XVII.



N la douziesme annee de Galien, mourut Denis euesque d'Alexandrie: apres qu'il eut regy le sacerdoce en icelle eglise dixsept ans; luy succeda Maxime. Et trois ans apres, mou rut Galien, qui fut le quinziesme de son empire: & luy succeda Claudius, lequel ne regna que deux ans: & luy succeda Aurelian, du tép

du quel fut le dernier concile en la cité d'Antioche: auquel Paulle de Samosate fut conuaincu & condamné comme heretique, par toutes les eglises qui sont soubz le ciel. En celuy concile fit grande experience de son sçauoir Alchiot prestre de l'eglise de Antioche, homme de grande foy, & aorné de toutes vertus. Et oultre ce, plein de sçauoir, tant en eloquence qu'en toutes autres sciences humaines, lesquelles il auoit enseigné & leu en celle cité: pour raison dequoy luy fut donné par tous les euesques, la charge de porter la parolle, & disputer contre Paule: & y auoit des notaires qui escriuoyet toute sa disputation: laquelle sut si tres elegante, que encores auiourdhuy on l'a en grande admiration. Car luy seul cotraignit ledict Paule de descouurir & publier par confession son erreur, qu'il vouloit occulter & dissimuler. Et apres que par tout le concile fut faicte la conclusion, & condamné ledict Paule auec son heresie, sur au nom de tous les euesques escrite vne epistre à Denis euesque de Rome: & à Maxime euesque d'Alexandrie, à fin qu'elle fut enuoyee à toutes les eglises: & que lon cogneut leur diligence, & chacun entendit com ment l'heresie de Paule auoit esté confutee: & toutes les questions que lon auoit eu contre luy. Et d'abondant en icelle epistre fut mention de sa vie intemperee, & de ses meurs corrompues: de laquelle epistre nous a semblé inserer en ceste presente histoire vne partie, qui est de telle teneur: A Denis, & à Maxime, & à tous les autres euesques qui sont en l'vniuersel monde, & aus si aux prestres, aux diacres, & à toute l'eglise catholique qui est foubz le ciel noz treschers freres, Helenus, Himeneus, Theophile, Maxime, Proculus, Nicomas, Helian, Paule, Bolasus, Protoge nes, Ierax, Euthicius, Thodore, Malcion, & Lucius euesques, enfemble tous autres qui se sont icy assemblez des citez voisines, euesques, prestres, & diacres, salut en nostre Sauueur. Et apres qu'il a faict narratiue de ladicte dispute & conclusion dit plus bas ainsi: Nous vous prions tous que si aucuns se trouuent infectez de ce stedoctrine en voz quartiers, les vueilliez reduire, ainsi que seu de bonne memoire Denis euesque d'Alexandrie, & Firmilian eues que de Capadoce ont faict, lesquelz dessa au parauant ceste assemblee en auoyent escrit au peuple d'Antioche, sans daigner en escrire audict Paule aucteur de celle erreur. Et mesme ledict Fir milian estant encores en vie fut present par deux fois auecques nous à l'assemblee, & argua & reprint ledict heretique, ainsi que nous tous qui estions presens auons veu, & vous certifions. Mais

pourtant qu'iceluy Paule promit qu'il corrigeroit son erreur, en esperance qu'il le deut ainsi faire, & que par ce moyen la chose se peut amender sans scandale de nostre religion, dissimula & sorça pour lors. Et non pourtant entendant depuis qu'iceluy Paule ma licieusemet auoit differé, & en deceuant les hommes, nioit Dieu qui ne peut estre deceu, & violoit la foy en laquelle il auoit esté baptisé, l'en venoit iceluy bon euesque de rechef en Antioche, auquel lieu nous l'attendions tous : mais estant venuz iusques à Tharfie, nous auons esté acertenez, commét il estoit illec trespafsé. Et apres ceste partie estoit plus bas en celle epistre faict mentió, de la vie & des meurs dudict Paule, par telles parolles. Mais puis qu'il se fut departy de la vraye doctrine & auoit suyuy les opinions adulterines, n'est plus besoing de raconter ses actes precedens. Et comme estant poure de sa naissance sans auoir aucuns biens par succession de ses ancestres, & sans auoir moyen honneste d'en acquerir, il est de present venu à vne grade richesse non par autre moyen que par sacrileges. Et des biens qu'il a tollu par fraude aux freres, les arrançonnant, vendant son patrimoine, & la foy des choses qui luy auoyent esté commises, & dont il auoit re ceu loyer, l'en persuadant, ainsi qu'il est escrit: Que l'acquest fut pitié. Ét si nous voulons parler de son orgueil, il estoit intolerable. Car il se monstroit plus capitaine que eucsque, pourtant qu'en allant par les rues il vsoit d'vne ambition merueilleuse, lisant les let tres qu'on luy escriuoit deuant les gens, & nommant la response à ses notaires qui l'accopaignoyent, ayant au surplus grand nom bre de gens, qui marchoyent deuant luy, & vne grosse turbe qui le suyuoit, de sorte que tous ceulx qui le veoyent, detestoyét son arrogance, & pour cause d'icelle blasmoyent nostre religion. Ces choses faisoit il en public parmy la cité. Et neantmoins en l'egli se auoit faict faire & dresser vn tribunal, pl' hault beaucoup qu'il n'auoit accoustume d'estre, & en iceluy son siege bien esseué, paré, & tapissé, har éguoit ainsi que sont les iuges mondains. Et quad il preschoit au peuple, iettoit ses mains excessiuement en hault, & en frappoit ses cuisses, & remuoit les piedz, frappant son marchepied, parlant d'vne voix bourdonnante, comme s'elle sortoit d'vne caue, non comme modeste prescheur, mais comme vn orateur qui harangue au theatre pour acquerir la faueur & la louen ge du peuple: & non pas des hommes tant seulement, mais enco res des femmes: & si quelqu'vn des assistans en parlant à luy, parloit plus bas & plus modestement, il luy disoit vilanie, comme si

luy faisoit iniure. Il parloit au surplus des anciens docteurs & escriueurs de nostre foy en toute detraction, & hault leuoit la sienne opinion par vne impudence & vaine gloire intollerable: & ay moit plus estre loué comme bon rethoricien, que comme bo do cteur d'eglise. Et les Pseaulmes que lon châte en l'eglise en l'hon neur de nostre sauueur Iesuschrist, il les fit cesser, comme choses nouuellement trouuces, & en lieu de ceulx, en faisoit chanter d'autres qu'il auoit coposez de soymesmes, & qui pis est par sem mes qu'il auoit au parauant instruictes & enseignées à les chanter (qui estoit vne chose hideuse à ouir & à voir) & d'autant plus que cela se faisoit en sa presence & en lieu de le prohiber, il se delectoit auec vn sorcil esseué, & vne geste ioyeuse monstroit bien semblant qu'il y prenoit plaisir. Il n'est besoing parler des femmes qui demouroyent en sa compaignie, lesquelles les Antiochiens appelloyent Semiunctes:car à fin qu'on ne l'en peut re prendre, il donnoit congie & licence à ses prestres & diacres non pas à tous, mais à ceulx qui luy applaudissoyent de faire le semblable. Et pareillement d'acquerir richesses, à fin qu'estant entachez du mesme crime que leur maistre, ne luy peussent riés obicer. Lesquelles choses vous escriuons, treschers freres, pourtant que nous sçauons comme la conuersation & la vie d'vn euesque doit estre saincte, & exemplaire tant au clergé qu'à tout le peuple. Et si sçauons bien qu'il y en a eu aucuns que pour laisser & permettre indirectement habiter en la compaignie des femmes, son tombez en peché. Et quand bien le faict n'y seroit, si est cho. se griefue que lon aye telle suspició des prelatz. Car coment pour ra celuy deffendre à ses subject la conversation & cohabitation des femmes, qui leur baille l'exemple de le faire, Il estoit au remanant si fier & si cruel en son authorité enuers ses subiectz, & si esleué en sa tyrannie, qu'il n'y auoit celuy qui l'osast arguer, ne accuser ses faictz. Toutes lesquelles choses son pourroit bié con temner & reprendre en vn qui garderoit la foy catholique, & la doctrine de l'eglise. Mais de cestuy cy qui a laisséle mistere de la foy, & s'est conuerty à vne erreur & heresie damnee, & abominable: il est necessaire raconter la vie conuenante à la creance, à fin que lon cognoisse mieulx coment on le doit execrer & de tester. Et apres plusieurs autres choses en la fin de l'epistre, disoit telle conclusion: Parquoy a esté necessaire de deschasser & depo ser cest homme temeraire qui veult resister à Dieu, & refuse de adherer & acquiescer à la vraye foy, & pourucoir d'vn autre en

son lieu:ce qu'auons faict moyennant la grace de Dieu, à sçauoir de la personne de Domnus, homme accomply de toutes vertuz, qui fut filz de feu de bonne memoire, Demetrian, lequel presida en ceste eglise, sans aucune reprehésion. Si vous en auons bien voulu aduertir, à fin que doresenauant adressez voz lettres à luy & receuez les siennes en la communion de l'eglise, « que celuy qui a esté iugé indigne d'estre en l'eglise catholique, soit tenu & reputé heretique, & tous ses sectateurs excomuniez. En telle maniere fut deposé Paule, de l'eucsché d'Antioche, & excommunié & chassé de la communion de l'eglise vniuerselle, & Domnus ordonné en son lieu. Et pourtant qu'il refusoit de sortir de la maison de l'euesché, lon eutrecours à l'empereur Aurelian, lequel en escriuit assez religieusement & sainctement: & comman da que lon deut bailler ladicte maison à ceulx que l'euesque de Rome, & les autres euesques d'Italie auoyent escrit qu'elle fut baillee: au moyen dequoy outre les autres scandales & confufions qu'ent ledict Paule, il receut encores cestuy cy : Qu'il fut chasse de l'euesché par authorité, & par les ministres de la iustice temporelle.

Comment apres la mort d'Aurelian, l'empire vint par succession susques à Diocletian, & de la naissance de l'heresse des Manichees.

Chapitre XVIII.

EL estoit pour lors Aurelian enuers les nostres, mais tantost apres changea sa bonne opi nion, à la persuassion de mauuaises gens, tellement qu'il auoit deliberé de persecuter les eglises: & dit lon que les lettres de son edict estoyent dessa escrites, & ne restoit que les signer de sa main, pour apres les enuoyer par

les prouinces, lors que Dicu par sa diuine puissance, l'empescha. Car il mourut soudainement auant qu'il peut faire celuy mesfaict qu'il pensoit à faire mourir les Chresties. Et par ce moyen voulut bien Dieu donner à cognoistre que nous ne sommes pas persecutez à la volunté des tyrans, mais qu'il l'ordonnoit, & quand il luy plait. Estant adonc mort Aurelian la sixiesme annee de son empire, luy succeda Probus, lequel ayat regné par sembla ble temps, mourut, & luy succeda Carus auec ses deux enfans, Carin & Numeriam, lesquelz ne tindrent pas l'empire trois ans

entiers. Et apres eulx l'obtint Diocletian, lequel fit moult grandes persecutions en l'eglise. Mais vn peu auant qu'il regnast, estant à Rome decedé l'euesque Denis, apres qu'il eut regi le siege neuf ans, succeda en son lieu Felix, duquel temps, vn nommé Ma nes, agité de l'esprit diabolique, suscita vne heresie execrable & damnee. Iceluy Manes estoit Persien de nation, & Barbare de meurs:mais il estoit si egu & si vehement d'entendement & d'esprit, qu'il sembloit rauy d'entendement, ou bien possedé du diable : car quelque fois l'efforçoit de representer la personne de Christ, & disoit qu'il estoit le sainct esprit. Et perseuerant en sa for cenerie esleut douze disciples, & les enuoya preschant par diuers lieux, ainsi que nostre Sauueur auoit faict, semant & suscitat main tes erreurs qu'il auoit prins de diuerses heresies. Lesquelles au par auant auoyent esté esteinctes, & aportant par ce moyen en nostre region les poisons de son pais de Perse, duquel print commencement l'heresie des Manichees, qui dure encores auiourdhuy, & eut naissance lors que Felix tenoit le siege de Rome. Lequel apres qu'il eut tenu cinq ans deceda, & en son lieu succeda Eutician, qui n'y demoura fors dix mois: & fut en son lieu G2 ius. Lequel de noitre temps ayant regi le sainct siege quinze ans, eut Marcelin pour successeur, qui trouua la persecution de Diocletian ia commencee.

Des notables prelatz, & gens ecclesiastiques qui furent d'iceluy temps.

Chapitre xIx.



N celle saison, en Antioche tenoit le sacerdo ce Thimeus, qui auoit succedé à Domnus, & apres luy le tint Cyrilus, apres Cyrilus, Dorotheus, qui a vescu iusques à nostre temps, hom me de grande science, & assez entétif aux sain ctes escritures. Lequel par grande diligence auoit aprins la lague Hebraique; au regard de

la Grecque, il l'auoit aprins de ieunesse. Il estoit né Eunuque, c'est à dire chastré, pour raison desquelles choses, l'empereur l'auoit eu en admiration, & luy auoit donné des offices honnorables, & moymessen ma ieunesse l'ay ouy lire & exposer les sainctes escritures. Apres luy succeda en l'euesché Tyrant, du temps duquel commença la persecution contre l'eglise, en la cité de Laodi

ce. A Socrates succeda Eusebe, qui estoit natif d'Alexandrie. Lequel estant venu es parties de Syrie pour cause de l'heresie de Pau le Samosatien, pourtant qu'il estoit homme bien lettré, les freres de celle cité le garderent & retindrent comme vn tresor singulier, ainsi que Denis escrit en ses epistres. Apres luy succeda Anatholius, tant en dignité comme en bonté: lequel pareillement estoit natif d'Alexandrie, & moult sçauant en philosophie & en tous autres ars liberaulx, tellement qu'il auoit esté contrainct par les gens de bien d'Alexadrie de lire la dialectique. Et dit lon que durant le temps des guerres & dissentions ciuiles, il auoit par ses admonnestemens & par son sens faiet beaucoup de biens en cel le cité desquelz i'en racoteray vn seul pour brefueté. Estant la ci te assiegee par les Romains, la famine y vint si grade, qu'elle leur faisoit plus de guerre que les ennemis. Or estoyent les deux parties en armes l'vne contre l'autre, & la tierce partie qui ne se mesloit point de leurs questiós, ains estoit separee d'eulx, laquelle gar doit presque la foy aux Romains. Estant adonc Anatholius en icelle partie, l'en alla deuers le mareschal de l'ost desdictz Romains, & luy exposa la necessité desdictz citoyens assiegez, tellement qu'il impetra grace pour culx, laquelle il distribua & executa en telle sorte. Car premierement il sit assembler les deux par ties qui estoyent en armes l'vne contre l'autre, chascune à part, & leur persuada de reuenir à l'obeissance des Romains: & voyant qu'il ne les y pouoit induire, leur dit: A tout le moins permettez que celle partie du peuple qui est inutile pour la guerre, & vous consomme grande partie de viures, sorte dehors: lequel party, ilz accepterent voluntiers. Si firent ouurir les portes de la cité pour laisser sortir ladicte turbe inutile à combattre, auec laquelle sortit la pluspart de ceulx qui estoyét en necessité de famine, & mes mement les Chrestiens qui n'estoyet pas de l'opinion de la guerre, tous lesquelz le bon Anatholius receut, & nourrissoit, & conso loit comme pere medecin. Et par ce moyen sauua celle partie du peuple qui fust morte de famine, & l'autre partie qui estoit demouree, soy voyat en si petit nombre, sut en telle craincte, qu'ilz commencerent à desirer la paix, laquelle finablement ilz obtindrent:dont par le sens d'iceluy Anatholius, & par sa bonté, sut sau uee la cité d'Alexadrie de famine & de guerre. Cestuy adonc fut le deuxiesme de la cité d'Alexandrie qui fut euesque de Laodice, apres la guerre dont nous auons parlé, lequel composa plusieurs traictez es choses ecclesiastiques qui sont venuz à nostre co-

Qiij

gnoissance. Entre lesquelz me semble conuenable de reciter ce qu'il escriuit de la raison & du calcule de Pasques.

Ce que Anatholius eucsque de Laodice, escriuit de la raison & du calcule de Pasques.

Chapitre xx.

E commencement a donc de la premiere annee pour l'espace & pour le calcule de neuf ans, & au premier mois qui est selon le conte des Egyptiens le vingtsixies me iour du mois qu'ilz appellent Fameloth, & selon les Macedoniens le vingtdeuxies me iour dudict mois, & selon l'vsaige Romain la vnzies me kalen-

de d'Auril, qui est le vingt deuxiesime iour de Mars, auquel iour le soleil se trouue estre monté, non pas le premier degré tant seul lement, mais le quatriesme, qui est la premiere partie du douzeiesme, laquelle est l'equinocce vernal. Le commécemét des mois chef du cercle,, & la termination des sept est oilles erratiques, que nous disons planettes, & la fin de la douziesme partie: & par ainsi de tout le cercle. Parquoy nous semble que ceulx qui veulent trouuer la Pasque auant le commencement de ceste nouuelle an nee, errent grandement. Ceste calculation nous n'auons pas trou ué nouvellement, ains avoit esté coposee par les Iuifz avant l'aduenement nostre Seigneur, ainsi que Philo & Iosephus nous enseignent euidemment, & auant eulx Agathobolus, & son disciple Aristobolus de Paneade, qui fut l'vn des septantedeux docteurs qui furent enuoyez par les euesques des Iuifz au roy Ptolomee d'Egypte, pour luy declairer les liures des Iuifz, & les translater de Hebreu en Grec. Lesquelz outre ce, luy respondirent à plusieurs interrogations qui leur sit touchant les liures & les coman demens de Moise. Iceulx adonc en exposant le liure d'Exode dirent: Que lon ne deuoit iamais celebrer la Pasque, iusques à ce que l'equinocce vernal fut passé. Et ledict Aristobolus y adiouxta encores, Qu'il estoit requis que ledict equinocce fut passé quant au soleil, & encores quant à la lune. Car estans deux equinocces l'an, l'vn en la prime vere, & l'autre en l'automne, distans egallemét l'vn de l'autre, & le quatorziesme iour du premier mois soit estably pour la solemnité de la feste, apres vespres, quand la lune est droictement opposite au soleil, ainsi que lon voit à lœil, lon

trounera que le soleil tient partie de l'equinocce vérnal, & la lune par l'opposite partie de l'equinocce autonnal. Plusieurs autres choses iay leu aussict liures pour confermer l'opinion que dessus, & oultre ce, ledict Anatholius laissa plusieurs escritz dignes d'admiration: non pas aux religieux tant seulement: mais encores aux philosophes. Et sur premierement ordonné en l'eglise par Theotignus euesque de Cesaree, lequel depuis en son viuant le designa & declaira pour son successeur: & si le print & accepta par aucun temps son coadiuteur en ladicte eglise. Mais du temps que sur faiste l'assemblee en Antioche cotre Paule Samosatien, ainsi qu'il paissoit par Laodice, les citoyens qui estoyent demourez denuez de pasteur par la mort d'Eusebe, l'esseurent leur euesque. Et sut le sixiesme qui tint siege en celle cité.

Des autres excellens euesques & docteurs qui furent d'iccluy temps.

Chapitre xxt.



PR E S Antholius dernier, iusques à la perfecution de Diocletian, sut Estienne, lequel de science & d'eloquence n'estoit pas moindre que les autres: mais de soy se monstra beaucop plus mal sondé au temps de la per secution: car il ne sit aucune experience de sa philosophie, au temps de la tétation qu'il en

estoit besoing: mais non pourtant la diuine prouidèce ne se mon stra point despourueue à celuy besoing, apres qu'il eut preuariqué: ains pourueut en son lieu de Theodote en celle eglise, hom me tant de sçauoir, comme d'eloquence & de vie tresexcellent. Lequel estant au parauant medecin des corps, sut translaté en la medecine des ames: auquel exercice il se monstra singulier & incomparable, tant en soy & en religion, comme aussi en doctrine, en diligéce, en charité, & en toutes autres vertus, entre tous ceulx qui surent d'iceluy temps: & mesmement en la science de sain-cte escriture, en laquelle il laboura grandement. En ce temps mes mes estant decede Theorignus euesque de Cesaree au pais de Pa lestine, apres qu'il eut regy & gouuerné ladicte eglise en grande saincteté & diligence, luy succeda Agapite: lequel pareillement sut moult soigneux & laborieux sur son peuple, tant par doctrine, que par charité enuers les poures. Et apres luy succeda Pamphile, homme tresparsaict de vie, de doctrine, de meurs, &

Qiiij

de prudence. Mais pourtant que cestuy cy fut homme singulier en toutes choses,m'a semble estre couenable de ne le passer ainsi sommairemét, ains de raconter dont il fut, ensemble toute sa vie depuis son ieune aage& les grades persecutios qu'il soustint pour la foy: & finablement comment il fut coronné par le sain et martire. Toutes lesquelles choses i'ay narré par ordre en vn petit liure & traicté que i'ay faict à part de luy. Plusieurs autres en y eut de celuy temps, grans personnages en l'eglise de Dieu, dont nous auons encores memoire: & entre autres en Alexandrie Hierie: au pais de Pont, Meletie: lequel depuis fut faict euesque. Mais Hierie fut homme de merueilleux entendement, tressçauant en l'escriture diuine, de vie pure & nette, vray sectateur de la philo sophie diuine, & docteur de l'eglise, incomparable, tant en doctri ne qu'en disputation. Au regard de Meletie, il fut si doulx & si hu main en toutes ses actions, que ses freres l'appelloyent Miel attique. Il estoit au surplus en toutes sciences parfaict: & sur tout en rhetorique si eloquent, que on eust iugé qu'il n'auoit iamais estudié en autre science, & pareillement en toutes les cinq parties de philosophie: Mais sil estoit parfaict en science, encores l'estoit il plus en vertus, & en bonté de vie, lequel ie cogneuz au temps de la persecution luy estant fugitif au pais de Palestine, en la cité de Hierusalem. Apres Hymeneus (dont nous au os parlé dessus) pre sida Zapdas, lequel administra bien peu de temps le siege, & luy fucceda Hermon, lequel exercea & enseigna en celle cité la do-Etrine apostolique qu'il auoit aprinse, iusques à la persecution qui a esté de nostre temps en Alexandrie. A Maxime qui auoit succe de à Denis, succeda Theonas, apres qu'il eut regi le siege dixhuict ans. Durant lequel temps, Achillas eut en celle eglise (de laquelle il estoit prestre) l'office de docteur, & de maistre d'eschole, h5me singulier tant en science, que en meurs,& en saincteté de vie. Et apres que Theonas eut presidé en ladicte eglise irreprehensiblement l'espace de dixhuict ans, laissa le siege à Pierre, homme singulier entre tous les excellens: lequel le tint l'espace de douze ans: dont les trois premiers il vesquit en bonne paix, auant la persecution: mais durant les autres neuf, il soustint diuerses persecutions, & merueilleux trauaulx & neantmoins d'autant qu'il estoit plus persecuté, d'autant faisoit plus grandes abstinences & austeri tez de vie,& estoit plus ferme en la doctrine ecclesiastique : & au surplus, labouroit iour & nuict en tout ce qui appartenoit à l'office d'vn bon prelat. Et finablement la neufiesine annec de sa persecution, qui fut la douziesme de son euesché, il obtint la coronene de martire par punition capitale. Iusques icy nous auons raconté & descrit la succession, & vne partie des gestes des euesques qui furent depuis la natiuité nostre seigneur, iusques à la grande persecution, en laquelle les eglises mesmes surent destruictes. Mais aux sequens liures, nous parlerons des trauaulx & tormens que soustindrét les vrayz confesseurs & martirs de Dieu, lesquelz nous mesmes auons veu, à sin que ceulx qui viendront apres, en ayeux memoire.

Cy finit le septiesme liure.

Cy commence le huict-

IESME LIVRE DE L'HISTOIRE Ecclesiastique.

Exorde.



YANT escrit & relaté es sept liures precedés la succession des apostres, nous a semblé en cestuy huictiesme liure inserer les choses que nous auons veues de noz yeulx, & faire commencement par ce qui s'ensuit.

Dela persecution de Diocletian, de Maximian, & de Maximin.

Chapitre premier.



L n'est à nous possible d'escrire, ne d'exprimer comment auant la persecution qui a esté de nostre téps, la parolle de Dieu & la doctrine euangelique auoit esté magnifiquement & glorieusement respadue & diuulguee par tout le monde. Mais on le peut compren dre assez par ce que aucuns des empereurs &

Princes de Rome auoyent donné la charge & le gouvernement des prouinces, & l'authorité de judicature à aucuns des nostres: & auoyent permis à leurs propres femmes & à leurs seruiteurs domestiques, non pas tant seulement croire en Iesuschrist: mais encores de faire toutes les œuures conuenables à la foy, sans aucune crainte: de sorte qu'il leur sembloit que ceulx la pourtant que ilz estoyent Chrestiens ne leurs faisoyent aucune troperie, à cau se mesme de leur loy, ainsi que fut le bon Dorothee: lequel pour ladicte cause fut long temps à la chambre & au seruice domestique des empereurs. Et pour la fiance qu'ilz auoyent en luy, estoit le plus honnoré & le plus estimé de tous les autres. Et pareil lement Gorgonnius & plusieurs autres: lesquelz estoyent honnorez dedans le palais imperial, ou auoyent charge des grades pro uinces: dessors estoyent preferez à plusieurs autres, pour raison de la foy. Et desia veoit on grandes assemblees de peuples dedas les eglises: mesmement aux iours de feste, & gens qui venoyent illec, de tous costez en grand nombre: en maniere que les eglises anciennes n'estoyent plus capables de les receuoir : mais les falloit croistre iournellement: & de telles en y auoit dessa si amples, que leur closture sembloit petites villes: & par succession de temps, leur estat accroissoit si fort, que leur gloire sembloit non estre contente de la terre: ains approcher dessa des cieulx. Car on n'y veoit aucune enuie, n'aucune deception diabolique, pourtat qu'el le estoit dessendue par la dextre de dieu. Ausi le peuple pour sa foy entiere, & pour sa bonne vie, meritoit estre ainsi fauorisé de la grace diuine. Mais apres que pour la trop grande liberté & li cence les meurs se commencerent à corrompre, & la discipline ec clessastique à relaxer: & que nous commençasmes à nous mordre,par enuie, detracter & accuser les vns les autres: & q les guer res ciuilles se susciter et entre nous, & que nous voulumes esmou uoir & cóciter les peuples & les princes par nos immutations serpentines. Et finablement qu'il n'y auoit en nostre visage que simulation, en nostre cueur que mauuaistié, & en nostre langue que deception, & à bref parler, que le comble de noz pechez estoit desia enssé trop hault en toutes choses: la prouidence diuine cognoissant que cela estoit aduenu par trop grande seureté,& par la trop longue paix, commença peu à peu refrener nostre liberté. Et sans empescher les congregations & assemblees, ne trou bler au remanant l'estat des eglises, fut tant seulement dessendu à noz gés l'estat & le mestier de la guerre par decret des Payens.

Mais voyant que pour cela noz gens ne se chastioyent point, comme sil leur sembloit que cela ne se fit point par la prouiden ce eternelle:ains par cas fortuit: & que les prelatz mesme, & ceulx qui deuoyent estre docteurs & ducz du peuple fidele, ayans ou bliéles commandemens de Dieu, estoyent enslabez les vns con tre les autres d'enuie, de haine & d'arrogance: tellemét qu'ilz sem bloyent mieulx tenir le siege de tirans, que de prelatz: veu que sans aucune apparence de charité ne d'humilité, ilz faisoyent & celebroyent les misteres sacrez auec leurs pensees prophanes & maculees. La diuine iustice fit que ce qui est escrit en la prophetie de Hieremie, quand il dit: Le seigneur en son courroux a obscurcy la gloire de la fille de Sion, & l'a iectee des cieux. Et en vn au tre lieu dit : Dieu a noyé toute la beauté d'Ifrael: & gasté toute la matiere de ses edifices. Et le Psalmiste dit: Le seigneur a gasté son testamét, & a pollu sa sanctification en la terre: c'est à sçauoir par la destruction des eglises: & a mis tous ses ramparcz & ses cer tifications en crainte, tous ceulx qui passoyent par le chemin, ont pillé & fourragé son peuple, pour lesquelz cas nous fusmes en derision à tous noz voisins. Il a retiré l'aide de son glaiue, & ne nous a voulu secourir en la guerre: ains l'a priué de son emenda tion, & a froissé son trosne contre terre: il a abbregé noz iours, & en toutes choses a respandu sur nous confusion. Certes ces cho ses aduindrent lors que les eglises de Dieu, & les lieux de deuotion furent demoliz & abbatuz iusques aux fondemens: & les liures de la saincte escriture brulez au mylieu des places:lesquelles choses nous miserables auons veu de noz yeulx. Et au surplus les euesques & prelatz des eglises despouillez publiquement tous nudz, tirez & trainez honteusement deça & dela par les cruelz Payens: tellement que la prophetie estoit bien accomplie, en laquelle estoit dit: L'outrage & la contumelie a esté respandue sur les princes: & les a seduictz par les lieux deuoyez, non pas par les chemins. Et non pourtant ce n'st pas nostre intention de descrire tous les outrages & toutes les sortes d'opprobres que les sainctz de Dieu ont soustenu : comme aussi n'auons pas voulu d'escrire par le menu, la rage des dissentios qui auoiét esté au parauat entre les nostres: ains seulement raconterons comment par iuste iu gement de Dieu pour nostre correction necessaire, nous auons senty sur nous la main de Dieu. Aussi n'est il pas expediét de dire pour cause desquelz celle rage de persecution commença: n'aussi le nobre & les personnages de ceulx qui par icelle surent occis

& dessaictz: ains raconterons tant seulement les choses qui pourront edifier nousmesmes qui les escriuons, ou ceulx qui les orrot. A ceste cause commécerons à narrer enbriefz motz les diuersitez des persecutions des sainctz martirs.

> De la subuersion des eglises, & des editz qui furent faictz & publicz contre les Chrestiens.

> > Chapitre 11.



E fut la neuficsme annee de l'empereur Diocletian, au mois de Mars, lors que la feste solennelle de Pasques approchoit, que les edictz d'iceluy prince furent publiez par toutes les prouinces, cotenans que toutes les eglises que lon trouueroit des Chresties, fussent abbatues iusques aux fondemens, les liures & escritures

brussez: a que tous ceulx de celle secte qui auroyent aucune dignité ou office, en fussent deboutez, a demeurassent infames: a les Esclaux qui perseueroyent en la soy des Chrestiens, ne puissent obtenir liberté. Ce surent les premiers edictz: mais tantost apres lon adiouta que les prelatz ceulx qui presidoyent aux eglises, sussent premierement mis en estroicte prison apres que on les contraignit par diuers tormens à sacrisser aux idoles.

De la qualité des persecutions.

Chapitre 111.



E ces edictz s'en ensuyuit que les sainctz prefires & prelatz furent vn merueilleux spectacle à ce monde, aux anges & aux hommes, quand par la cruaulté des persecuteurs ilz estoyent trainez aux tormens, & qu'on les esprouuoit par merueilleuses & diuerses especes de martire & de gehénes. Au regard de ceulx

qui furent oppresse & abbatuz par peur, & qu'auant qu'ilz vinsent iusques au lieu des tormens, par crainte furent vaincuz: dot le nombre sut beaucop plus grad que des autres, me semble pour le mieulx de n'en parler point. Mais les autres qui auoyent le cueur plus constant, & la foy plus serme, enduroyent ce pendant plusieurs tormens. Les vns estoyét battuz de gros sleaux, de nersz de beusz: les autres escorchez & dessirez à grappes de ser, les autres rostiz à lames de ser rouentes de seu, lesquelz les aucuns prosternez & vaincuz par iceulx tormens se rendoyent & renoncovent à la foy, les autres perseueroyent constamment iusques à la fin en bonne patiéce. Et mesmes aucuns des persecuteurs (com me ayans pitié d'eulx) en menoyent aucuns au lieu des sacrifices des idoles, & leur faisoyent toucher les victimes, puis crioyent au peuple qu'ilz auoyent facrifié, iaçoit qu'ilz ne l'eussent faich. Et encores aucuns mesmes auant que les nostres approchassent d'icelles victimes, failoyent le mesme cry, & mustoyent les poures Chrestiens: lesquelz neantmoins pechoyent en cela, tant seule. ment qu'ilz dissimuloyent leur soy, & ne l'osoyent consesser à haulte voix. Les autres estans à moitié mors, estoyent retirez de tormens, & iectez là comme mors. Les autres estoyent tirez par les piedz à la compagnie de ceulx qui auoyent sacrifié: dot les aucuns crierent à haulte voix qu'ilz n'auoyent point sacrissé: ains estoyent vrais Chrestiens, voulans par ce moyen obtenir glo rieusement le triumphe de martire. Et encores en y auoit d'autres qui crioyent qu'ilz n'auoyent point sacrifié, & que iamais ne sacrifiroyent: lesquelz toutes fois les souldars illec assistás frapoyét à coups de poings sur la bouche, & sur les yeulx, pour les faire tai re, tant estoyent curieux de faire entédre au peuple qu'ilz auoyét obtenu leur intention. Mais cela ne se pouuoit bonnement faire à personne des sainctz martirs: la patience & la magnanimité des quelz nul ne pouuoit suffisamment louer. Toutesfois ie mettray peine de raconter ce q ie pourray selon la debilité de mon esprit.

> Des martirs qui furent en la cité de Nicomedie, & es prouinces de Muhilene & de Sirie.

> > Chapitre 1111.



STANT adonc la persecution commècee comme vne petite sintile contre les gens de guerre & souldars, ceulx qui se trouuoyent estre Chrestiens, auoyent le chois de sacrisser aux idoles, ou de perdre leur estat, ensemble la vie. Desquelz les vns choisirent de perdre les deux pour la foy, mais la pluspart ne vou-

luret perdre fors leurs estatz: Mais apres soy estant celuy seu respandu par tous les prelatz & par les peuples, il ne nous seroit possible de narrer le grand nombre de ceulx qui tous les iours estoyent martirisez, quass par toutes les citez. Et premierement par-

leros de ceulx qui furent en la cité de Nicomedie. Entre lesquelz en y eut vn qui estoit des plus nobles & illustres de la cité, lequel voyant les cruelz edictz contre les Chrestiens attachez au marché, emeu par vne trop grade ferueur de foy, publiquement voy ant tout le monde abbatit & arracha les tableaux ou estoyenticeulx edictz escritz & attachez, & dessira le papier en pieces estant en icelle cité l'empereur & son collegue Maximia, lesquelz furent si indignez du cas, qu'ilz firent celuy gentilhomme & illustre personnaige massacrer par toutes les cruelles peines dot ilz se sceurent auiser. Si ne peurent ilz pas par ce tant faire, que hom me viuant le vist monstrer un seul semblant de tristesse, ains lors que ses mébres estoyent desia tous mortifiez iusques aux entrailles, sa face se monstroit ioyeuse : dont les bourreaulx qui le tormentoyent estoyent plus tormentez que luy, voyans qu'ilz consommoyent tous les tormens sur sa personne, sans le pouvoir con trister. Apres celuy continua la raige de la persecution contre vn des copaignons de Dorothee, lesquelz estoyet de la chambre de l'empereur, & les tenoit & aimoit presque comme ses enfans. Ce stuy cy voyant la cruaulté que lon vsoit contre l'autre (dont nous auos parle) publiquement & hardiment detesta le cas, pour raifon dequoy fut amené deuant le tribunal, & luy fut commandé qu'il deust sacrifier, ce qu'il refusa franchement. Lors fut attachéà vn pillier, & illec battu de fleaux longuement, à fin qu'il fit par douleur ce que de son gré refusoit faire: Mais voyat qu'il ne vouloit reuenir à leur intention, apres que la peau & la chair fut deffiree iusques aux os, luy misrent sur les playes du sel & du vin aigre, lequel torment il soustint encores patiemment & constamment. Lors fut apportee vne grade grille de fer, & iectee sur des charbons allumez au mylieu de la place, & luy couché dessus:& si ne luy bailloyent pas le feu aspre, tout à vn coup: mais peu, à fin que la peine & les tormens eussent plus longue durce. Et apres quilz l'auoyent rosty d'vn costé, le tournoyent de l'autre, esperans le pouoir conuertir à leur intention mais luy comme bon chapion (apres que tous ses membres furét consommez per seu) perseuerant tousiours en la foy tout ioyeux rendit l'esprit à Dieu. Ainsi fina le cours de son martire le vaillant cheualier qui l'appel loit Pierre: & bien monstra qu'il estoit heritier de saince Pierre l'apostre, tant de foy que de no. Cestuy cy auoit esté disciple quat à la doctrine Chrestienne de Dorothee: oultre ce, subiect à luy, quat à l'office qu'il auoit au palais de l'Empereur: car il estoit mai

fire de la chambre, & auoit pour copaignon Gorgonius: par la do êtrine & enseignemet desquelz, presque tous les varletz de cham. bre estoyent Chrestiens, & perseueroyent constamment enlasoy. Voyat adoc lesdictz Dorothee & Gorgonius la cruauté que lon vsoit enuers Pierre, vindrent à l'Empereur, & luy dirent tout har diment & constamment: Pourquoy seigneur Empercur puniz tu Pierre pour la creace qu'il a en son entendemétide laquelle nous fommes tous participans: & si c'est crime, nous confessons en estre tous entachez. C'est nostre foy, c'est nostre faço d'adorer, c'est en effect la creance en quoy nous viuos tous d'une opinion? Lors l'Empereur plein de fureur, les fit tous venir en sa presence, & apres qui les eut faict tormenter par diuers martires, finablement les fit pendre & estrangler. Et celuy mesmes iour fut decapité le bon Anthimus qui estoit euesque de la cité, perseuerant constam met en sa cofession lequelcome bon & vray pasteur, fut suyuy par la plus grande partie de son peuple par telle occasion. Il aduint en ces mesmes iours que le feu se mist au palais de l'Empereur, laalle chose il souspeçona (cotre verité toutes sois) auoir esté faicte par les Chrestiens, à l'occasion dequoy, tout esmeu de fureur, comada qu'ilz fussent tous occis:les vns par glaiue, & les autres par feu. Mais lő trouua que l'ardeur estoit en eulx plus grande & plus vehemente de la foy que du feu, moyennant la grace de Dieu, tellemét que quand ceulx qui les executoyent leur demadoyent filz vouloyent sacrifier, ne pouuoyent endurer que on eust ache ué de leur faire la demande, ains tous d'vne mesme volunté, tant femmes que homes sans attendre la fin se iectoyent au feu ceulx qui estoyent ordonnez à estre bruslez, & les autres qu'on vouloit decapiter, mettoyent la teste sur le plot, dot les ministres & bour reaulx,& ceulx qui regardoyent le faict, ayant en horrcur & abomination l'exces de la cruaulté, en firent charger partie sur des pe tites fentines,& mener fur la mer,& apres voyant leur perseueran ce,iecter dedans l'eaue, & noyer. Et fut la cruaulté si grande, que les corps des seruiteurs mesmes domestiques qui auoyent apres leur martire esté enseueliz, ilz faisoyent tirer hors des sepulchres & iecter en la mer, disans qu'ilz le faisoyent, à fin que les Chresties ne les adorassent apres come leurs dieux, pésans que no attribuos l'adoratió aux sainctz martirs comme à Dieu. En celuy mesmes tepsq l'autheur de la persecutió respadoit ainsi cruellemet le sang des Chrestiens en la cité de Nicomedie, les prelatz des eglises en execution des mandemens imperiaux, estoyent prins & trainez

en prison, en la prouince de Mithilene & en celle de Sirie: & auecques eulx plusieurs autres tant semme que hommes, &tant dupopulaire que Noblesse, dont le spectacle estoit piteux & miserable de tous coustez. Car tout soubdainemet lon voioit vn grad filence en la cité, & es prisons vne grande presse de gés, tellement que on ne trouuoit à peine personne par les rues, & es prisons n'a uoit aucun lieu vuidé, en maniere qu'il ne sembloit pas que lon cust mené les malfaicteurs en prison, mais que toute la cité y sut allee. Et les chaignes de fer qui auoyent esté preparees & faictes pour les meurdriers, adulteres, vsuriers, & violateurs des sepulchres, est oyent mises au col des bons euesques, prestres, diacres, le cteurs, & autres gens religieux & de saincte vie en sigrant nombre, qu'il n'en restoit plus aucu lieu pour mettre les malfaicteurs, ne aucun lieu pour les attacher. Donc estant l'empereur aduerty, pour vuider les prisons manda, que ceulx qui vouldroyent sacrifier fussent relachez, & les autres occis par diuers tormens.

Des Egiptiens qui furent martirizez au pais de Phinice.

Chapitre v.

Ln'est homme qui sceust nombrer ne raconter le grand nombre des martirs qui surent de celuy temps martirizez par les prouinces, & mesmement en celle d'Affrique,& de Mauritanie,& pareillement en la region de Thebai de, & au pais d'Egipte. Et mesmes de ceulx que nous auons veuz de nozyeulx au pais de

Palestine, & en la cité de Tire qui est la principale & capitale ville de Phenice, ne sommes pas suffisans d'en faire le recit. Car ilz eurent si grande vertu de constance & de perseuerance pour le soustenement de la soy cotre les tormés, que si n'auons memoire de ce que nostre Sauueur a promis à ses disciples & seruiteurs en l'euangile, disant: qu'il seroit auecques eulx en tous temps, iusques à la consommation du monde: & ne croyons que la vertu diuine eut esté assistente aux saincez martirs, Certes il n'est homme qui peust croire ce que nous auons veu faire, & dont nous ne parlons point par ouy dire, mais par veue propre. Car lon cerchoit soigneusement diuerses manieres de tormens pour les employer les vns apres les autres. Premierement lon auoit des fleaulx, defquelz

quelz lon battoit les martirs par tout le corps, apres on les bailloit aux bestes sauuaiges pour les faire deuorer, à sçauoir aux lions, aux ours, aux leopars, aux sanglers, & autres telles bestes: & mesmes aux thoreaux, lesquelz on eschauffoit auec du feu & des glai ues, à fin qu'ilz fussent plus furieux. En telle maniere la cruauté des gens, des bestes, & des clemens estoyét exercee cotre les seruiteurs de Dieu. Outre ce, lon les menoit tous nudz au milieu du champ & de la place qui estoit couuerte de sable, & tenoit lon les bestes dedans des caues obscures pour les faire plus cruelles, lesquelles quand elles sortoyent de leurs cauernes, soudainemet discouroyent toute la place, & enuironnoyent les sainctz martirs qui estoyent au milieu. Mais apres qu'ilz les auoyent plusieurs fois tournoyez, sentant la vertu de Dieu qui estoit en eulx, l'en re tournoyent sans les toucher: & neantmoins la fureur qui se perdoit aux bestes, reuenoit aux hommes, lesquelz ne vouloyent co gnoistre que ce fut par vertu diuine : Ains enuoyoyent des gens qui estoyent à ce deputez pour stimuler & prouoquer les bestes contre ceulx que la grace diuine gardoit: dont pour mostrer que ce que les bestes s'abstenoyent d'eulx, n'estoit pas pourtant qu'el les eussent perdu leur fierte naturelle, mais pourtat que Dieu ne leur permettoit point en vser cotre les sainctz martirs. Ceulx mes mes qui estoyent entrez pour les prouoquer contre eulx, furent soudainemet par icelles bestes deuorez & dessirer. Dot les autres qui estoyent deputez à celuy mesmes artifice furet si espouentez, que nul n'y osoit plus entrer: & neantmoins les Payens qui regar doyent ce spectacle en criant, & huant, & en battant leurs mains l'efforçoyent de prouoquer icelles bestes. Toutesfois cela n'y fai soit ries, ains si quelqu'vne des bestes estoit par ce moyen eschauf fee & irritee, tellement qu'elle courut contre les martirs, desque elle les approuchoit, l'en retournoit plustost qu'elle n'estoit venue. Dont tous les assistens estoyent estonnez & confuz, voyans ces gens nudz, entre lesquelz en y auoit plusieurs bien ieunes au milieu de si grand nombre de bestes sieres & assamees, sans aucu ne paour ne freyeur, estandans les mains, & haussant les yeulx au ciel si tresintentifz à Dieu, qu'ilz n'estimoyent aucune chose ter rienne, ne leur vie mesmes: ains là ou les juges trembloyent de paour en regardant les condemner, est oyent au milieu des bestes ioyeux & asseurez. Mais c'est chose merueilleuse de la cruauté des hommes felons: Car là ou la fierté & fureur des bestes brutes se mitiguoit & remettoit moyennant la grace diuine, la rage des

hommes ne se pouoit appaiser à l'exemple des bestes. Ains de re chef voulurent essayer à autres vrais criminelz, si les bestes les vouldroyent affaillir, & en mirent quelque nombre dedans, lefquelz desque les bestes apperceurent, surent en vn moment dessirez & desmembrez. Et neantmoins apres ce leur estant de rechef presentez les seruiteurs de Dieu, (iaçoit qu'elles eussent esté acharnees par la cure des autres) ne leur firent pourtant aucun ennuy, non plus que s'il y eut eu vne grosse muraille entre deux,tant estoyent gardez par la grace de Dieu: Lequel auoit dit de sa bouche, que la ou il y aura deux ou trois assemblez en son nom.il seroit au milieu d'eulx. Et ne pour cela se peult appaiser la raige & la cruauté des hommes:mais de rechef firent ofter lesdictes bestes, & amener des autres. Et voyant qu'elles ne porterent emplus de nuisance aux vrais champions que les premieres, firent entrer des souldars dedans le champ, qui les detrencheret de leurs espees: à fin que la cruauté & la raige humaine vainquit & surmontat la brutalle, & celle des bestes sauuaiges. Et encores pour plus euidemment monstrer leur cruauté, ne permettoyent point que les corps fussent inhumez en terre, ains les faisoyent ietter en la riuiere. En telle maniere furent occis les sainctz mar tirs d'Egypte en la cité de Tyre, ou ilz estoyent venuz.

Des martirs qui furent en Egypte, & en Thebaide.

Chapitre VI.

A I S au pais mesmes d'Egypte dont les susdictz martirs estoyent venuz, y eut vn nombre infiny, tant d'hommes que de semmes, & tant vieulx que ieunes enfans, lesquelz pour la foy de nostre seigneur I esuschrist, en contem nant la vie presente, acquirent la gloire eternelle, non pas moins glorieusement & con-

stamment que les precedens. Car les aucuns d'entre eulx, apres qu'ilz auoyent esté bien battuz & dessirez de fouetz, de sleaulx, & de grappes de fer, estoyent iettez au seu & brussez. Les autres iettez en la mer. Les autres decapitez, qui de leur bon gré presen toyent leurs chefz au deuant du glaiue. Les autres faictz mourir de fain, & les autres pendus au gibet aucuns par le col, & aucuns par les piedz: & n'ont pourtant encores sut sans compassion ceste plus grande cruauté contre les dictz martirs du quartier de The-

baide: Car au lieu des grappes de fer, les bourreaulx prenoyent des pieces de potz brifez, desquelz ilz escorchoyent la peau & la chair des bons champions, iusques aux os. Et les semnies toutes nues sans aucune vergongne, par certain engin attachoyent par l'un des piedz, & apres les tiroyent en hault, & les tenoyent ainsi penduestout vn iour entier. Aucuns autres quand ilz trouuoyent deux arbres prochains, baissoyent par force vne branche d'vn cha cun d'iceulx, & à chascune d'icelle attachoyent l'vn des piedz des martirs: puis les laissoyent retourner par leur force naturelle en hault, dont par leur impetuosité les poures martirs estoyent dessirez & desimembrez en deux parties au trauers du corps. Lesquelles cruautez ne surent pas faictes à petit nombre de gens, ne par petit espace de temps, mais durerent par plusieurs annees: Aucunesfois cent pour vn iour. Mais à tout le moins dix, entre lesquelz en y auoit plusieurs ieunes garçons. Et nousmesmes en passant par celuy pais, auons veu amener deuant le iuge cruel, grand nombre de gens, lesquelz apres qui les auoit interroguez l'ilz estoyent Chresties (& qu'ilz auoyent confessé l'estre) les con demnoit sans autre proces, à estre decapitez. Et iaçoit ce que le cruel tyrant vit qu'ilz se venoyent offrir par troppeaulx aux bour reaux pour estre occis, tant estoit sa cruauté implacable qu'elle ne se mitigeeit point, ne pour pitié de multitude, ne pour la vertu & magnanimité qu'il veoit en eulx : Ains tant qu'il en trouuoit, faisoir amener & decapiter apres qu'ilz auoyent confessé, telle-ment qu'ilz sortoyent tous de la cité aux champs, qui estoit illec contigue, ou la punition se faisoit sans estre liez ne menez par ser gens ne bourreaux, mais seulement par le lien de leur foy, & sans qu'ilz en y eut point qui tachassent à soy sauuer : Ains plustost contendoyent à qui preuiendroit l'autre au sainct martire. Et se presentoyent par concurrence aux bourreaux pour estre decapitez, tellement que lesdictz bourreaux estoyent laz & recreuz: & le trenchant de leur s espees rebouché & r'abbatu. Et voyant les bourreaux qui se reposoyent pour reprendre leur for ce, & changeoyent leurs espees sans cesser iusques à la nuict, & encores ne pouoyent ilz tous despescher. Et non pourtant n'en viz pas vn, petit ne grand, à qui lon peut faire paour de la mort: ains toute leur craince estoit que la nuict ne suruint auant que ilz fussent executez, qui les separast de la compaignie des autres sainctz martirs, en rauissant par la constance & constance de leur foy, la mort presente, comme le principe & commencement

de la vie eternelle. Et ce pédant que lon depeschoit les premiers, les autres n'estoyent pas oisifz, ains en châtant pseaulmes & hymnes attendoyent le tour de leur victoire, & perseueroyent ainsi iusques au dernier poinct de leur vie.

Du sainet martir Fileas, & de ce qu'il escrit des autres martirs.

Eritablement bien est digne de toute admiration & toutelouenge celle noble compaignie, celuy troppeau de gens eureux, fors &

Chapitre VII.

constans, à qui estoit la coronne de la resplendeur de la gloire de lesuschrist, laquelle coronne fut adornee & enrichie fur tous les autres par Fileas comme vne gemme plus precieuse que les autres: lequel comme bon conducteur de la bataille marchoit deuant ses gens, & comme vray pasteur conduisoit son tropeau. La passion duquel nous auons trouué escrite es histoires de Gregoire, qui recite comme il disputa merueilleusement contre les infideles de la religion Chrestienne, & pour les confondre leur mit en auant Socrates le philosophe, lequel les Atheniens firent mourir, pourtant qui leur remonstroit la verité de leur erreur. Celuy Fileas fut euesque d'vne cité qui s'appelloit Thymnie, & outre ce qu'il auoit la premiere & principale nobles se de la vraye foy, estoit quant au monde, de tresnoble lignee, & auoit eu au gouuernement de la chose publique Romaine des principaulx honneurs, & si estoit au surplus tresexcellent en toutes sciences seculieres, & exercité en toutes vertus morales. Mais ceste science de la foy qui est la vraye & la certaine philosophie: Il auoit tant goustee & sur toutes les autres, qu'il auoit surmonté tous ceulx de son temps. Estant adonc sa creance manifestee, & ses parens, amis & alliez, qui estoyent les principaulx de la cité, le menoyent & accompaignoyent souuent en la presence du iuge, & luy persuadoyent à seur pouoir qu'il voulsit acquiescer à ses admonnestemens, & auoir regard à sa femme, à ses enfans, & à tant de nobles parens & alliez qu'il auoit, & ne voulut persister en ion obstination. Mais luy ne se remuoit non plus pour leurs parolles & remonstrances qu'vn roc qui est en la mer, agité par les vagues d'icelle, ains en desprisant leurs parolles comme vaines & mocqueries, dressant son cueur au ciel, & ayant Dieu deuant

ses yeulx, disoit qu'il reputoit ses parens & ses alliez les sainctz apostres, & les martirs. Et y auoit illec vn chef de bende, de l'exercite Romain, nommé Philosomus, lequel voyant la constance & perseuerace de Fileas, & qu'il ne se remuoir de riens par les lar mes de ses parens & amis, ne par les astuces & persuasions du iuge, commença à dire à haulte voix: Pourquoy voulez vous tenter la constance & la vertu de cest homme cy? & là ou il garde sa foy au vray Dieu le faire infidele ? Et pour complaire aux hommes nier son Dieu? ne voyez vous pas que ses oreilles n'oyent point voz parolles? & ses yeulx ne voyent point voz larmes? pensez vous que les yeulx qui voyent la gloire celestielle, puissent regarder les larmes terriennes? Desquelles parolles tous les assistens furent si courroussez, qu'ilz tournerent toute leur ire & su reur, contre iceluy Phylosomus. Et requirent le iuge qu'il le voul sit condemner à la mesme peine que Fileas, ce qu'il leur accorda, &les condemna tous deux à auoir la teste trenchee. Mais puis que nous auons faict mention de Fileas, & de sa profonde science, nous semble n'estre pas hors de propos de commemorer aucuns siens dictiers & traictez qu'il a faictz des saincts martirs, en ceste presente histoire. Escriuat adonc à ceulx de Thymnie apres aucuns propos, dit en telle maniere: De ses bies nous ont laissé la memoire des sainctz martirs, lesquelz en perseuerant auec nous aux persecutions, ayant lœil de leur entendement à Dieu, ainsi qu'ilz auoyent esté instruictz par les sainctes escritures, desiroyét sans aucune craincte, la mort naturelle, pour dessension de la foy. Car ilz consideroyent incessamment comme nostre seigneur Iesuschrist, qui s'estoir encharné pour l'amour de nous, le nous 2uoit ainsi enseigné, que nous deussions combattre contre le peché, iusques à la mort. Car luy mesmes, combien qu'il fut egal à Dieu, l'estoit toutesfois abandonné & rabaissé iusques à prendre la forme du serf,& soy monstrer en habit d'homme. Et qui plus est, humilié insques à la mort en l'arbre de la croix, à l'exemple duquel les sainctz martirs ont sousser. & soustenu tous les tormens & toutes les peines pour non maculer la conscience de leur foy, pourtat que leur parfaicte charité iettoit toute craincte horsde leur cueur. Desquelz si ie vouloye reciter la vertu de leur tollerance, & expenser la fermeté de leur constance, toute la force de mon parler n'y suffiroit pas, & ne seroit la chose croyable à au tres gens qu'à ceulx qui l'ont veu. Car ilz estoyent exposez & 2bandonnez à toutes gens, qui vouloyent saouler leu detestable

maltalent contre eulx, & si quelqu'vn auoit tout à loisir excogité & pourpensé aucune nouuelle sorte de torment, il luy estoit loi sible la mettre en auant, & la faire executer. Si estoyent les vns battus de verges, les autres de escorgies, les autres de fouetz, & de fleaulx, & ny auoit celuy des Payens qui ne l'estudiast de trouuer quelque nouuelle maniere de torment. Car de les escorcher à grappes de fer, on le tenoit pour chose trop accoustumee, & trop legere. Et ceulx à qui lon appliquoit ledict torment, on ne se con tentoit pas de leur dessirer & entamer les coustez tant seulement comme lon faisoit aux larrons, & aux homicides: Mais les dessiroit lon par le ventre, par les cuisses, & par tous les membres iusques aux ongles, & mesmes le visaige n'en estoit pas exempt. Et a pres tout cela leur faisoyent vne cruaulté & inhumanité increable & inusitee:car on les laissoit là attachez en public, & non pas denuez d'abillemens tant seulement, mais de leur propre peau à la veue de tout le monde, les vns couchez, & les autres liez les mains derriere à des pilliers. Et ceulx qui estoyent penduz à la tor ture en la presence du iuge, ne demouroyent pastant seulement illec attachez durant le temps que lon les interroguoit, & que lon parloit de leur affaire, mais tant que le iuge estoit la besongnant en autres affaires, pour voir si par continuation du torment ilz chageroyent de propos. Et estoit la cruauté des tirans si grade, & auoyent tant perdu tout sentement de humanité, que apres qu'ilz auoyent dessire & desrompu tous les corps des poures martirs, les foisoyent encores trainer tous nudz à leurs piedz en prison, ou ilz estoyent liez & attachez aux cepz, &mis à la renuerse sur des pie ces de potz de terre cassez de cocques de noix, ou autres semblables choses picantes, qui leur estoit vn nouuel torment. Et non pourtant en y auoit plusieurs lesquelz perseuerans constamment en la foy iusques à la mort, rendoyent les inuenteurs & aucteurs de leurs tormens tous confus & estonnez. Aucuns autres estans guaris des premiers tormens prouocquoyent lesdictz bourreaulx & tirans à recommencer de rechef de les tormenter. Dont ilz estoyent si honteux & espouentez, qu'ilz ne les vouloyent plus faire tormenter. Ains les faisoyent decapiter. Ce sont les tesmoigna ges du vray philosophe de Dieu Fileas, & les choses qu'il escrinoit à son eglise estant en prison, pour les enhorter d'estre constans à perseuerer en la foy, & à desirer d'estre auccques luy participans de la gloire du sainct martire.

de l'histoire Ecclesiastique.

132

De vne cité au pais de Phrygie qui fut coronnee par le martire de tous les habitans. Et d'aucuns autres qui furent martirizez en diuerses prouinces.

Chapitre VIII.

M

A I S comme oserions nous passer soubz silence ce qui aduint au pais de Phrigie? Auquel surent viollees non pas les loix Romaines tant seulement, mais les droitz communs de nature & de humanité? Car soy trouuant en vne cité dicelu

pais tous les habitans d'icelle tant hommes que femmes de tous estatz, ensemble les officiers estre Chrestiens, & refusans de sacrifier aux idoles, fut la cité enuironnee de tous costez par gens darmes, & apresmis le seu dedans. Tellement qu'il ny eut petit ne grand, homme ne femme, qui se peust sauuer que tous ne fussent brulez. Laquelle chose quand elle eut esté faicte, non pas contre les subiectz de l'empire (comme estoyent ceulx la) mais contre les ennemis eust esté iugee par trop cruelle. De celuy tant glorieux martire fut autheur & conducteur vn homme plein de foy, de religion, & de toute humanité, nommé Adanetus Italien. Lequel auoit esté nourry en la court des empereurs, & auoit éu par degres tous les offices & honneurs qu'il pouvoit avoir selon son estat iusques à estre maistre des offices. Et finablement estoit receueur general de l'empire en celuy quartier,& se tenoit en la dicte cité, en laquelle ayant induit tout le peuple à la vraye crean ce qu'il tenoit, fut liberalement le vray duc & capitaine à la coronne du martire. Mais nous ne sommes pas suffisans pour racon ter particulierement tous les tormens que endurerent chascun d'iceulx martirs. Et mesmement d'vn grant nombre qui fut occis par glaiue en Arabie. Et aussi de ceulx qui furent tormentez en Capadoce, ou lon leur rompoit les cuisses. Et en Mesopotamie ou ilz estoyent attachez par les piedz, & par les mains, & penduz en hault ayant le feu dessoubz, roustiz comme porceaux. Les vns à plus aigre feu, & les autres à plus attrempé, à fin qu'il durat plus longuement,

R iiij

Le huictiesme liure Des Martirs qui surent en Alexandrie. Gen Antioche.

Chapitre 1x.



T sil fault parler des choses qui furent contre les Chrestiens en Alexandrie, elles excedét tou tes les fables des poetes. Car à aucuns ilz coupoyent les orailles, le nez, & le bout des mains, & des autres membres, puis les laissoyent ainsi aller par derisson. En Antioche lon les mettoit sur des grans grilles de fer, & le feu desoubz:

Mais entre les autres, ie ne puis passer la constace & vertu digne de memoire de deux ieunes hommes, lesquelz estans prins & persuadez de sacrisser aux idoles, respondirent:menez nous deuant les autelz. Et quand ilz furent là, mirent leurs mains dedas le feu, qui estoit illec appresté pour le sacrifice, puis dirent aux payens; Tenez nous pour auoir sacrisse, si nous retirons nos mains d'icy. Si les y tindrent iusques à tant que la chair fut consommee. Aucuns autres sçachans que on les cerchoit pour les faire sacrisser, se pendoyent & estrangloyent eulx mesmes pour escheuer le dan ger. Lesquelz iaçoit qu'ilz eussent moindre espoir de leur constan ce, tout esfois vsoyent de plus grande cautelle & seuret é. Entre les quelz se trouua vne noble femme remplie de grande beaulté, mais de plus grande honnesteté, Laquelle auoit deux filles pucelles, belles, & honnestes, qu'elle auoit nourries & endoctrinees en la crainte de Dieu selon ses meurs propres, tellement qu'elles con, tendoyent l'vne auec l'autre de vertu & de foy, contre lesquelles, mere & filles plusieurs meschans payens estoyent attirez pour les faire varier. Si les cerchoyent de tous costez, dont elles estans aduerties, se retirerent hors la cité aux champs, pour euiter le danger. Toutesfois lon fit telle diligence qu'elles furent trouvees & prinses pour amener en ladicte cité d'Antioche. Mais estans tou tes trois dedans vn chariot, ainsi que les souldars les trainoyent & menoyent, la mere dit à ses filles telles parolles: Vous sçauez cheres filles comme ie vous ay nourries des le temps de vostre ieunes se en la crainte de Dieu: & que vostre pere a esté vostre coducteur & vostre maistre, tellement que vous auez gardé & conserué vostre chasteté si enticremét, que iamais vostre œil n'a tourné à cho se lasciue, comme ie sçay parfaictemet, par ainsi que ferons nous donc à present ? Car vous voyez bien que toute ceste force que

Ion nous faict, ce n'est que pour nous separer de Dieu: ou pour nous faire perdre nostre chasteté. Si seront prostituez & abandon nez au Bordeau publicnoz membres, qui à peine n'ont iamais e. sté cogneuz à l'air commun. Or mes filles ie ne croy pas que nous ayons si peu de fiance en Dieu que nous craignos la mort, & que nous estimons si peu nostre chasteré & pudicite, que nous vueillons viure apres que l'aurons perdue? Parquoy si vous voulez suy ure mes faictz & mes œuures en cecy, (come vous auez en toutes autres choses)preuenons cest inconuenient, & eschapons les mains des bourreaulx, & la malice & paillardise des meschans: & veincons ce monde qui nous veult tirer à meschanseté, & à peché,par vne mort pudicque,pure,& chaste. Et cela dit voyant la mere ses filles par ses enhortemens estre toutes deliberces de fairece qu'elle feroit, ainsi que le chariot passoit au pres d'vne riuiere, elles feignirent de vouloir illec descendre pour faire quelque, necessité de nature, à l'occasion de quoy les souldars pour vergoi gne se retirerent vn petit à part loing d'elles, lors elles s'enueloperent de leurs robes & se ietterent au courant de l'eaue tellemét qu'elles furent noyees. Le semblable firent deux autres seurs vier ges de cueur, de corps,& nobles de lignaige:mais encores plus de foy & de meurs. Lesquelles pour non soy laisser violer (ainsi qu'il estoit permis par les edictz publiques)se ietterent dedans la mer.

Des autres qui furent martirizez en Phrigie, & en Pont.

Chapitre x.

E S choses se faisoyent en Antioche, mais au pais de Pôt s'en faisoyét encores de plus cruel les. Car à aucuns lon mettoit des canes agues entre les ongles des doitz & la chair, aux autres lon couloit du plomb fondu au long de l'eschine, depuis le col iusques aux naiges. Et aux semmes sans aucun regard de humanité

& vergoigne; lon leur mettoit des tisons alumez dedans le corps par leur lieu genital. Mais comme pourrois ie descrire les cruautez qui là se faisoyent? Car ie n'aypas des vocables assez pour les nommer. Et non pourtant les vaillans champions soustenoyent toutes sortes de tormens, la ou les iuges ne s'estudioyent en autre chose, fors à en trouuer quelque nouvelle sorte. Mais apres qu'il estoyent saoulez & lassez, non pas par humanité: mais

par exces de cruaulté, cognoissant la trop grande inhumanité qu'ilz auoyent vsé, & que au moyen d'icelle les citez estoyent denuees d'habitans, les champs des laboureurs, les peres de leurs enfans, & les enfans de leurs peres, se conuertirent à pitié. Si fut faict par les princes vn edict lequel estoit de telle teneur: Pource qu'il n'est pas raisonnable que si grant nobre de citoyens pour l'obstination de leur religion soyent liurez à mort, nous voulons que doresenauat telle sorte de gens, ne soyent plus pour telle cause condemnez à mourir. Mais que on leur arrache l'œil droit, & debilite la cuisse senestre, & apres que on les enuoye à fouir & ti rer les metaulx, ou à autre ouuraige public par les prouinces. Ce fut la misericorde & clemence que les princes vserent aux Chrestiens. Et certainement ilz faisoyent selon leurs meurs ou vices ainsi que bon leur sembloit: Mais quant aux iustes & patiens la co ronne de martire leur estoit preparee par nostre Sauueur. Lequel par ce moyen esprouuoit la foy & la constance de ses bons champions & les remuneroit selon leur desserte.

Des prelatz de l'eglise qui furent martirisez en celle persecution.

Chapitre XI.



INSI come seroit impossible de racoter par ticulieremét tous ceulx qui receurent la coron ne demartire, seroit aussi chose des raisonnable de les passer tous sans en faire métion d'aucüs. Si nous a semblé parler des princes des eglises qui furent en celuy temps martirizez. Et nous accourt pour le premier Antimus euesque de

Nicomedie qui eut la teste trenchee. Apres celuy Lucian, sequel de vie & de volunté auoit tousiours esté martir. Et iaçoit qu'il sur Antiochien, toutes sois il preschoit pour lors à Nicomedie la soy de Iesuschrist par parolles & par exemples. En la cité de Ty re l'euesque d'icelle Zenobius qui sut tresexcellent martir, sequel des le commencement de sa ieunesse, auoit tousiours esté scauat & seruét en la soy & auecques suy Cassidone prestre. En Mesene Siluain seur éuesque sut deuoré par les bestes. Au pais de Palestine le premier sut l'euesque de Gaze aussi nommé Siluain auec plusieurs de ses clercz. Et au Metal de Fame en y eut quarante decapitez tout à vne sois. Aussi surent les euesques Peleus & Ni-

lus brulez auec plusieurs de leur clercz. En ce nombre est bien digne d'estre mis Pamphilus, qui estoit la sleur, & le noble ioyau de l'eglise de Cesarce, & le dó de la grace celestielle, en la cité d'Alexandrie & par tout le pais d'Egipte ensemble la contree de Thebaide, le premier qui reluisit come vne estoille iournalle & clere sur Pierre euesque de ladicte cité, lequel estoit singulier tant en doctrine, que en vie, & en meurs, & auec luy Faustus Dius, & Ammonius, prestres, qui n'estoyét point moindres de saincteté, ne de doctrine. Et oultre ceulx la des euesques du pais d'Egipte, surent pareillement martirizez Fileas, Esychius, Pacomius, & Theodorus & auecques eulx vn nobre innumerable de vraiz champions. Le martire & les gestes desquelz ie ne veulx point inserer en ceste histoire, car elle seroit par ce moyen trop longue Mais i'en laisse parler & escrire à leurs citoyens, qui sont gens lettrez, & ont esté presens aux choses quand elles se faisoyent.

Comment les perfecuteurs de la foy Diocletian & Maximian se demirent de l'empire. Et des gestes de Maxence.

Chapitre XII.

N ces er flat des C cuté par cu permis au cunemen nic, voulu ces qui e

N ces entrefaictes l'œil eternel voyant l'eftat des Chrestiens estre ainsi troublé & perse cuté par cruelz tormens, & que la ouil auoit permis aux infideles chastier ses seruiteurs au cunement, ilz auoyent vsé de cruaulté infinic, voulut vser de sa vengeace cotre les princes qui estoyent aucteurs d'icelle tirannie.

Car la ou du commécement de leur empire lors qu'ilz laissoyent l'eglise viure en paix, ilz auoyent regné paisiblement, en grande prospetiré. Ilz vindrent par iugement diuin en si grand change ment de estat, & en telle forcenerie tous deux, à sçauoir Diocletian & Maximian, qu'ilz se deposerent de l'empire, & se remirent à estat populaire & priué. Et leur premier successeur qui auoit esté secod en auctorité enuers eulx, Et l'inuenteur & porteur d'en seigne de nostre persecution, sut frappé par tant de maladie du corps & de l'esprit, que apres longues & innumerables douleurs estàt presse p la fureur de ses pechez, auaça sommairemet sa mort Toutes sois ces choses surent apres: Mais ce pendant aux parties d'Occidét que Maximian surnommé Hercules, auoit laissé, gou

uernoit & regissoit l'empire Constant : pourtant que le gouvernement auoit d'iceluy esté diuisé en deux parties: à sçauoir d'Orient & d'Occidet. Iceluy Constant vsoit d'une grande clemen ce enuers les hommes, & d'vne grande religion enuers Dieu: & n'auoit iamais vsé de la rage & de la fureur de ses consors con tre les Chrestiens, en les occisant: n'aussi en abbatant leurs eglises, ainsi qu'auoit faict Maximilian; ains les honnoroit & cherissoit, pour raison dequoy estant prince religieux laissa son filz Con stantin son successeur à l'empire, qu'il auoit iustement acquis: lequel le surmonta de religion, & de toutes choses: car desqu'il fut paruenu à l'empire par la succession de son pere, par vne grace singuliere de Dieu, il sut aimé grandement du peuple, chery des gensd'armes, exemple de vertu à toutes gens de cueur, & es pouentable à tous meschans gens. Et si tascha à surmonter gran dement son pere, quant à l'observance de la religion. Estant adonc Constantin paruenu à l'empire, Licinius qui auoit espousé sa seur, sut à cause de celle affinité, esseu à l'empire auecques luy. Et par vn commun accord appellé Auguste: dont Maximin qui administroit les parties d'Orient soubz le tiltre de Cesar tant seu lement, fut moult indigné quand il le sceut. Et de son authorité priuee print pareillement le nom d'Auguste. En celuy mesmes temps Maxentius filz de Maximian Hercules, lequel auoit renoncé à l'empire auec Diocletian (comme nous auos dit dessus) auoit vsurpé l'empire à Romme & chassé ledict Maximian son perc. Lequel soy estant retiré deuers Constantin, pourtant qu'il auoit espousé sa fille, machina de le faire tuer: combien qu'il eust receu moult humainement : mais sa trahison sut descouverte,& luy occis honteusement. Et apres ses statues & son nom arrachez des lieux publiques. Et non pourtant Maximin son filz tenant la tyrannie à Rome, pour se gratisser enuers le peuple, seignit du commencement estre Chrestien, & dessendit qu'on ne fist plus aucun outraige aux Chrestiens: mais en nulle autre chose ne monstra acte de Chrestien, ains sa vie & ses œuures estoyent toutes au contraire. Car il estoit si vicieux, & si entaché de tous pechez, qu'il n'estoit iour qu'il ne fit toutes choses meschantes. Il faisoit rauir les femmes des senateurs, & des plus nobles de la cité par force, pour en abuser à son plaisir. Puis les leur faisoit rendre, non pas pourtant qu'il eust saoulé sa paillardise: mais pour en auoir de nouvelles. Et si auoit mis tous les citoyens en si grande crainte, qu'il ne l'osoyent plaindre, ne mostrer publiquement

aucun signe de desplaisir. Ains estoyent contrainctz endurer celle cruelle & insuportable seruitude: sans oser penser chose qui fust conuenable de recouurer la liberté comune. Et tant fut grande fa cruaulté, qu'il comanda vn iour à ses souldars, qu'ilz sortissent par tous les marchez & par toutes les places de la cité, & occifsent tous ceulx qu'ilz rencotreroyet de quelque sorte, sexe, estat, ou aage, qu'ilz fussent, dont s'en ensuyuit vne occision innumerable, non pas d'ennemys, mais de citoyens. Et au regard des senateurs, il en fist occire & bannir grand nombre des principaulx, & de ceulx qui auoyent plus de biens soubz couleur de fausses imputations. Et pour le comble de ses meschansetez il s'adonna grandement à l'art magique. Et par icelle vint à telle forcenerie & cruaulté, qu'il faisoit cercher des femmes enceintes d'enfant, & des plus nobles : lesquelles estans amences au lieu de son detestable sacrifice, il faisoit couper au trauers du ventre, & en ceste sorte tuer les enfans qu'elles portoyent de leurs corps. Et apres qu'ilz estoyent ainsi arrachez du ventre des meres, les detestables ministres de cruauté & superstition, les fendoyent encores & leur tiroyent les entrailles du ventre, pour faire sur iceulx leurs deuinemens. Il faisoit aussi tuer des lions, & auec certains vers diaboliques qu'il faisoit dire dessus, cuydoit appaiser les guerres qui se menoyent contre luy, pensant par telles cruaultez & detestables œuures retenir l'empire. De sa cruaulté s'en ensuyuit vn autre grand inconvenient: car les gens des autres villes & des champs, voyant qu'ilz n'auoyent aucune seureté de leur vie, abandonnoyent leurs maisons & leurs terres, & s'en alloyent mussant par les motaignes & par les bois, dot les terres demourerent à labourer. Et par ce moyen suruint la famine tant en la cité de Rome que dehors si grande, que les gens mouroyent de faim.

De la tyrannie de Maximin, es parties d'Orient.

Chapitre XIII.

N celuy mesmes temps que Maxence faisoit les cruaultez (dont nous auons parlé) à Rome, & en Ponant. Maximin faisoit le semblable en Orient: car ainsi comme ilz estoyent compaignons en la tyrannie, ilz le vouloyent estre en cruaulté & meschaceté.

Tellement que lon ne sçauoit à qui en donner le pris: mais Ma-

ximin voulut exceder en cela, qui a ses docteurs d'art magique, & d'autres artz damnees, il donnoit grades offices & charges moult honnorables. Et sans cela estoit si dedié à l'idolatrie qu'il ne faisoit chose quelcoque tant petite qu'elle fust: qu'il n'eust premierement entendu les Augures & deuinemens. Au moyen dequoy il fut plus aspre à persecuter noz gens, que nul des autres n'auoit esté. Il fist au surplus restaurer & refaire tous les temples anciens des idoles. Et mesmes ceulx que les plus curieux de sa secte auoyét laissez. Si leur ordonna prestres des plus nobles hommes des prouinces. Et de ceulx qui auoyent desia eu grades charges & ofsices. Et d'abondat leur bailla des souldars pour ministres, qui n'est pas à merueiller: car les plus manifestes & publiques enchanteurs & magiciens qu'il eust : il faisoit gouverneurs des provinces, ou capitaines des gensdarmes. Mais pource que pour accomplir telles choses vaines: il luy conuenoit assambler grand argent: il faisoit toutes sortes d'exaction par les puinces, croyssant & augmen tat les daces, tributz, aides, & cens ordinaires, & extraordinaires. Faisant par faulses accusations condemner les riches, & consiguer leurs biens, dont il tiroit grand argent qu'il distribuoit à ses magiciens, & souldars. Il estoit au surplus si excessif en banquetz,& en boire & manger, qu'il s'en yuroit souuent, en sorte qu'il estoit du tout forcene. Et commandoit des choses en celle forcenerie, qu'il disoit le lendemain n'auoir iamais commandé. Il estoit d'auantaige si enclin à toutes delices, lubricitez, & paillardises, que c'estoit un vray exéple de tous vices à ses souldars. En maniere que tous les chiefz des gensdarmes ou des prouinces à l'exemple de luy faisoyent sans crainte d'aucune punition, toute maniere de dissolution. Caril auoit entre ses autres vices cela singulier, qu'il n'y auoit non pas cité: mais bourg, ne ville, ou il ne violast quelques nobles matrones, ou quelques filles pucelles. Parquoy ne'st pas à merueiller si ce tirant qui estoit ennemi de toute iustice, de toute honnesteté, de toute chasteté & de toute vertu, estoit semblablement ennemy des Chrestiens:contre lesquelz il vsa tát de cruauté, que bien vouloit donner à cognoistre qu'il entendoit en cela surmonter tous ses predecesseurs. Car les vns il faisoit rostir à lames embrasees: les autres faisoit manger aux bestes: les autres iecter en la mer:les autres despiecer membre par mébre: aux autres creuer les yeulx : & brief, ilz n'auoyent membre auquel il ne fit appliquer quelque sorte de torment. Et neantmoins il l'en trouuoit qui estoyent plus constans à tollerer lesdictz mar

tires, qu'il n'estoit subtil à les trouuer. Car il estoit bien souuent vaincu, non pas des hommes tant seulement:mais encores des femmes : lesquelles estoyent si illuminees & embrasees de la foy, & de la parolle de Dieu, que iaçoit ce que on les eut prinses comme femmes toutes fois au combat du martire, elles se monstroyent comme hardiz champions: & aimoyent mieux endurer la mort (voire la cercher) que d'estre maculees de leurs corps. Estant adonc l'empereur Maximin en telle maniere vaincu de ces deux vices: à sçauoir, de paillardise & de cruauté, se trouua en la cité d'Alexandrie vne ieune damoiselle nommee Dorothee, assez noble de lignee, riche de biens, & fort apparentee de grans' gens: mais encores plus estoit de bonnes meurs, d'entendement & de plusieurs sciences. Et d'abondant estoit si excellente en beaute, qu'il sembloit bien que Dieu l'eut faicte pour vn ouurage fingulier. Et non pourtant elle qui desiroit plus estre excellente en vertu, en religion, & en honnesteté, qu'en beauté de corps, esseut de consacrer sa virginité à Dieu, plustot que de l'abandonner aux hommes. Mais le tirant qui auoit par sa cruauté, lubricité,& lasciuité, contaminé & violé tous droictz diuins & humains: estant aduerty de sa beauté, plus que de ses meurs & vertuz, delibera de la corrompre & contaminer, ainsi qu'il auoit faict plusieurs autres. Et neantmoins attendu qu'elle estoit Chrestien ne, & par ce moyen estoit plus subiecte à punition pour estre contreuenue à ses edictz, qu'à estre price d'amours, fut en grand doubte qu'il en deuoit faire. Mais finablement estant vaincu par la luxure(à laquelle il estoit encores plus subiect qu'à la cruau té)là ou elle l'attendoit d'estre prinse & menee au martire, la fit pratiquer par aucuns messagiers secretz de cosentir à sa paillardi fe:ausquelz elle respodit, que puis qu'elle auoit dedié son corps à Dieu, trop grande saulte luy seroit de le maculer par peché d'ydolatrie, ne de luxure: parainsi qu'elle estoit toute preste d'en durer la mort, plustot que de consentir à nulles desdictes choses. Et neantmoins qu'il n'estoit pas conuenable, que d'vn cruel tirat sortit aucune bladice ne parolle gratieuse: & que son cueur plein de felonie, qu'il declairoit tous les iours en faisant respandre le sang des Chrestiens, ne se deuoit point radoulcir enuers elle: par laquelle respose iceluy tirant fut encores plus enflambé d'amour: tellement qu'il deliberoit si elle ne vouloit consentir à sa volunté par practique, la prendre à force. Mais la saige pucelle cognoisfant son detestable vouloir, abandonna sa maison, ses biens, &

coute sa famille: Et auec vn petit nombre de ses plus domestiques s'en alla par nuict, & par ce moyen demoura le tirant trompé & deceu. Autres plusieurs s'en trouua nobles dames & pucelles de celle mesme volunté, qui aimoyent mieulx mourir qu'abandonner leurs corps, ainsi que celle auoit faict. Lesquelles le tyrant fit tormenter par divers tormens. Et non pourtant elles en duroyent la mort beaucop plus promptement & plus gayement, que tous les autres, esperant meriter par ce double coronne, l'vne du martire, & l'autre de virginité. Mais puis que ie suis à raconter la vertu,& constance des femmes de celuy temps, ie ne veulx pas taire ce que fit vne noble femme Romaine nommee Soffronie: laquelle estoit mariee au prefect de Rome soubz l'épire de Maxence. Estant adonc par iceluy empereur (selon sa coustume) con uoitee, & ayant enuoyé ses ministres & souldars pour luy mener, elle en aduertit son mary: lequel apres qu'il eut longuement pensé, luy respondit finablement en iectant vn grand souspir: Helas que pouuos nous faire, veu que sommes contrainctz toy & moy d'endurer cecy, ou la mort? Lors voyant la femme que son mary pour craincte de la mort la vouloit abandonner à paillardise, dit aux ministres: Attendez vn petit iusques à ce que le soye accoustree ainsi qu'il appartient pour aller deuers l'empereur. Si sen entra en sa chambre: & desqu'elle fut illec, apres qu'elle eut faict son oraison à Dieu, luy priant qu'il voulsit accepter le sacrifice qu'elle luy vouloit faire de sa chasteté, se frappa d'vn glaiue au trauers de l'estomach: puis enuoya par ses chabrieres (qui estoyent auecques elle) faire ceste derniere ambassade à l'empereur & à ses ministres. Or cognoisse doresenauant le tirant telles semmes Chrestiennes. Et en telle maniere les deux tirans tant en Oriét, come en Occident, exerçoyent leurs cruautez & meschante vie, par vn mesme accord, comme armez & conduictz par vn mesme esprit diabolique. Et non pourtant se manifestoit de plus en plus la foy, la vertu, & la constance des Chrestiens.

Comment la persecution cessa par la maladie de Maximin.

Chapitre XIIII.

Ais estant au quartier d'Orient continuee le cruauté par l'espace de dix ans continuelz soubz la tirannie de Maximin: durant laquelle maintz bons Chrestiens surent occis par diuers tormens, perseuerant iceluy tirant en ses yurongneries, lesquelles

M

luy accroissoyent la cruauté & la lubricité, tellem et que par con seil, ne par satieté, ne mettoit aucune fin en la cruauté. Soudainement surunt aux sideles le remede, par la prouidence divine, laquelle remit ceulx qu'elle auoit experimentez par le feu, en refrigere. Car l'autheur mesme de la cruauté sut attaint, par la punition divine, de sorte que sa chair lassiuc & delitieuse, & ses entrailles pleines de luxure, furent enflees & infectees, à cause d'vne apostume qui luy suruint dedans l'estomach, laquelle luy mangeoit les boyaux & membres intestins comme vn serpent. Et de cela encores luy fortit par certaines fistules, de la chair corrompue par putrefaction de la vermine, en merueilleuse abondance, ensemble vne puanteur si grande, que nul ne pouoit approcher, me decin ne autre. Car d'autant que sa chair estoit nourrie plus delicieusemet, estoit la putrefactió plus infecte. A l'occasió de quoy, voyant que les medecins ne luy faisoyent aucun soulaigement, & encores n'osoyent approcher de luy, en sit occire aucuns. Entre lesquelz en y eut vn, lequel estant amené deuant luy, plus pour estre equeulé, que pour le medeciner, inspiré de Dieu, luy dit tel les parolles: Certes, sire empereur, tu es en grand erreur, de cuider que les hommes puissent guarir les maladies que Dieu leur enuoye, par vengeance & punition. Et sçaiches pour certain que ce ste maladie que tu seuffres, n'est point humaine & naturelle, à laquelle par medecine lon puisse trouuer remede: mais ayes souue nance des grans cruautez que tu as vsees contre les seruiteurs de Dieu,& des choses que tu as faictes côtre sa religion, pour la pro faner & destruire, & tu entendras dont tu dois querir le remede. Car quant à moy, tu me pourras bien faire mourir auec les autres, mais tu ne recouuriras pas pourtant sante par aide de medecins Lors commença premierement Maximin à cognoistre qu'il estoit home, & à recognoistre & confesser qu'il auoit erré & offensé Dieu. Et pour satisfaire à ses faultes, sit appeller tous les officiers qui est oyent illec en son obeissance, & en leur presence decerna vne loy. Et manda qu'elle fut publice incontinent par tous les quartiers:par laquelle il ne commandoit point seulement que lon cessat de toute persecution & iniure des Chrestiens, mais que on leur permit reedifier leurs eglises,& celebrer leurs sacrifices selon leur rit & coustume, à fin qu'ilz priassent leu Dieu tout pu issant pour sa santé. Si fut à toute diligence executé son comandement, & publié son edict par toutes les citez de son obeissance, qui estoit de telle teneur: Maxime Inuicte Auguste, Maxi

me Germanique Egyptie, Thebaique, Sarmatique cinq fois, Persique deux fois, Carpique six fois. Armenien vainqueur des Medies,& des Diabeniens, vingt fois: Empereur de la puissance Tri bunice dixhuict fois: Consul huict fois: Pere de la Patrie pour le consul & l'empereur Cesar Flauius, Valerius, Constans, Pie, Heu reux, Inuicte, Auguste grand euesque, empereur de la puissance Tribunicie: pere de la Patrie pour le Consul. Entre les autres cho ses que nous auyons disposees pour le prossit de la chose publique, nous auyons voulu reduire toutes choses à la discipline & à l'observance ancienne selon les loix & ceremonies Romaines, Et à ceste cause auyons ordonné, que les Chrestiens qui auoyét laissé la religion de leurs ancestres, fussent constrainct à la reprendre. Mais voyant que pour le jugement de leur volunté ilz sont si obstinez en cela, qu'ilz n'y veulent en maniere du monde retourner: ains viure en la religion qu'ilz ont esseue & choisse de leur volunté, à laquelle grand nombre de peuple concourt par diuerses regions. Et si auy os publié noz edictz, par lesquelz estoit mandé les contraindre à ladicte religion anciene. Toutesfois con siderans qu'il en ya eu vn nombre infiny, qui ont mieulx aimé en durer maulx innumerables, & finablement la mort, qu'obeir à nosdiz mandemens. Et si en ya encores grand nombre qui perse uerent en icelle volunté, lesquelz ne rendent le deuoir aux dieux, ne aussi s'acquitent à leur religion, ayant regard à la douceur de nostre clemence, par laquelle nous auons accoustumé de pardon ner facilement à toutes gens : Nous a semblé d'estendre nostre misericorde pareillement sur ceulx icy, & leur permettre qu'ilz soyent encores Chrestiens, & qu'ilz puissent reedifier les lieux de leurs conuenticules & assemblees, pour ueu qu'ilz ne facent au cune chose cotre la discipline publique. Et par autres noz epistres auons signisse aux iuges ce qu'ilz ont à faire. Au moyé de laquelle nostre indulgence, ilz auront cause de prier Dieu pour nostre salut,& pour l'estat de la chose publique,à sin qu'estant icelle en prosperité & repos, ilz puissent en seureté viure de leurs labeurs.

Telle fut la loy faicte premierement en Latin, depuis translatee en Grec. Et finablement par nous de Grec en Latin. Mais de ce qui s'ensuit nous parlerons au liure ensuyuant.

Cy finit le huictiesme liure.

Cy commence le neuf-

IESME LIVRE DE L'HISTOIRE Ecclesiastique.

De la ioye que firent les Chrestiens de leur retour, & de leur deliurance.

Chapitre premier.



STANT ledict imperial (dont nous auons parlé) publié par tout le pais d'Asse & Pont, soudainemet apparut la ioye des Chre stiens, comme vne lumiere qui sort de tenebres. Mais vn autre Maximin, lequel es parties d'Orient soubz le nom de Cesar, tenoit plus le lieu de tyrant q de prince, voyant que

par iceluy edict luy estoit ostee la matiere d'vser de sa cruauté, en auoit desplaisir: toutesfois il n'osoit publiquement l'empescher. A ceste cause ne permit point qu'il fut publié, ne qu'il vint à la cognoissance du peuple generalement: mais commanda seulement de bouche aux iuges qu'ilz surceassent de molester les Chrestiens. Toutesfois Sabinus qui lors auoit l'office & la digni té de prefect, escriuit à tous les iuges des prouinces qu'ilz deussent publier ledict imperial que Maximin voulut tenir occulte. Au moyen dequoy, les iuges enuoyerent le double de la loy par toutes les citez: & escriuirent aux officiers qu'ilz deussent relaxer tous les Chrestiens qui estoyent detenuz es prisons, ou qui estoyent autrement liez ou arrestez, sut à fouir les metaulx, ou par autre sorte. A l'occasion dequoy, tout ainsi comme quand le soleil se monstre cler & reluysant apres une horrible tempeste, les prelatz & principaulx de noz gens, commencerent par toutes les citez assembler les Chrestiens, refaire les eglises, cosulter ensem ble de ce qu'appartenoit à la religion, & au culte diuin, & instrui re le peuple au mieulx qu'ilz pouoyet. Dont les infideles estoyét en grande admiration, de voir vne si grande mutation si soudainement, & estoyent contrainctz de confesser que le grand vray Dieu estoit celuy que les Chrestiens adoroyent. Et au regard des nostres, ceulx qui auoyent virilement & constamment enduré di uers martires, se mostroyent tous ioyeulx & pleins de confidéce. Le neufiesme liure

Et ceulx qui auoyent esté plus fragiles, venoyent tous honteux en grande humilité, requerir remede & penitence deuers ceulx qui auoyent esté costans, les supplias qu'ilz voulsissent prier Dieu pour eulx. Ceulx aussi qui auoyent esté condamnez à fouir les metaulx, s'en reuenoyent à grans trouppeaux tous ioyeulx & pleins de cueur chantas tant par les chemins, qu'à l'entree des ci tez les hymnes, & les pseaulmes, dont les autres qui estoyét esdictes citez, auoyent grande cosolation, & rendoyét graces à Dieu de les voir reuenir ainsi ioyeulx: mesmement ceulx qui peu de temps au parauant les auoyent veu mener liez & attachez aus-dictz metaulx. Tellement que les insideles mesmes, & ceulx qui auoyent esté leurs persecuteurs, voyans vne si soudaine & si gran de mutation, se congratuloyent auec eulx, & monstroyent auoir ioye de leur retour.

Comment Maximin recommenca la persecution contre les Chrestiens.

Chapitre 11.

A er do do gri le gri

A I Sainsi que les Chresties se resiouissoyent en toute modestie de leur retour, & entendoyent à remettre sus les eglises & la religion Chrestienne, l'ennemy de tout bien ne le peut endurer, ains bien tost apres troubla grandement leur ioye. Car Maximin (lequel come nous auons dit dessus) tenoit la tyran

nie es parties d'Oriét & d'Egypte, ne les laissa point viure en paix six mois entiers: ains comméça soubz diuerses couleurs à les vou loir empescher qu'ilz ne s'assemblassent aux eglises. Apres le moyen d'aucuns des plus mauuais hommes de la cité d'Antioche sit practiquer que lon enuoyast ambassade à l'empereur de par la cité, pour en chasser les Chrestiés. Et le principal desdictz practiqueurs, sut vn nommé Theotenus, home de mauuaise vie, qui lors estoit curateur & officier de ladicte cité. Et le semblable sit ledict tyrant practiquer par les autres citez, par le moyen des plus meschas gens d'icelles. Et plusieurs autres choses machina cotre nous, par son obstinee malueillace & haine qu'il nous portoit. Et ne cessa iusques à ce qu'il eut remis sus les maulx & les persecutions contre nous, que nous auions enduré au parauant, en declai rant par ce son mauuais & dané vouloir. Car il luy sembloit qu'il

n'eut pas saoulé sa fain, ne estaint sa soif, s'il n'eut faict dessirer & deträcher la chair des Chrestiens, & respandre leur sang. Et pour mieulx pouoir executer sa maunaise intention, il trouna vne tel--le occasion. Il y auoit en Antioche vne statue & image de Iupi ter, laquelle par art magique & diabolique auoit de log temps esté consacree, de sorte que par certaines illusions, elle mostroit au cuns fignes & gestes estranges, & sembloit qu'elle donnat des responses: & estoit la chose si diuulguee, que tout le peuple Payen le croyoit, & mesmes les empereurs. A l'occasió de ce, les prestres de celuy temple semerent le bruit: Que celuy dieu auoit dit que lon deut chasser les Chrestiens des citez, & des lieux prochains à icelles, & les enuoyer en quelque autre lieu, le plus loing que lon pourroit. Laquelle chose entendant ceulx des citez voisines, sçaichans qu'ilz faisoyent plaisir au tyrant, enuoyer et deuers luy pour impetrer ce dont il les auoit faict practiquer: C'est à sçauoir, que les Chrestiens en fussent chassez, & par ce moyen recomméça la fureur de la persecution contre nous. Et ce pendant ledict Maximin ordonnoit prestres & euesques aux téples des idoles, & leur fit de grans biens & honneurs, pour plus les animer & auoir en sa volunté contre les Chrestiens: & ceulx qu'il cognoissoit les plus cruelz & enragez contre nous, estoyent les plus honnorez. Et iaçoit qui luy fut loisible d'y proceder à sa volunté, pourtat que de son authorité priuce il s'estoit dessa faict appeller Auguste, toutesfois pour monstrer qu'il y procedoit par bone raison, il sit con trouuer & forger certain proces, qu'il disoit auoir esté faict par Pi late cotre noitre seigneur Iesuschrist, augl estoyent cotenues plu fieurs choses infames & detestables cotre luy. Legl proces il fit pu blier par toutes les citez, villes & villaiges, & le faisoit lire par les maistres d'escolle aux ieunes enfans, à fin qu'ilz en eussét mieulx fouuenance quand ilz seroyent en aage. Apres cela, le duc de Da mas voulant complaire audict tyrant, fit amener deuant luy aucu nes femmes paillardes, & par force de torture leur fit confesser qu'elles auoyent esté Chrestiennes, & que les Chrestiens en faisant leurs sacrifices, vsoyent certaines actes deshonnestes & infames qui sont abominables à ouir. Et leur cofession fit rediger par escrit, puis l'enuoya audict empereur, lequel pareillement les fit publier & diuulguer par toutes les citez & villes des prouinces. Et non pourtant iceluy duc eut bien courte joye de sa mauuai. fe & damnee inuention: car bien peu de iours apres il vint en vne relle raige, qu'il s'occit de sa propre main.

Le neufiesme liure Des martirs qui furent en celle saison.

Chapitre 111.



L'occasió des choses susdictes, les nostres com mécerent estre griesuement persecutez, telle ment que les vnz s'en suyoyent, les autres estoyent prins & tormentez par les iuges des prouinces, saiçhans faire chose aggreable au tirant. Dot en la cité de Tire trois ieunes hom mes pourtant qu'ilz consessert estre Chre-

stiens, furent liurez & exposez aux bestes, & auecques eulx l'euesque Siluain, qui auoit regi l'eglise quarante ans, homme plein de faincteté & de modestie. En celuy mesme temps le bon euesque d'Alexandrie Pierre, (dont nous auons parlé dessus) homme excellent en toutes choses, plein de vertu, de saincteré, & de scièce, & qui auoit grandement proffité en l'eglise, tant de vie que de doctrine, fut prins soubdainement soubz vmbre du commandement de Maximin,& decapité, auec plusieurs autres euesques du pais d'Egipte. Pareillement Lucian euesque d'Antioche, homme singulier de vie, de meurs, & de doctrine, fut amené deuant le presidét seant au tribunal, lequel luy parla en telle maniere: Pour quoy Lucian toy qui es homme prudent, suiz celle folle secte? de laquelle tu ne scaurois rédre aucune raison? & si point en ya, nous l'orros voluntiers. Lors Lucian ayant impetré congie de parler du dict president, luy respondit (ainsi que lon dit) en telle maniere: Il n'est point chose occulte que nous autres Chrestiens croyons en vn seul Dieu, lequel nous a esté annoncé par Iesuschrist, & par le sainct esprit inspiré en noz cueurs. Et ne sommes point abusez ne seduitz(ainsi que vous cuidez) par aucune persuasion humaine er ronee, ne aussi deceuz par la tradition indiscrete de noz peres & meres, ains l'autheur de la foy, & cognoissance que nous auons de Dieu, c'est luy mesmes. Car aussi ne pourroit celle tresexcellente & incomprehensible maiesté entrer en noz cueurs & entendement, si ce n'estoit par la vertu du sainct Esprit, ou par l'interpretation de son verbe, & de sa sapience. Vray est (& ie le confesse) que encores nous auons errécomme vous autres, & auons creu que lesdieux que auyons faictz & fabriquez de noz mains, fussent les creatures du ciel & de la terre, mais leur imbecilite estoit arguee & declairee par la consecration de leur matiere, que nous

leur auions baillé de noz mains. Car autant auoyent ilz de veneration, comme la main de l'ouurier leur auoit baillé de beaulte. Toutesfois le Dieu omnipotent qui n'a pas esté composé par noz mains:mais par lequel nous sommes creez & composez, ayant pitié de nostre erreur, a enuoyé sa sapience en ce monde vestue de nostre chair, pour nous monstrer & enseigner que nous deuons cercher iceluy Dieu qui a faict le ciel & la terre, non pas en ces imaiges faictes par main humaine, mais es choses eternelles & inuisibles. Et si nous a au surplus donné les enseignemens de vie, & la discipline de viure modestement & sobremét, d'endurer la po ureté ioyeusement, d'aymer la mansuetude & benignité, d'estudier à souffrir, d'embrasser la purité & innocence de cueur, & de garder bien la vertu de patièce,& si nous a predit toutes les cho les que vous nous faictes maintenant. A sçauoir que nous serions trainez & menez deuant le tribunal des roys, des iuges & presidens, & occis comme victimes au sacrifice. Et à ceste cause, & pour nous donner exemple de patience, luy qui estoit immortel, come celuy qui est le verbe & la sapience de Dieu, voulut (neant moins quant à l'humanité) soy offrir à la mort. Et non pourtant ne nous à point deceuz pour cela, car il resuscita le troissessine iour, & si n'a point esté occis par ses demerites, ainsi que les actes faulses & controuuces que vous auez publices soubz le nom de Pilate contiennent. Mais estant pur, innocent, & immaculé endura la mort, à ceste fin tant seulement que elle fut par luy vaincue en resuscitant. Et ce que ie diz, n'est pas chose occulte, ne faicte en lieu obscur & incogneu : car presque la plus grande partie du monde a receu ceste foy & creance, & plusieurs citez toutes entierement la tiennent. Et si en icelle pretendez qu'il y aye quelque chose suspecte, les paisans des champs quine sçauent riens feindre ne simuler, la suyuent. Et si encores ne voulez adiouxter foy à cecy, ie vous doneray tesmoignai ge du lieu mesmes ou la chose sut faicte. Car il y a encores au mont de Golgotha le trou ou fut platee la croix qui porta le pre cieux corps du Redempteur, & le Sepulchre qui a renduson corps en pleine vie, & reuny auecques l'ame, laquelle auoit rom pu les liens & les portes d'enfer, à fin qu'il montast plus glorieufement aux cieulx. Et encores si vous ne voulez receuoir pour le bon tesmoignaige de la terre, ie vous allegue celuy du ciel, c'est le Soleil, lequel voyant la cruaulté que lon vsoit contre son facteur en terre, à l'heure de midy, retira sa lumiere au ciel. Certes si

Le neufiesme liure

vous cerchez les choses qui furent escrites par Pilate en ses annaulx, vous trouuerez que à l'heure que Iesuschrist soussirie mort, le Soleil perdit sa lumiere en plien iour. Mais si vo° ne voulez ad iouxter soy à la terre, au ciel, & au sang des martirs que vous respandez pour ceste querelle, coment adiouxterez vous soy à mes parolles? En disant lesquelz propos, voyant le iuge que le peuple commençoit presque à y adherer & applaudir, commanda qu'il sust remené en la prison, & illec secretement le sit occir.

Des edictz, & autres choses diffamatoires qui furent en celuy temps escritz & engrauez en tables de cuyure contre les Chrostiens.

Chapitre 1111.

LVSIEVR S autres perfecutiós fuscita & renouuella l'énemy de nature cotre les Chrestiens plus cruelles que les precedentes: car ou tre les ambassades & legations qui furent en uoyees de par les citez & les prouinces contre nous, y eut tout plein de loix & de edictz publicz. Et affin qu'il en fut perpetuelle memoi

re, on les faisoit engrauer en cuyure. Et au surplus, lon faisoit lire aux petitz enfans à l'escole les choses controuuees en detestation de nostre Sauueur, & de nostre foy, pleines de blasphemes & de choses vilaines, & si les faisoyent chanter par les rues tout le long du iour, & en icelles loix que ledict tirant auoit faict ainsi publier & escrire en cuyure, esperant qu'elles fussent perpetuelles, (comme dit est) Il auoit mis assez arrogamment & par grande iactance, parolles contenas que apres que les Chresties seroyent chassez hors des citez, l'air seroit plus attrépé, & la terre plus fertile. Car c'estoit une chose de grand essicace pour gaigner la grace des dieux, pourtant que on ne leur pourroit faire sacrifice plus agreable, que de chasser telle maniere de gens (qu'ilz haissent) hors de tous lieux ou leur maiesté est adoree: Et encores apres plus bas, disoit à la maniere qui s'ensuit: Et pourtant que les peuples, citez, & prouinces ont faict ceste requeste si saincte, & si religiouse a l'empereur, il n'est chose pour grande qu'elle soir; silz la demandent à sa maiesté pour leur proffit, qui ne la leur octroye, pourueu qu'ilz soyét bien soigneux à garder que les Chrestiens n'entrent point es citez.

Des mortalitez, famines, & autres maulx qui aduindrent apres la publication des loix des tirans.

Chapitre . v.



A R telle maniere que nous auons dit, noz affaires (quant à la volunté des homes) estoyent reduitz à si mauuais termes, que si comme dit l'escriture: Les iustes mesmes & constans hom mes pouuoyent estre scandalisez: Mais alors qu'il ny auoit plus de remede par voye humai ne en nostre cas, la bonté infinie de Dieu ne

voulut point permettre que les bonnes voluntez des imbecilles fussent scandalizees par desespoir. Car tout incontinent & auant que lesdictes loix & edictz fussent acheuez de publier es prouinces loingtaines, pour refrener & confondre euidemment la voix superbe & insolence du tirant, au lieu qu'il auoit dit que la terre seroit plus fertile, vint une si grande sterilité par faulte de pluye & d'eaue, que les bledz furent presque du tout failliz, & l'herbe mes me des prez brussee, tellemet que les viures faillirent, non pas aux hommes tant seulement, mais encores aux bestes. Et au lieu que le tirat presumptueux auoit dit que l'air en seroit meilleur, il fut tantost apres si corrumpu, que les corps humains estoyent la pluspart attaintz de diuerses maladies. Mais entre autres des charbos & de chancres, que lon appelle le feu sacré, qui mangeoyent con taminoyent principalemet le visaige & les yeulx, en maniere que ceulx qui eschapoyent la mort, perdoyent la veue. Et si couroyét au surplus autres sieures pestilentiales & contagieuses, par lesquel les mouroit vn infiny nombre de gens, tant masses que femelles, maissur tout des petitz enfans. Et si aduint vn autre inconuenient audict tirant. Car les Armeniens qui estoyent la pluspart enclins à la religion Chrestienne, voyans que on les vouloit costraindreà la delaisser, & adorer les diables en lieu de Dieu, d'amis & de sub iectz de l'empire Romain deuindrét ennemis & aduersaires: Car ilz se missent en resistèce par force d'armes contre les executeurs des editz detestables du tirant, & à la guerre ouuerte contre luy. Toutes lesquelles choses estans suruenues à vn coup, donnerent bien euidemment à cognoistre, que c'estoit Dieu qui vouloitfai re vengeance de l'arrogance & temerité des infideles, en lieu de ce que par leur temerité auoyét publié que pour chasser les Chre stiens ilz auroyent la paix, l'abondance & la prosperité de corps &

Le neufiesme liure

tous biens humains. En marriere que estant l'exercité Romain moult trauaillé d'vn costé par la guerre des Armeniens, le peuple auquel lon auoit par les loix impériales promis tant de bones cho ses, estoit persecuté de famine intollerable, tellement que par les citez le nombre de gens qui mouroyent tous les iours, estoit si grand, que on ne scauoit ou les enterrer, & par les villaiges & aux champs lon trouuoit tout plein de maisons toutes vuides de gens. Et si quelqu'vn y auoit qui par necessité de viures & par famine menoit ses enfans des champs en la cité pour les védre, & soy sub stanter de l'argent, ce pendant qu'ilz estoyent la attendans les achapteurs, la mort pestilente surprenoit les peres & les enfans, du pris desquelz esperoyent garentir leur vie. Aucuns autres qui par faulte dautres alimens, alloyent cerchant les herbes & les racines pour les manger, ou pour boire le ius, en trouuoyent quelque venimeuse qu'ilz ne cognoissoyent, doc apres qu'ilz auoyent mangé ou beu, mouroyent incontinent. Et les femmes nobles & honnestes par necessité de famine en oubliant leur vergoigne & leur honnesteré, alloyent publiquement demader l'aulmosne. Et la ou elles au parauant auoyent honte de regarder les gens au vi saige, estoyent constrainctes de leur demander à manger, ou de leur oster des mains quelque chose pour substanter leur vie. Ancuns autres alloyent par les rues si extenuez de fain, qu'ilz sembloyent mieulx statues fans chair que hommes, car ilz auoyent vne couleur mortifiee, les yeulx enfoncez en la teste, & si alloyét branlant tant qu'ilz entroyent en quelque maison pour demander l'aulmosne plus par signes en tendant la main, que par parolles, car ilz auoyent l'esprit si debilité, qu'ilz ne pouuoyent parler. Et quelque fois silz trouuoyent qu'elqu'vn qui leur donnast vne piece de pain, ilz estoyent desia si transiz, que en le regardant & tendant la main pour le prendre, les forces du corps leur failloy ét du tout, & tumboyent là mors aux piedz de celuy qui leur donnoit le pain. Et si qu'elqu'vn y auoit de ceulx qui estoyent bien riches, qui par pitie voulust aulmosner aux poures, il en venoit si grande multitude de ceulx à qui lon ne pouvoit bonnement refuser, qu'il estoit constraint de soy dessiter. Et de l'autre couste, tous les lieux publiques des citez estoyent pleins & couuers de charongnes. Car il ny auoit personne qui les enseuelist, pourtant que les autres qui estoyent encores en vie, estoyent si tres debiles & hebetez, qu'ilz n'auoyent force pour ce faire, & attendoyét d'e Are ietez là auecques les autres, qui estoit vn piteux & miserable

spectacle mesmement, lon en voit plusieurs mangez aux chiens, & par effect sembloit que ces deux bestes cruelles, à sçauoir la famine & la peste, se eussent desparty le peuple. Car les poures qui auoyent accoustumé de gaigner leur vie à leurs bras, estoyent rauiz par famine, & les riches qui auoyent bien dequoy viure, par pestilence. Tellement que lon trouuoir de grosses familles de riches gens qui alloyent peu à peu desfaillant par insection les vns des autres, iusques à tant que nul n'en reschapoit, & demouroyét les maisons toutes vuides. En telle maniere estoyent les citez & les champs guerroyez par ces deux pestes diuersement: mais d'vn mesme accord. Telle fut la remuneration des loix de Maximin, de son arrogance, & du jugemét qu'il auoit faict des Chrestiens, & de la deuotion qu'il se disoit auoir à la religion. Et siaduint durant ce temps, que les corps demouroyét inhumez par les rues, & par les maisons, (comme dit est) & que ceulx qui restoyent en vie crioyent à la fain, tant que les Paiens estoyent tous costraintz d'eulx recommander aux Chrestiens, & la ou ilz les auoyent au parauant chassez hors des villes & citez, leur requeroyét en pitié à menger, à sçauoir ceulx qui estoyent en vie, & aussi ceulx qui se mouroyent, qu'ilz les voulsissent inhumer, pourtant que en culx seulx lon trouuoit pitié & charité. Dot les Payens estoyeut con. straintz de confesser qu'il n'estoit aucune religion si bonne, si sain cte, ne si charitable comme celle des Chrestiens, & qu'il ny auoit autre Dieu que le leur. Aussi voit lon l'experience euidente. Car les Chrestiens qui n'auoyent esté persecutez de peste ne de fami ne par la bonté de Dieu, (qui monstroit en cela euidemment le miracle) sans auoir aucune souuenance des iniures & opprobres que on leur auoit faict, auoyent pitié & vsoyent de misericorde à leurs propres ennemis en ensuyuant le commandement de Dieu, & venoit chascun le mieulx qu'il pouuoit en aide aux poures necessiteux pour les secourir de ce qu'il auoyent, non pas tant seulement de viande pour les substanter : mais encores de confort & d'affection, qui leur faisoit trouuer le peu que on leur donnoit plus grant. Et d'auantaige, les malades de peste qui estoyent abandonnez de leurs propres parens, estoyent par eulx visitez & pensez sans que ilz encourussent aucune contagion, pourtant, que Dieu les preseruoit. Et apres que ilz estoyent mors, les enscuelissoyent le mieulx que ilz pouuoyent. Dont par l'entree que firent les Chrestiens es citez & es villes, sut l'apparence des maulx si changee, moyennant leurs œuures sain-

Le neufiesme liure

ctes & charitables, que l'opinion de la verité de leur religion par experience de leurs œuures, fut beaucop plus fermement imprimee au cueur des gens, que les fables que lon avoit faict imprimer & escrire aux tableaux de cuyure, à la confusion d'icelle. Estans adonc les choses en tel estat que les Payens voyans la bonté des nostres, confessoyent taisiblement en leurs cueurs la bonté & verité de nostre religion: voians estre lors aduenu & accomply ce qu'est dit au l'iure de Genese: cest à sçauoir que la ou les Egypties estoyent en tenebres espesses & palpables, les enfans d'Israel auoyent clarté en toutes leurs maisons. Nostre Redempteur voulut continuer à magnifier son nom en ses bons seruiteurs, & amplier l'ouuraige de sa vertu qu'il auoit monstree en eulx, par plus grande operation de prosperité. Et là ou nous estions encores en grandes & obscures tenebres, nous illuminer de sa grace & bonté, pour accomplir ce qu'auoit esté dit par le prophete: Dieu nous a repeuz de pain de larme, & d'icelle mesme nous a abreuuez. Mais c'est par mesure, qui est de chastier & corriger ses seruiteurs non pas perpetuellement:mais par temps limité:ains de leur vser de misericorde apres qu'ilz ont esté par quelque temps trauailez, quand ilz ont bonne foy & esperance en luy: comme il aduint lors, ainsi que nous dirons cy apres.

De la vistoire de l'empereur Constantin, tant contre Maxence, que contre Maximin: & des loix qui furent faictes en faueur des Chrestiens.

Chapitre VI.



N celuy temps, le bon religieux empereur Costatin, filz du tressage & tresuertueux prin ce Constant, se preparoit pour aller guerroyer Maxence, qui occupoit par tirannie la cité de Rome, & marchoit alencotre de luy, auec son armee: or estoit il desia Chrestien de volunte: mais il n'estoit pas encores bap-

tizé selon les cerimonies de l'eglise. Estant adonc tout pensis, & reuoluant plusieurs choses en son entendement: & considerant les hazars de la guerre, & la puissance de son aduersaire, leuoit tout le long du chemin, souuent les yeulx au ciel, esperant d'illec auoir quelque secours. Si aduint qu'yone nuict ainsi qu'il dormoit,

luy fut aduis qu'il veoit du costé d'Orient, le signe de la croix, en l'air, tout reluisant & resplendissant: dont estant tout estonné & esbahy, luy fembla qu'il eut aupres de luy des anges, qui luy dirent: En cestuy signe tu vaincras, Constantin. De laquelle vision, il sut si reconforté, que bien se tenoit tout asseuré de la victoire: & en ensuyuant la vision, le signe qu'il euoit veu en l'air, il mit en son front. Si fut par ce moyen conuié à la foy, ainsi qu'auoit au parauant esté appelle sainct Paul, auquel Dieu dit: Saul, Saul, pourquoy me persecutes tulle suis lesus de Nazareth. Mais d'autant me semble que cestuy cy est plus à priser qu'il n'estoit pas persecuteur (comme estoit l'autre) ains sectateur de la foy. Apres cela, Constantin sit mettre en ses enseignes, le signe qu'il auoit veu au ciel: & accoustrer le dragon qu'il portoit en son estandard en forme de la croix. En telle manière auec les armes & les ensei gnes de la foy, marcha contre son ennemy. Et si dit lon qu'il sit fur fon bras dextre mettre vne croix ouuree d'or & de pierres precieuses. Si me semble que ie n'excederay point trop le propos de mon histoire en racontat quelque peu de ce qu'il luy aduint en celle guerre. Estant adonc par signe celestiel asseuré de la victoire, estoit en grand pensemet d'une autre chose. Car il luy sem bloit chose trop dure,&estoit à merueilles desplaisant que luy qui auoit esté esseu Empereur, & nommé Pere de la patrie par les Ro mains, là ou il desiroit exceder (si possible luy estoit) de bonté, de foy, de religion, & d'humanité tous ceulx qui auoyent esté deuant luy, fut constraint d'aller hostilement, non pas contre la patrie tant seulement : mais contre la propre cité de Rome, qui estoit le chief de l'empire:pourtant qu'il ne pouuoit la remettre en liberté, & deliurer de la tirannie de Maxence, sans la guerroyer. Si prioit tous les iours Dieu de bon cueur (duquel desia se reputoit familier)qu'il ne voulsit permettre que sa dextre, laquelle estoit armee de son enseigne, fut ensanglantee du sang Romain: ce que Dieu par sa prouidence luy octroya. Car estant arriué aupres du Pont Mol, qui est sur le Tybre, assez pres de Rome, Maxence, qui desia estoit persecuté, & approchoit de la punition diuine, sortit le premier pour luy-aller au deuant: & commanda à ses gensdarmes qui estoyent en la cité qui le suyuissent. Or auoit il ordonné que lon fit vn pont de basteaux sur la riuiere:mais que les planches & paulx qui seroyent dessus, sussent de sorte, que quand les ennemis passeroyent, ilz tumbassent dedans l'eaue, &se noyassent. De laquelle ordonnance non estant plus recors, ainsi

Le neufiesme liure

qu'il passoit diligemment auecques petite compagnie par dessus ledict pont, il tumba luymesme en la riuiere, & se noya: dont par la seule perte de son corps detestable, il obuia à toutes les calami tez de la guerre,& deliura la dextre du bon prince, du sang Romain. Dont lon pouuoitraisonnablement chanter ce que chantoyent les enfans d'Israel apres la desfaicte de Pharaon, quand ilz disoyent: Dieu a iecté & abismé en la mer les chariotz & la vertu de Pharaon, ensemble ses cheualiers & souldars: & ont esté enueloppez de l'eaue de la mer rouge. Car Maxence & ceulx qui estoyent auec luy, furent noyez & suffoquez dedans l'eaue, par la trahison que luymesme auoit preparee à l'armee du bon & religieux prince Constantin. Dont aussi on pourroit bien dire de luy ce que dit le Psalmiste: Il a ouuert & fouy la fosse en laquelle luymesme est tombé: dont la douleur sera conuertie en sa teste, & sa malice descendra en son chef. Ces parolles sont adaptees aux meschans: mais à Constanțin apres la victoire, lon peut bien adapter le cantique que chanta Moyse apres la deffaicte des Egiptiens: Chantons louenges à Dieu, car il a glorieusemet ietté en la mer le cheual & celuy qui le cheuauchoit. Il est mon aide & mon protecteur, & si a esté mon salut. Qui est donc celuy de tous les Dieux des Payens qui soit semblable à toy, qui es glorieux entre les sainctz: & merueilleux en ta gloire, faisant miracles & prodiges?Ces choses alloit chantant en son cueur le bon prince Constantin: iaçoit que de bouche ne les prononçat. Et par telle maniere entra dedans Rome en grand triumphe:auquel vindrent au deuant les senateurs & tout le peuple, auec les semmes & enfans, tous ioyeulx à merueilles d'estre deliurez de la ser uitude du tirant: & le receurent en grand ioye & honneur, comme liberateur de la cité,& restituteur de la liberté. Mais luy ne se mouuoit point, n'exaltoit en son cueur pour toutes les louenges, pour tous les honneurs de celle si noble & si puissante cité: ains attribuoit toute la victoire à la diuine bonté. Et incontinent que le senat eut ordonné que lon mit sa statue selon la coustume au palais, en forme de triumphe, il commanda qu'on mit sur la dextre d'icelle, le figne de la croix: & qu'on escriuit dessoubz: En cestuy signe singulier, qui est la vraye enseigne de vertu, i'ay re. stitué la cité, le senat, & le peuple de Rome, en leur premiere liberté, les deliurant de la subiection tirannique. Et tantost apres ayat Licinius pour son collegue, lequel encores n'estoit pas venu en la forcenerie qu'il vint depuis, tous deux d'vn accord cognois-

Lans & confessans que tout le bien leur estoit aduenu de Dieu, firent & promulguerent vne loy, par laquelle ilz attestent & confessent que le Dieu des Chrestiens est le souuerain, & seul Dieu aucteur de tout bien, & de toute vertu, & celuy qui a esté cause de leur victoire contre le tyrant. Parquoy vouloyent qu'il fust adoré & veneré vniuersellement par vn chacun. Laquelle loy ilz enuoverent à Maximin, qui dominoit pour lors es parties d'Orient, & cerchoit (comme il sembloit) leur amitié. Et iaçoit ce que cela fust directement contre son intention: toutesfois considerant leur victoire, & les choses grandes qu'ilz auoyent faictes, n'osoit resister à leur volunté. Et neantmoins de l'autre costé il auoit honte de donner à cognoistre qu'il estoit constrainct d'acquiescer à leur volunté, contre son opinion. A ceste cause pour couurir sa crainte & sa honte, appella son conseil, & ordonna que ilz feissent à son nom & par son authorité, vne loy en faueur des Chrestiens, de semblable substance que celle de Constantin & de Licinius, declairant comment ses predecesseurs augustes auoyent esté d'opinion d'extirper & exterminer les Chrestiens, pourtant qu'ilz estoient contraires au culte des Dieux: & que luymesme, en ensuyuant leur sentence, auoit par aucun temps esté de telle o. pinion. Mais voyant que d'autant plus qu'on la cuide estaindre, elle pullule plus fort. Il veult & declaire que lon retire ceulx qui la tienne, à la religion & culte des Dieux par remonstrances & persuasions, qui pourra: sans toutes fois les y contraindre en aucune maniere: & par ce moyen qu'vn chacun puisse adorer & reuerer Dieu,selon sa volunté, & par telle sorte de secte qu'il vouldra: sans que par les iuges, officiers n'autres gens, luy soit donné aucune molestie, n'aucun trouble. Ceste loy addressa Maximin à Sabinus le prefect: iaçoit ce que chacun entendit assez, que ce qu'il faisoit, c'estoit par crainte: & non pas de son bon gré, ne par humanité: à l'occasion dequoy, nul des nostres n'osoit tenir aucun conseil, ne faire aucune congregation en public, des choses appartenans à nostre religion: & mesmementre parer les eglises, & celebrer les offices & misteres diuins: combien qu'il fut permis par la loy des empereurs. Cognoissant que celuy tirant n'auoit en riens changé son opinion, &ne permettoit fors cela tant seulemet que la crainte le contraignoit endu rer iusques à tant que la divine iustice le chastia selon sa desserte. Car tout ainsi qu'il s'estoit esseué de son auctorité à vsurper le nom de Auguste, voulant paruenir à l'empire sans aucun sien me

Le neufiesme liure

rite,& sans auoir prudence, attrempance ne autre vertu. Il presuma par sa temerité & oultrecuidance d'eriger la teste contre ses consors en l'Empire, lesquelz auoyent l'auctorité du Senat& peu ple Romain. Et au surplus estoyent princes pleins de vertuz & de foy. Tellement qu'il se nomma premieremet le premier en tous actes,& tantost apres encores entreprint la guerre cotre Licinius, venant contre l'alliance faicte entre eulx, dont en peu de temps il sit de grans ennuitz & perturbations à plusseurs citez, & fatigua grandement l'exercité Romain. Finablement soy confiant des diables qu'il adoroit pour ses Dieux, vint auec tout son exercité à la bataille. Mais la victoire ne peut estre du cousté d'iceluy qui estoit hay de Dieu & du monde. Ains fut de l'autre costé de forte qu'il fut vaincu en la bataille,& grade partie de ses gens occis. Les autres qui eschapoyent le voyant abandonné de Dieu & de ses gensdarmes, se rendirent à ses ennemiz. Et luy soy voyant deceu & abusé par ses Dieux, & abandonné de ses gens, ietta les habillemens & accoustremés imperiaulx, lesquelz il auoit portez & portoit indignement, & auec vn habillemet de souldart se mit en la troupe de ceulx qui l'en fuyoyent. Et par ce moyen lasche. ment & honteusement s'en fouit de la bataille auecques eulx par les champs, & par les villaiges iusques à ce qu'il arriua en lieu, ou il pensoit estre en seurté. Et lors cogneut bien que la sentence du prophete estoit plus veritable que ses vaines pensees, & mauuaises cogitations, lequel prophete dit en telle maniere (au pseaume.) l'hôme ne se sauue point par la multitude de sa vertu, ne le geant par sa puissance, ains son cheual luy fauldra à le sauuer, & en sa puissance ne trouuera aucun salut. Car l'œil de Dieu regarde ceulx qui le craignent,& ceulx qui esperent en sa misericorde seront par luy deliurez de la mort de leurs ames. Estant adonc ainsi vitupereusement vaincu le tirant, apres qu'il fut retourné en la terre de son obeissance, d'arriuee come homme plein de fureur ainsi qu'il luy appartenoit, comman da que lon occist tous les pre stres des idoles, qu'il auoit au parauant tant honnoré, disant qu'ilz l'auoyent abusé, & trompé, & que par leurs faulses persuasions & responses (ausquelles il s'estoit confié) ilz estoyent cause de sa def fccte,& de la ruine de son empire. Et voulut rendre la gloire, & faire honneur au Dieu des Chrestiens. Et apres encores quand la vengeance de Diéu se fut par autre moyen estendue sur luy, & qu'il estoit vexé de plusieurs griefues & innumerables maladies, voulant (mais trop à tard) saire penitence contrainct de ses pechez

chez, sit une loy pour la liberté & seureté des Chrestiens dont la teneur s'ensuit.

La teneur de la loy de Maximin en faueur des Chrestiens.

'Empereur Cesar Galerus, Maximin, Germanique, Sarınatique, Pie, Heureux, Inuicte, Auguste, Ayant continuelle so licitude & soing de noz subiectz, & pensant à faire toutes choses concernans leur prossit & vtilité commune, ne cessons de faire toutes prouisions que nous cognoissons leur estre ioyeuses & plaisantes. Parquoy nous ne doutons point que chacun ne sçache:car aussi c'est chose manifeste, que nous en ensuyuant la sentence des feux empereurs de bonne memoire, noz predecesseurs & ancestres, Diocletian & Maximian: Auons inhibè & deffendu l'assemblee des Chrestiens, à l'occasion dequoy ont esté faictes plusieurs violences & pilleries par noz officiers, au grand detriment & domaige de noz subiectz: desquelz nous desirons & voulons auoir speciale cure, tellement que continuat la chose, & augmentant de jour en jour ilz estoyét presque denuez de tous leurs biens & heritaiges. A ceste cause, l'annee passee nous fismes vne loy, par laquelle nous deffendions que ceulx qui voudroyét tenir celle religió, ne fussent point molestez ne empeschez par noz offi ciers & subjectz: ains qu'vn chascun touchant cela peut faire ainsi que bon luy sembleroit, sans aucune crainte ne suspeçon: toutesfois nous sommes bien aduertis qu'aucuns de noz officiers ont (soubz couleur de nostre authorité) voulu & attempté de donner quelque moleste à noz subiectz, pour les rendre plus craintifz & negligens à l'observance de ladicte religion, à laquelle ilz sont tant affectionnez. Parquoy, à fin que pour l'aduenir n'y ait aucun scrupule, ne aucune ambiguité de nostre métion, nous auons voulu faire ceste presente loy, par laquelle nous declairos à tous, & voulos estre manifeste, que nostre vouloir & intétion est, Qu'il soit loisible à tous ceulx qui voudrot tenir la secte des Chrestiens, la desseruir & garder en toutes les sortes & ceremonies, & tout ainsi que bon leur semblera. Et au surplus, qu'ilz puissent à leur aise construire & refaire leurs eglises& oratoires. Et de nostre plus ample grace & liberalité voulos & decernous, Que si aucune mai son ou terre qui appartiensit à ceulx de ladicte secte auant la def fense de nosdictz predecesseurs, a esté pour ceste cause confisquee en la chambre fiscala, ou bien apres alienee & distraicte à autres personnes, elles soyent rendues & restituees entierement aux anLe neufiesme liure

ciens possessite d'icelles: à fin que chascun se sente du benefice de nostre clemence. Telles loix decerna lors Maximin, lequel va an au parauant auoit decerné peines execrables contre nous par ses edictz qu'il auoit faict ietter & escrire en cuyure, esperant que ilz fussent perpetuelz, & par iceulx auoit mandé que nous (comme gens cruelz, detestables & meschans) fussions chassez des citez, des villes & des villaiges, & banniz presque de toute la terre. Et non pourtant il ne faisoit pas encores lors de bonne & entiere intention: & n'estoit pas entierement conuerty & repentant, ains cuidoit par le moyen de ses loix,appaiser Dieu,& luy satisfaire de ses pechez, & ainsi comme par la mauuaise persuasió de ses faulx dieux , il auoit perdu la bataille, la cuidoit regaigner en prenant nouuelle faueur du dieu des Chrestiens, non sçaichant come hom me vain & ambitieux que les hommes mauuais ne peuuent gaigner Dieu par promesses,ne par loyer à obtenir leurs damnées intentions.

De la finale extermination des ennemis des Chrestiens.

Chapitre VII.



YANT adonc Maximin faict son appareil pour recommencer la guerre, sut surprins de vne douleur de ventre, & des parties intrinseques du corps, tellement qu'il ne pouoit estre couché au lict, ains se iettoit à bouchon à rer re, & là ou il estoit au parauant moult abandonné à boire & à manger, ne pouuoit endu

rer de voir la viande, ne de sentir le vin, dont il vint en telle extre mité par extenuation, qu'il n'auoit que la peau & les os. Et celle punition luy profsita en cela tant seulemét, qu'à la sin de ses iours, le miserable home cogneut qu'il estoit iustement puny de Dieu pour ses demerites & pechez: & mesmes quand il se vit auoir per du la veue, vn petit auant sa mort. Estant adonc trespassé celuy qui par aucun temps auoit esté cruel, persecuteur des Chrestiens, & que si aucunessois pour simulation leur auoit pardonné, ce a-uoit esté par craincte. La vraye & certaine indulgence & permission des princes vrais & legitimes, remit noz gens en plus grande seureté qu'ilz n'auoyent iamais esté. De sorte que la parolle de Dieu, & la foy Chrestienne se reparoit & augmentoit iournel lement de tous costez, & les ennemis de Dieu estoyent lors bien

repentans des cruautez qu'ilz auoyent vsé contre les seruiteurs, dont ilz estoyent si confuz,& si honteux, qu'ilz n'osoyent leuer les yeulx au ciel, ne regarder les ges au visaige. Car desque Maximin fut mort, il fut par edictz imperiaux prononcé & declairé tyrant, cruel, & hay de Dieu, & des hommes: & commanda que ses images & statues, ensemble tous les tableaux d'arain & de cuiure ou estoyent escriz ses tiltres, ses loix, & ses edictz fussent abbatuz & arrachez par tout, & celles qui estoyent seulemet en pain Aure platte effacees, dont la mutation apparut en peu d'heure grande à merueilles. Car le nom de celuy qui auoit decerné la peine & punition perpetuelle contre les Chrestiens, estoit du tout aboly:ou si aucune memoire en estoit, cestoit à sa honte & detestation. Et d'auantaige les iuges qui auoyent esté ministres de ses cruautez, furent par le commandement des princes occis: entre lesquelz fut Peucedius, qui auoit esté le principal de ses ministres & complices, & à ceste cause auoit esté creé trois sois conful,& finablement tenoit l'office de prefecture. Semblablement fut puny Quintian, qui auoit esté le plus honoré homme, & le plus estimé que le tyrant eut. Aussi auoit il par son commandement exercé des cruautez increables contre les Chresties, au pais d'Egypte. De ce nombre fut aussi Theotignus, lequel auoit esté faict president en Antioche par Maximin, à cause de l'idole qu'il auoit illec consacree. Auquel lieu estant arriue Licinius, couuoyteux d'entédre l'art magique, faisoit cercher les prestres & les ministres, & les diacres, qui auoyent esté nouuellement deputez au feruice de l'idole, ensemble leurs maistres & compaignons: si les interrogua diligemment par quel art se donnoyent les respon-ses,& par quel moyen se faisoyent les miracles que lon attribuoit à l'idole. Lesquelz ministres du commencement desguisoyent la chose,& en parloyent par dissimulation: Mais à la fin estans pressez declairerent que tout estoit chose faincte & artificieuse controuuee par Theoginus. A ceste cause, il le condemna premierement comme autheur de la superstition magique, & apres les pre stres, les auruspices & diuineurs, & consequemment les autres ministres à estre puniz par diuers tormens. Apres sit occire les enfans de Maximin, lesquelz il auoit, dessa faict ses consors à l'empire, & consequemment ses parens & speciaux amis, lesquelz soubz vmbre de son authorité, auoyent saict grans maulx aux gens des prouinces. Et lors apparut bien qu'il estoyent folz, & n'auoyent pas consideré ce que dit le Psalmiste: Ne vous con-

Le neufiesme liure

fiez point aux princes, ne aux enfans des hommes, esquelz n'a point de salut. Car leurs esprit sortira de leur corps,& retournera en sa terre, & à lors periront toutes leurs cogitations. Mais au regard de nous qui auons l'esperance de nostre salut en Dieu, & au roy de tout le monde Iesuschrist nostre sauueur, nous endurons patiemment son chastiment quand il le nous enuoye, & si attendons la paix,& la misericorde de luy,& non d'autre. Apres adonc que la rasse des cruelz & meschas fur esteincte, laquelle estoit des plaisante à Dieu & aux hommes, & que la parolle du sainct esprit fut accomplie, (quand il dit par la bouche du prophete:) l'ay yeu le pecheur esseué & exaucé en dignité, comme l'arbre du cedre au mont de Libane. Et apres i'ay repassé, & il n'y estoit plus. I'ay cerché le lieu ou il estoit, & si ne l'ay point trouue, toutes les nues estoyent vuides, & le soleil apparoissoit en terre auec le iour plus cler qu'il n'auoit iamais faict: Et la resplendeur de nostre Sauueur reluisoit par les eglises, & n'y auoit plus personne qui regar dast cela de mauuais œil. Ains toutes gens (encores qu'ilz ne fussent par effect couertiz à la foy) pour l'horreur qu'ilz auoyent de la recordation & memoire des cruautez que lon auoit vse cotre nous, tenoyent nostre party, & confessoyent tous d'vne voix, que le vray Dieu auoit esté en aide aux bonnes gens: & que ceulx qui auoyent leur esperance en Iesuschrist n'estoyent point deceuz, dont trestous par la grace de Dieu estoyét essouiz. Mesmement voyant les lieux que les tyrans auoyent peu de temps auat faict abattre, estre refaictz & reedifiez, plus beaux, plus grans, & plus magnifiques qu'ilz n'auoyent iamais esté: & qu'en lieu des petis oratoires, lon battissoit grandes eglises & sumptueuses: & à ce fai re aidoyent grandement noz gens en celuy commancement la faueur que leur faiso yent les princes, tant par leur soy saincte & re ligicuse, comme aussi par plusieurs lettres qu'ilz escriuoyent aux euesques en tout honneur & reuerence, & encores en plusieurs grans dons qu'ilz leur faisoyent: tant pour leur sustention, que pour le bastiment des eglises. Et d'autre part lon veoit de tous co. stez noz gens faire festes & solennitez en toute deuotion; apres la dedication des eglises, par les villes & citez. Et les euesques l'assembloyet, encores qu'ilz fussent en pais loingtains, pourtant que nul lieu ne leur sembloit remot ou loingtain à la charité. Ausi l'assembloyent les peuples, les vns auec les autres, comme plusieurs mébres à vn seul corps de Iesuschrist, en maniere que bien sembloit estre accomplie la figure prophetique de Ioel qui dit:

Et l'assembleront les os, l'vn à l'autre, & l'vne ioincture à l'autre: & apres leur reuiendra vn esprit qui viuisiera tous les mébres, qui est l'ame. Pourtant que tous ensemble auoyent vne foy, & ado royent vn seul Dieu: Auquel, comme par vne bouche, chantoyet les hymnes & les louenges. Et desia les prestres, les religieux & / ma + 250 autres ministres de l'eglise, ensemble toutes autres choses appartenans au culte diuin, estoyent en grande excellence. Car lon voit d'un costé ceulx qui chantoyent & psalmodioyent au cueur de l'eglise, tant ieunes vierges, que vieulx & aagez, en louant le nom de Dieu. Et les ministres qui ce faisoyent & celebroyent en grande ceremonie, & par grand ordre. Lon veoit aussi les euesques & prestres assiz au cueur tous gens aagez & chanuz, qui estoit vne grande maiesté digne de veneration. Et si aucun qui fut preuenu de grace & de doctrine, se presentoit pour sermonner, tout le peuple en grand silence, estoit ententif à l'escouter & ouir, comme si se fut vn ange du ciel, tant estoit grand l'ordre & la reuerence que le peuple portoit aux prestres. Dont plusieurs venoyent l'vn apres l'autre, non pas vn ou deux (comme dit l'Apostre) mais autant qu'il en venoit soy presenter à sermonner la parolle de Dieu, qui tous estoyent ouyz & escoutez en grande reuerence, tellement qu'il estoit lors accomply, ce qu'auoit long temps au parauant prophetisé Moise, quand il dit: Qui pourra o-Etroyer que toute eglise de Dieu, prophetise? Car en cela n'y auoit enuie ne concurrence. Pourtant que les dons de Dieu s'administroyent & despartoyent au peuple, & vn chacun tachoit de four nir abondamment à l'edification de l'eglise. Et tout se faisoit en si grande charité, qu'il n'y auoit celuy qui ne voulut surmonter l'autre de courtoisse, & luy deferer en toutes choses, l'estimant chacun meilleur qu'il n'estoit: Car les simples gens & non lettrez auoyent en admiration ceulx qui auoyent doctrine & sapience, pour instruire les autres. Et ceulx qui auoyét la science estimoyét plus la pureté & simplicité des autres, que leur sçauoir: & les reputoyent plus feruens en la foy, & de plus grand merite, pour acquerir en leur simplicité la grace de Dieu. Et par ce moyen vn chacun (par grand estude) cerchoit à l'autre quelque chose, par laquelle il le preferast à soymesme. Estant adoc l'eglise ainsi glorieuse & florissante, tant enuers Dieu, qu'enuers les homes, tellement q lon veoit en terre vne image & representatió des choses celeftielles. Le glorieux price Costantin en auoit vne merueilleu se consolation,& en accroissant de jour en jour en foy & en de-

Le neufiesme liure

uotion,se resiouissoit grandement de voir l'eglise ainsi prosperer & fructifier. Et ne luy sembloit pas assez de reputer les prestres egaulx à soy, mais les preferoit grandement, & les honnoroit & reueroit, comme representans la maiesté diuine. Et iaçoit que par telz moyens iceluy bon prince fut aimé, honoré & chery, non pas comme empereur, mais comme pere. L'enuie maleureuse ne peut endurer que la paix de noz gens perseuerat en son accroissement, sans empeschement. Car Licinius, lequel pour ses vertuz & bonne vie, ledict Constantin auoit receu pour son con fort & collegue à l'empire. Et d'abondant l'auoit honoré par affinité luy baillant sa seur à femme, voyant iceluy empereur estre aimé & honoré de tous, plus que craint, & mesmement les Chrestiens, fut stimulé & tente du peché d'enuie, tellement qu'il machina premierement sa mort, par secretz moyens, & par ses seruiteurs domestiques. Mais combien que le bon prince n'en eut aucune suspeçon, toutesfois soy armant du signe de la croix, qui luy auoit donné victoire, ne pouoit estre par telz moyens surprins. Quoy voyant Licinius comme homme ingrat & mescognoissant des biens & des honneurs qui luy auoit faictz, & que ses machinations & trahisons ne pouoyent auoir effect, eut imagination que les prieres des Chrestiens le sauuassent desdictz dan giers,& fussent cause de sa prosperité. Si delibera luy mouuoir la guerre ouuertement, en venant contre la foy, & contre son ser ment. Et quant & quant persecuter les Chrestiens par vne haine particuliere, foubz couleur qu'en leurs oraisons & sacrifices ilz ne faisoyent pas prieres pour luy, come pour Costantin. Si chan gea tellement sa maniere de faire, que la ouil auoit esté aspre & rigoreux, pour venger les outraiges qui auoyent esté faictz à noz gens, contre ceulx qui en auoyent esté cause & ministres, deuint luy mesme leur persecuteur, & commença à exercer sa tyrannie en effusion de leur sang. Et premierement chassa de sa maison tous les Chrestiens, apres les chassa de toute sa gendarmerie. Et perseuerant de mal en pis, comanda par edict, qu'ilz fussent tous mis en prison. Et ce faisant trouua vne nouuelle sorte de cruauté, que les tyrans precedens n'auoyent point encores sceu trouuer.C'est qu'i'z deffendit que nul ne leur deut donner à manger ne à boire en la prison, disant qu'il n'estoit pas raisonable, qu'au cun sien subiect vsat de misericorde ne d'humanité, enuers ceulx qu'il auoit condamné. A l'occasion dequoy grand nombre de ceulx qui estoyent par son commandement ainsi emprisonnez,

pour ceste cause moururent de fain. Et non pourtant il luy sembloit encores par telz moyens couurir aucunement sa cruauté: Mais tantost apres ne se contenta pas de cecy, ains croissant iour nellement sa cruaulté & iniquité, voulut executer son mal talent contre les euesques, & prestres Chrestiens. Et premierement con tre les plus renomme z, & les plus estimez de sens, de sçauoir, & de bonne vie. Si les faisoit accuser, non pas de la foy: mais de quel que autre crime controuué. Et apres sans autre preuue suffisante les faisoit punir. Et soubz telles occasions tous ceulx qui refusoyent sacrifier aux Dieux faisoit mourir, non pas par les tormés accoustumez, dont les autres tirans auoyent abusé, mais par vne nouuelle façon de cruaulté les faisoit bailler aux bouchiers, lesquelz les pendoyent par les piedz comme pourceaulx: & apres les fendoyent & depecoyent par pieces, comme chair de boucherie. puis faisoit ietter les pieces en la mer, ou aux estangs, pour paistre les poissons. Et outre ce, les eglises que luy mesmes par edictz communs de Constantin & de luy auoit faict bastir, & reedisier, faisoit demolir. Et par effect se parforcoit par tous les moyens qu'il pouvoit, de surmonter de cruauté tous les tirans qui avoyét esté auant luy, & de paruertir l'honnesteté des loix Romaines par sa cruauté barbare & inhumaine. & outre ce par vne auarice extreme, mettoit toutes manieres de charges & d'impostz insuporta bles tant sur les personnes que sur les biens, & qui plus estoit detestable, les femmes de ceulx qui à ceste occasion il auoit enuoyé en exil, il les faisoit espouser à ses souldars, & à ses escaulx. Et luy mesmes (combien qu'il fust dessa vicil) se delectoit encores grandement à femmes tant mariees que pucelles. Mais ainsi qu'il con tinuoit sa tirannie en ceste sorte, & faisoit grande preparation de guerre, Constantin qui estoit prince remply de vertu & de vraye foy,& qui auoit toute sa confiance en Dieu, delibera de luy obsister,& aller à l'encontre de tant de maulx & meschancetez,& ny eut pas grande difficulté à obtenir la victoire, la ou la querelle estoit plus iuste la foy plus entiere, & le personnaige plus vaillant & plus preux. Si dechassa entierement Licinius de tout l'empirc, tellement qu'il demoura entieremet à luy & à ses enfans. Et lors l'estat de la chose publique & de l'empire Romain se commença à gouverner en toute bonne iustice & police, & luy estre redoute de toutes les nations barbares, craint & aimé de ses subiectz. En maniere qu'il ny auoit guerre d'estrangiers ne d'amis, & chascun viuoit en seureté, & en joye. Mais sur tout l'eglise des

T iiij

Chrestiens vint en peu de temps en merueilleuse gloire & augmentation foubz la bonne & heureuse domination d'iceluy bon prince. Car il en estoit merueilleusement soigneux, & mesmement à subuenir de ses biens à leurs necessitez, pourtant qu'il auoit le cueur ardant en la foy. Et oultre ce estoit de sa nature doulx & benin, & se delectoit en toutes bones œuures. Et bref la felicité & bonté des choses presentes, estoit si grande, qu'elle fai foit oublier les maulx passez. Car par plusieurs loix & edictz qu'il faisoit souuent, il ne reuoquoit pas, & abolissoit tant seulement les loix cruelles & tiranniques que lon auoit faict auparauant contre les Chrestiens: & les remertoit en la mesme ciuilité que estoyent les autres subiectz. Mais donnoit d'auantage aux egli ses moult grans privileges. Et aux prelatz & autres gens ecclesiastiques' faisoit grans honneurs & preeminéces. Et par ce moyen iceluy empereur aymé de Dieu & des hommes, tenoit la monarchie de l'empire en bonne & vraye religion, & en toute doulceur, honnesteté & prudence, outre & par sus tous ceulx qui l'anovent tenu auant luy.

Cy finit le neufiesme liure.

Cy commence le dix-

IESME LIVRE DE L'HISTOIRE Ecclesiastique.

Le prologue de Ruffin prestre, sur le dixiesme & vnziesme liure.



S precedens liures, nous a Eusebe donné cognoissance des choses qui furent faictes en l'eglise iusques icy: mais des autres qui depuis sont aduenues iusques à nostre temps (lesquel les nous auons trouuces escrites par noz mai icurs) ou qui sont aduenues en nostre temps, nous les exposerons es deux liures ensuyuans,

pour obeir au bon & religieux pere qui de ce nous a requis.

Chapitre premier.



V temps que Alexandre estoit euesque d'Ale xandrie, apres la mort de Aquillas qui auoit succede à Pierre le martir, pourtant que noz gens estoyent en paix & en repoz des persecutions, & la gloire de l'eglise se monstroit & magnissoit par les merites des cofesseurs. Nos stre prosperité commença estre toublee par la

contention domestique & dissention de noz gens mesmes. Car vn prestre d'Alexadrie nommé Arrius lequel estoit beaucop plus beau de corps que d'esprit & de vertu, couvoiteux de gloire, & enuieux de nouelleté, se print à semer & mettre en auant aucunes choses mauuaises contre nostre foy, desquelles n'auoit iamais esté question soy parforceant de separer & deunir le filz & verbe diuin de la substance ineffable & eternelle du pere. Laquelle chose mist grand trouble en l'eglise, & combien que le bon euesque Alexandre par la bonté & debonnaireté de sa nature, se parforceast par bonnes & graticules remonstrances destourner & diuertir iceluy Arrius de sa mauuaise & damnee opinion, toutesfois voyant qu'il ny profitoitriens, & que le venin de celle poison estoit respandu emmy le cueur de plusieurs gens, tant en la cité d'Alexandrie, que es autres citez & prouinces voisi nes, auisa que ce seroit chose pernicieuse & dangereuse de la laisser penetrer plus auat par dissimulation. Si en aduertit plusieurs euesques ses voisins, & vint la chose à la cognoissance des Latins, & iusques aux oreilles de l'empereur Constantin, lequel estoit moult soigneux & solicité d'entendre noz affaires, & mesmes ceulx qui appartenoyent à la foy. Si assembla par le conseil & ad uis des euesques le concile des prelatz en la cité de Nice, auquel commanda que ledict Arrius vint deffendre & debatre son opinion en la presence desdictz euesques, qui se trouuerent en nombre de trois centz dixhuict, pour estre par eulx iugee bonne ou mauuaise.

De l'acte humain & religieux que fit Constantin au concile de Nice.

Chapitre 11.

M

A I S ie ne veulx pas passer soubz silence vne chose digne de perpetuelle memoire & admiration que sit le bon Empereur en celuy concile qui sut telle. Estant à celle assemblee venuz les euesques de toutes prouinces & nations, Ilz denocerent au-

dict Empereur plusieurs questions & controuersies qu'ilz auoyent entre eulx, ainsi qu'il aduyent communement en si grand' assemblee, tellemét qu'il estoit to' les iours assez empesché d'ouir leurs querelles,& de voir les libelles & accusations qu'ilz bailloyent les vns contre les autres, & en maniere qu'il sembloit qu'ilz fussent plus venuz là pour leursdictz differens & controuersies, que pour la matiere pour laquelle on les auoit mandez. Voyant adonc que par ce moyen la cause du concile se delayoit leur sit dire à tous, qu'ilz deussent à vn iour nomé venir & luy apporter toutes leurs querelles par escrit, Auqueliour seant à son siege receut toutes leurs querelles & requestes de leurs mains, & les mit au giro de sa robe, puis sans regarder dedans, leur parla en telle maniere: Dieu vous à ordonné euesques, & vous à donné puissance de iuger de nous mesmes, au moyen dequoy nous nous submettons par raison à vostre iugemét. Et au regard de vous il n'est point aux hom mes de vous iuger, mais à Dieu feul, auquel nous reservos la deci sion & determination de voz controuersies. Pourtant que Dien vous a enuoyé à nous autres seculiers comme Dieux aux hommes. Or n'est il pas raisonnable que les hommes iugét les Dieux, ains celuy seul dont parle le Plasmiste (disant) Dieu sied en l'assemblee des Dieux & estat au milieu d'eux les iuge, parquoy laifsez toutes ces contentions, & parlos des choses appartenantes à la foy. Et ces parolles dictes feit ietter au feu toutes les requestes & cedules des querimonies qu'ilz luy auoyét baillé, à fin que nul ne peust entendre leur simulation, & leurs erreurs. Estant adonc la matiere de la foy debattue au concile par plusieurs iours, se trouuerent plusieurs desdictz euesques qui adheroyent à l'opinion de Arrius, mais la plusgrade partie la detestoit, à sçauoir tous les bos confesseurs, & qui au oyent la foy simple & entiere, & ceulx qui soustenoyet Arrius estoyent ceulx qui se sondoyent en argumen tations & sophistiqueries.

De la conuersion miraculeuse d'un grand Philosophe qui sut faitle audit concile. Chapitre 111.



A I S par ce qu'il aduint en celle affemblee, lo congneut euidamment quelle vertu a la fimplicité de la foy. Car estans à celuy concile ve nuz de tous coustez pour obeir à l'empereur, & pour satisfaire à son desir sainetz & religieux, presatz, & autres gras personnaiges en la foy, & pareillement grand nombre d'autres

gens sçauans & excellens es doctrines & sciences humaines, mesmement de logique & Philosophie. Il si en trouua vn entre les autres, moult grad & excellent Dialecticien, lequel en argumen. tations & disputes mouuoit iournellement plusieurs questions difficiles cotre noz prelatz, entre lesquelz en y auoit plusieurs qui estoyent assez suffisans esdictz artz de Dialectique & de philoso phie, qui disputoyent auec luy, dont tous les gens lettrez s'assembloyent tous les iours pour ouir leurs disputations. Mais pour chose que noz gens sceussent faire, iamais ne pouuoient vaincre ne confuter par raisons ne par argumétations celuy Dialecticien. Car quelque argument & quelque raison que on luy sceust mettre en auant,il auoit ses euasions, de sorte que quand on le cuidoit tenir encloz il se demessoit & eschapoit come faict vne coleuure. parmy l'herbe, pour la profondité de sa science, & pour la vehemence de son eloquence. Neatmoins Dieu qui bien voulut mon strer que la vraye science ne consiste pas es parolles, mais en la ver tu, aduint que vn des prelatz (qui la estoyent) homme simple & à la bonne foy, qui ne sçauoit autre science sinon que Iesuschristauoit prins chair humaine, & apres enduré mort & passion pour nous, voyant celuy philosophe qui ainsi pressoit & remettoit les nostres par ses subtiles & cauteleuses argumentations, esquelles il se glorifioit outre raison, demanda aux assistens audience & lieu pour parler auec ledict philosophe, de quoy les autres prelatz qui cognoissoyent sa simplicite & son ignoracesurent tous honteux, craignans que les gens lettrez & grans clercz qui la estoyent, ne se mocquassent de sa simple & rude creance, toutesfois il persista tellement que il eut audience. Si commença son parler par telz motz: Ie te coniure philosophe au nom de Iesuschrist que tu vueilles ouir les choses qui sont veritables. Il est vn seul Dieu qui a faict le ciel & la terre, & qui a cree l'homme du limon d'i-

celle terre, & apres luy a donné l'esprit, & par effect par la vertu de son verbe a crée toutes choses visibles & inuisibles. Lesquelles il a confermees & establies par la sanctification de son esprit. Etcestuy verbe & sapience que nous nommons filz de Dieu, ayant pitié des erreurs des humains, est voulu naistre de vne vierge, & apres par sa passion nous deliurer de la mort perpetuelle, & par sa resurrection nous a donné vie eternelle. Et lequel nous attendes & croyons deuoir venir pour iuger noz faictz bons & mauuais. Ie te demande philosophe si tu croiz ces choses icy? Duquel parler, le Philosophe fut si estonné, par la vertu des parolles de verité, qu'il ne sceut que respondre, comme sil n'eust iamais estudié en aucune science. Fors qu'il dit qu'il ne estoit ries si vray que ce qu'il auoit dit. Or si tu le croiz doc ainsi (dit le bon vieillard) suiz moy, & recoiz le signe de Dieu & de ceste foy, Lors le philosophe soy retournant vers les assistens qui estoyent la venuz pour ouir la dispute, leur parla en telle maniere: Entendez seigneurs tant que la chose s'est debatue par parolle, iay com batu de parolles, & par art me suis parforcé de rabatre & conuain cre ce que lon me disoit:mais depuis qu'en lieu de parolles la ver tu est sortie de la bouche de cestuy cy auec son parler, certes les parolles miennes n'ont peu resister à icelle, ne l'art humaine à la vertu diuine. Parquoy fil y a quelqu'vn de vous qui ait peu sentir es parolles qui ont esté dictes, ce que ie ay senty, croye hardiment en lesuschrift, & suyue ce bo vieillard, par la bouche duquel Dieu a parlé. Et par ce moyen le philosophe soy faisant Chrestien estoit tout ioyeulx d'auoir ainsi esté vaincu.

> Des sainestz euesques, & grans personnaiges, qui furent en celuy concile.

Chapitre 1111.

L se trouua au surplus en celle assemblee vn bon euesque du pais d'Egipte, nommé Pafonce lequel estoit encores de ceulx ausquelz Maximian auoit faist creuer l'vn des yeulx, & rompre l'vne des iambes, & apres les auoit enuoyez en diuers lieux pour souir es mines de metaulx. Auquel Dieu auoit donné tant t des miracles, tout ainsi que auoyent faist les

de grace qu'il faisoit des miracles, tout ainsi que auoyent faict les apostres de leur temps. Car il dechassoit les diables à sa seule pa

rolle, & guarissoit les malades par sa simple oraison. Et dit lon qu'il fit recouurer la veue à aucuns aucugles, & aucuns paralitiques restitua en pleine santé. Lequel Constantin auoit en si grande amour & reuerence, qui le fit souuét venir à luy en son palais. Et quand il estoit venu l'embrassoit estroictement, & luy baisoit moult tendrement le lieu dont on luy auoit arraché l'œil. Il se trouna aussi illec entre les autres sainctz confesseurs vn euesque du pais de Cipre, nommé Spiridion qui estoit du nombre des pro pheres, ainsi que nous auons entendu par ceulx mesmes qui l'ont veu. Et iacoit qu'il fut esseu en euesque pour repaistre le peuple de sa doctrine demoura & perseuera neantmoins en sa premiere vacatió, qui estoit de garder les brebiz. Si aduit vne nuict que luy dormant aux champs en sa Cabane, vindrent aucuns larros pour luy rober ses bestes, & pour les emmener, est endirent leurs mains sacrilegues au parc le cuidant rompre: mais ilz suret attachez par certains lies inuisibles toute la nuict illec, de sorte qu'ilz ne peurent bouger, & leur sembloit que on les vouloit mener à la iustice. Et quand vint le matin que le bon vieillard se leua pour aller mener ses bestes aux champs, voyant ces ieunes copaignons ainsi attachez à son Parc, entendant la cause du miracle, & le mesfaict des miserables, les absoult de parolles, ainsi que par ses merites les auoit liez. Et neantmoins leur dit: prenez mes amiz vn de mes moutons, à fin que nayez du tout perdu vostre paine d'estre icy venuz, & y auoir demouré toute la nuict. Lequel eussies be au cop plus aisemet & plus homiestement eu par don que par larcin. Lo racote aussi de luy vn autre acte merueilleux. Il y eut vne fille nommee Hirenee: Laquelle apres quelle luy eut ministré & serui par aucun temps, mourut en sa virginite: fi aduint que apres sa mort vint quelqu'vn qui maintenoit luyauoir baillé quelque cho se en garde & en depost, dont le pere ne scauoit riens. Et neantmoins le cercha soigneusement par toute la maison, & voyant qu'il n'en trouuoit riens, & que l'autre persistoit à chaudes l'armes à demander son depost, & le menassoit de la vie sil ne luy rendoit, ayant pitié de l'homme vint au sepulchre ou sadicte fille auoit esté enterree, & l'appella par son nom. Et elle luy respodit du sepulchre, que me veulx tu mon pere? Ie demande (fit il) que tu me dies ou tu as mis le depost que demande cestuy cy? Et tantost elle luy enseignale lieu ou elle l'auoit mussé en terre, auquel estant retourné en sa maison il le trouua incontinent, & le rendit à celuy qui le demandoit, Lon dit encores d'autres sembla

bles & plus grandes choses d'iceluy sainct euesque, qui sont toutes communes & diuulguees en celuy pais. Telz personnages se trouuoyent encores presider aux eglises en celuy temps, dont plu sieurs se trouuerent en iceluy concile. Il s'y trouua pareillement Athanase diacre de l'eglise d'Alexandrie: lequel aida grandement par son conseil & par sa doctrine à son euesque en celle assemblee.

Comment l'opinion d'Arrius fut condamnee par le concile & l'opinion du concile approuuce par Constantin.

Chapitre v.

E temps pendant se traictoit iournellement la matiere de la foy, pour laquelle ilz estoyent il lec assemblez, car ilz ne vouloyent rien conclure qui ne fust bien debatu & entendu. Et faisoit lon souuent venir au concile Arrius, & debatoit l'on ses raisons & argumens. Finable ment coclurent tous d'vn accord & d'vne mes

me volunté, que lon deust escrire de lesuschrist Homousion, qui est autant à dire en Grec comme en François, d'une mesme substance auecques le pere. Et ainsi fut declairé & pronocé par la sen tence d'iceluy concile. Et ne se trouua en toute celle assemblee que dixsept euesques ausquelz l'opinion de Arrius sut plus aggrea ble: qui estoit que Iesuschrist auoit esté par Dieu creé de neant, non point engendré de sa diuine essence eternellemet. Ceste sen tence sut presentee à Constantin de par le concile, lequel la receut & garda comme prononcee par l'inspiration de Dieu, & declaira que tous ceulx qui vouldroyent tenir le contraire, fussent enuoiez en exil. Sidemoura Arrius & six de ses suyuans en son opinion, les autres vnze reuindrent à l'opinion du concile, à sçauoir de parolle, & furent contens de soubscrire le decret de celuy concile:mais en leur cueur ilz persistoyent en l'opinion de Arrius. Entre lesquelz fut le principal & l'autheur d'icelle simulațio Euse be euesque de Nicomedie. En telle maniere ayans tous (reserué lesdictz six)soubsignez ledict article,&lesautres decretz qui furét ordonnez en celle assemblee, les vns en bone foy, & les autres par simulation, ainsi qu'il apparut apres fut le concile desassemblé, & s'en allerent les prelatz chacun en son quartier. Et furent en iceluy concile concludz & accordez les articles qui l'ensuyuent.

La teneur des decretz du concile de Nicene.

Chapitre VI.

O V S croyons en Dieu le pere tout puissant, createur de toutes choses, tant visibles qu'inuisibles: & en nostre seigneur I esuschrist, seul filz de Dieu, né & engendré de luy: c'est à sça uoir de sa propre substance: & par ainsi Dieu de Dieu, lumiere de lumiere, vray Dieu du vray Dieu: né, & non pas faict, de la mesme

substance du pere. Par lequel filz ont esté toutes choses faictes, tant es cieulx qu'en la terre, & entre tous humains: lequel aussi pour amour de nous autres hommes, & pour nostre salut, est descendu des cieulx, & a prins chair humaine, & s'est fai& homme: & si a souffert mort & passion: puis est resuscité, le tiers iour: & apres est monté aux cieulx: & finablement doit venir iuger les vifz & les morts:nous croyons aussi au sainct esprit. Et tous ceulx qui dient qu'icelluy filz fut en aucun temps, quand il n'estoit pas, & qu'auant qu'il fut né en terre, il n'estoit pas: & qu'il a esté creé de neant, ou d'autre substance que du pere, ou qu'il est filz de Dieu: mais'conuertible & muable: la saincte eglise catholique & apostolique les excommunie & anathematize. Le second statut nous ordonnons au surplus & statuons, que nul de ceulx qui pour non pouuoir garder chasteté, se sont chastrez, ne soit receu aux ordres de l'eglise. Le troissesme statut est: Que nul des Payés qui se sont nouuellement conuertiz à la foy & baptisez, ne soit receu à l'ordre de clergie, fil n'est premierement bien examiné. Le quatries. me est: Que nul eucsque n'autre homme d'eglise ne doyue habiter auec aucune femme, si ce n'est sa mere, sa grand mere, sa sœur, ou parente en semblable degré. Le cinquesme est: Que chacun euesque soit consacré par tous les autres euesques de la prouince, fil est possible: & fil est trop difficile, à tout le moins par trois. Entre lesquelz soit son Metropolitain: ou quoy que soit, que son authorité y entreuienne : & sans lequel la consecra tion soit nulle. Le sixiesme est: Que nul euesque ne voye receuoir aucun de ceulx, qu'vn autre euesque aura excommunié, & chassé de son eglise, soit clerc ou lay. Et à fin que si aucun auoit esté ainsi excommunié & chasse iniustement par haine, ou par courroux (comme lon faict souuent) il ne soit despourueu de remede, ont ordonné qu'en chacune prouince, les

prelatz d'icelle se doyuent assembler tous les ans deux fois, & te nir leur concile prouincial, pour cognoistre & iuger de telles matieres, à fin que si quelqu'vn a iniustement faict quelque chose, il soit retracté par les autres: & aussi sil a bien procedé, qu'il soit ap prouué. Le septiesme est, Qu'en Alexandrie & en la cité de Ro me, lon garde la coustume ancienne: à sçauoir que l'euesque d'Alexandrie aye le soing des eglises d'Egypte: & celuy de Rome, de celles qui sont alétour dudict Rome. Le huictiesme est, Que si deux ou trois euesques faisoyent difficulté de consacrer vn esleu, ou ne l'accordassent à ce faire pour quelque dissention, lon doyue en cecy s'en tenir à la determination des autres de la prouince: & mesmement du Metropolitain. Le neufiesmé est, Que la prerogatiue, qui a esté par cy deuant baillee à l'eucsque de Hie rusalem, luy soit gardee sans preiudice toutes sois de la dignité du Metropolitain. Le dixiesme est, Que les Cathares heretiques, que nous appellons Nouaties, filz se veulent repentir, & reuenir à l'eglise, & confesser la foy selon la creance de l'eglise, soyent receuz à l'ordre de l'eglise:mais qu'on les ordonne de nouueau. Et si leur euesque vient aux nostres, qu'il soit assis auec noz prestres. Et que le nom d'euesque demeure à ceulx tant seulemet qui ont tousiours tenu la foy catholique:non point aux autres'si ceulx la de leur bon gré ne les veulent ainsi appeller par honneur. Et pourra le catholique (fi bo luy semble) cercher quelque lieu d'euesque vaccant, pour celuy qui se sera conuerty (comme dit est.) L'vnziesme est, Qu'en vne cite il n'y aist qu'vn euesque. Le douziesme est, Que si aucun de ceulx qui ont esté indiscretement ordonnez euesques, confessent en aprez qu'ilz sont criminelz, ou sont de ce par autres couaincuz, qu'ilz soyent desposez. Et pareillement ceulx qui ont erre en la foy, & par erreur ont esté promeuz, silz sont apres recogneuz. Le treizieme est, Que ceulx qui au temps des persecutions sans estre tormentez, ont renié la foy, & de bon cueur se repentent, soyent cinq ans faisans leur peniten ce auec les Cathecumins: à sçauoir ceulx qui apprennent la foy auat que'stre baptisez, pour communiquer auec eulx es oraisons tant seulement: apres lesquelz termes puissent estre receuz aux sacremens de l'eglise. Le quatorziesme est, Que ceulx qui pour la foy auoyent renoncé à la gendarmerie, & depuis y sont retour nez, soyent treize ans faisans penitence, & apres puissent estre re ceuz ausdictz sacremens, si lon cognoit en eulx vraye repentance. Et neatmoins qu'il soit en la puissance & faculté de l'euesque d'abreger le terme, s'il veoit leur penitence fructueuse & cordial le. Le quinziesme est: Que si lesdictz penitens viennent à mourir auant que leur penitence soit acheuee, qu'on leur aministre les dictz secremens. Mais neantmoins l'ilz eschappent, seront tenuz de la paracheuer. Le seziesime est, Que les Cathecumins qui auront pareillement erré, soyent trois ans separez des autres, & facent leur penitence à part, & depuis soyent receuz auec eulx. Le dixsepticsme est, Que nul euesque ne clerc ne presume par ambi tion, de monter d'une petite eglise à une plus grade. Le dixhuictiesme est, Que nul clerc qui aura laisse son eglise sans cause legitime & probable, & l'en va discourant & vagant,ne soit receu par les autres eglises à la communion. Le dixneufiesme est, Que nul euesque ne doyue ordonner aucun qui ne soit de son diocefe, sans licence de son diocesain. Le vingtiesme est, Que nul clerc ne prenne aucunes vsures, ne aussi gaing & auantaige sur le vin, ne sur le fromét, aissi que lon a accoustumé, baillat nouueau pour le vieil, ou prenant la sixiesme partie de gain, ou la deuxiesme. Et si le faict, qu'il soit chassé & debouté comme prenant gaing illicite. Le vingtvniesme est, Que les diacres ne soyent point preserez aux prestres, & ne s'assient en leur ranc, n'en leur presence, despartent le sacrement : ains seulement leur ministrent & assistent quand ilz le despartent: mais quand il n'y auroit point de prestre, en ce cas le puissent despartir. Levingt deuxiesme est, Que les Paulianistes heretiques (que lon nomme Photiniens) soyent rebaptisez. Le vingttroisiesme est, Que les diaconesses, pourtant qu'elles ne sont point consacrees, soyent reputees entre les laiz. Ayant adonc ledict concile ordonné & statué es choses ecclesiastiques selon que la reuerence des loix requeroit: & pareillement touchant la celebration des Pasques, faict vne decision generalle, à fin qu'il n'y eut aucune diuersité en tout le monde (& plusieurs autres bonnes choses) lequel estoit en bonne paix & vnion, tant es parties de leuant que de ponant.

De Helene mere de Constantin. Et comment elle trouua le

fust de la Croix de nostre Seigneur.

Chapitre vII.

N celuy temps Helene mere de Constantin semme d'une merueilleuse foy, d'une incomparable re ligion, & d'une prudence & magnificence singuliere, par inspiration diuine (comme lon croit) s'en alla en Hieru-

salem:& estantillec, s'enquit des gens du pais du lieu ou auoit esté nostre Sauueur crucifié. Leql estoit difficile à trouuer, pourtant que les Payens y auoyent depuis erigé vne statue de Venus leur deesse, à fin que si aucun Chrestien venoit là pour adorer le sainct lieu,il semblast qu'il adorast ladicte statue:pour raison dequoy on auoit laissé totallement à le frequenter. Mais estat icel le religieuse dame, arriuee au lieu qui luy auoit esté reuelé par vision, (ainsi que nous auons dict) elle le sit purger & nettoyer, faisant ofter toutes choses prophanes, & arracher les buissons & ruines. Puis fit cauer en terre, & trouua trois croix d'une mesme sorte, illec enterrees ensemble, dont sa ioye sut aucunement trou blee, pourtant qu'elle ne sçauoit cognoistre ne discerner, laquelle des trois estoit celle de nostre Seigneur. Car iaçoit que le tableau ou estoit le tiltre que Pilate sit mettre sur ladicte croix du Sauueur en lettres Grecques, Hebraiques & Latines, fut illec trouué: toutesfois encores par cela ne pouoit lon iuger assez certainement, à laquelle des croix il auoit esté attaché. A ceste cause, voyant que le sens humain failloit à cognoistre ladicte croix, se recourut à la grace diuine. Si aduint qu'il y auoit en celle cité vne femme atteinte d'vne si griefue maladie, qu'elle estoit à demie morte. Estant adonc illec Macaire, euesque d'icelle cité, & voyant la royne, & ceulx qui estoyent auec elle, tous estonnez & perplex, leur dit: Apportez moy toutes ces trois croix, & i'espere que nostre Seigneur nous declairera laquelle des trois le porta & soustint. Et apres qu'elles furent chargees, il s'en alla en la maison de celle femme ainsi malade. Et quand il fut illec, se mit à genoulx, & fit sa priere en telle maniere: O Dieu eternel, qui par ton filz vnique as deigné sauuer l'humain par le mistere de sa passion, & maintenant en ceste derniere saison as voulu inspirer au cueur de ceste dame, ta treshumble seruante, de venir icy cercher la saincte croix, sur laquelle pendit nostre salut, ie te supplie, qu'il te plaise monstrer euidemment laquelle de ces trois sut deputee à la gloire de nostre Seigneur, & lesquelles furent deputees à la pu nition des larrons: Par tel signe, que ceste femme, laquelle est au lict de la mort, incontinent qu'elle sera touchee du bois d'icelle vraye croix, soit deliuree de ceste maladie, & remise en pleine vie. Ces parolles dictes, approcha premierement l'vne des deux croix des larrons, mais il n'y apparut riens: & apres encores l'autre, & ce fut tout vn. Finablement luy estat appliquee celle de nostre Sau ueur, tout incontinent ouurir les yeulx, & se leua soudainement,

& en plus grande ioye & prosperité de sa personne qu'elle n'estoit au parauant sa maladie, alloit discourant parmy la maison, rendant graces & louenges à Dieu, & magnifiant la puissance. Lors la royne voyant le miracle, tout embrasee de deuorion, fit edifier au lieu ou la croix auoit esté trouuee vne eglise moult belle & sumptueuse: & cela ordonné s'en partit de la cité, & emporta les cloux desquelz le precieux corps de nostre Sauueur auoit esté percé, à son filz Costantin. Lequel, comme lon dit, sit mettre l'vn à la bride de son cheual, pour porter à la guerre, & les autres sit mettre pareillement sur l'armet qu'il portoit à la guerre. Au regard du fust de la croix, icelle royne en porta vne partie à sondict filz, & l'autre partie laissa en ladicte cité de Hierusalem, couuerte richement d'argent fin, laquelle y est encores auiourdhuy gardee en grande veneration, pour la memoire du faict. Et si lais sa ladicte royne vne autre memoire de sa saincte & deuote intention. C'est qu'elle conuia toutes les religieuses nonnains qui estoyent en ladicte cité à disner auec elle, & les traicta si humainemenr, & en si grande humilité, qu'elle ne voulut souffrir qu'au cu escuyer, ne home quelcoques, se messast de les seruir: ains elle mesme habillee en seruante, les seruit de sa main, tant de mager que de boire: & aussi de l'eaue à lauer, qui estoit vne merueilleu se humilité, de voir la royne du monde, mere de l'empereur, soy faire servante des servantes de Dieu. Ces choses se faisoyent en Hierusalem.

Des conquestes de Constantin, & de sa prosperité & religion, & de la sainte vie de saint Antoine.

Chapitre VIII.

E temps pendant que les choses susdictes se faisoyent en Hierusalem, Costantin plein de charité & de religion, subiuga par force d'armes les Sarmathes, les Gotz, & les autres nations barbares en leurs pais propres, excepté celles qui se soumirent de leur gré, ou qui sirent alliance auec luy. Car d'autant qu'il s'e-

stoit rendu,& se rendoit plus humble enuers Dieu, il se faisoit plus glorieux & plus victorieux en toutes choses. Aussi se faisoit il recommander à Dieu par les sainctz hommes qui estoyent de celuy téps,& mesme escriuit au bon hermite Antoine, qui estoit le plus renommé de tous ceulx qui habitoyent au desert d'Egy-

pre, qu'il voulsit prier Dieu pour luy & pour ses enfans. Et par ce moyense rendoit enuers Dieu, digne de grace: non pas par ses merites, & par la saincteté de sa mere seulement, mais encores par les oraisons des sainctes gens. Et pource que nous aus faict mention du glorieux confesseur Antoine, il seroit bien expedient de raconter de ses vertuz, de sa vie,& de son abstinence & sobrieré, tant corporellement que spirituellement. Et comme viuant en la solitude du desert, il n'auoit compaignie fors des bestes. Et comme pour les victoires qu'il eut souvent contre les dia bles, il fut aggreable à Dieu sur tous ceulx qui furent de celuy temps. Et finablement comme il a laisse glorieuse memoire de sa saincte vie, par les religieux moines ses disciples, qui sont demourez apres luy iusques au iour present. Mais le liure que Atha nase a faict, touchant ceste matiere, en langue Grecque, lequel a esté depuis translaté en Latin, me garde de ce faire. Et par ainsi en delaissant ce qu'a esté dessa faict par autres, racoterons les cho ses, lesquelles iaçoit qu'elles soyent veritables, toutesfois elles ne sont pas venues à la cognoissance de ceulx qui sont es regios loingtaines & remotes.

Comment le pais des Indes interieures fut conuerty à la foy du temps de Constantin l'empereur.

Chapitre vIII.



N celle diuision du'monde qui fut faicte par les apostres, quand ilz se departirent les prouinces & regions pour aller prescher la loy euagelique, vint entre autres en sort à sainct Thomas la prouince de Parthie: à saict Mat thieu Ethiopie, & à sainct Barthelemy Indie exterieure, outre laquelle est l'Indie inte

rieure, laquelle est moult grande & spacieuse, peuplee de maintes & diuerses nations differentes, tant de langue que de coustumes. A laquelle (pourtant qu'elle estoit trop remote) nul desdictz apo stres ne de leurs disciples ne penetra: & par ainsi iamais ne leur auoit esté presché la foy, iusques au temps de Constantin. Et aduint en telle maniere: Il y eut iadis vn philosophe, nommé Metrodus, lequel (comme lon disoit) pour couvoitise & curiosité de voir divers pais, alla iusques en celle contree des Indes interieures, à l'exemple duquel, vn autre philosophe Tyrien, nommé Me

ropius, entreprint d'y aller, & mena auec luy deux ieunes enfans garçons ses parens, qu'il auoit endoctriné es ars primitiues & liberales, dont le plus aagé l'appelloit Frumentius: & le plus ieune Edissus. Estant adonc moté sur vn nauire pour faire son voyage, aduint qu'iceluy nauire pour necessité d'eaue, ou d'autre chose, vint aborder à quelque plage d'iceluy pais. Or est la coustume des gens dudict pais, que quand ilz sont aduertiz que les Romains leur rompent la trefue, tous les subiectz de l'empire Romain qui viennent aborder en leur terre, ilz les occisent. A ceste cause, estant ledict philosophe auec aucuns des maroniers descen duz en terre pour eulx rafreschir, furent tous occis par les Barba res, excepté les deux petiz garçons qu'ilz trouuerent soubz vn arbre, estudians leurs leçons, qu'ilz sauuerent par pitié, & les menerent au roy du pais: lequel fit l'vn, à sçauoir Edissus, son eschancon:mais l'autre Frumentius, qui luy sembla estre plus ingenieux, il le fit son receueur & tresorier: & par ainsi ces deux enfans furent grandemét aimez & honorez par ledict roy. Lequel venant à la mort, & laissant sa femme auec vn ieune filz son successeur, ordonna que lesdictz deux ieunes hommes eussent faculté de faire ce que bon leur sembleroit. Mais la roine qui n'auoit en tout le royaume personne de qui elle se fiat plus q d'eulx deux, les pria qu'ilz voulsissent demourer auec elle, pour luy aider à gouverner le royaume, iusques à ce que son filz fut en son aage: & mesmement Frumentius, lequel auoit sens & prudence pour ce faire luy feul. Car au regard de l'autre, iaçoit qu'il fut loy al &'saige, toutessois il estoit plus sobre es choses mondaines, & plus simple es affaires comunes, ce qu'ilz luy accorderent. Ayant adonc Frumentius le maniment du royaume soubz l'authorité da la royne, par inspiration diuine se mit à enquerir, si entre les marchans de l'empire Romain qui venoyent illec pour marchan der, en y auoit point de Chrestiens. Et quand il en eut trouué au cuns, leur donna grade authorité & grand maniment, & les pria qu'ilz fissent en diuers lieux dudict royaume des oratoires pour faire oraison à Dieu, & à la coustume des Romains. Et luymesme y venoit auecques eulx, & persuadoit aux gens du pais de faire le semblable, & pour ce faire leur faisoit des faueurs & des auantai ges, & si donnoit de l'argét à grande somme pour bastir les egli ses, & pour sournir aux autres choses necessaires, desirant de tout son cueur fonder illec, & faire pulluler la foy Chrestienne: & cela cotinua iusques à ce que le ieune roy fut en aage. Car lors com V iii

bien qu'il,& sa mere, leur sissent grande instance, qu'ilz voulsssent demourer: toutesfois apres qu'ilz eurent loyallement rendu conte & raison de leur maniment, s'en vindrent par le bon congie desdictz Roy & Roine es parties de pardeça. Si s'en alla Edissus tout droit à Tire, pour le grant desir qu'il auoit de reueoir ses par és & amis, mais Frumentius voulut premierement aller en Alexandrie, disant qu'il n'estoit pas raisonnable d'occulter & celer l'ouuraige de Dieu. Si exposa & racota à Athanase (qui lors estoit euesque de la cité, & regnoit dessa Costans filz de Constatin) comenttoute la chose estoit aduenue, en l'enhortat qu'il voulsist enuoyer quelqnotable personnaige en celuy pais, pour cosoler & gui der les Chrestiens qui là estoyent desia en grant nombre, & gou uerner les eglises qu'ilz auoyent illec basties. Lequel Athanasius ayant entendu soigneusement tout le narré en la presence & au concile de ses souffragas, lesquelz pour ceste cause il auoit faict assembler, luy respondit, qu'il ne sçauroit trouuer home qui eust l'esprit de Dieu auec luy, ne qui sceust faire celle saincte œuure si bien comme luy. Si l'ordonna eucsque, & luy commanda qu'il retournast audict pais. Lequel estant retourné, eut (comme lon dit)si grande grace de Dieu, qu'il faisoit les signes & miracles come iadis auoyent faict les apostres, au moyen desquelz, il conuertit vn nombre infiny d'iceluy peuple à la foy Chrestienne. En telle maniere fut au pais des indes introduicte la foy Chrestienne, & l'ordre sacerdotal, & furent plusieurs eglises edifiees, les quelles choses nous n'auons pas aprins par l'opinion vulgaire du peuple, ains Edissus compaignon de Frumentius, qui depuis sut prestre en la cité de Tire, les nous à racontees.

> Comment les Iberiens furent conuertiz dla foy, de celuy mesme temps.

> > Chapitre x.



N celuy mesme temps, les peuples des Iberiens qui sont soubz le climat du pais de Pont, receurent pareillement la soy & la doctrine de vie, dont sut occasion vne semme qui sut prinse par les gens d'iceluy pais. Laquelle estant auec eulx, & viuant en toute sobriete & continence, perseuerant iour & nuict en orai-

sons, commença estre en admiration à celle nation barbare : si voulurent sçauoir d'elle pour qu'elle raison elle faisoit tant d'abstinences & d'oraisons. Ausquelz elle respondit simplement & franchement: Que elle adoroit & seruoit par telz moyens Iesuschrist, qui estoit son Dieu: dont les Babares furent plus esbahiz, en tendant nommer celuy Dieu (dont iamais n'auoyét ouy parler.) Et neantmoins les autres femmes dudict pais, la voyant ainsi per seuerer par bien long temps, par curiosité (comme il aduient sou uent) s'enqueroyét d'elle qu'el guerdon & quel proffit elle atten doit de tat d'abstinences & de prieres. Or est la coustume en celuy pais, que quand il ya quelque petit enfant mallade, sa mere le porte de maison en maison vers les autres femmes, pour sçauoir si aucune en ya qui sçaiche quelque remede. Si aduint ayant vne portéson enfant mallade par plusieurs maisons, & non y trouuant aucun remede, vint finablement à celle femme estrangiere, pour sçauoir si par aduéture elle luy sçauroit donner aucun cofort. Laquelle luy respondit, que de remede humain elle n'en sçauoit point, mais que le Dieu qu'elle adoroit, estoit bien puissant de guarir de toute maladie, encores qu'elle fut disperse des homes. Si print la here & cilix, (qu'elle portoit) & coucha l'enfant dessus, puis se mist à genoulx faisant à Dieu priere de bon cueur pour sa santé. Et tout incontinent que elle eut acheué sa priere, l'enfant fut entierement guary. Laquelle chose fut tantost publice entre plusieurs gens, tant qu'elle vint iusques aux oreilles de la Roine de pais, laquelle estoit molestee d'vne griefue maladic, de laquelle n'auoit aucun espoir de guarir. Si pria que on luy enuoyast celle semme estrangiere, qui auoit esté prinse. (comme dit est) Mais elle fit reffus d'y aller, craignant d'entreprendre & de presumer plus auant que sa condition feminine ne portoit. Quoy voyant la Royne, se fit porter à la petite chambrette ou se tenoit ladicte semme, laquelle sit coucher la Royne sur son cilix ou here, ainsi qu'elle auoit faict l'enfant, & incontinent qu'elle eut faict sa priere ladicte Royne se sentit tou te saine & gaillarde. Et lors ladicte femme luy remonstra comme c'estoit par vertu de Iesus Christ son Dieu silz de Dieu, que elle auoit recouuert santé, l'enhortant qu'elle l'inuocast & adorast de lors en auant. Laquelle desqu'elle sut retournee au Palais, estant enquise par le Royson mary comme elle auoit si soubdainement esté guarie, luy compta tout le cas. Et lors le

Roy tout ioyeulx de sa guarison, commanda que lon luy enuoyast de l'argent, & d'autres dons pour son guerdon. Mais la Royne luy dit que ladicte femme n'estimoit riens or, argent, ne autre richesse mondaine, car elle viuoit en vne merueilleuse abstinence de toutes choses, & que tout le guerdon que on luy pourroit rendre, seroit qu'ilz adorassent le Dieu lequel à la priere d'elle l'auoit ainsi soubdainement guarie. De quoy le Roy ne tint pas grand conte lors, ne encores apres: combien que la Royne l'en pressat depuis plusieurs fois, iusques à ce qu'vn iour estant à la chasse en vne forest bien espesse, le temps se troubla tellemét que le ciel deuint obscur, comme de nuict: & il se trouua enserré en ladicte forest abandonné de toutes ses gens, tellement qu'il ne sçauoit ou aller, ne que faire. Si s'aduisa soubdainement estant en celle fantasie, de celle semme qui auoit guary la Royne, & eut telle imagination & pensee, que si celuy Christ, que ladicte femme adoroit, le deliuroit de celle necessité, il adoreroit & laisseroit tous les autres. Et tout incontinent qu'ileut eu ceste pensee, la clarté reuint, en maniere qu'il s'en rerourna au logis sans aucun dangier: & desqu'il fut arriué, racôta tout le faict à la Royne, par l'enhortement de laquelle il fit appeller ladicte femme estrangiere: & voulut entendre d'elle la maniere, qu'il failloit adorer son Dieu Iesuschrist, luy affermat qu'il estoit deliberé de n'en adorer iamais d'autre. Et lors ladicte femme luy declaira la façon & la maniere qu'il le falloit faire: & le mistere de sa creance; tant & si auant qu'il estoit loisible à vne semme telle d'en sçauoir. Et si luy persuada de faire edifier vne eglise, luy deuisant la maniere & façon qu'elle deuoit estre faicte : lequel auant que la faire, fit assembler tout son peuple, & leur raconta ce qu'estoit aduenu tant à la Royne, qu'à luy, & la foy & creance que ladicte femme luy auoit enseigné, faisant par ce moyen office d'apostre, auant qu'il fut baptisé. Tellement que les hommes creurent à sa persuasion: & les semmes à la persuasion de la Royne, & accepterent celle creance: & tous d'vn commun accord delibererent de bastir ladicte eglise: si aduint que les murailles furent faictes, ilz voulurent dresser des pilliers des deux costez de la nef d'icelle eglise Ayant adonc dressé le premier & le second, ainsi qu'ilz dressoyét le troisiesme & que dessa il estoit en l'air à demy dressé, les engins faillirent, tellement que pour effort qu'ilz fissent, les gens ne les beufz ne le peurent remuer plus auant. Dont le peuple aussi

le Roy furent tous esbahiz, & ne sçauoyent quel remede on y pourroit trouuer pour le dresser en son ordre. Ce pendant estant la nuict suruenue, chacun se retira en sa maison, fors ladicte semme, laquelle demoura en ladicte eglise toute la nuict en oraison. Le l'endemain estant venu le Roy accompaigné de plusieurs gés de son peuple en ladicte eglise, pour voir par quel moyen lon pourroit mettre ledict pillier en son lieu, trouua qu'il estoit tout dressé, & au mesme lieu, & sur le pied ou il deuoit estre, non pas as sis & ferme sur ledict pied mais pendu en lair, distant & separé dudict pied & siege ou il deuoit estre assis enuiron vn pied. De la quelle chose tant miraculcuse tout le peuple fut si esbahy, qu'ilz confesserent tous d'vne voix, que celuy seul estoit le vray Dieu quele Roy & la Roine leur auoyent presché, & que ladicte fem me estrangiere auoit annoncé. Et si comme ilz estoyent en celuy propos, veirent visiblement ledict pillier descendre peu à peu en bas, iusques à tất qu'il l'assit dessus le pied & siege ou lon le vouloit mettre:tout ainsi & mieulx qu'ilz ne desiroyent. Dont encores furet plus admiratifz: & par vn merueilleux zele de deuotion, firent telle diligéce, que toutes les autres colomnes furent plan tees & assises celuy iour mesmes. Apres que l'eglise fut du tout acheuce, estant le peuple en grand desir de receuoir la foy & le baptesme, ainsi qu'il appartenoit par l'enhortement de ladicte femme estragiere, enuoyerent vne ambassade à l'empereur Constantin, de par le Roy, & tout le pais, luy signifiant la chose comment elle estoit aduenue : & luy suppliant qu'illeur vousit enuoyer des prestres pour parfaire en eulx ce que restoit pour les fai re bons Chrestiens. Lequel leur accorda tres voluntiers: & leur en uoya moult honnorablement des euesques & des prestres: & fut trop plus ioyeux d'entendre que celle nation barbare se fut conuertie à la foy, que silz se sussent soubmis à son empire. Toutes lesquelles choses nous raconta le Roy d'iceluy pais, nommé Bacaire: lequel estoit moult curieux de la verité, & de la religion, estant venu en Hierusalem, ou il domeura auec nous moult famimilierement par aucun temps, en la compagnie du duc & gouuerneur de Palestine.

Comment la secte des Arriens sut resuscitee par le moyen de Constance sœur de Constantin: & comment l'empereur Constans y adhera.

Chapitre XII.

T pour retourner à l'histoire, estant Helene mere de

Constantin, allee de vie à trespas, Constance sœur de iceluy empereur, & vefue de Licinius, foy estant reti ree, auec son frere, vint à elle secretement vn prestre de la secte d'Arrius: lequel trouua maniere premierement de saccointer d'elle auant que luy parler riens de sadicte fecte. Et apres qui luy sembla estre assez familier d'elle, en luy par lant de plusieurs choses, priuement luy dit, comme Arrius auoit esté persecuté par enuie, combien qu'il sut homme de bien & a. greable au peuple, & luy tenant par plusieurs & diuerses fois telz propos, la gaigna de sorte, qu'elle creut ce qu'il disoit estre verita ble. Tellement que venant à l'article de la mort, (estant l'Empereur son frere venu deuers elle pour la coforter, & aussi pour l'en horter qu'elle disposast de son ame) elle luy fit entre autres choses requeste qu'il voulsit retirer ledict prestre en son service, & le faire son domestique,& d'auataige,ouir & entendre ce qui luy diroit appartenant à son salut. Car voyant (fit elle) & cognoissant que ie suis à la fin de mes iours, ie vouldroye bien t'admonnester que tu prinses garde de non mettre ton estat en dangier enuers Dieu, pour auoir puny à tort ceulx qui sont innocés. A l'occasion desquelz admonnestemens, Constantin pensant qu'ilz verioyent de bon zele,& d'amour naturelle de sadicte seur, print pour son familier ledict prestre, & l'auoir ouy fit rappeller Arrius de l'exil ou il estoit, pour entendre de luy quelle estoit sa creance en la foy. Lequel estant reuenu, bailla sa creance par escrit audiet Empereur : laquelle iaçoit quelle semblast estre telle que la nostre, toutesfois au sens elle estoit moult differente. Dont l'empereur fut esimerueillé, car il luy sembla que c'estoit la mesme creance qui auoit esté determinee au concile general de Nicene. Toutes foisil ne voulut aucune chose determiner sur cela, ains le réuoya

à la determination du concile des prelatz, lequel se deuoit prochainemet assembler en la cité de Hierusalé pour la dedication de l'eglise. Et leur escriuit que silz trouuoyent sa creance estre bonne,& qu'il eust esté exilie par enuie (comme il disoit) qu'ilz voulsissent cognoistre & iuger qu'il auoit esté iniustement imputé & chargé à tort audict concile de Nicene: à tout le moins que si lors il estoit en erreur, à present estoit reuenu à la vraye creace, auquel cas prioit qu'ilz voulsissent vser enuers luy plutost de humanité que de rigueur attendu que les peres qui auoyent esté audict cocile, luy auoyent vsé de si grade moderation, qu'ilz n'auoyent pas voulu condamner sa personne, ains sa doctrine seulement. Pourueu toutesfois que ce fut par le consentement de son prelat l'euesque d'Alexandrie. Ayant lesquelles lettres iceluy Arrius, fut incôtinent receu & admis par les eucsques qui du com mencement auoyent tenu son opinion, iaçoit que par faintise eus sent consenty à la conclusion du concile. Toutesfois quand il sut arriué en'Alexandrie, il se trouua deceu de sa pensee: car l'euesque de ladicte cité, ne le voulut receuoir : pourtant il est bien aisé de deceuoir gens ignorans par falaces: mais de vouloir desguiser les choses à ceulx qui les entendent, ce n'est que mocquerie, pour faire rire les gens. Mais pendant que ces choses se faisoyent en Alexandrie, le bon empereur Constantin mourut en vne maison de plaisance qu'il auoit aupres Nicomedie, la trent'vniesme annee de son empire: & laissa par testament, la succession dudict empire, à les enfans. Et pource que Constans, auquel ilauoit laissé l'empire d'Orient, estoit lors absent, il bailla (comme lon dit) à celuy prestre que sa sœur luy auoit recommandé, son testament: pourtant qu'il auoit depuis la mort de sadicte sœur, eu grande familiarité à iceluy prestre: & luy commanda expressement, & le fit iurer de non monstrer ledict testament à personne, iusques à ce que ledict Constans sut arriué. Et pourtant que les euneuques & seruiteurs domestiques dudict Constantin, auoyet grade habitude dudict prestre, il trouua par eulx le moye, que la mort dudict empereur fut tenue secrete par aucuns iours: & encores de chastier ceulx qui vouloyent faire des nouitez: de forte que les choses demeurerent en leur entier, iusques à la venue dudict Constans: auquel desqu'il fut arriué, bailla ledict testament qu'il auoit en depost: pour raison duquel benefice, iceluy empereur se reputa tat obligé à luy, pour couoitise qu'il auoit de dominer, que là ou il commandoit aux autres, il obeissoit à cestuy cy:lequel soy voyant en si grande authorité, comença à practiquer & traicter auec luy de la restitution d'Arrius: & persuada audict empereur, qu'il deut à ce contraindre les cuesques qui en feroyent reffuz.

De la dispute qui fut en Alexandrie entre Alexandre euesque d'Alexandrie, & Eusebe euesque de Nicomedie pour la restitution de Arrius. Et de la mort ignominicuse dudict Arrius.

Chapitre XII.



N celuy temps estoit en Alexandrie euesque Alexandre, & en Hierusalem, vn autre Alexandre glorieux confesseur, ainsi que nous trouuons par les escritz de Athanase. Et en Nicomedie Eusebe, celuy (dont nous auss par lé des sus) qui s'estoit soubscrit au concile de Nicene par simulatio. Lequel voyant l'occasion d'exe-

cuter son mauuais vouloir, par le moyen dudict prestre familier de l'Empereur, duquel iceluy Eusebe s'estoit acointé, se parforcea de troubler & renuerser tout ce que auoit esté declairé audict concile. Et pour ce faire, fit reuenir Arrius qui ne se tenoit plus en Alexandrie, & trouua maniere que l'empereur fit par sés edictz convoquer de rechief le concile à Constantinoble, auquel vindrent tous ceulx qui auoyent tenu la part de Arrius. Lesquelz firent par plusieurs & diuerses fois grande instance enuers Alexan dre euesque d'Alexandrie, qu'il voulsist receuoir ledict Arrius. Et iaçoit qu'ilz ne profitassent riens par ce moyen, toutesfois s'abstindrent d'vser aucune force ne iniure contre luy, iusques à ce qu'ilz virent qu'il n'y auoit remede aucun de le demouuoir de fon opinion. Car lors luy fut par eulx prefix vn terme, dedans lequel il deust receuoir ledict Arrius auec telle commination, que fil ne le receuoit, ilz enuoiroyent en exil luy mesmes, & mettrovent vn autre en son lieu qui le receuroit. Quoy voyat le bon euesque, fut toute la nuict precedente le jour que luy estoit assigné & prefix en oraison au pied de l'autel en l'eglise, recomman dant à Dieu(auec chauldes larmes)sa querelle. Et le matin estat encores Alexandre en oraison, Eusebe comme celuy qui portoit l'enseigne de l'heresie s'en vint auecses complices en la maison de Arrius pour le mener à l'eglise, l'asseurant que si Alexadre faisoit refuz de les receuoir, on le chasseroit luy mesmes en exil. Estant adonc toute l'assemblee en grande expectation de voir l'issue de celuy different, à sçauoir de la constance d'Alexandre, & de l'instace d'Eusebe (ainsi qu'il aduient comunement en telles matieres) arriua iceluy Arrius en l'eglise accompaigné d'une grosse

tourbe d'enesques & de peuple. Lequel tantost apres qu'il sut arri ué en l'eglise, se retira en quelque lieu public illec prochain pour faire sa necessité de nature, estant auquel lieu assis à son retraict, ietta par le fondement les boyaulx, & tous fes intestins, & par ce moyen fina sa vie en telle ordure que meritoit sa doctrine orde & puate. Laquelle chose estat signifiee à Eusebe & aux autres qui l'atendoyent en l'eglise, & qui pressoyent le bon euesque Alexandre de le receuoir, ilz s'en partirent tous honteux & confuz. Et lors tout le peuple commença à parler de cestuy cas en la gloire & honneur de Dieu, auquel le bon euesque Alexandre s'estoit recommadé par telles oraisons: Seigneurs vueillez faire iugemét entre moy, les menasses de Eusebe & la force de Arrius. Mais ia çoit que Eusche & les autres heretiques eussent pour lors quelque hote & erubescèce du cas, toutesfois eulx estás assemblez, & craignats que la chose ne sust raportee à l'empereur Costans à la verité, & que par ce moyé ilse departit de l'heresie dudict Arrius, de laquelle il estoit entaché,&d'auantaige qu'il ne fit punition de ceulx qui l'auoyent mis en icelle, tindrent chemin par le moyen des Eunuques qui auoyent auctorité vers l'empereur, & qu'ilz auoyent tous à leur poste de luy faire signifier la mort dudict Arrius, le plus doulcement qu'ilz peurent, disant que c'estoit par acci dent naturel, sans faire aucune mention qu'elle fust aduenue par iugement de Dieu en maniere du monde, & cela faict ne laisserent point à poursuyuir la matiere de la foy qu'ilz auoyent commencec.

Des principes de Athanase, & comment il fut saict euesque d'Alexandrie.

Chapitre XIII.

E

N ces entrefaictes, & tantost apres la mort de Arrius, mourut Alexandre euesque d'Alexandrie, & fut esseu en son lieu Athanase, lequel estoit ia assez cogneu & reputé homme de grand entendement, & de grand sçauoir, tresdiligét, & aspre aux

choses ecclesiastiques, & mesmes les herctiques auoyent veu au concile de Nice que le bon vieil euesque Alexandre auec son aide & par son adresse, auoit grandement impugné les heretiques, & descouuert leurs fallaces. Considerans adonc les dietz heretiques (comme aussi estoit la verité) que par la solicitude, & par le

sçauoir d'iceluy Athanase, leur cas seroit troublé & empesché, cerchoyent toutes les machinations qu'ilz peurent, contre luy. Mais auant que venir à ceste narration, m'a semblé ne point estre hors de propos, de raconter aucunes choses de la naissance& du commencement d'iceluy Athanase, & comme il auoit vescu & proffité en la foy, des le temps de sa ieunesse. Lesquelles choses auons entendu par ceulxmesines qui auoyent longuement vescu & conversé auec luy, au temps qu'Alexandre celebroit les exeques de Pierre le martir, son predecesseur, en la cité d'Alexandrie. Il auoit conuyé les prestres & les clercz, à disner auec luy, apres le seruice, en vn lieu seant au pres la mer. Estant adonc illee venu le premier (ainsi qu'il les attendoit) se mit à regarder au log du riuage de la mer, & veit illec des petis enfans qui se iouoyent: & entre aucuns ieuz, veit qu'ilz contrefaisoyent les misteres que lon faict en l'eglise: & apres qu'il eut longuement regardé, veit qu'ilz contrefaisoyent aucuns des plus secretz misteres & sacramentaux de l'eglife, dont il fut troublé: si appella les prestres,& autres qui ce temps pendant estoyent venuz: & leur monstra ledictieu, & leur commanda qu'ilz allassent prendre tous les dictz enfans, & les luy amenassent. Apres qu'ilz furét venuz, leur dema da soigneusement quel ieu c'estoit qu'ilz faisoyent, & en quelle maniere. Lesquelz ainsi que font ieunes enfans pour crainte d'estre batuz, nierent du commencement, le cas. Mais apres estans pressez & conuaincus, confesserent le tout: & premierement que ilz en auoyent baptisez aucuns par la main d'Athanase, qu'ilz auoyent faict leur euesque. Lors il demanda à ceulx qui auoyét esté ainsi baptizez, & pareillement audict Athanase qui les auoit baptisez, quelles interrogations il leur auoit faictes & comment ilz auoyent respondu. Et trouuant par leur confession qu'ilz auoyent entierement garde & tenu l'ordre de l'eglise en tel cas, mit en question auec les prestres, si à ceulx la qui auoyent ainsi esté baptisez, estoit besoing reiterer le baptesme: & la chose bien debattue, conclurent d'un commun accord, que non: mais que tat seulemét on leur deuoit accomplir les autres cerimonies que les prestres ont accoustumé de faire en tel cas. Et neantmoins appella les peres d'Athanase, & des autres ensans, qui en iceluy ieu auoyent faict office de prestre ou de diacre: & leur commanda en vertu d'obedience, qu'ilz luy baillassent lesdictz enfans pour les faire nourrir en l'eglise ce qu'ilz luy accorderét. Mais auant que deliurer ledict Athanase, son pere le fit aller à l'escole: & desqu'il

eut apprins sa grammaire, le bailla ainst qu'il auoit promis. Si sut nourry & endoctriné par ledict euclque en l'eglise, comme iadis auoit esté Samuel. Et quand iceluy euesque alloit dehors, il luy bailloit son habillement d'eglise à porter. Lequel Athanase soustint depuis tant de persecutions pour maintenir & dessendre la vraye foy contre les heretiques, que lon peut bien dire de luy ce qui fut dit à Sainct Paul (quand il se convertit) en personne de Dieu: Certesie te mostreray cobien de maulx il te fault souffrir pour mon nom. Car à la persecution de cestuy cy, tout le monde, en maniere de parler, conspirera. Et tous les princes furent esmeuz: tellement que les royaumes, les gens, & les exercites estoyent tous contre luy assemblez. Mais luy comme constant champion disoit ce que dit le Psalmiste: Si les exercites viennent contre moy ,mon cueur n'en aura aucune peur. Et si lon me faict la guerre l'auray mon esperance en Dieu. Et pourtant que ses faictz furent si grans & si dignes de memoire, que ie n'en deueroye riens obmettre: & de l'autre costé il en ya si largemet, que ie suis contrainct en laisser beaucoup: ie suis en grande perplexité lesquelz ie dois racompter, & lesquelz delaisser. A ceste cause i'en diray vne bien petite partie, & le remenant ie laisseray à la commune renommee, laquelle est encores beaucop moindre que la verité des choses: car on n'y pourroit rien adiouster.

Comment Athanase par faulses accusations suit condemné au concile de Tyre, & contraines s'ensuyr & musser.

Chapitre XIIII.



E N'A N T adonc Constans l'empire d'Orient, & Constantin son frere qui tenoit celuy d'Occident, ayant esté occis par les gensdarmes aupres d'Aquilegie, Constant frere germain de tous deux, print le gouuernemét dudict empire Occidental: lequel il gouuernoit assez prudemment. Et au regard de Con

stans, combien qu'il fut homme de bonne nature, & eut cueur beping & Royal, donna tant de credit & d'authorité au commencement de son regne aux euncuques & domestiques seruiteurs de son pere, qui luy auoyent esté fauorables à obtenir l'empire d'Orient paisiblement, qu'ilz le peruertirent par les practiques & faul ses persuasions des prestres Arriens, à tenir leur secte. Lesquelz

craingnans qu' Athanase ne l'abordat, & qui ne luy remonstrat, & fit cognoistre par la declaration des escritures, la verité de la foy, l'imputerent vers iceluy Empereur de toutes mauuaises choses, luy faisant entendre qu'il estoit plein de tous vices execrables, & entre autres, qu'il estoit nigromant & magicien: pour luy persua der qu'ainsi fur, luy monstrerent vn bras d'vn corps humain, disans qu'iceluy Athanase l'auoit arraché du corps d'vn nomé Arsenius, pour faire quelque experiment de magique. Et outre ce commencerent tout plein d'autres mauuaises choses contre luy. Au moyen desquelles imputations, ledict Empereur commanda le concile estre assemblé pour le deposer en la cité de Tyre: & pour y assister, enuoya vn de ses domestiques & principaulx conseillers, par lequel manda au conte d'Orient, nommé Archelaus: & au gouuerneur de la prouince de l'henice, qu'ilz fissent faire ladicte assemblee: à laquelle est at coduit Athanase, ses haineux & ennemis alloyét monstrans à vn chacun celuy bras humain qu'ilz portoyent dedans vn estuy, pour inciter tout le monde contre luy:dont plusieurs furent sçandalisez, pourtant mesmement que Arsenius, duquel on disoit estre le bras, auoit esté clerc dudict Athanase. Mais pour quelque faulte qu'il auoit faicte, craignant estre corrigé & chastié, s'estoit departy de luy, & s'alloit mussant & cachant. Dont estans lesdictz ennemis aduertiz du commencement, firent tenir par aucun temps ledict Arsenius secretemét en la maison de quelqu'vn, qu'ilz cuidoyent estre leur amy: & par ce moyen qu'ilz tiendroit la main à leur malice & trahison. Toutesfois l'imputation que lon faisoit contre ledict Athanase, estoit si commune & notoire, qu'elle vint iusques à la cognoissant ce dudict Arsenius: lequel meu de stimule de conscience & d'hu manité, ou par inspiration diuine, se desroba secretemet de la mai son de celuy qui le gardoit,& s'en vint par mer en la cité de Tyre: auquel lieu arriua le iour precedent celuy qui auoit esté assigné audict Athanase, pour respondre à ses accusateurs: & tout incontinent qu'il fut arriué, se vint presenter à luy, & luy conta tou te la chose, comment celle estoit touchant luy: dont ledict Athanase sut tresioyeux, & luy commanda qu'il se tint en la maison, sans soy monstrer à personne, iusques à ce qu'il le fit appeller. Le l'endemain fut le concile assemblé en l'eglise: auquel se trouuerent vn grand nombre de haineux dudict Athanase, qui estoyent consentans de celle conspiration. Aussi pareillement si trouua le bon vieil euesque Pafinice (dont nous auons dessus faict métion) lequel

lequel estant bien informé de l'innocence dudict Athanase, & voyant que Maxime, eucsque de Hierusalem, qui auoit au temps des persecutions esté auecques luy à fouir les metaulx, vn œil cre ue & vne iambe rompue, l'estoit assez par trop grande simplesse ioinct auecques lesdictz machinateurs, non sçaichant leur trom perie, s'en alla droict là ou il estoit assis au milieu des autres. Et le prenant par la main, luy dit telles parolles: Certes Maxime, ie ne permetray pas que toy qui as este confesseur par vn mesines temps auecques moy, & qu'en perdant vn œil comme moy, as re couuert plus grande lumiere de la grace de Dieu soyes icy assiz à l'assemblee & au conseil des peruers & malings : & que tu entres auec eulx qui machinent les choses meschantes. En disant les quelles parolles le tira par la main du lieu là ou il estoit: & apres l'informa de la verité de tout celuy couiue, de sorte qu'il tint tous iours depuis le party d'Athanase. Apres estans les prelas assis au concile, firent les accusateurs venir, & vne femme à l'assemblee. Laquelle dit: Qu'ayat receu vne nuict ledict Athanase en sa mai son par charité, ainsi qu'elle estoit couchee en son lict, sans soy dou ter de riens, il estoit venu secretement coucher empres elle, & l'auoit violee. Laquelle plainte faicte, lon manda Athanase qu'il vint au concile, pour respondre au cas. Ce qu'il fit & mena auecques luy Thimotheus son prestre, auquel il commanda qu'il respondit à celle accusation pour luy. Estans adoncques entrez tous deux, & ayant ladicte femme encores repliqué sa plainte en leur presence, ainsi qu'on l'auoit instruicte, se leua Thimotheus, & luy dit: Certes, mamie, il est vray que i'ay-logé en ta maison, mais no pas que ie te fisse aucun outraige. Lors la femme audacieusemét (comme font telles manieres de femmes) se tourna deuers luy, & auecques vne grande temerité & arrogace, luy dit: Tu as méty mauuais prestre: c'est toy qui me forças & qui me violas en tel lieu. Et apres se tourna vers les presatz qui estoyent assiz au con cile, & faisant grans sermens & execrations, qu'elle disoit verité. Quoy voyant les faux conspirateurs, furent tous honteux de voir sans que ledict Athanase eut mot dit, la faulseté estoit descouuerte. Et non pourtant il ne fut point permis à ceulx qui deuoyent iuger du cas, de questioner la femme, & luy faire dire qui l'auoit subornee de faire ladicte accusation. Car l'authorité du iu gement estoit du tout en la puissance des accusateurs. Lesquelz vindrent à la seconde accusation en parlant audict Athanase en telle maniere: A fin que lon cognoisse les choses que tu faictz

Le dixiesme liure

par art magique, on le monstre à lœil sans autre preuue. Car voycy le bras dextre de Arsenius qui t'accuse, lequel tu luy as couppes Si convient que tu responde come tu l'as faict, ne pourquoy faire. Ausquelz il respodit en telle maniere. Et qui est celuy de vous qui aye cogneu Arsenius, de sorte qu'il puisse ainsi recognoistre son bras dextre? Lors se leuerent plusieurs de celle assemblee qui tous dirent qu'ilz auoyent eu bonne cognoissance dudict Arsenius. Entre lesquelz en y auoit aucuns qui n'estoyent point cosentans de celle conspiration. Et à l'heure Athanase requist les iuges qu'ilz vousissent faire entrer vn sien seruiteur qui luy estoit neces saire pour soy dessendre de ceste matiere. Si fut faict entrer Arsenius, lequel iceluy Athanase print par le menton, & luy haucant le visaige, dit aux assistens, Voicy Arsenius: apres luy print la main dextre, & leur monstra, disant voicy sa main dextre, & apres monstra semblablement la senestre, disant : l'il ne luy fault point de bras, auisez de qui sera celuy que ceulx cy monstrent. Dont lesdictz accusateurs furent si honteux, & si confuz, qu'ilz ne sçauoyent quelle contenance tenir, & n'osoyent regarder les gens au visaige, ains bessoyent les yeulx comme si fussent en tenebres:attendu mesmement que ceulx qui auoyent dict au parauant qu'ilz cognoissoyent bien Arsenius, affermoyent que c'estoit cestuy là. Mais pourtant que celle assemblee n'auoit pas esté faicte pour juger Athanase, ains pour l'opprimer, les dictz accu sateurs commencerent à faire vn grand bruit & effroy, criant à haulte voix, que Athanase estoit vn magicien, qui abusoit & deceuoit la veue des gens, par illusions, & que lon ne deuoit point laisser viure vn tel homme. Et disant ces parolles, vindrent impetueusement contre luy pour le dessirer de leurs mains. Ce qu'ilz eussent faict n'eut esté Archelaus, qui assistoit au concile par le commandement de l'empereur. Lequel le retira de leurs mains. Et apres qui l'eut tiré hors par aucuns lieux secretz, luy conseilla qu'il s'en deut fuir. Car par autre moyen estoit impossible qu'il se peut sauuer. Et neantmoins le concile qui estoit la pluspart gaigné par ses haineux, le condamna des cas à luy imposez, tout ainsi que si les eut confessez: & celuy decret ainsi faulsement & in iustement prononcé, enuoyerent par tout le monde Et soubz

l'authorité de l'empereur, contreignirent les autres prelatz y obtemperer.

Comment Athanase ayant esté par longue espace de temps suitif soubz l'empire de Constans, se retira deuers Constant son frere; Et comment par le moyen dudiet Constant, il suit restitué en son enesché.

Chapitre xv.



L'occasion de celuy decret sut Athanase suitif, tellement qu'il n'y auoit lieu en tout le monde ou il sut seurement, ne ou il se peut musser sans dangier. Car il n'y auoit officier, capitaine, ne sergent qui n'eut commission par edict imperial, de le prédre. Et si auoit lo decerné certaine somme d'argent, par iceluy

edict, à celuy qui le rendroit vif, & autre moindre à celuy qui ap porteroit sa teste. En telle maniere estoit toute la force de l'empire dressee contre vn homme, combien qu'elle ne peut auoir effect, pourtant que Dieu le gardoit. Et (dit lon) qu'il fut enuiron fix ans mussé en vne cisterne qui n'auoit point d'eaue, sans iamais voir le soleil. Et iusques à ce qu'vne chambriere esclaue, de ceulx qui le tenoyent là musse, le r'encusa aux officiers. Car celle mesme nuict, dont le lendemain le deuoyent venir illec prendre, estant par reuelation diuine, aduerty du faict, s'en sortit de la cisterne, & s'en alla en vn autre lieu, & pareillement ceulx qui l'auoyent recelé & gardé, s'en fuirent, dont les officiers eulx voyans ainsi frustrez de leur attente, s'en vengerent sur ladicte esclaue. Laquelle par ce moyen eut le guerdo qu'elle meritoit de son mesfaict. Voyant adone Athanase qu'il ne pouoit plus soy tenir en l'empire de Constans, sans mettre en dangier ses amis qui le receleroyent, l'en fuit es parties d'Occidet, ou dominoit Constant. Lequel le receut assez honorablemét,& estant par la comune re nomee aduerty de la verité, escriuit à son frere qu'il estoit informé au vray q le bo euesque de Dieu Athanase estoit persecuté à tort, parquoy feroit bié si le restituoit en son étier. Et en cas qu'il en fit refuz, luy signifioit q luy mesme mettroit peine de le faire. Et qu'il iroit iusques au milieu de l'empire de sondict frere pour faire punitio de ceulx qui estoyet cause du crime. Desquelles let tres fut Costans moult espoucté, sçaichat que sondict frere auoit bié pouoir de faire ce qu'il disoit. A ceste cause faignant vouloir vser de benignité, manda audict Athanase qu'il rerournat deuers luy, Ce qu'il sit. Et quad il sut venu, ledict Costans, qui lors estoit

Le dixiesme tiure

en la cité d'Antioche, le reprint tout doulcement de parolles, & puis luy permit aller en son euesché. Et neatmoins à l'instigation des heretiques, luy dit en telle maniere: Ce n'est pas grande chose Athanase, ce que les autres euesques te demandent : C'est que tu sois content de bailler une des eglises de la cité d'Alexandrie à ceulx qui ne veulent point communiquer auec toy. Aquoy iceluy Athanase inspiré de Dieu, luy sit telle response: En quelle chose esse, sire empereur, que ie te voulsisse refuser? entendu que tout est à ton pouoir mais ie te supplie qu'il te plaise m'accorder vne petite requeste : Certes, dit l'empereur, ie le t'accorde quelque grade qu'elle soit, mais que tu m'accordes ceste cy. Lors dit Atha nase, ce que ie te demande est, que ainsi que tu veulx que ie baille en Alexandrie vne eglise à ceulx qui ne veulent communiquer auec moy, qu'aussi tu faces que ceulx cy en baillent vne en ceste ville d'Antioche, à ceulx de nostre peuple qui ne veulent commu niquer auec eulx? Ce que l'empereur luy accorda facilemét, comme chose tresraisonnable. Mais quand il eut communiqué la cho se à ceulx qui le conseillerent en celle matiere, ilz ne trouuerent pas cela bon, & dirent qu'ilz aimoyét mieulx q ledict Athanase n'en baillat point en Alexandrie, que de luy en bailler vne là. Car ilz auoyét plus de regard à leur particularité, qu'a ceulx qui estoyent absens. Quoy voyant l'empereur, & soy esmerueillant d'iceluy Athanase, luy commanda qu'il s'en allast incontinent à son eglise.

Comment Aihanase estant de rechef exilé sut par le concile adulierin de Ariminy, corrompue la vraye creance qui auoit esté determinee au concile de Nicene.

Chapitre XVI.

AIS tantost apres estant l'empereur Constant occis par machination de Maxence: ayant ledict Maxence occupé son empire d'Oc cident, sut de rechef par les haineux d'iceluy Athanase, suscité ledict Constans contre luy, tellemét qu'il sut chassé vne autresois de son eglise: & en son lieu mis vn nommé George,

de la secte des Arriens. Non pas celuy qui l'autre fois y auoit esté mis, qui s'appelloit Gregoire: & sut cotraint Athanase de rechef soy musser come la premiere sois. Car les semblables edictz surent publiez contre luy, qui auoyent esté publiez lors. Et depuis

encores estant iceluy Constans venu es parties de Ponat, pour ven ger la mort de son frere: & ayant occis ledict Maxence, & par ce moyen acquis la monarchie, se parforça de troubler les euesques de Ponant, & les tirer à la secte des Arriés, ainsi qu'il auoit faict ceulx de Leuant. Ce que luy sembloit facile, si prealablement les faisoit consentir à la condamnation d'Athanase, qui estoit le plus grand obstacle qu'il eut. Si les fit pour ceste cause assembler à Mi lan, auquel lieu par fauces & controuuees persuasions, les induisit la pluspart à souscrire ladicte condamnation. Et pource que Denis, Eusebe, Paulin, Rhodanus, & Lucifer furent contredisans, & remonstrerent que ceste suscription ne se requeroit sinon pour destruire la foy, & furent chassez en exil, & auec eulx Hilaire. Les autres qui n'apperceurent la malice, ou qui n'en furent aduer tiz, firent la suscription. Mais bien tost apres apparut à quelle fin ilz auoyent este chassez. Car par authorité dudict empereur fut dedans peu de temps conuoqué vn autre fois le concile en la cité d'Arimini. Auquel les malicieux heretiques d'Orient, estans despeschez desdictz sainctz euesques, qui tous estoyent gens de gran de vertu & doctrine:persuaderent facilement aux autres simples cuesques occidétaux, d'accepter leur creance, telle qu'ilz l'auoyét couchee en l'asséblee de Seleucie, par telle cautelle. Car ilz leurs demanderent qu'ilz vouloyent plustost croire & adorer Homou sion, ou Iesuschrist. Aquoy lesdictz euesques Latins, qui n'enten doyent la vertu & la fignification d'iceluy mot & nom, Homou sion, l'eurent quasi en abomination, & respondirent qu'ilz vouloyent croire en Iesuschrist, non point en Homousion. Et par ce moyen la pluspart d'eulx par ignorance, & aucuns par malice, consentirent que lon ostast ce mot Homousion, du symbole & credo, qui auoit esté mis par le decret du concile de Nicene, cóme vn mot incogneu & non vsité aux saincles escritures, & en ce faisant l'associerent auec les euesques heretiques. Au moyen desquelles choses la face de l'eglise estoit toute deturpee, & maculee, no point par les Payens & idolatres: comme elle auoit estè, au parauant: mais par les siens propres, qui se chassoyent les vns les autres. Et iaçoit ce qu'il n'y eut plus ne idoles ne sacrifice de bestes, toutes fois plusieurs des Chrestiens tomboyét en erreur: dont iaçoit que la victoire fut diuerse, & par autre moyen: toutesfois la peine estoit toute vne. Et si estoyent finablement tormentez, non pas semblablemét glorifiez:pourtat que l'eglise faisoit dueil de celuy mesme qui estoit cause de ruine.

X iii

Le dixiesme liure

Des cuesques de Rome, de Hierusalem, d'Alexandrie, & d'Antioche, qui surent en celuy temps.

Chapitre XVII.



E

N celuy temps tenoit le siege à Rome Libes rius qui auoit succedé à lule, sule à Marc, & Marc à Siluestre. Lequel Liberius sut chassé en exil, & en son lieu mis son diacre nommé Felix, par les heretiques. Et non pourtatil n'ad hera pas à la secte des Arriens par creace, mais tant seulemét se macula pour les receuoir à la

communion,& pour estre par eulx consacré. En Hierusalem Cirilus auoit succedé à Maxime, & pource que la chose estoit dessa illec confuse, il varioit quelque fois en la foy, mais le plussouuét en la comunion. Au regard de George qui occupoit le siege d' Alexadrie, il le gouuernoit plus par vne ambition imperieule, comme president ou officier temporel: que par saincteté de vie comme bon euesque. En Antioche aussi durant celle turbation y eut plusieurs mutations. Car apres la mort de l'euesque Eudoxe, estans plusieurs eucsques des citez circonuoisines par ambition à la pour suite dudict euesque, sinablement sut illectransferé contre le decret du concile de Nicene, Meletius qui estoit euesque d'vne cité d'Armenie nommee Sebaste lequel toutesfois sut depuis par les Armeniens chassé, pourtant qu'il preschoit publiquement la foy catholique contre leur erreur, & neantmoins vne grande partie du peuple le suyuit, laquelle par ce moyen se exempta de la com paignie des heretiques.

De la divission qui fut entre les heretiques en celuy temps.

Chapitre XVIII.

N ces entrefaictes la secte des heretiques (qui sembloit desia trop enrichie) comméça grandement à estre diusse en soy mesmes. Car les eues ques, prestres, & peuples, lesquelz pour suyuir l'er reur de Arrius, s'estoyét separez de l'eglise catho

lique, se trouuer et diuisez en sectes, pour tant que ceulx dot nous au os par lé dessus, qui aimerent mieux estre exilez auec iceluy Ar rius, que de souscrire par simulation le decret du concile de Nicene, ainsi que auoit faict Eusebe quand Arrius sut depuis reuoque de son exil, ne voulurent point communiquer auec luy à cause de ce que pour excuser son cas, il auoit communiqué auec eulx qui disoyent, Que le filz estoit de la mesme substance que le pere, & s'arrestoyent à ce que iceluy Arrius auoit premieremét enseigné.

C'est que le filz auoit esté crée de neant, non point engédré de la substance du pere, qui estoit vne vraye blaspheme. Lequel erreur suyuit apres vn nommé Accius, & apres luy vn autre nommé Validus. Oultre ceste secte y eut vn nomé Eumonius qui estoit ladre, tat d'ame que de corps, & d'auataige toboit du hault mal. Lequel estat plein d'art diabolique, escriuit & enseigna tout plein de choses cotre nostre foy. Et si bailla à ses suyuas l'art de disputer & de soustenir sesdictes erreurs. Duquel encores auiourd'huy sont nomez les Eumoniens herctiques, vn autre y eut nomé Macedo nius, lequel ayant dechassé & occis les nostres, auoit esté intrus en l'euesché de Constantinoble, auoit une heresie: Car il ne confessoit point le sainct esprit. Et neantmoins pource qu'il confessoit que le pere & le filz estoyent une mesme substace, fut par les here tiques chassé. Et par ce moyé n'estoit de nostre secte, ne de celle des Arriens. dont par ces moy es apparut celle beste venimeuse la quelle par l'inuention d'Arrius estoit sortie d'enfer, se monstroit en peu de téps auec trois testes, à sçauoir l'yne des Eumonies, qui disent que le filz n'a ries de semblable au pere: l'autre des Arriens qui disent que lo peut dire que le filz soit semblable au pere par vne superabodance de grace, autât que la creature peut estre sem blable au createur, non pas par proprieté de nature. Et la iij. des Macedonies qui disent q le filz est bie du tout semblable au pere, mais q le sainct esprit n'est semblable à l'vn ne à l'autre, & n'a ries comu auec eulx, Et iaçoit ce qu'ilz fussent aisi dinisez, toutes sois pour cela nauoyét aucune compunction & cognoissance de leur erreur, ainsi que dit l'escriture: ains la pluspart de ceulx qui sembloyent de meilleure vie, & qui se tenoyent aux monasteres em pres Constantinoble & aux contrees illec voisines suyuoyent plu stost l'erreur des Macedoniens que les autres.

Comment apres la mort de Constans les euesques, qui auoyent esté exilex furent par Iulian son successeur en l'empire rappellez-en du concile qu'ilz tindrent en Alexandrie.

Chapitre XIX.

N ces entrefaictes Céstans l'empereur mourut en vne ville de Cilicie nommee Mopostrene estat en chemin pour aller cotre Iulia: lequel il auoit laissé en Gaule gouverneur soubz la dignité & nom de Cesar, pourtant que sans son sceu & auctorité il auoit vsurpé & prins le tiltre de Auguste. Mais desqu'il sus

X iiij

Le dixiesme liure

aduerty de la mort dudict Constans il se porta pour vray Empereur & Monarche. Et du commencement pour monstrer que ledict Costans auoit mal administré, sit rappeller tous les euesques qu'il auoit exilez. Mais tantost apres sut totallement reuolté & tourné contre nostre religion. Et neantmoins ce pendant reuindrent les euesques d'exil, & dessa au parauant en estoit reuenu Liberius euesque de Rome du viuant de Constans. Si ne sçay pas si ce fut pourtant qu'il eut acquiescé à la volunté dudict Émpereur, pour la requeste que le peuple Romain auoit faicte à iceluy empereur pour luy, quand il estoit party de Rome. Au regard de Lucifer estant requis par Eusebe, pourtat qu'ilz estoyent tous deux en exil aux parties voisines d'Egipte qu'il voulsist venir auec luy deuers Athanase, en Alexandrie, pour aduiser & determiner auec luy de l'estat de l'eglise, ny voulut point venir, ains y enuoya son diacre de sa part, & s'en alla tout droit en Antioche. Auquel lieu estant encores le peuple diuisé pour la se-Ete, sembloit qu'il se pourroit reuenir si on y mettoit vn euesque qui fut aggreable à toutes les deux parties. A ceste cause leur bail la Paulin qui estoit homme Catholique, plein de sainctete, & de vertu, & moult digne de telle cherge, mais non pourtant ne fut pas aggreable à tous, de l'autre cousté Eusebe s'en alla en Alexadrie auquel lieu fut assemblé vn petit nombre d'euesques : mais pleins de foy & de merite enuers Dieu. Lesquelz moult soigneusement debatirent entre eulx, par quel moyen ilz pourroyent remettre l'estat de l'eglise en tranquilité, apres tant de troubles que les heretiques y auoyent faict. Si estoyent aucuns d'eulx d'opinion pour le grand zele qu'ilz auoyent à la foy, Que lon ne deust receuoir aucuns de ceulx qui auoyent eu aucune communi cation auec les heretiques en l'ordre d'euesque: Mais les autres les quelz en ensuyuant ce que auoyent faict les apostres, ne queroyét pas tant leur proffit que le profit commun: ayas aussi regard à ce que auoit faict nostre seigneur (Lequel estant la vie de tous les viuans pour le salut d'eulx, se estoit par grande humilité voulu exposer & offrir à la mort. A fin que par icelle se trouuast la vie) estoyent d'opinion que mieulx valoit soy humilier yn petit enuers ceulx qui estoyent cheuz en celuy peché d'heresie pour les faire d'iceluy releuer, & que ce seroit chose plus glorieuse de les retirer, & faire que to° par vn mesme accord & merite entrassent au roy aume des cieulx, & de presumer les en vouloir exclure, & le gaigner sans eulx, & par ainsi que lon deuoit tant seulement debout

ter les aucteurs des erreurs: & aux autres bailler faculté de reuenir à l'union de l'eglise, & en cefaisant les receuoir au sacerdo ce, & monstrer grande ioye de leur conuersion, ainsi que nous enseigne nostre sauueur en l'euangile, par la parabole du filz pro digue, lequel iaçoit qu'il cust dissipé tout son partaige viuant mel chantement, toutes fois estant en repétance reuenu à son pere, ne merita tant sculement d'estre par luy receu & accolé, ains d'auoir l'aneau au doy,& d'estre vestu de l'estole, qui fignifie l'habillement sacerdotal: Et fut par le bon pere reprins le filz aisne qui monstra auoir enuye de l'honneur que lon faifoit à son frere. Et n'eut pas tant de merité de soy estre gardé de mal faire, comme il encourut de coulpe, non ayat pitié de son frere. Et ceste opinion apres que tout fut bien debattu fut aprouuee par celuy concile,& fut baillee la charge des eglises d'Orient à Ascorius & aux autres euesques qui estoyent auec luy: & à Eusebe de celles d'Occident. Et d'abondant apres plusieurs longues disputations faictes sur aucuns articles de foy (mesmement touchant le sainct esprit & les personnes de la trinité, & aussi touchat l'incarnation de nostre Sei gneur)fut par iceluy sainct concile coclut& declaire que le sainct esprit estoit d'une mesme substance auec le pere & le filz, & que en la trinité n'auoit aucune chose creée, ne moindre ou posterieu re que l'autre. Et au surplus que l'on deuoit faire & constituer difference entre ces deux motz & termes, à sçauoir substance & subfistence, parlant des personnes de la trinité:pourtant que ce mot substance concerne la nature essentiale d'vne chose selon laquelle les trois personnes de la trinité ne sont que vne seule substance & nature: Mais ce mot subsistence demostre en vne mesmes substance divine trois personnes, & proprietez differentes, non en nom tant seulement (ainsi que disoyent les Sabelliens) mais realement. Et par ainsi que lon doit dire que Dieu n'a fors vne substance essentiale: mais bien ya la subsistence reale de trois personnes. Et au surplus touchant l'incarnation, fut conclut que le corps que nostre Seigneur auoit prins au ventre de la vierge Marie, auoit sentiment & ame comme les autres. Toutes lesquelles choses ainsi conuolutes sainctement & veritablement, lesdictz euelques l'en retournerent chacun en son eglise.

Le dixiesme liure

D'Eusebe, & de Hylaire, & comment les eglises furent par eulx restituees à la vraye soy.

Chapitre xx.

A

V despartir dudict concile, estant Eusebe retourné en Antioche, & trouuant que Lucifer (cotre sa promesse) auoit illec ordoné vn euesque, par hon té & par indignation s'en retourna sans communique auec l'vne ne l'autre partie du peuple, pour-

tant que au partir d'eulx leur auoit promis, que en son retour du concile il leur pouruoiroit d'vn euesque qui seroit aggreable à toures les deux parties voyant que celle partie qui auoit suyuy Meletius lors qu'il fut enuoyé en exil, quand il fut apres reuenu ne se voulut point ioindre auec les autres catholiques qui estoyét demourez auec l'euesque Eustace. Duquel nombre estoit Paulin. Ains voulut tenir son conventicule à part. Lesquelz avoit en volunté & esperoit Eusebe reduire à bon accord. Mais voyant qu'il ne pouvoit par ce que Lucifer avoit faict s'éalla. Et apresson partement (estant Meletius reuenu d'exil) tint icelle eglise d'Antioche, pourtant que la plus grande partie du peuple tenoit pour luy. Si fit son concile, & assembla vne grande partie des euesques orientaulx, sans toutes fois y appeller Athanase. Lors voyant Luci fer que Eusebe n'auoit voulu receuoir & approuuer l'euesque que il auoit ordonné audict Antioche, se delibera de ne accepter ne approuuer ce qui auoit esté ordonné au concile d'Alexandrie: mais il y auoit vne difficulté, pource que le messaiger & procureur qu'il y auoit enuoyé pour luy auoit à son nom souscript les decretz dudict concile:dont il demouroit en celle perplexité que fil acceptoit ledict decret, il demouroit frustré de ce qu'il auoit faict, pourtant que Eusebe auoit eu l'auctorité du concile par des sus luy: Et aussi si vouloit refuser la souscription de son procureur, il se condamnoir. Estant adonc en celle perplexité sinablement apres qu'il eut longuement pensé, il accepta ce que auoit faict son vicaire procureur aux autres, mais luy fut d'une opinion differente. Et l'en estant retourné en Sardeine suscita de rechef vne nouuelle scisme & heresie, qui de son no est appellee des Luciferiens. Fut par ce qu'il n'eut le loisir de changer sa mauuaise opinion, pourtant qu'il mourut bien tost apres son retour. Car telles choses ainsi commencees temerairement, se corrigent auec le temps, ou pource qu'il demoura obstiné en icelle. Laquelle

heresie toutesfois n'est pas encores fort respandue & diuulguee. Et au regard de Eusebe au partir d'Antioche il alla visitat le pais d'Asie & aussi l'Italie, faisant l'art de medecine, & l'office de prelat & d'euesque reuocant les eglises qui auoyent esté pollues de l'heresse d'Arrius à la vraye & catholique foy. Aquoy luy fit gran de aide Hilaire qu'il trouua dessa estre reuenu de son exil audict pais d'Italie, lequel tachoit à celle mesme fin: mais il le faisoit d'au tant plus diligemment, & modestement, qu'il estoit homme de sa nature humain & plaisant, & au surplus sçauant, eloquent, & moult abile à persuader. Ainsi qu'il appert par les liures qu'il a faicez de nostre foy, esquelz il a si bien declairé & deschiffré la ma lice des heretiques, l'erreur, deception & simplicité des nostres, qu'il ne corrigeoit pas ceulx ausquelz il parloit tant seulement par sa parolle, mais encores ceulx qui estoyent bien loing par sa doctrine, & par ses escritz. En telle maniere, ces deux hommes, comme deux vraiz & magnifiques luminaires du monde, par la resplendeur & lumiere de leur doctrine, illuminerent & esclarcierét les prouinces d'Ilirie, d'Italie, & des Gaules, tant & si auant qu'ilz chasserent les tenebres des heretiques de tous les coings ou elles estoyent musses.

Des persecutions de l'empereur Iulian: & mesmement contre Athanase: & comme iceluy Athanase se sauua de sa persecution par la grace diume.

Chapitre xIx.

E

N ces entre faictes l'empereur Iulian estant venu au pais d'Orient cotre les Parthes qui luy auoyét commençé la guerre, declaira sa forcenerie qu'il auoit encores celee. C'est qu'il estoit idolatre. Et non pourtant ne voulut pas du commencement

persecuter la religion Chrestienne par tormens & punitions (cóme auoyent faict les autres persecuteurs) mais par autre moyen plus subtil, & plus dangereux. C'est par dons, par promesses, & par honneurs, par auancemens, & par Blandices. Par lesquelz moyés il conuertit vne grande partie à son intention beaucop plutost que si les eust voulu costraindre par les persecutios acoustumees. Car il dessenti que les Chrestiens ne deussent point lire, n'estudier les liures des autheurs qui auoyent esté faictz & compo-

Le dixiesme liure

fez par les Gentilz & Payens: & à ceulx qui les lisoyent aux escoles, dessendit qu'ilz ne deussent en leurs auditoires receuoir sinon ceulx qui adoroyent les dieux & les deesses, dont lesdictz liures parloyent. Il ordonna au surplus, Que les Chrestiens ne sus fent point receuz à la gensdarmerie, & qu'ilz n'eussent aucun office temporel de iudicature criminelle, disant que par leur loy leur estoit dessendu d'vser de glaiue. Et plusieurs autres telles loix s'estudioit tousiours de trouuer cotre eulx: lesquelles iaçoit qu'elles fussent moins cruelles, que les autres des precedens tirans, estoyent neantmoins pleines de grande cautelle & malice: pour estaindre & annichiler indirectement nostre loy. Mais encores ne peut il contenir ne dissimuler satirannie, soubz couleur de sa sainte philosophie, contre Athanase. Car estant à luy ve nu de tous costez grad nobre de magiciens, de philosophes, d'au gures, d'auruspices & diuineurs (tout ainsi que font les serpés qui sortent à gros monceaulx des cauernes de la terre pour la chaleur) luy dirent tous d'vn accord, qu'il ne pourroit venir au chef de ses entreprinses, sil ne faisoit mourir Athanase, qui estoit l'obstacle de tout leur art & religion. Si furent enuoyez derechief, sergens, souldars, & exercites, pour le prendre, & pour persecuter derechief l'eglise catholique. Dont estans les peuples Chrestiens aduertiz, & venans audict Athanase à grans pleurs & larmes, pour le sauuer, leur dit par vn esprit de prophetie: N'ayez point de sou cy ne melencolie de cecy car ce n'est qu'vne petite nuee qui s'euanouira bien tost. Apres se mit en vn petit bateau sur la riuiere du Nil. Dont estant aduerty vn de ceulx qui l'alloit querant pour l'occire, le suyuit à telle diligéce, qu'estant le nauire qu'il menoit iceluy Athanase abbordé à un villaige: il fut aduerty par aucuns passans, de la venue dudict souldart, qui estoit desia si pres que sil ne se hastoit fort, ne pourroit eschapper. Dont ceulx qui estoyent auec luy, furent moult estonnez: & luy conseilloyent qu'il se deut sauuer à toute diligence au desert, qui estoit illec prochain. Lors illeur respondit en telle maniere N'ayez point de peur, mes bos amis: ains allons audeuant de celuy qui me quiert pour m'occire, pour luy donner à cognoistre que ceulx qui nous garde, est plus puissant que celuy qui nous persecute. Si fit tourner son nauire, & tirer droit audeuant dudict souldart. Lequel non pensant iamais que celuy qu'il queroit pour occire, luy vint audeuant: ains que ce fussent autres gens passans, leur demanda en passant: silz sçauoyent nouuelles d'Athanase: par lesquelz luy fut respodu que

-ilz l'auoyent veu n'a gueres bien pres de là, qu'il s'en alloit à bas. Lors il se hasta encores plus à force d'auirous pour l'atteindre, & par ce moyen sut deceu de sa pensee. & le sainct homme par admonnestement de Dieu, s'en retourna en Alexandrie, ou il demoura mussé tant que dura celle persecution.

Comment Iulian ayant commencé à faire martiriser les Chresliens, voyant qu'il n'y gaignoit que honte, cessa: comment il sut occis.

Chapitre XXII.

Celuy Iulian monstra & declaira sa folie & sa bestise en vn autre acte: car ainsi qu'il sacrifioit au dieu Apollo, en vn autre villaige, pres d'Antioche, iouxte vne sontaine, ne trou uat aucun signe aux entrailles des bestes, dot ses auruspices luy sceussent predire ne denocer aucune chose de ce qu'il queroit sçauoir,

leur demanda dont cela pouuoit venir. Lesquelz luy respondiret, que c'estoit à cause du sepulchre du sainct martir Babille, qui estoit illec prochain. Lors sit appeller les Galilees de la cité, (car ain si nommoit il les Chrestiens) & leur commanda qu'ilz deussent oster ledict sepulchre. Auquel commandement s'assembla tout le peuple des Chrestiens, tant petis que grans, & tant masses que femelles en procession, & allerent oster le precieux corps du mar tir du sepulchre ou il estoit, & en grande ioye & solénité le por toyet en la cité chantant hymnes & pseaulmes, & mesmes le pseaulme qui dit : Soyent confonduz ceulx qui adorent les imaiges forgees,& qui se glorifient en leurs idoles. Lesquelles se faisoyent & châtoy et par l'espace de six mille pas aux oreilles du prince mes croyant, à si grande assemblee de l'eglise de celle cité, que l'air retondissoit de leurs chantz: dont il fut si tresindigné, que le iour ensuyuant il commanda que tous les Chrestiens sussent prins & tormentez par diuers supplices. Lequel commandement son prefect nommé Saluste (iaçoit qu'il luy semblat moult desraisonna ble)neantmoins executa pour luy obeir. Et le premier qu'il rencontra, fut vn ieune home nome Theodore: lequel il fit si cruel lement battre par diuers bourreaux, depuis la pointe du iour, iusques bien pres de la nuict, qu'on ne veit iamais vn tel faict. Et

Le dixiesme liure

neatmoins ledict sainct martir estat ainsi attaché & pendu au lieu de la torture, & ayant les bourreaux qui ne cessoyent de le battre de tous coustez, ne faisoit autre chose fors que à vne face ioyeuse. chantoit incessamment le pseaulme, que l'eglise assemblee auoit chanté le iour precedent, faisans la procession. Dont iceluy Salluste voyant que sa cruauté ne profsitoit riens, sit remener celuy ieune homme en la prison: puis s'en alla deuers l'empereur. Et apres qu'il luy eut faconté le cas, luy conseilla qu'il ne s'efforceast point de continuer en celle maniere de faire: car cela redoderoit à la gloire des Chresties, & à sa honte. Nous vismes depuis celuy Theodore en la cité d'Alexadrie: & luy demandasmes sil sentoit grande douleur quand on le battoit ainsi:lequel nous respondit, qu'il n'en sentoit gueres: & qu'il veoit deuant luy vn ieune filz, lequel auec vn linge blac qu'il tenoit en ses mains, luy essuyoit la sueur du visaige: & par plusieurs fois luy bailloit de l'eaue à boire: à quoy il prenoit si grad plaisir, qu'il fut beaucop plus mar ry qu'on le descendoit de la torture, que quand on le battoit. Si se tint l'empereur Iulian pour lors atant, sans proceder plus auant contre les Chresties, fors qu'il les menassa de les guerroyer d'au tre sorte, quand il seroit reuenu auec la victoire du pais de Perse ou il alloit. Toutesfois il n'eut pouvoir de ce faire: car estat en la bataille contre ses ennemis, fut frappé & blecé d'vn coup mortel. Et ne sçait on si ce sut par ses ennemis, ou par ses ges: dont il sina sa vie, apres qu'il eut regné vingt mois tant seulement.

Comment les Iuifz par instigation & permission de l'empereur Iulian, voulans reedisser le temple de Hierusalem, furent miraculeusement empeschez.

M

it miracuieujementempejchez. Chapitre xxt111.

A I S auant qu'il mourust, il vsa dessi grande astuce & malice pour tromper les gens du faict de la soy, qu'il deceut les miserables Iuifz par vaines fantasies, & par solle esperance, ainsi que luy mesmes estoit deceu. Car premierement les sit appeller, &

leur demanda pourquoy ilz ne sacrissoient: attendu que leur loy leur commandoit. A quoy cuidans que Dieu leur eut enuoié l'oc casson pour reedisser leur temple, luy respondirent qu'il ne leur estoit loisible de sacrisser, sinon au temple de Hierusalem, pour tant que leur loy le dessendoit. Aceste cause leur donna l'empereur licence de reparer leur temple: dont ilz vindrent en si grande insolence, que bien leur sembloit il, que Dieu leur eut rendu vn

des prophetes. Si l'assembler et de tous costez pour aduiser le lieu ou le temple auoit iadis esté, qui par feu fut destruict, ayant aucc eulx vn commissaire de l'empereur. Et pour parfaire l'ouuraige; assemblerent grans deniers, tant en commun, qu'en particulier. De ceste faueur estoyent desia les luifz si enorguilliz, qu'ilz menassoyét les maistres fieremet: & les mettoyent en grade crainte. Or estoit en celuy téps Cirillus euesque de Hierusalem, qui auoit fuccede à Maxime: ayans adonc les luifz caué & fouy au lieu des vieulx fondemens du temple, & appresté la matiere pour bastir dessus, deuoyent le jour ensuyuant fonder leur nouuel edifice: mais le bon cuesque considerant le sens de la saincte escripture, tat de Daniel le prophete, que de la prophetie de nostre Sauueur, dont faict mention l'euangile, ne pouuoit penser comment les Iuifz peussent restaurer iceluy temple, duquel auoit esté dit, qu'il n'y demourroit pierre sur pierre. Si aduint celle mesme nuich (dot le lendemain deuoit estre comencé l'ouuraige) que la terre trem bla si asprement, que les pierres des vieulx fondemens du temple, qui estoyent en terre bien parfond, furet iectes dehors. Et d'auan taige, tous les edifices qui estoyét à l'entour, tumber et en ruine: & mesmes les cloistres & porches publiques, ou auoyent esté assemblez les ouuriers en grand nombre, tous ceulx qui estoyent dessoubz: dont le iour venu, ceulx qui cuidoyent estre eschappez du dager, vindret au lieu de la ruine, pour retirer les corps de ceulx qui auoyet esté oppressez. Or y auoit vne maison au bas du tem ple entre les deux porches & cloistres (qui estoyent tumbez) en laquelle lon gardoit les ferremens & autres instrumens pour besoigner en l'edifice de celle maison ainsi que les Juifz estoyét en la place deuant le temple & à l'entour, regard is les ruines, sertit vne slabe de seu tout soubdainemet par plusieurs sois celuy iour, & tournoya autour d'icelle place si violentement, qu'elle occit & brusla plusieurs desdictz Iuifz, dont ilz furent si estonnez, & leur obstination si abbatue, qu'ilz estoyent contrainctz confesser que le Dieu des Chresties estoit le seul vray Dieu. Et à fin que lon ne peut dire que cela estoit aduenu par cas fortuit, la nuict ensuyuat apparut sur les vestemens d'iceulx Juifz, le signe de la croix, si euident, que ceulx qui par leur infidelité le vouloyent ofter, le lendemain ne peurent, pour lauer qu'ilz fissent, l'essacer. A l'occa sion desquelz signes, les luifz & les Payens furent si espouuentez qu'ilz laisserent du tout l'ouuraige qu'ilz auoyent entreprins de restaurer leur temple.

Cy finit le dixiesme liure.

& Cy commence l'vn-

ZIESME LIVRE DE L'HISTOIRE Ecclesiastique.

Je Volunte, & außt de sa religieu-

Chapitre premier.

PR E S la mort de Iulian, vint l'empire ciusse de Iouinian, lequel en vn mesmes temps sur Empereur & confesseur & si deschassa l'erreur que son predecesseur auoit par sa temerité introduit. Car estant l'exercité Romain prochain à celuy des Barbares, les capitaines & principaulx de l'armee soubdainement es-

leurent ledict Iouinian pour leur Empereur. Mais ainsi qu'ilz le tiroyent pour luy bailler les habitz imperiaux, il alloit criant qu'il ne pouvoit estre leur Empereur, pourtant qu'il estoit Chrestien. Lors tous luy respondirent d'vne voix que aussi ilz estoyent, & ia mais ne si voulut consentir, iusques à ce qu'ilz eurent ainsi confes sé tous d'vne voix: à l'occasion duquel faict, sentirent incontinent la grace & vertu diuine sur eulx. Car la ou ilz estoyent encloz des ennemis, tellemét que à peine eussent peu eschapper de leurs mains virent tantost venir les heraulx & messagiers d'iceulx ennemiz deuers eulx, qui estoyent enuoyez pour leur demander la paix, & leur offrir viures, dont ilz estoyent en grande necessité, & toute autre maniere d'humanité. Ayant adonc conclud & accordé la paix auecques eulx pour vingtneuf ans, s'en retourna Io uinian aux prouinces Romaines, & par ainsi se monstra la lumiere à nostre religion du costé de leuant dont elle venoit moult claire & propice. Car il commença à donner ordre à la chose publique pour la remettre en bonne paix, repos, & transquilité apres tant de perturbations & agitations que elle auoit eues, & principallement estoit intentif à la reparation & augmentation des eglises. Et pour ce faire enuoya des messagiers de tous costez pour cercher Athanase, non pas de la sorte que auoit faict Constans, ains pour estre informé de luy en quelle maniere il deuoit proceder audict faict de l'eglise, mais luy estant en ceste bonne

volunté & disposition, apres qu'il eut regné huist mois, sut trop tost rauy par la mort au pais de Cilicie.

De l'empereur Valentinian, & de Valent, de la mort de Athanase, & de la persecution dudict Valent, & de Lucius heretique.

Chapitre 11.



PRES Iouinian, fut esseu Valentinian, lequel auoit esté cassé de la gendarmerie, pour tant qu'il estoit Chrestien. Mais Dieu tint ce qu'il luy auoit promis en l'euangile: car il le recompensa au centuple, pourtat qu'au lieu d'vne place de gédarme qu'il auoit perdu par son seruice, luy bailla l'empire. Il print pour

son collegue & consort audict empire, Valentson frere, auquel bailla les parties d'Orient, & il retint celles d'Occident. Lequel Valent toutesfois suyuant es vsaiges de ses ancestres, fauorisoit la secte des heretiques, tellement qu'il enuoya en exil aucuns euesques, & des prestres & diacres sit torméter iusques au seu, du téps que Tatianus tenoit l'eucsché d' Alexandrie, & par effect vsa beaucoup de cruautez cotre l'eglise: mais ce fut apres la mort d'Athanase, du viuant duquel, iaçoit qu'il exerçat sa tyrannie contre les autres, toutesfois n'osa riens attenter contre luy, comme s'il estoit gardé par la vertu diuine. Lequel apres qu'il eut regison eglise quarantesix ans, & durant iceluy temps soustenu & endure maintes persecutions, & monstré mains exemples de constance & de patience, rendit l'esprit à Dieu. Mais auant qu'il trespassat, estat interrogué qui luy sembloit estre le plus suffisant pour luy succeder en la prelature : nomma Pierre qui auoit esté participant & compaignon de routes ses tribulations: mais Lucius qui estoit en icelle cité euesque de la secte des Arriens, se vint ruer, comme le loup sur le tropeau des brebis, par telle violence que le dict Pierre fut contrainct de l'en fouir sur vn nauire, & l'en alla à Rome. Dont Lucius soy voyant seul, & auoir puissance & faculté d'vser de sa cruauté, en vsa si effrenement contre les catholiques, qu'il ne gardoit aucune forme ne apparence de religion: car à son premier introite, furent vsees plus de violences & choses vilaines aux vierges, conuentes, & religieuses, que iamais lon n'auoit faict

du temps des tyrans. Apres ayant chassé en exilplusieurs citoyés & autres tormétez & occis par diuers supplices, mesmement de feu, tourna sa fureur cotre les monasteres des moines qui estoyét au desert, viuans en solitude iusques au nombre de trois mille & plus, contre lesquelz enuoya vne armee de gensd'armes, tant de pied que de cheual, auecques capitaines, ducz, & chefz de guerre, comme s'ilz sussent ennemis & barbares: mais ilz trouucret vne nouuelle maniere de combattre: car en lieu d'eulx dessendre, ilz leurs presentoyent leurs testes à coupper, sans leur dire autre chose: fors ce que dit nostre Sauueur au traissre Iudas, quand il le baisa: Mon amy à quoy es tu venu?

Des vertus & miracles des sainctz qui estoyent lors au desert.

Chapitre III.

E

N celuy temps y auoit aucuns notables peres abbez desdictz moines au desert, tant par prero gatiue de leur aage, que de leur saincteté: entre lesquelz les principaulx estoyent, Machaire, Isidore, vn autre Machaire, Eraclides, & Pambus

qui auoyent esté disciples du sainct hermite Antoine, au pais de Égypte,& mesmemét en la partie du desert, qui s'appelle Nitrie: lesquelz estoyent de si saincte vie, que lon estimoit qu'ilz eussent plus de conuersation auec les anges, qu'auecques les hommes. Si n'en parle fors ce que i'en ay veu, & ne raconte les gestes, fors de ceulx dont i'ay merité estre compaignon aux passions & persecutions. I ceulx bons peres menoyent seur exercite, non point armez de glaiues materiaux, ains de foy & religion, qui cer choit obtenir la victoire en mourant, & gaigner le royaume des cieulx par l'effusion de leur sang. Et par effect estoyent de si gran de vertu & saincteté, qu'en celuy temps mesmes que Lucius les persecutoit, eulx estans en leurs tugures, & attendans ceulx qui les deuoyent venir occire, leur fut amené vn homme qui auoit esté long temps impotent de tous ses membres, mesmement des piedz, lequel ilz guerirent soudainement, luy disant telles parolles: En nom de Dieu que Lucius persecute, lieue toy sur tes piedz, & t'en va en ta maison : ce qu'il fit, & s'en alloit rendant graces à Dieu, lequel il monstroit par effect, & confessoit de bouche estre auecques lesdictz sainctz peres. Et quelque peu de temps au parauant que ce miracle fut faict, y vint vn aueugle qui requeroit e-

stre mené à la celle de Machaire, laquelle estoit bien trois iournees auant au desert. Mais estant illec amené par grand trauail de ceulx qui le menoyent,n'y trouua point ledict Machaire, dont il fut si desplaisant & courroucé, qu'on ne le pouoit apaiser, soy voy ant auoir failly à trouuer celuy dont il esperoit receuoir guarison. Et neantmoins par vue grade ferueur de foy dit à ceulx qui l'auoyent amené: le vous prie que m'apuyez au costé de la celle ou le bon abbé a accoustumé de soy coucher-ce qu'ilz firent. Et lors gratta des yngles, & arracha yn petit de la terre dont estoit faicte la paroy de ladicte celle, qu'il mit en la paulme de sa main, si demanda qu'on luy apportat vn petit de l'eaue du puis dont ledict abbé bennoit: laquelle luy estant apportec, en mit vn petit en la paulme de la main ou il tenoit la terre, laquelle il detrempa, & en fit vne boue, dont il se frotta ses yeulx, & apres les laua de ladicte eaue du puis. Si recouura incontinent la veue, tellement que sans aide s'en retourna en sa maison. Mais il n'ysa pas de tel le ingratitude que ceulx ausquelz nostre Seigneur auoit par tel moyen rendu la veue, qui s'en allerent sans luy rendre graces, ain si que l'euagile nous tesmoigne. Car il reuint auec toute sa famil le rendre graces à Dieu, & manifester la chose comme elle estoit aduenue. Vne autre chose aduint audict Machaire. Il y auoit vne lionesse qui auoit ses petis lions en vne cauerne, assez pres de la celle ou tugure dudict Machaire, laquelle vint vn iour à luy auec sessible festivities petislionceaux. Si les mit deuant ses piedz, lequel entendant qu'elle demandoit grace pour eulx qui ne voyoyét riens, fit priere à Dieu qui luy pleut rendre la veue, laquelle tout inconti nent ilz recouureret,& l'en retournerent en leur caruerne. Mais tantost apres reuindrent à luy, & pour guerdon du bien qui leur auoit faict, luy apporterent vn tas de peaulx de brebis, & autres be stes qu'ilz auoyent mangees, qu'ilz ietterent deuant sa celle, puis s'en retournerét. Mais si ie vouloye narrer tous les miracles que lesdictz saincts peres ont faictz, ie traspasseroye la briefueté dont i'ay promis vser en ce liure, & mesmes ceste matiere requiert vn traicté apart. Et non pourtant le cruel Lucius sans auoir aucun re gard ne reuerence à leurs vertuz, & œuures miraculeuses, coman da qu'ilz fussent prins secretemét,& menez en vne isse qui estoit entre les maretz d'Egypte, en laquelle il estoit bien informé qu'il n'y auoit aucun Chrestie, à l'occasion dequoy, pensoit que les bos vieillardz non ayans aucuns soulas de compaignie, en moyen de

s'exerciter en la maniere accoustumee, n'y pourroyent gueres vi ure. Si furent menez auec deux chambrieres tant seulement en celuy lieu, auquel auoit yn temple consacré au dieu Serapis, que les habitans auoyent en grande veneration. Estant adonques le nauire (ou ilz estoyent) abordé à celle terre, la fille du prestre d'iceluy temple fut rauie de l'esprit diabolique, & vint en telle raige, qu'elle s'en alloit courant parmy le peuple comme toute forcence, criant iusques au ciel, tournoyant, branlant la teste, brayant & faisant plusieurs autres actes hideux à voir, dont les gens du lieu estoyent moult esbahiz & desplaisans, pourtant mes mement qu'ilz l'auoyent en reuerence, à cause de son pere qui estoit prestre de leur temple. Si l'alloyent suyuant, tant que finable ment elle vint au lieu ou le bateau auquel estoyent les sainctz ab bez, estoit abordé, & tout incontinent soy iettant à leurs piedz, leur dit telles parolles: Pourquoy estes vous icy venuz, o seruiteurs du grand Dieu? pour nous chasser de noz anciens domiciles, & de ce lieu ou nous nous estions retirez, cuidans estre bien mussez?& neantmoins ne nous sommes peu cacher de vous? Or vous laissons nostre ancien logis, & vous remettons le peuple & la terre. En disant lesquelles parolles, les dictz bons peres en incre pant l'esprit d'erreur qui parloit par la bouche de la pucelle, l'en chasserent. Laquelle ainsi deliuree, ensemble ses parens, se mirent à genoux deuant les piedz desdictz apostres de nostre téps. Et eulx voyans vne si grande occasion, prescherent à celuy peuple,par si grade efficace, la foy de nostre seigneur Iesuschrist, que tout de celle heure s'en allerent au temple de Serapis, & de leurs mains propres l'abatirent, & en lieu d'iceluy, firent depuis en bien peu d'heure, vne eglise. Car il n'estoit nul besoing de prendre ter me d'aduis à ceulx qui auoyent veu l'experience de la foy par effect, non point par parolles tant seulement. Lesquelles choses estans rapportees & publiees en la cité d'Alexandrie, Lucius craignant qu'au moyen de ce miracle, ses propres suyuans & complices ne se tournassent contre luy: & voyant clerement qu'il ne faisoit pas la guerre aux hommes tant seulement, mais à Dieu. enuoya des gens en ladicte isle, & fit ramener les sainctz

peres au lieu du desert dont on les

Des persecutions qui se faisoyent es autres lieux, & mesmement en la cité de Edisse.

Chapitre 1111.

V temps que ces choses se faisoyent en Egypte, ne cessoit pas la persecutió en autres plusseurs D lieux, & mesmemét en la cité de Edisse, au pais de Mesopotamie, laquelle cité est decoree des reliques du glorieux apostre saince Thomas.

Car estant l'empereur en icelle, & ayant commandé à son prefect qu'il deut chasser les bons & vrais catholiques (qui y estoyét en moult grand nombre) des eglises, & les voyant apres assemblez en my les champs, en eut si grand despit, & vint en si aigre cholere, (comme lon dit) qu'il frappa ledict prefect du poing sur le visaige, le téçant de ce qu'il ne les auoit du tout chassez, ainsi qu'il auoit comandé. Lequel iaçoit qu'il fut Payé, & ainsi outraigé pour cause des Chrestiens, (comme dit est) toutessois voyant le inhumanité de l'empereur, & qu'il estoit contrainct de les affouler à tort, leur fit à sçauoir la nuict secretement qu'ilz se deussent oster de là, pourtant que le lendemain seroyent mal traictez si on les y trouuoit. Et d'abondant le iour venu s'en vint auec ses ministres, faisant le plus grand bruit qu'il peut pour les espouenter: & par effect tenoit tous les moyens qu'il pouoit pour leur faire le moins de mal qu'il pourroit. Mais non pourtant fut tout esbahy quand il vint sur le lieu, voyant le peuple en moult plus grande afsemblee que le iour precedent & d'auantaige ceulx qui estoyent demourez en la ville, courans de tous coustez pour eulx ioindre auec les autres, comme l'ilz craignassent que les autres ne fussent occis, sans eulx. Et entre autres, en passant par la ville vit vne sem me, laquelle se hastoit si fort d'aller à ladicte assemblee, que sortant de sa maison, n'auoit eu loisir de fermer sa porte, ne de soy accoustrer de ses habillemens, ainsi qu'il estoit de coustume, & si menoit vn sien petit enfant par la main, & alloit si impetueusement contre ledict lieu ou les autres estoyent, qu'en passant parmy la turbe des ministres du prefect, estoyent contrainctz luy fai re place, pour la laisser passer. Voyant laquelle chose iceluy prefect, ne peut plus endurer, ains se fit amener icelle femme, & parla en telle maniere: Ou vas tu si hastiuement, o miserable sem-

Y iij

me? A quoy elle respodit: Ie m'en vois en celuy champ, ou la mul titude des catholiques est assemblee. Et ne sçais tu pas bien (sit il) que le presect s'en y va, pour occire tous ceulx qu'il y trouuer ra? Ie l'ay bien entendu, & à ceste cause me haste d'y aller, à sin que lon m'y trouue auecques les autres. Lors luy demanda encores: Et ou menes tu ce petit enfant? Et elle luy respondit: Ie le me ne là, à sin qu'encores il puisse meriter le martire. Oyant lesquel les parolles ledict presect, comme home saige & modeste, commanda aux ministres qu'ilz se retournassent, & luy mesme sit retourner la litiere surquoy on le portoit au palais, ou estoit l'empe reur. Si luy conta la chose comme elle estoit, & luy dit: Tu me peuz saire mourir s'il te plait? mais ie ne pourroye executer ton commandement en cecy. Et par ce moyen rapaisa la sureur d'i-celuy empereur.

Comment le bon moine Moise est ant requis pour euesque par la roine des Sarrasins, refusa estre consacré par Lucius.

Chapitre v.



N celuy téps que l'eglise estoit troublee par vne slambe de persecution, elle reluisoit encores plus fort, tout ainsi que l'or pur quand il est esprouué dedans le feu. Car la soy des particuliers n'estoit pas cogneue par leurs parolles: mais par leurs exiles & emprisonnemens, pour tant que d'estre vray catholique n'estoit pas

lors reputé à honneur, ains à delict digne de punition: & messement en Alexandrie, ou il n'estoit pas permis d'enseulir les corps d'iceulx catholiques, tant estoit cruelle la persecution de Lucius contre eulx. Durant lequel temps, Manuia royne des Sarrasins vint auec grand exercite aux confins d'Arabie, & de Palestine, & pilla, gasta, & destruisit les villes & citez de celle frontiere, & encores aucunes prouinces contigues. Et si dessit en bataille les exercites Romains, dont vne grand partie surent occiz, & les autres mis en suite, dont ilz surent contrainctz luy requerir la paix. Laquelle ne leur voulut icelle roine accorder, sinon par tel conuenant qu'ilz luy baillassent pour euesque à son peuple vn moine,

nommé Moyse, lequel faisant sa demeure au desert es quartiers prochains à ses pais pour la saincteté de sa vie, & pour la merueille des choses qu'il faisoit, estoit venu à sa cognoissance. Estant adoc celle requeste signifiee à l'Empereur par ses ducz & lieutenans qui auoyent esté vaincuz en bataille par icelle Roine, leur manda qu'ilz luy deussent tout incôtinent enuoyer ledict Moyse. Si l'allerent à toute diligence querir en son hermitaige, & l'amenerent en la cité d'Alexandrie deuat Lucius, lequel tenoit lieu d'arceues que pour estre par luy ordonné & consacré. Mais quand ledict Moyse le veit, dit tout hault en la presence des ducz & capitaines qui l'auoyent illecamené. Seigneurs, ie sçay bien que ne suis pas digne d'estre ordoné en vne si grande dignité que d'euesque:mais toutesfois si lon pense que en moy indigne se doyue accoplir par diuine dispensation quelque bonne œuure, ie proteste & iure par le Dieu du ciel & de la terre, que ne seray iamais consacré par les mains de Lucius, qui sont poilues & maculees du sang des sainctz. Lors Lucius foy voyant ainfireproché & scandalizé en la presence de tant de gens, & de grans personnaiges, luy dit en telle maniere: Pourquoy Moyse condemnes tu ainsi legierement celuy dont tu ignores la foy & coscience? Et si quelcun t'a persuadé autrement de moy que la verité, vueilles auant que me iuger ainsi, ouir ma foy: & lors tu coiras à toymesmes, non pas aux autres. A quoy le bo Moyse luy sit telle respose, ne pense point Lucius m'abuser de tes fallaces,& illusions, comme tu as faict les autres: Car ie suis assez assauante de ta foy, laquelle attestent & tesmoignet plusieurs sainctz hommes seruiteurs de Dieu, que tu as faict con denner à tirer les metaulx, plusieurs euesques enuoyez en exil, & plusieurs prestres & diacres chassez hors les habitacles des Chrestiens, les vns exposez aux bestes, & les autres condemnez au feu. Si ne pourroit estre plus esprouuce la foy que tu me dirois par pa rolles, que celle que lon voit par tes œuures. Car à moy est tout certain que ceulx qui telles choses font, ne sont point vrayz Chre stiens. En telle maniere à sa grade confusion fut constraint iceluy Lucius (pourtant que besoing estoit promptement contenter ladicte Royne pour le bien de la chose publique) de cosentir que le dict Moyse fur consacré par les euesques que iceluy Lucius auoit enuoyé en exil. Lequel estant ainsi consacré & enuoyé à ladicte Roine, par sa vertu & saincteré retint celle nation fiere & barbare en bone paix aucc l'empire Romain,& si la reduisit à la vraye religion Chrestienne.

Y iiij

De Didimus docteur de l'eglise d'Alexandrie, & de ses vertus & science.

Chapitre vI.



V temps encores que la tenebreuse & infecte doctrine de Lucius offusquoit & enuenimoit la cité & le peuple d'Alexandrie. Nostre Sauueur suscita & mist sus comme vne lampe ardente vn nommé Didimus, de la vie & des vertus, duquel pourrant qu'il sut enuoyé (comme nous croyons) par la diuine prouidence à

restaurer la gloire de l'eglise, nous semble necessaire par maniere d'incident, & d'vn petit discours en faire quelque recit. Celuy Didimus estant encores bien ieune, auant qu'il eust aprins aucunes lettres quelconques, par quelque cas perdit la veue. Mais d'autant fut plus ardent & couvoiteux d'aquerir la science de la vraye lumiere. Et iaçoit ce que par art humain n'eust aucun espoir de recouurir la veue, toutesfois soy confiant que ce qui est impossible aux hommes, est tresfacile à Dieu, ne cessoit de luy faire requeste, non pas qui luy rendist la lumiere des yeulx: mais qui luy donnast celle de l'entendement. Et neantmoins auec ses prieres trauailloit continuellement, & ne cessoit d'ouir & d'aprendre : & ce que les autres acqueroyent en le lisant, mettoit peine d'aprendre en oyant. Et quand ceulx qui lisoyent se donnoyent au repos, luy comme vne beste qui ronge & rumine, recommemoroit en lieu de dormir en son entendement ce qu'il auoit ouy, & par ce moyen l'imprimoit si fort en sa fantasse, que cela luy seruoit plus que les liures à ceulx qui les lisoyent. Si vint par longue continuation, à si grande profondité de sciences, tant humaines que divines,qu'il fut esleu par Athanase de son viuant, & par plusieurs autres gras personnaiges docteur & maistre d'escole de l'eglise d' Alexandrie. Car outre l'intelligence qu'il auoit en la saincte escriture, il estoit si parfaict es sciences de philosophie, de geometrie, d'astrologie,& d'arictmetique, qu'il n'y auoit homme qui en aucune d'icelles luy sceust doner tour : ains apres qu'ilz auoyent ouy ses responses & resolutios, le tenoyent pour maistre en celle science. Et si furent plusieurs de sesdictes responses & resolutions par aucuns des philosophes qui auoyent disputé auecques luy, redi-

gees par escrit, dont lon tient encores au jourdhuy bien grand compte, & les a lon en grande admiration. Mais nous qui en auss ouy vne partie de sa bouche, & leu vne autre partie qui auoit esté escrite soubz luy ainsi qu'il la recitoit, au os cogneu en ses parolles vne beaucoup plus grade grace & efficace que n'affiert à humain engin, Iceluy voulant descendre du pais de Thebayde en Alexan drie pour soustenir la foy d'Athanase contre Arrius, voulut auant que passer plus oultre, aller deuers le glorieux abbé S. Antoine, pour auoir de luy conseil & consolation spirituelle, & parlant à luy l'excusoit du voyage soubz couleur de ce qu'il auoit perdu la veue: mais le bon abbé en le consolant & confortant, luy dit en celle maniere: N'aye point de regret Didimus de ce que tu n'as la clarté des yeulx: car icelle est commune autant aux bestes qu'aux hommes: mais soye content & rends graces à Dieu de ce que tu as les yeulx que les anges ont, & par lesquelz lon voit Dieu, à sçauoir la lumière de science qui reluyst en toy.

> Des disciples de sainct Antoine, & autres religieux viuans sainctement, qui estoyent en celuy temps en Egypte, & en Mesopotamie.

Chapitre VII.

A R ce que nous auons dit dessus, peult apparoir que le pais d'Egypte estoit du téps (dont nous parlons) fourny & decoré tant de gens moult sçauans en la philosophie de Dieu, com me aussi d'autres qui demouroyét au desert, lesquelz viuans en purité & sincerité de foy, faisoyent plusieurs signes & miracles, comme

iadis auoyent faict les apostres. Entre lesquelz nous vous raconterons ceulx que nous auons veu de noz yeulx & touchez de la
main, desquelz nous auons merité receuoir la benediction. A sçauoir deux Macaires, dont l'vn se tenoit en la partie superieure du
desert, & l'autre en l'inferieure. Isidore qui se tenoit en Sithions,
Pambus qui demouroit en la contree des celules & tabernacles.
Moyse & Beniamin qui se tenoyent en Nitrie. Sibrion, Helie, &
Paule qui se tenoyent en Apelliote: vn autre Paule qui se tenoit
en Phoce. Pemen & Ioseph qui demouroyent en Pispire, lequel

lieu estoit appellé, le mont d'Antoine. Oultre lesquelz en y auoit plusieurs autres telz & semblables audict desert, ainsi que nous auons esté informez par gens dignes de foy. Tellement que lon pouuoit bien dire la parolle de l'apostre estre accomplie, quand il dit: Que la ou le peché auoit abondé, abondoit encores plus la grace. Car celuy pais d'Egypte (qui tant iadis auoit esté enclin à idolatrie & superstition diabolique) estoit lors remply & garny de vrays seruiteurs de Dieu plus que nul autre. Et si en auoit encores grand nombre de semblables & viuans de la mesme sorte au pais de Mesopotamie. Dont les aucuns nous auons veu en la cité de Edisse & au quartier de Carres. Mais la pluspart n'auons cogneu fors par la relation de gens notables, & dignes de foy-

De Basile, & de Gregoire, euesques au pais de Capadoce. Et des persecutions qu'ilz eurent.

Chapitre vIII.



T si ne sut pas le pais de Capadoce moins fertil de sainctes gens & renommez en la soy en icelle saison, que ceulx d'Egypte, & Mesopotamie (dont nous auons parlé) ains porta deux fruictz encores plus plaisans qu'iceulx, à sçauoir G regoire & Basile. Et neantmoins produisit plusieurs autres saincts hommes, co

me vne terre feconde, & comme vne vigne fructueuse, ou vne oliue nouuelle. Mais ces deux (dont ie parle) reluysoyent entre les autres comme deux luminaires au ciel, parquoy veulx bien raconter quelque peu de leurs faictz qui furent moult grans & dignes de memoire. Et tant ya qu'ilz furent tous deux nobles de lignee, tous deux copaignons aux estudes à Athenes, & illec tous deux ramenez pour estu lier en rhetorique. A laquelle science Bassile s'exercitoit moult voluntiers. Mais Gregoire par plus hault courage la contemna, ayant colloqué son cueur & tout son estude au service de Dieu: & si presuma tant de l'amour qui estoit entre Bassile & luy, que estant iceluy Bassile assis en l'auditoire de son maistre, le vint prencre par la main, & l'enmena au monastere, auquel par l'espace de treze ans (comme lon dit) vaquerent con tinuellement à la lecture des liures de la saincte escriture, sans

en auoir vn seul des sciences mondaines. Et si ne prenoyent pas l'intelligence desdictes sainctes escritures de leur fantasse tant seulement, ains de l'interpretation de leurs ancestres, qu'ilz anovent aprins & retenu le sens & l'interpretation de l'escriture des sainctz apostres. Et principalement se delectoyent à veoir & perseruter les commentaires qui auoyent esté faictz sur les prophetics, pour les bien entédre au sens allegorique & spirituel, come ceulx qui cerchent le tresor caché en potz de terre. Mais culx estans desia suffisamment instruictz en la science de Dieu, furent par diuine dispensation appellez pour instruire les peuples, en diuerses saçons l'vn de l'autre, combien que tous deux à vn mesme ouuraige. Car Basile s'en alla par les citez & regions du pais de Pont, reueillant & stimulant par remostrances & preschemens, les cueurs des peuples, & paisans refroydis & negligens. Et qui peu pensoyent à la vie eternelle. Si les contreingnit à culx releuer de celle paresse & negligence ou ilz auoyent loguement este endurcis, & à penser aux choses spirituelles en delaissant la trop affectee cogitation des choses terriennes, d'eulx assembler pour le seruice de Dieu, de faire des eglises, de vaquer à pseaulmes, hymnes, & oraifons, d'auoir cure des prouinces, & de leur faire habitations, & fournir choses necessaires pour leur vie,& aussi de faire monasteres de vierges, esquelz elles vesquissent cha stement, & deuotement: de sorte qu'en peu de téps tout celuy pais se monstra d'vne autre sorte qu'il n'estoit au parauant, tout ainsi qu'vn champ, lequel estant en friche & desert, est reduit à cultus re,qui raporte le fruict en grande abondance. Mais au regard de Gregoire il ne vouloit point ietter sa seméce sur les pierres, n'entre les espines, ains en la terre de son cueur qui estoit sertile, cultiuoit & labouroit sans cesser par continuelles exercitations de vertu & de deuotió, dont il proffitoit plus en foy mesmes que Ba file ne faisoit aux autres. Car la ou celuy estoit occupé à receuoir les biens que ceulx qu'il auoit induitz à renoncer au monde, apportoyent deuant ses piedz & à les despartir aux pauures selon leur besoing. Cestuy soy contenant du sacrement de pauureté, & de n'auoir riens, & posseder toutes choses, n'estoit auaricieux fors des richesses de sapience, desquelles seules estoit connoiteux. Et là ou celuy estoit ententif à faire assembler les gens, & subuenir les vns aux autres en toute charité, cestuy cy estant deliuré de tous autres empeschemens, enseignoit & preschoit la doctrine de l'apostre (disant) le veulx que vous soyez tous sans soucy. Et

en autre lieu dit, le seigneur est prochain pour venir, ne vous souciez de riens fort de l'attendre comme bos seruiteurs quand il reuiendra des noces. Celuy au surplus estoit ententif à vser de mise ricorde enuers ceulx qui auoyent delinqué & peché. Cestuy cy a gardé par sa doctrine diuine qu'ilz ne pechassent, leur remostrant le dagier qui est de soy releuer apres que lo est tobé. Celuy estoit feur en la foy, & cestuy plus frac en sa predicatió, celuy estoit huble enuers Dieu, & cestuy cy encores enuers les homes, celuy repre noit & chastioit les arrogas par cotennement, & cestuy cy par rai son. En telle maniere la grace diuine accoplissoit en tous deux vn mesme ouuraige de persectió: tatot apres aduint que Basile estat faict euesque de Cesaree, au pais de Capadoce, estoit corrainct par l'épereur Valét de s'é aller en exil pour la foy catholig, si fut amené deuat le prefect seat à son tribunal, legs (ainsi q est la coustume de celuy office) luy fit premieremet de grans menaces sil ne obeis soit au comandement de l'empereur. Mais luy sans aucune crain cte tout asseuremet & constament fit telle respose: Pleust à Dieuque i'eusse quelque chose suffisante & conuenable pour remunerer cestuy cy qui me veult si tost deliurer de la misere du monde. Et apres luy estant (par le prefect) donne la nuict ensuyuant pour deliberer en son affaire, respodit derechief en telle maniere: Au regard de moy, ie seray bien demain tout tel que ie suis: & pleust à Dieu que tu ne te changeasse point. Si aduint que celle mesme nuict la femme de l'empereur fut si trauaillee de griefues douleurs, come si on l'eust tormentee & battue par tout le corps & vn seul enfant qu'ilz auoyent, mourut pour punition de leur peché, comme il est à croire dont eulx craignans que la punition ne tombast sur leurs personnes (comme il estoit plus raisonnable que sur leur enfant)enuoyerent deuant qui fust iour deuers Basile, le requerir qu'il voulsist prier pour eulx. Dont il aduint que iacoit que Valét chassat tous les euesques catholiques, il permit tou tesfois à Basile tat qu'il vesquit perseuerer en son eglise en la com munion des vraiz Chrestiens. Au regard de Gregoire estant esleu euesque en la cité de Nazause au lieu de son pere, il supporta ver tueusement & patiemment le trouble que luy faisoyent les heretiques. Et apres que la paix fut rendue aux eglises, estat requis de venir à Constantinoble pour enseigner l'eglise, ne le resusa point, ains y estant venu, profita si grandement en reduisant celuy peuple qui auoit tant esté infecté par la peruerse doctrine des here-

tiques, qui leur sembloit n'auoir iamais esté Chrestiens iusques à lors, & qu'ilz voyent la nouuelle lumiere de verité en voyant ledict sainct homme, lequel leur enseignoit le chemin de toute religion, autant par bons exéples, que par doctrines. Car il ne com mandoit riens à ses disciples, qu'il ne sit le premier. Mais apres que la gloire du bon euesque sut conuertie en enuie, aucus soubz couleur de certaines loix, commécerent à traicter que lon le renuoyast en son euesché: & que vn autre fust ordonné euesque à Constantinoble en son lieu. Laquelle practique estant venue à sa cognoissance dit aux gens de l'eglise en telle maniere: A Dieu ne plaise que pour moy vienne aucune dissention entre les prestres de Dieu. Si c'este tempeste est venue pour moy, ie vous prie que me prenez & iettez dedans la mer: à fin que demourez en paix. Si l'en partit à tant de la cité. & l'en retourna en son eglise de Na zause, ou il fina le remanant de ses iours. Et pourtant qu'il estoit desia vieil, & cassé, esseut son successeur luy mesmes: à fin que par iceluy fust supply au gouuernement de l'eglise ce qu'il ne pouuoit faire pour raison de sa vieillesse, & debilité, & qu'il se peust ormais reposer en celle derniere partie de son aage. Outre les cho ses que nous auons dit dessus desdictz deux grans docteurs & mi rouers de l'eglise, lon trouue encores plusieurs tesmoignages de leur science, & grand entendement, par plusieurs liures & traictez qu'ilz ont coposé: desquelz nousmesmes auons translaté de Grec en Latin, enuiron dix oraisons & sermons d'vn chacun d'eux. Et fil plait à Dieu, & nous ayons le temps, translaterons encores ce que Basile a escript de la vie & reigle des moines. Lequel eut au surplus deux freres, l'vn nommé Gregoire: & l'autre Pierre. Dot l'vn ensuyuoit si bien son frere Basile es parolles de doctrine,& l'autre es œuures de la foy, que chacun d'eulx representoit asfez & Basile & Gregoire. Et trouue lon encores aucuns petitz traictez d'iceluy Gregoire Iouuergneur, qui sont pleins de doctri ne. Et c'est assez quant à cecy.

> Des persecutions que faisoyent les heretiques es parties d'Orient, de l'estat de l'eglise occidentale en celuy temps, & de l'election de Damase, à Rome, & d'Ambroise à Milan.

> > Chapitre 1x.

V teps que l'eglise Orientale estoit persecutee par l'Empereur Valent (ainsi que nous auons dit dessus) l'eglise Occidentale estoit en paix soubz l'empire

de Valentinian, lequel gouvernoit l'estat de la chose publiquese lon les anciennes loix Romaines. De celuy temps Damasus ayat esté esseu canoniquement euesque de Rome au lieu de Tiberius, y eut vn des diacres dicelle eglise (nomé Vrsin) lequel non pou uant endurer d'estre subiect audiet Damasus, vint en vne si grande forcenerie, qu'il se sit assembler une tourbe de gens sedicieux en l'eglise, qui estoit appellee de sainct Sauinian, & aussi y sit venir yn euesque assez ignorant, & ferial, & illec par sedition populaire(sans garder aucune forme de droit)se sit essire, dont s'en en suyuit vne si grande diuision & guerre entre les citoyens, qui estoyent diuisez en deux bandes, chascune deffendant le sien, que les eglises & oratoires estoyent remplies & maculees de sang humain. Laquelle chose parla faction de Maximin presect de Rome, homme cruel qui tenoit la partie de Vrsin, fut tourné sur le bon euesque Damasus, & sur ceulx de sa suite, tant & si auant que lon procedoit iusques à gehéner les clercz. Mais Dieu qui est pro tecteur des innocens, y mist sa main, & convertit la punition sur ceulx qui machinoyent la malice. En celle mesme saison estant decedé en la cité de Milan l'euesque Auxétin(qui estoit de la se-Ete des Arriens) se leua vne si grande sedition emmy le peuple pour l'election du futur euesque, entre les Arriens & les catholiques que le dangier estoit moult apparent de venir à vn grant inconuenient, laquelle des deux parties eust obtenu l'election. Or estoit pour l'heure adiuteur & lieutenant du proconsul, Ambroise citoyen de Rome, lequel entendant celle noise, pour raison de son office s'en alla diligemment à l'eglise ou le peuple estoit tout assemblé. Et apres qu'il eut faict plusieurs belles remon strances, pour reduire iceluy peuple à concorde, se leua soudainement vne voix vniuerselle & concordante emmy iceluy peuple, qu'il failloit baptizer Ambroise, lequel encores estoit cathecumin, & apres le consacrer en euesque, & qui n'y auoit autre moy en pour reduire le peuple à vne foy,& concorde. Aquoy iceluy Ambroise ne se voulut consentir. Mais neatmoins estant la chose fignifiee à l'empereur, luy manda qui le deust accepter. Disant que cela estoit venu par dispositió divine, que le peuple qui estoit en si grant discort soubdainement se fut conuenu en celuy Ambroise. Lequel par ce moyen fut auec la grace de nostre Seigneur en peu de temps ordonné & consacré.

De la mort de Valentinian, & de Valent, & de Gratian: & de la guerre des Gotz: & comment Theodore fut par Gratian prins pour confort à l'empire.

Chapitre x.

N ces entrefaictes estant Valentinian l'empereur par ty du pais de Gaule, pour aller faire la guerre contre les Sarmathes, quand il fut au pais d'Hyrie, fut surprins d'vne grosse maladie, de laquelle sina savie: & laissa deux enfans: à sçauoir Gratian l'aisné, qui dessa

estoit faict Auguste: & Valentinian, lequel à cause de sa ieunesse n'auoit encores point eu de tiltre royal. Et neantmoins pour obuier aux entreprinses de ceulx qui taschoyent à occuper l'empire, comme vacat, fut besoing luy bailler le tiltre & les enseignes d'empereur, en l'absence de son frere, soubz la coduicte de Probus le prefect, qui gouuernoit pour les affaires, saigement & loya lement. Duquel temps, aux parties d'Orient la nation des Gotz estat chassee de son pais, entra en grosse puissance en toute la pro uince de Trace: & par force print, brussa & gasta inhumainemét plusieurs citez, villes & contrees. A l'occasion dequoy, l'empereur Valent fut contrainct de soy desister de la persecution qu'il faifoit contre les catholiques: & conuertit ses armes contre les ennemis. Et combien que trop à tard, de faire rappeller les euesques (qu'il auoit chassez en exil) & les moines (qu'il auoit enuoyé à fouir les metaulx) Mais neantmoins estant par les ennemis prins en vne metairie (aux champs) ou il se estoit retire, apres qu'il eut perdu la bataille, receut la punition telle que ses œuures meritoyent. Car il fut brussé par culx tout vif, apres qu'il eut regné tant auec son frere pre micrement, que apres, auec ses neueux l'es pace de treize ans: laquelle bataille fut le comencement des gras maulx que l'empire Romain soustint encores. Estant adonc Valent occis(comme dit est) Gratian& son frere encores bien ieunes prindrent l'empire d'Orient auec celuy d'Occident. Or estoit celuy Gratian entre tous les empereurs qui auoyent esté au parau**at** le plus religieux & deuot. Et neantmoins vaillant aux armes, agile,& à destre de son corps,& de moult bon entendement. Mais pour cause de son ieune aage, estoit plus guay qu'ilz ne luy eust

esté besoing, & plus honteux que ne requeroit l'affaire de la chose publique. A ceste cause voyant qu'il y auoit vn vaillant duc & capitaine nommé Theodore, homme aagé, & considerant les grans affaires qu'il auoit, & que deux peuuent plus qu'vn, esseut iceluy Theodore pour son consort & collegue à l'empire Oriental, & retint l'Occidétal pour luy & pour son frere. Mais apres que il eut faict plusieurs grades choses & religieuses, sut occis plus par trahison des siens, que par force des ennemis, en la cité de Lion, par vn capitaine nommé Andragatin, en faueur de Maximin qui auoit vsurpé la tyrannie au quartier d'Angleterre.

Comment le ieune Valentinian à l'apetit de Iustine sa mere persecuta les eues ques catholiques: & comment apres sa mort, par le moyen de Theodore, cessa la persecution.

Chapitre XI.

VAN D le ieune Valentinian (qui se tenoit en Italie) eut les nouuelles de la mort de Gra tian son frere, luy estat per simulation & troperie presentee la paix par Maximin, sut con trainct pour la craincte ou il estoit, de l'accepter par simulation aussi: & ce pendant Iustine sa mere (laquelle estoit insectee de l'here-


sie Arrienne, ce que toutessois elle auoit celé du viuant de son mary) persuada facilement à son dict filz, ce qu'elle voulut touchant cela. Estant adonc en la cité de Milan, commança à troubler grandement l'estat des eglises, & menasser les euesques catholiques de les enuoyer en exil, silz ne reuoquoyent les decretz du concile d'Ariminy, par lesquelz auoit esté confermee la conclusion du concile de Nicene touchant la soy. Et principallement menassoit Ambroise euesque de Milan, pourtant que c'estoit la vraye muraille & bourleuard de soy & de reigle catholique, & ne laissoit practique ne menasse à faire pour le peruertir. Mais ainsi comme le combat que'lle faisoit, estoit semblable & de la sorte que celuy que iadis sit Ambroise, resistoit par la grace d'Helie la crulle Iesabel contre le prophete Helie, tout ainsi Ambroise re-sistoit par la vertu & par la grace d'Helie. Et premierement ladi

&e Iustine faisoit caqueter, & faire grand bruit par les eglises pour troubler le seruice:apres concitoit & stimuloit les peuples à dissention. Et quand elle veit ne pouuoir par ce moyen venir à son intention, soy reputant par ce estre iniuriee, en sit ses plaintes enuers son filz: lequel à la persuasion de sa mere, pensant qu'elle fut oultragee, enuoya vne grosse bende de souldars, à l'eglise: lesquelz rompirent les portes, & troublerent tout le service : & si prindrent l'euesque Ambroise & l'emmenerent au ieune Empereur: lequel commanda incontinent qu'il fut enuoyé en exil. Mais le peuple eut si grande constance, qu'ilz aimoyent mieulx tousperdre la vie, que d'estre priuez de leur bon pasteur. Ce pen dant furent enuoyez les editz imperiaulx contre les euesques, prestres & diacres catholiques, à Beneuolus (qui lors estoit chancelier)pour les faire publier. Mais luy qui des le temps de sa ieunesse auoit esté instruict en la foy catholique, sit response qu'il ne pourroit proferer telles parolles detestables, & contre Dieu. Quoy voyat la roine, pour non demourer frustree de son enten te, luy fit promettre autre office & estat plus honorable, s'il executoit lesdictz mademés. A quoy luy qui distroit plus eitre esseué & honoré de foy que d'office, sit response: Pourneant me prome-Etez plus grad office que ie n'ay pour faire vne chose si meschan te: mais ostez moy encores celuy que i'ay, car de bo cueur le vous quitte pour garder ma conscience entiere. En disant lesquelles parolles, ietta sa saincture qu'il portoit, pour enseigner qu'il se de mettoit de son office, deuant les piedz de ceulx qui le pressoyent de faire ladicte publication. Au regard d'Ambroise, il ne se deffendoit pas contre la fureur de la roine, de glaiues ne d'armes: ains continuellement estoit en oraison au pied de l'autel, priant Dieu qui luy fut en aide à la dessension de la foy. Si aduint en ces entrefaictes que la cruelle Iustine machinoit par diuers moyens d'executer son peruers vouloir, que Maxime qui desiroit fort de purger le nom de tyrant qu'il auoit, & obtenir le tiltre de iuste prince, escriuit des lettres en Italie, par lesquelles il remostroit les edictzs imperiaulx, par lesquelz estoyent violez & subuertiz les statuz de la foy catholique, estre pernicieux & abominables, & sur ceste couleur s'en venoit approchant tousiours de l'Italie, auecques grosse puissance. Pour raison dequoy, la roine infidele craignat sa venue, & stimulee de sa conscience, s'en alla auecques son filz en l'exil qu'elle preparoit aux bons euesques. Mais The

dore ayant memoire de l'honneur que luy auoit faict Gratian, le faisant son collegue & consort en l'empire, & pour garder sa loyauté, l'en vint auec toute la puissance de l'empire Oriental, pour véger la mort d'iceluy Gratian. Ce qu'il sit moult glorieusemét, & apres restitua le ieune Valentinian en l'empire d'Occident, lequel il reprint par son moyen, ensemble la soy catholique. Estant en ces entrefaictes decedee la cruelle Iustine sa mere & cela faict apres que Theodore eut esté receu en grand triumphe à Rome, s'en retourna en son empire d'Orient.

De la penitence publique que sit Theodore, & comment il restitua l'eglise catholique es parties d'Orient.

Chapitre XII.



peuple il dissimula son regret: & quelques iours apres ayat faict assembler le peuple pour voir des ieux qu'il faisoit faire, sit iceluy peuple (qui estoit sans armes) enuironner de ses souldars, & apres commanda qu'ilz occissent tout tant qu'il trouueroyent deuant eulx, faisant par ce moyen la vengeace selon sa fureur, non point selon le delict. Duquel messaict estant reprins par les prelatz de Italie, recogneut son peché, & à grande essusion de larmes sit pe nitence publique en l'eglise deuant chascun. Et sans auoir regard à sa dignité imperiale, accomplit la penitence qui luy fut enioincte par le temps qui luy fut ordonné. Et d'abodant pour plus am ple satisfaction, fit vne loy, par laquelle est mandé aux iuges & officiers inferieurs de l'empire, que quand par l'empereur leur est commandé faire aucune execution corporelle: ilz la tiennent en sourceance par trente iours, en attendant si le prince (pendant le temps) vsera de misericorde, ou si se rauisera. Apres cela s'en estant retourné es parties Orientales, en ensuyuant ce qu'il auoit commencé, auant qu'il partit, r'appella & fit reuenir tous les pre-

latz catholiques qui anoyent esté enuoyez en exil, & remettre en leurs eglises, sans vser d'autre vengeance contre leurs persecutions par sa grande modestie. Car bien luy sembloit que ce leur estoit assez qu'ilz peussent sans aucun empeschement prescher la vraye foy. Et si se monstroit au surplus commun enuers tous les euesques, liberal, religieux, & benin enuers toutes gens: facile & courtois à donner audience sans aucune difficulté, ne cerimonie imperiale. Et furent par son enhortement, & aussi par sa liberalité plusieurs eglises basties & aornees en grande magnificence. Il donnoit souvent à ceulx qui luy demandoyent, Mais plus souuent sans qu'on luy demandat. Et qui plus est à louer, l'idolatrie la quelle du temps de Constantin, & par ses edictz, auoit commencé estre delaissee & destruicte du temps de son empire, fut totallemét esteinte, & abolie. Pour raison desquelz merites, il obtit gra ce speciale de Dieu. C'est qu'estant es parties de Thebaide en Egypte, il fut cause qu'vn moine, nommé Ieha, fut remply d'esprit de prophetie. Car en luy demandant lequel estoit le mieulx, de faire la guerre, ou d'entretenir la paix? Il luy en dit par esprit pro phetique ce qui luy en aduint depuis.

De l'heresie d'Apolinaire, & comment elle fut condamnee.

Chapitre XIII.

N celuy temps en la cité de Laodice, au pais de Syrie, estoit vn euesque nommé Apolinaire, hôme sçauant, mais côtentieux en ses opinions. Car quelque chose que lon dir, il vouloit pour monstrer son engin, & son sça uoir, sustenir le côtraire. Au moyen dequoy il vint par sa vaine gloire & opinia-

strie en vne heresie, qu'il disoit : Que nostre seigneur Iesuschrist par son incarnation auoit prins le corps humain tant seullement, non point l'ame. Et apres voyant que celle erreur estoit conuaincue par plusieurs passages de l'euangile, mesmement là ou nostre sauuer Iesuschrist dir qu'il auoit pouoir de mettre son ame quand il voudroit, & de la reprendre, quand il voudroit. Et en vn autre lieu ou il dit: Que son ame estoit triste iusques à la mort. Chagea d'opinion, & cosessa que voiremet il auoit eu ame.

Mais pour non demourer du tout vaincu, disoit: Qu'il ne l'auoit point eu en celle qualité ou proprieté qu'elle est raisonnable, & capable de raison. Mais en celle tant seulement, qu'elle donne vie au corps, disant que la diuinité supplioit ce qu'appartenoit à l'en tendement, & à la raison: laquelle opinion sut premierement reprouuee au concile qui fut tenu à Rome, par Damasus, & par Pierre euesque d'Alexandrie. Lesquelz firent vne declaration de tel le substance. Que quiconques diroit que le filz de Dieu n'eut esté entierement & parfaictement homme, ainsi qu'il estoit parfaicte ment& entierement Dieu,& qu'il luy eut failly quelque chose de vrave humanité ou diuinité, fut excommunié, & mis hors de la comunion de l'eglise. Laquelle sentence fur confermee par le concile qui fut tenu en Alexandrie: & apres par celuy qui fut tenu en Constantinoble. Pour raison dequoy les Apolinaristes suy uans celle heresie, & soy voyans excluz de l'eglise catholique, ont leurs eue sques, leurs eglises, & leurs doctrines à part, par lesquel. les se parforçoyent de dessendre leur erreur.

Des euesques qui furent de celuy temps d Rome, es parties d'Orient.

Chapitre XIIII.



N celle saison en la cité de Rome, apres la mort de Damasus, sut esseu euesque Siricius. En Alexandrie apres la mort de Pierre sut Thimotheus: & apres luy Theophilus en Hie rusalem. A Cirilus succeda Iehan. Et en Antio che à Meletius succeda Flauianus. Mais pour tat que Paulin qui auoit toussours tenu la foy

catholique estoit encores en vie, y eut maintes dissentions en icel le eglise, sans toutes sois qu'il vint aucune violence d'vn costé ne d'autre, pourtant qu'il n'estoit plus question de la soy. Mais tant seulement furent faictes plusieurs diligences, tat par mer que par terre, d'vn costé & d'autre. Et si ne si peut trouuer aucun moyen d'appoinctement. Le semblable aduint en la cité de Tyre, en laquelle estant ordonné en euesque, par le tesmoignage d'Athanase, Diodore qui estoit home ancie & vray catholique, & qui auoit faict experièce de sa soy au temps des persecutions, sut sans auoir

regard à sa vertu & modessie, esseu vn autre du party de Meletius. Et semblable consussion se trouuoit en plusieurs autres eglises d'Orient, aduenues par la contention des euesques. En Constantinoble Nectarius lequel estant prescheur de la cité, s'estoit faict catheciser, & tantost apres baptiser, sut esseu euesque.

De la sedition que fut en la cité d'Alexandrie entre les Chrestiens & les Payens.

Chapitre xv.

E ce mesme temps se leua nouuelle sedition contre l'eglise en Alexandrie (iaçoit que le temps sut moult à ce mal disposé) laquelle aduint par vne occasion. Il y auoit en la cité vne vieille eglise, assez sumptueusement bastie, toute destituee: laquelle Constans l'empereur (ainsi comme lon dit) auoit donne

aux euesques qui tenoyent sa secte Arrienne. Et pourtat qu'elle auoit esté par si long temps inhabitee, qu'il n'y auoit plus riens en tour que les murailles: leuesque qui pour lors estoit, requit l'empereur qui la luy voulsit donner : à fin qu'ainsi comme le peuple Chrestien croissoit, creussent aussi les eglises & oratoires. Ce que l'empereur luy accorda facilement:mais ainsi qui la vouloit rebastir, furet trouuez aucuns lieux subterrains en icelle, qui estoyét plus conuenables pour brigans & larrecins, que pour prestres, & pour faire le seruice de Dieu. A l'occasion dequoy, les Payens voyans que par ce moyen estoyent descouuers les secretz & latibules de leurs crimes, & deceptions, qui auoyent esté celez & incogneuz par si long temps, ne le peuret endurer. Ains comenceret à crier & murmurer comme tous enragez, & comme s'ilz eussent beu le venin d'vn dragon. Et non contens des parolles, vindrent à prendre les armes contre les Chrestiens, dont par plu sieurs fois vindrent à grans debatz & seditions, de plein iour en my la ville, les vns contre les autres, comme s'il y eut guerre ouuerte. Et iaçoit que les nostres fussent beaucoup plus puissans en nombre, toutes fois pourtant qu'ilz est oyent plus modestes (à cau se de nostre religion) aduenoit bien souuent qu'en iceulx conflictz en y auoit plusieurs de blessez & quelqu'vns de mors. Et

quad iceulx Payens auoyent cela faict, se retiroyent en celuy tem ple côme en vn lieu de forteresse, auquel lieu entrans les Payens parforce prenoyent aucuns des nostres, & alumant les feuz deuant les autelz, les contreignoyent sacrifier à leur mode: & ceulx qui estoyent refusans de ce faire, faisoyent mourir par diuers tor mens. Les vns pendoyent par la gorge, & les autres apres qu'ilz leur auoyent rompu les cuysses, iettoyent dedans des grandes fosses, qui auoyent esté faictes anciennement pour ietter le sang, & les autres immundices des bestes que lon sacrifioit. Ces choses faisoyent les Payens presques tous les iours du commencement en crainte, & apres audacieusement, comme gens desesperez. Et quand ilz estoyent rechassez, se retiroyent dedans iceluy temple, lequel ilz auoyent fourny de viures qu'ilz rauissoyét de tous coustez. Finablement croissant leur audace, eleuerent vn chef d'entre eulx, nommé Olimpus: lequel estoit philosophe de nom & d'habillemens tant seullement, faisant par ce moy en tous exploitz de guerre comme en temps d'hostilité: desquelz exces estansles officiers de la cité aduertiz & grandement esmeuz, apres que la chose eut duré par aucuns iours, l'en vindrent audict temple pour enquerir la cause de telle noise, & qui mouuoit ceulx qui estoyet dedans, de faire telz insultes & homicides. Mais iceulx malfaicteurs sans respondre aucune chose que lon sceust entendre, ne rendre aucune raison de leur faict, crierent à voix confuses & en tourbe. Quoy voyant les officiers, enuoyerent des gens deuers eulx, pour leur remonstrer l'esclandre qu'ilz faisoyent en la cité,& le mespris qu'ilz faisoyent à la iustice:& aussi le mal qui leur en pourroit aduenir, silz ne s'en desistoyét. Mais voyás qu'ilz ne proffitoyent tiens par ce moyen: & aussi que le lieu estoit si for tissé, qu'ilz ne les pourroyent illec prendre sans assembler grosse puissance, en aduertirent l'empereur: lequel estant pour sa cleméce naturelle plus enclin à misericorde qu'à punition, manda que les Chrestiens qui auoyent par l'essusion de leur sang deuant les autelz des Payens esté martirs, on n'en fit aucune punition, pour tant que la gloire de leur martire surmontoit grandement la dou leur de leur mort : mais que lon deuoit pour l'aduenir estaïdre & oster l'occasion de leur disserent, qui estoit à cause de leurs temples & idoles qu'ilz vouloyent deffendre: lesquelles oftees, cesseroit le different. Estant adonc venu le rescrit imperial en la cité, tout le peuple d'yne part & d'autre, s'assembla au temple de Serapis pour ouir le contenu d'iceluy, comme silz auoyent prins tre ues ensemble pour quelque temps. Et desque la premiere pagine de l'edict imperial sur leue, en laquelle estoit saicte mention & presupposé que la superstition des Payens estoit vaine, & damnable, noz gens commencerent à crier & eulx remuer de ioye: & les Payens à baisser les yeulx comme gens estonnez, & à cercher quelque lieu secret pour eulx ensuir, & musser: & les aucuns se messoyent parmy les nostres le plus couvertement qu'ilz pou-uoyent, à sin qu'ilz ne seussent apperceuz: en maniere que lon co gnoissoit euidemment que pour la presence de Dieu, qui estoit auec les nostres, & leur donnoit couraige, la fureur du diable, qui auoit au parauant aueuglé les autres, estoit chasse.

De la forme & magnificence du temple de Serapis, en la cité d'Alexandrie.

Chapitre xvI.

E presuppose que plusieurs gés ont veu le tem ple de Serapis qui estoit en la cité d'Alexádrie. au moins qu'il n'est home qui n'en ait ouy parler. Il est esseué de terre par industrie, tellemét que lon y monte par plus de cent degrez, grad au surplus & spacieux de tous costez en carreure, tout saict de gros quartiers de pierre bié tail

lez,& tout le bas qui est en montee iusques au paué,& plain d'iceluy, estoit faict en voulte, en maniere qu'il y auoit grant nombre de cloistres & de lieux secretz, qui respondoyent les vas aux
autres, iusques au dessus ou estoyent les seaestraiges. Lesquelz
cloistres & lieux secretz servoyent à plusieurs & divers misteres
occultes, que lon faisoit en iceluy téple. Au plain duquel lieu y auoit tout à l'entour du temple par le dehors des hales, & estaux de
bois, & apres plusieurs maisons haultes & magnisques esquellesse
tenoyent ceulx qui auoyent la garde du temple, & autres gens
qui gardoyent chasteté. Apres lesquelles maisons & entre icelles,
& le corps principal du temple y auoit de grans cloistres & galeries qui l'enuironnoyent tout à l'entour en carré, & au milieu
d'iceulx cloistres estoit la nef du temple, dont les murailles par le
dehors estoyent toutes de sin marbre, & le dedans estoit souste-

nu de grans pilliers riches, & bien ouurez à merueilles. Dedans icelle nef estoit au bout la statue de Serapis, si grande, que de la main dextre tenoit l'une des murailles de la nef, & l'autre de la gauche. Et auoit celuy monstre esté coposé & forgé de toutes manieres de bois & de metaulx. Et le dedans du corps estoit premierement de lames d'or, dessus lesquelles en y auoit d'autres d'argét: & encores dessus l'argent, en y auoit de cuyure, à fin q les plus precieux metaulx fusient couuers par le plus vil. Il auoit au surplus certaines choses faictes par grant artifice, qui sembloyét miraculeuses, pour rendre les regardas, admiratifz & esbahiz. Et entre autres y auoit vne petite senestre du costé du Soleil leuant si bien appropriee que vn iour nommé, qu'ilz disoyent que le soleil venoit en celuy lieu pour saluer le Dieu Serapis, les prestres du temple tenoyent les portes fermees iusques à l'heure que la raye du Soleil frappoit contre la petite fenestre, tellement que quandilz ouuroyent le temple au peuple, & qu'il regardoit soudainemet ladicte statue ilz luy voyoyent la bouche & le visaige il luminez par les rayes du Soleil, de sorte qu'il sembloit que le Soleil fut venu baiser ledict Serapis à la venue du peuple. Vn autre frauduleux artifice y auoit. Lon dit que l'aimant est de telle nature, qu'il tire à soy le fer. Or auoyét ilz faict vn Soleil de fer bien subril & delié, qui estoit droictement sur la teste de la statue, & au dessus de la voulte du temple. Tout à l'endroit y auoit de ladicte pierre d'aimant posee & assise si egalement, & par si bonne proportion, qu'il tiroit de tous costez les rayes d'iceluy Soleil qui estoit de fer doré par dessus, de sorte qu'il s'esseuoit vn petit en l'air. Et à fin que on ne le veit apres tomber, les ministres de ceste illusion, apres qu'il estoit vn petit esleué en hault, disoyent au peu ple: Le Soleil s'en remonte pour s'en retourner en son lieu apres qu'il a salué nostre Dieu Serapis, & en telle maniere renuoyoyét

le peuple en celle fole creance:qui'l cuidoit qu'il fut vray. Plusieurs autres artifices auoyent anciennement esté illec appliquez, pour abuser & deceuoir le peuple, qui seroit long à raconter.

Comment la statue de Serapis sut abattue, & de la naissance & superstituon d'icelle.

Chapitre XVII.



STANT adonc publié l'edict imperial (come nous auons dict) noz gens estoyent tous prestz d'aller abbatre celle statue, qui estoit la cause principale de l'erreur des Payens, lesquelz auoyent d'ancienneté semé vn bruit, comme par reuelation diuine: que sil aduenoit qu'icelle statue sut touchee par main hu

maine, toute la terre s'en iroit en abisme, & le ciel tumberoit: dont le peuple estoit en aucune craincte & fantasse d'y toucher. Mais il y eut vn souldart mieulx armé de foy que de fer, lequel auec vne hache qu'il empoigna, vint frapper de toute sa puissan ce sur la joue de la statue: dont incontinent se leua le cry tant des Chrestiens que des payens, disans: Or n'est la terre abismee, ne le ciel tombé: si continua à frapper plusieurs coups sur le bois qui estoit desia tout pourry & vermoulu de vieillesse, & le ropit facilement. Puis le iecta dedans le feu: si brussa moult legierement, pourtant qu'il estoit bien sec. Apres, luy & plusieurs autres qui se misrent à luy aider, coupperent & abbatirent la teste d'icelle idole qui estoit couuerte d'vn muy, successiuement les bras, & les au tres membres: & les tiroyent & trainoyent à cordes de tous costez: & les iectoyent au feu, voyant tout le peuple d'Alexandrie, qui l'auoit si longuement adoré. Et finablement le tronc d'icelle statue sut porté & trainé en l'amphiteatre de la cité, ou fut pa reillement brussé. Telle fut la fin de la vaine superstition, & de l'erreur des Payens, touchant l'edict Seraphis. De la naissance du quel estoyent diuerses opinions entre les Payens. Les vns disoyent que c'estoit Iuppiter, qui auoit sur la teste le muy, qui est vn instrumet pour mesurer, pour signifier que lon doibt toutes choses faire par mesure & par raison: ou que la vie des homes se confer me par l'abondance des blez, que lon mesure dedans ledict muy. Les autres disent que cela signifie la vertu de la riuiere du Nil: par laquelle tout le pais d'Egypte est nourry & enrichy, laquelle croist par mesure. Les autres disent que celle statue sut la mise en l'honneur de Ioseph, filz du patriarche Iacob: lequel par son sens

& industrie, au temps de la grande famine, sauua le pais d'Egypte, en leur baillat le blé par mesure. Les autres disent que lon trou ue aux vieilles histoires des Egyptiens, qu'il y eut vn pere de famille ou roy nommé Apis, qui se tint en la cité de Memphis, lequel estant la famine grande vne certaine année en la cité d'Alexandrie, leur secourut de blé, dont il auoit faict grosse prouision. En l'honneur duquel, apres sa mort, les citoyes de Memphis luy dedierét vn temple: & en iceluy nourrissoyent vn beuf, pour fignifier qu'il auoit esté bon agriculteur & laboureur de terre. Le quel beuf estoit taché d'aucunes couleurs: si l'appelloyét Apis, en remembrance dudict Roy. Et par quelque temps apres, le sepulchre, ou il estoit (que lon nommoit en leur language Seron) fut porté en Alexandrie, & estoit appelle Seron Apis: c'est à dire le se pulchre d'Apis. Mais par succession de temps, fut le vocable corrompu, & le nommoit on plus abbregé Serapis: de toutes lesquelles opinions, laquelle est la plus vraye, ou s'il n'en ya point de veritable, Dieu le sçait. Mais retournons à nostre histoire

D'aucuns autres abus des Payens,qu'ilz faifoyent foubz couleur de leur religion en Egipte. Mesmement du prestre de Saturne,qui viola presque toutes les semmes dudict pais.

Chapitre XVIII.

E L L E statue de Serapis ainsi desfaicte (com me dit est) qui estoit le chief & la principale de toutes les autres, sut par la diligéce du bon euesque de la cité procedé à faire le semblable aux autres. Ie ne diray pas simulachres, mais mostres, qui estoyent en celle cité. Et ve ritablement iay grant horreur de raconter les

gras abus & deceptions, que l'ennemy de nature auoit illec machiné pour deceuoir les miserables humains. Et que les infametez & cruaultez, estoyent musses es lieux que lon disoit estre secretz. Cóbien de testes de petitz enfans lon y trouua qui estoyent enchasses en sercueurs dorez. Et combié d'imaiges il y auoit en painture de ceulx qui auoyent esté illec miserablement occis, lesquelles choses estant publices & mostrees en public deuant tout le peuple, (iaçoit que les Payens se cachassent de honte comme confus) toutes fois ceulx qui eurent le cueur de demourer là, & de voir tout le cas estoyent tous emerueillez comme il estoit possible que vn si grant peuple eust esté par telz & si meschantes trom peries abusé si longuemet. Dot aucuns d'entre eux voyans l'abus, & detestant l'erreur des payens se conuertirent à la foy de Iesuschrist. Car fans narrer toutes les autres choses abominables, & cruelles, que lon trouua es autres lieux des petis enfans, & ieunes pucelles, que lo auoit occis, pour enquerir en leurs veines & mem bres intestins des choses aduenir. I'en raconteray une seule qui se faisoit au temple de Saturne, laquelle est venue à la cognoissance de tout le monde. Il y auoit en ladicte cité vn prestre de Satur ne nommé Tirannus, lequel quand les nobles citoyens & principaulx de la cité venoyent adorer la statue d'iceluy Dieu disoit à ceulx qui auoyent les plus belles femmes, dont il auoit enuie de iouir, que le Dieu luy auoit dit qui vouloit que celle femme veil lat celle nuict au temple, dont le mary qui estoit tout ioyeulx que le Dieu se deignat de prendre plaisir à sa femme, l'enuoyoit la nuict acoustree le mieulx & le plus richement qu'il pouuoit. Si estoit en la presence de tout le peuple illec enfermee & laisse toute seulle: & Tirannus le prestre bailloit les clefz à autres ges, & s'en alloyent en sa maison. Mais apres quand la nuict obscure estoit venue, il s'en venoit par certaines caues subterraines dedas le temple, & secretement se iettoit dedans la statue, car elle estoit grande & spacieuse & du costé derriere estoit cauce & ioinete à la muraille, tellement qu'il pouvoit bien aisement grauir & remonter par ses cauernes au long d'icelle muraille dedans ladicte statue. Ét quad il estoit illec entré, il parloit par dedans la sta tue qui estoit de cuyure, & rédoit vne voix retonate & estrage à la femme, la que estoit à genoulx & en oraison deu at celle statue toute enuironee de lapes ardens. Et oyant icelle voix, estoit toute estonee,& neantmoins resiouye de l'honeur que iceluy Dieu luy faisoit de parler à elle. Et apres que le meschat prestre auoit dit à la pouure femme ce que bo luy sembloit, pour la plus estoner & rédre admiratiue, ou pour l'inciter à luxure, il auoit vn engin par lequel il estédoit certains drapeaux dessus les lapes, tellement qui les esteignoit toutes, & cela fai &, descédoit de ladicte statue, & ve noit violer la maleureuse femme, qu'il trouuoit toute estonee & rauie d'entendemet. Ayant adoc celuy meschat prestre ainsi abusé de la plus part des belles femmes de la cité, par l'espace de bien

long temps, aduint qu'il en y eut vne, laquelle estant semme sai ge & chaste, detesta le cas, voyant la maniere de faire: & nota si foigneusemet la voix qui luy parloit, qu'elle s'apperceut que c'estoit la voix du prestre, Si le raconta à son mary quand elle sut re uenue en sa maison: lequel pour venger la honte qu'il auoit faict à sa femme & à luy, sit par indices prendre le faulx prestre, & met tre à la torture. Et tellement le poursuyuit, qu'il fut conuaincu du cas, tant par sa propre cofession, que par autres indices & preuues, dont les Payens incensez, estoyent tous honteux: pourtat que la pluspart de leurs femmes estoyent par ce moyen adulterees, les enfans bastardz & les peres incertains. Estant adonc la chose diuulguee, fut la statue & le temple abbatu, & le prestre puny. Mais outre ces choses, qui pourroit nombrer les crimes & supersticieux messaictz qui se faisoyent au temple de Canopus: auquel soubz couleur des anciennes lettres Egyptienes, qu'ilz appelloyent Let tres sacerdotales, lon tenoit vne escole, quasi publicque d'art magicque. Et tant estoit grand le bruit de celuy lieu, pourtant que c'estoit la vraye fontaine & source des diables, que lon y faisoit beaucop plus grande solennité, qu'en la cité d'Alexandrie. Si me semble conuenable de reciter quelque chose de la naissance de ceste erreur: Il disoit que les Chaldees en quelque temps portans le feu qui estoit leur Dieu par plusieurs pais & contrees, sirent ice luy leur Dieu combatre auec les autres dieux de toutes les prouinces & regions ou ilz passoyent, à telle condition, que celuy qui auroit la victoire, seroit le Dieu commun, & souuerain de tous. Or estoyent les dieux des autres contrees de bois, de pierre, d'or, & d'argent, ou d'autre matiere, & par ainsi est oyent toussours vain cuz par le feu, lequel par ce moyen obtenoit la victoire & principaulté sur tous. Laquelle chose entendant le prestre de Canopus, se pourpensa vne telle malice pour obuyer que son Dieu ne fust vaincu comme les autres. Lon faict en Egipte des idries & grans potz de terre qui ont des petis trouz menuz, tout à l'entour, par lesquelz l'eaue trouble qu'ilz mettent dedans, se purge & purifie: d'icelles en prit vne ledict prestre, laquelle il sit bié paindre par le dehors, & si bouscha tous les trouz de cire, puis la mit toute pleine d'eaue sur vn autel come vn Dieu, & luy acoustra & esseua la teste d'vne vieille statue qui là estoit, laquelle (comme lon dit) 2uoit esté de Menelaus le gouverneur d'iceluy pais. Estas adoc venuz les Chaldees, & ayas allume le feu sur l'autel, & mis aupres de

celle ydrie, incontinent par la chaleur du seu se resolut la cire qui bouschoit les trouz, dont apres l'eaue sortit goutte à goutte: tellement que le seu en sut estaint: & par ce moyen demeura Canopus victorieux: & les Chaldees vaincus par l'astuce & malice du prestre. A l'occasion dequoy, lon paint la statue d'iceluy Canopus, comme vn corps presque tout rond: autant esseué par le doz que par le ventre, comme vne ydrie, auec les iambes bien courtes: & le col quasi tout retiré entre les espaules: & si est adoré en memoire de celuy cas, comme victorieux sur tous les autres. Et sil sur vray ce que dessus, la sueur prossita par aduenture lors aux Chaldees. Mais à present estant venu le bon euesque Theophile, il n'y a eu cire ne sueur qui l'aye seu garantir que tout ne soit abbatu & iecté par terre.

Comment toutes les abusions des Payens furent descouuertes & abolies: & en lieu de leurs temples & de leurs superstitions, furent faictes les eglises, & dresses les enseignes du crucifix.

Chapitre xix.

Outesfois il n'y eut rien deffaict en abbatant ladicte statue, dot le lieu des temples sut plus dissorme: ains surent tant seulement remplies & comblees les cauernes ou se faisoyent les choses cruelles & detestables: & les vieilles statues brusses: & au remanant, au lieu des temples, surent dediees des eglises en l'hon-

neur de Dieu. Et mesmesmét au sepulchre de Serapis, estans abbatues les maisons prophanes, demeura de l'vn des costez, l'eglise: & de l'autre, le martire: à sçauoir le lieu pour reposer & colloquer les reliques des martirs. Et sime semble estre digne de racoter l'occasion pour laquelle fut ledict martire edisé. Du temps de Iulian l'empereur, les Payens eulx voyans auoir grand port & faueur de l'empereur, vserent de toutes especes de cruautez contre les Chrestiens. Et entre autres choses, en la cité de Sebaste, au pais de Palestine par vne rage & sureur extreme, vindrent assail lir le sepulchre de sainct Iehan Baptiste: & les os qu'ilz y trouue-

Comment Theodore apres qu'il eut eu la victoire contre, Eugene le tirant, & vengé la mort du seune Valentinian, departit l'empire à ses deux enfans, & puis mourut.

Chapitre XXII.

N ces entrefaictes, Valentinian qui gouvernoit l'empire d'Occident le mieulx qu'il pouvoit se lon l'imbecilité de son aage, sut estranglé. Et ne sçait on bonnement pour quelle cause, ne comment, reservé que lon tenoit communemet que

ce fut par machination de son gouverneur & conducteur Arbogastus. Les autres disoyent qu'il en estoit innocent:mais que ce auoyent esté aucuns qui estoyent marriz de ce que celuy Arboga stus auoit tout le maniment de l'empire dudict ieune prince: & y cut aucuns des euesques de celuy quartier qui furent enuoyez de uers Theodore en ambassade de par Eugene, qui fut subrogué au lieu dudict Valentinian, qui luy affermerent que ledict Arbogastus n'auoit point este cause de sa mort: & non pourtant ne peurent satisfaire à l'indignation dudict Theodore, qu'il ne sit son ap pareil pour aller venger la mort dudict Valentinian contre iceluy Eugene. Mais auant que l'entreprendre, voulut sur ce enquerir la volunté de Dieu par le moyen du bon moyne Iehan, (dont nous auons parlé dessus) lequel luy dit qu'il auroit infaliblement la victoire: mais qu'elle ne seroit pas sans effusion de sang, comme il luy auoit predit,& qu'il estoit aduenu de l'autre qu'il auoit eue contre Maxime le tirant, & qu'elle cousteroit la vie à maintz hommes, tant dun cousté que d'autre. Ouye laquelle response, se prepara iceluy Empereur à la guerre plus par ieusnes & par oraifons, que par armes & glaiues, & foy cofiant plus à l'aide de Dieu, que à la force de ses gens. Car luy mesmes s'en alloit auec les prestres visitant les eglises en procession,& deuant des sepulchres & chasses des apostres, faisoit ses prieres & oraisons, portant la here fur sa chair, & requerant moult deuotemét les sainctz à son aide. De l'autre costé, les payens qui cerchoyent par toutes occasions renouueller leurs superstitions, (mesmemét en la cité de Rome) commencerent à faire leurs sacrifices, & regarder les entrailles, & les veines des bestes, & victimes qu'ilz sacrissoyent, lesquelles pre

di-

disovent & deuinoyent à Eugene qu'il auroit la victoire. Et sur tous autres Flanian, qui estoit lors preseet de la cité de Rome, homme de grandsens & conduicte, promettoit audict Eugene la victoire. Mais quand Theodore soy constant totallement en la vraye religion, vint au passaige des Alpes, ceulx qui se cossovent en leurs sacrifices & deuinemens, cognoissans qu'ilz auoyent pour neant faict mourir tant de bestes en leurs sacrifices, furent les premiers à fouir, & apres leurs maistres & docteurs les suyuirent, mesmemét Flauia. Lequel cognoissant son erreur, (pourtat qu'il estoit homme sçauant, iaçoit qu'il se fut peu sauuer) toutesfois il se iugea estre digne de mourir, plus par son erreur, que par son mes faict. Neantmoins les autres se mirent en bataille au pied dela montaigne, attendans illec leurs ennemis, & audessus d'icelle, mirent leur embusche. Estant adonc venu Theodore aus dictz passaiges, ceulx qui estoyent au hault de la montaigne, se rendirent à luy. Mais les autres qui tenovent le fons de la vallee, se mirent en dessence, & fut la bataille cruelle & dangereuse, tellement que lon ne sçauoit qui auoit le meilleur, par bien longue espace de temps. Et apres que l'estour eut duré vne grande piece, les Barbares que Theodore auoit en sa compaignie, commencerent à tourner le dos: ce que Dieu permit, non pas pour laisser perdre à Theodore, mais pour monstrer que la victoire ne luy venoit pas par le moyen d'iceulx Barbares. Voyant adonc le bon empereur, ses gens tourner en fuitte, se mit sur vn roc (dont il pouoit estre veu des gens, des deux costez) à genoux, iettat ses armes à terre, & tournant ses yeulx au ciel, sit sa priere en telle ma niere: Mon Dieu tu sçais commet au nom de ton filz Iesuschrist i'ay entreprins ceste guerre pour faire la vengeace iuste & raison nable, (comme ie cuide) & l'il est autrement, fais en la punition sur moymesme:mais aussi si ie l'ay faict par bonne & iuste cause, & à ta confiance, vueilles prester ta main dextre à tes gens, à fin que les Payens ne puissent dire: Ou est maintenant leur dieu? La quelle priere & requeste fut certainement par Dieu exaucee, tel lement que les capitaines qui se trouuerent auecques luy, prindrent vn cueur merueilleux contre les ennemis, & sur tous Bacu rius, qui estoit home saige & hardy, plein de foy, de loyauté, de cueur & de force, & digne d'estre cosort & collegue de Theodo re. Leql à coups de dards, de glaiues, d'espee & de poignard, ruoit sur les ennemis là ou il veoit la plus grande presse, par si grande

vigueur, qu'il ropoit leurs ordres & escheliez: & trauersant parmy la bataille, l'en vint frappat & abbatant gens de tous costez, pour trouuer Eugene le tyrant. Et si aduint vne autre chose, (qu'à pei ne les infideles pour oyent croire) c'est qu'il se leua soudainement apres que Theodore eut faict sa priere, vn vent si impetueux au visaige des ennemis, que les dards qu'ilz iettoyet contre les gens de l'empereur, retournoyent contre eulx mesmes. Et tellement que les ennemis voyans par telle maniere leur force abbatue, per dirent le cueur plus parvolunté de Dieu, que par force de leurs ennemis. En maniere que quelque deffence que sit Arbogastus, mareschal de l'armee, qui estoit homme preux&hardy, le tyrant Eugene fut amené deuat les piedz de Theodore les mains liees sur le dos, & illec fut la fin de sa vie, ensemble du combat. Si repu ta l'épereur celle victoire plus glorieuse, pourtat que les Payens auoyent este frustrez de leurs vaines pronostications, que pour la mort de l'ennemy: car ilz furét par ce moyen tous confuz & hon teux de leur erreur. Apres ceste victoire, l'empereur preuoyant les choses qui deuoyét aduenir, come soliciteux & soigneux d'or donner & de disposer les affaires appartenans à la chose publique, s'en vint incontinent en Orient ou il auoit laissé ses deux en fans, Honorius & Arcadius, en seure garde, quand il estoit party pour aller à la guerre. Et illec estant arriué, ordonna iceluy Arca dius auec le tiltre d'Auguste denoir tenir l'empire d'Orient. Et Honorius auec semblable tiltre enuoya tenir celuy de Ponant. Et apres qu'il luy eut donné congé en l'embrassant & baisant par tendre amour paternelle, & qu'il s'en fut party de luy, ne tar-

da gueres que le bon empereur ayant regi & gouuerné la chose publique l'espace de dixsept ans en grande glorie & selicité, s'en alla de ce monde au royaume des cieulx, ou il iouit des ioyes eteranelles auec les bons & catholiques princes.

cy finit l'histoire Ecclesiastique, translatee de Latin en Francois par messire Claude de Seyssel, euesque lors de Marseille: depuis archeues-que de Thurin.

LA TABLE DV PRE-

MIER VOLVME.

E prologue de l	Kuthn preitre d'Aquilegie,en
la traflation of	le l'histoire ecclesiastique de
	ien, addressant à Cromasse
and the second of the second o	fueillet second.
Le proheme.	fueillet 3.
Comment Die	u nostre seigneur est createur
de toutes ger	ns , & dispensareur de toutes
choses: & celuy qui est prononcé &	c escrit en la loy & es prophe-
ties.	eodem.
Du temps de la natiuité de Iesuschr	ist selon l'humanité. 9.
De Iudas de Galilee.	eodem.
D'Herodes, comment d'estrangier i	l vint à estre Roy. 10.
Comment du temps d'Herodes fui	entrerompue la succession
des rois de sudee selon la prophe	tie de Daniel, eodem.
De la diversité des generations de ne	ostre Seigneur qui ont esté es
crites par sainct Matthieu, & par	fainct Luc, & ce qu'Affricain
en dit.	II.
De la mort des enfans en Bethlee,&	de la venue des magiciés.12.
Des tormes que souffrit en son corps	s le Roy Herodes qui fit les
innocens occir.	13.
De la cruauté qu'Herodes vsa au ter	mps mesmes de sa mort. 14.
Du regne d'Archelaus apres Herode	es. eodem.
Coment les choses que les Iuifz me	ttent en auant sont conuain
cues & declairees faulses par le tess	noignage de Iosephus,ayat
regard à la consonnance des temps	
Coment entre le Potificat d'Annas &	c celuy de Caiphas y eut qua
tre eucsques qui administrerent le	potificat par quatre annees:
durant lesquelles la predication de	lesuschrist fut accoplie. 15.
Desainct Iehan Baptiste comment	par le tesmoignaige de Iose
phus il fut home iuste,& commet	pour l'occasion de sa mort,
la vengeance fut faicte fur les Juif	z. eodem.
Ce que tesmoigne Losephus de Iesus	christ. 16.
Du Roy Abagarus, & la copie de la	lettre qu'il escriuit à nostre
	^ Aa ij

La table du second liure.

Seigneur, & de la response que nostre Seigneur luy sit: & ce que apress' en ensuyuit, trasslaté de langue Syriène en Latin. eodem.

La table du second liure.

E la vie & des institutions des apostres depuis l'asc	ésion de
nostre seigneur Iesuschrift.	18.
Comment Thibere l'empereur fut par Pilate ad	uerty de
Ieluschrift.	20.
Coment en peu de temps la predication de Iesuschrist fu	it semec
par tout le monde.	eodem.
Comment apres Thibere, Gaius constitua Agrippe Ro	y de lu-
dee, ayant enuoyé Herode en exil perpetuel.	21.
Comment Philo accepta l'ambassade pour les Iuifz en	uers Ga-
ius.	eodem.
Combien de griefz maulx suruindret sur les Iuifz depui	s la teme
rité & cruaulté qu'ilz vserent en crucifiant Iesuschrist.	
Comment Pilate aussi luy mesmes se condemna à mort	
De la famine qui aduint du temps de Claudius l'empere	
Le martire de sainct Iacques l'apostre.	eodem.
Comment Agrippe & Herodes qui persecuterent les C	hrestiens
sentirent incontinent sur eulx la vengeance de Dieu.	eodem.
De Helene royne des Abdiabeniens.	24.
Comment Theodas auoit seduit le peuple.	eodem.
De Symon magicien.	25.
De la predication de sainct Pierre l'apostre en la cité d	le Rom-
me.	26.
De l'euangile de fainct Marc.	eodem.
Comment sainct Marc fut le premier qui prescha la loy	de Iesus-
christ en Egypte.	eodem.
Ce que Philo escrit des abstinences qui estoyent en	Egypte.
fueillet	27.
Quelz liures de Philo sont paruenuz à nostre cogr	10issance.
fueillet	28.
De l'occision qui sut faicte des Iuifz en Hierusalem	le propre
iour de pasques,& apres.	29.
De l'Egyptien, dont est faict mention aux actes des	apostres.
fueillet	20.

La table du troisiesme liure.

Comment sainct Paul sut enuoyé de Iudee à Romelié, & apres comment il sut deliuré. eodem.

De la passion sainct sacques qui sut surnommé frere de nostre Seigneur.

Comment apres sainct Marc, Agnen sut le premier euesque d'Alexandrie.

De la persecution de Neron, soubz lequel sainct Pierre & sainct Paul surent martirisez.

Comment les Iuisz apres maulx infinis qui leur aduindrent, prindrent les armes contre les Romains.

codem.

La table du troisiesme liure.

N quelz lieux les apostres prescherét la soy de Iel	luschrist.
rueillet .	34.
Qui sut le premier qui gouuerna l'eglise à Rome	.codem.
Des epistres des apostres.	eodem.
Des successeurs de sainct Paul l'apostre.	codem.
De la desfaicte des Iuifz apres la mort de Iesuschrist.	35.
De la famine que les Iuifz endurerent.	36.
Des choses que nostre Seigneur prononça aux Iuifz.	38.
Des prodiges qui aduindrent auant la guerre.	39.
De Iosephus, & quelz liures il laissa.	40.
Comment Iosephus a eu souvenance de la saincte escritu	ire. 41.
Comment apres saince Iaques, Simeon regit l'eglise de	Hieru-
salem, & comment Vaspasian sit cercher la posterit	é du roy
Dauid.	eodem.
Comment Vaspasian succeda à Titus: & à Titus, Dor	nitian:&
des euesques qui furent en Alexandrie, & à Rome	d'iceluy
temps.	42.
De l'epistre de Clement.	eodem.
De la persecution qui fut soubz Domitian.	eodem.
De sainct Iehan l'apostre & de la reuelation.	eodem.
Comment Domitian commanda que tous ceulx de la l	ignee du
roy Dauid fussent occis.	434
De la lignee & du parentaige de nostre seigneur lesusci	hrift.
fueillet	codem.

Aa iii

La table du quatriesme liure.

Des euesques qui estoyent en celle saison en Alexandrie me, en Antioche, & en Hierusalem.	, à Ro-
Desainct Iehan l'apostre.	
	44.
De l'euangile sainct Iehan & pourquoy on le met le derr	Cain Gran
Des autres trois euangiles, & aussi des autres escritures	
qui sont indubitablement receues par toutes les eglises	s. 46.
De Menander magicien.	47.
De la secte des Ebioniens.	eodem.
De Cherinthus, vn autre aucteur de faulse secte.	eodem.
De Nicolas, & de ses suyuans.	48.
Des apostres qui n'ont pas desprisé les loix de mariage.	eodem.
Du deces de sainct Philippe, & de sainct Iehan.	49.
De la passion de sain & Simeon euesque de Hierusalem.	codem.
Comment Traian dessendit que lon n'enquist point de	
stiens.	50.
De ceulx qui gouuernerent l'eglise de Rome, & de Hie	
en celuy temps.	eodem.
D'Ignatius,& de ses epistres.	eodem.
D'aucuns euangelistes, & en quel temps ilz eurent bruit.	51.
De l'epistre de Clement, & de ses autres escritures.	52
Des liures de Papias.	eodem.

La table du quatricsme liure.

ES eucsques qui furent à Rome, & en Alexandrie du teps de l'empereur Traian: & des maulx que les Iuifz souffrifueillet 53. De ceulx qui soubz l'empire d'Adrian ont escrit pour la deffension de nostre foy. Des eucsques qui ont esté du temps d'Adrian à Romme & en Alexandrie, & de ceulx qui ont esté depuis nostre seigneur iusques audict temps en Hierusalem. eodem. De la derniere destruction des Iuifz qui fut du teps d'Adrian. 55. De ceulx qui en celuy temps furent chefz & aucteurs des faulses doctrines. eodem. Des escritures ecclesiastiques qui furent en celle saison. codem. L'epistre de l'empereur Adriã, par laquelle il desfend que les Chre stiens ne soyent persecutez. De ceulx qui furent euesques à Rome & en Alexandrie du téps

La table du cinqiesme liure.

	e temps.
fueillet	codem.
La dessension de Justin enuers l'empereur Anthonin.	58.
La teneur de l'epistre que escriuit l'empereur Anthonir	aux A-
siatiques en faueur des Chrestiens.	codem.
Ce que lon trouue de Policarpus, disciple des Apostres.	59.
Comment Policarpus aucc aucuns autres merita estre n	ıartirizé
en la cité de Smirne soubz l'empereur Verus.	60.
Comment Iustin le philosophe preschant à Romme la	foy de
Iesuschrist fut martirizé.	63.
Des martirs dont Iustin faict mention en ses liures.	
Des escritz de Iustin qui sont venus à nostre cognoissant	ce. 64.
Des eucsques & des escriueurs ecclesiastiques qui furent	en celuy
temps à Rome, en Alexandrie, & en Antioche.	65.
De Egesippus, & des choses dont il faict mention.	eodem.
De Dionisius eucsque des Corinthiens, & de ses epistres.	
De Theophile euesque d'Antioche, & d'aucuns autres et	criueurs
Chrestiens.	67.
De Meliton, & de ceulx dont il faict mention.	68.
Ce que dit Meliton des liures du vieil Testament.	69.
De Apolinaire.	eodem.
De Musanus, & de la secte de Tatianus.	eodem.
De Partoforma Cinion de de Constantes	
De Bardesanus Sirien,& de ses escritz.	70.
La table du cinqiesme liure.	70.
La table du cinqiesme liure.	
La table du cinqiesme liure. E nombre & la maniere de ceulx qui souffrirent soubz Scuere en Gaule.	martire 71.
La table du cinqiesme liure. E nombre & la maniere de ceulx qui souffrirent soubz Scuere en Gaule.	martire 71.
La table du cinqiesme liure. Enombre & la maniere de ceulx qui souffrirent soubz Scuere en Gaule. Comment les sainctz martirs tat qu'ilz estoyent en uoquoyent à la foy ceulx qui estoyent tombez & che	martire 71. n vie,re~
La table du cinqiesme liure. E nombre & la maniere de ceulx qui souffrirent soubz Scuere en Gaule. Comment les sainctz martirs tat qu'ilz estoyent en uoquoyent à la foy ceulx qui estoyent tombez & che persecution.	martire 71. n vie,re~
La table du cinqiesme liure. E nombre & la maniere de ceulx qui souffrirent soubz Scuere en Gaule. Comment les sainctz martirs tat qu'ilz estoyent en uoquoyent à la foy ceulx qui estoyent tombez & che persecution. De la vision qui apparut au sainct martir Attalus.	martire 71. n vie,re- euz en la 73. 75.
La table du cinqiesme liure. Enombre & la maniere de ceulx qui souffrirent soubz Scuere en Gaule. Comment les sainctz martirs tat qu'ilz estoyent en uoquoyent à la soy ceulx qui estoyent tombez & che persecution. De la vision qui apparut au sainct martir Attalus. Comment ceulx de l'eglise de Gaule escriuirent au Par	martire 71. n vie,re- euz en la 73. 75. pe Eleu-
La table du cinqiesme liure. Enombre & la maniere de ceulx qui souffrirent soubz Scuere en Gaule. Comment les sainctz martirs tat qu'ilz estoyent en uoquoyent à la foy ceulx qui estoyent tombez & che persecution. De la vision qui apparut au sainct martir Attalus. Comment ceulx de l'eglise de Gaule escriuirent au Papthere touchat les differés qui estoyent entre eulx, de la	martire 71. n vie,re- euz en la 73. 75. pe Eleu- foy.77.
La table du cinqiesme liure. Enombre & la maniere de ceulx qui souffrirent soubz Scuere en Gaule. Comment les sainctz martirs tat qu'ilz estoyent en uoquoyent à la foy ceulx qui estoyent tombez & che persecution. De la vision qui apparut au sainct martir Attalus. Comment ceulx de l'eglise de Gaule escriuirent au Parthere touchat les differés qui estoyent entre eulx, de la Comment soubz l'empire de Marcus Aurelius Cesar, I	martire 71. n vie,re- euz en la 73. 75. be Eleu- foy.77. Dieu à la
La table du cinqiesme liure. Enombre & la maniere de ceulx qui souffrirent soubz Scuere en Gaule. Comment les sainctz martirs tât qu'ilz estoyent en uoquoyent à la foy ceulx qui estoyent tombez & che persecution. De la vision qui apparut au sainct martir Attalus. Comment ceulx de l'eglise de Gaule escriuirent au Parthere touchât les differés qui estoyent entre eulx, de la Comment soubz l'empire de Marcus Aurelius Cesar, I priere des Chrestiens sit plouuoir, & donna la victoire s	martire 71. n vie,re- euz en la 73. 75. be Eleu- foy.77. Dieu à la
La table du cinqiesme liure. Enombre & la maniere de ceulx qui souffrirent soubz Scuere en Gaule. Comment les sainctz martirs tât qu'ilz estoyent en uoquoyent à la foy ceulx qui estoyent tombez & che persecution. De la vision qui apparut au sainct martir Attalus. Comment ceulx de l'eglise de Gaule escriuirent au Parthere touchât les differés qui estoyent entre eulx, de la Comment soubz l'empire de Marcus Aurelius Cesar, I priere des Chrestiens sit plouuoir, & donna la victoire atte Romain.	martire 71. n vie,re- euz en la 73. 75. De Eleu- foy.77. Dieu à la à l'exerci 78.
La table du cinqiesme liure. Enombre & la maniere de ceulx qui souffrirent soubz Scuere en Gaule. Comment les sainctz martirs tât qu'ilz estoyent en uoquoyent à la foy ceulx qui estoyent tombez & che persecution. De la vision qui apparut au sainct martir Attalus. Comment ceulx de l'eglise de Gaule escriuirent au Parthere touchât les differés qui estoyent entre eulx, de la Comment soubz l'empire de Marcus Aurelius Cesar, I priere des Chrestiens sit plouuoir, & donna la victoire s	martire 71. n vie,re- euz en la 73. 75. De Eleu- foy.77. Dieu à la à l'exerci 78.

Aa iiij

La table dusixiesme liure.

E la persecution de Seuerus.	_ 90.
V martire de Leonides pere de Origene: & come	nt icelus
pere endoctrina sondict filz en la foy Chrestiene	. eodem.
Comment en son ieune aage il preschoit la foy.	91.
Des disciples d'Origene qui furent martirisez, & singul	ierement
de saincte Potamie.	93
Comment Origene se chastra:	94
De Narcisus, & d'Alexandre, euesques de Hierusalem.	codem.
Des euesques qui furent d'iceluy temps en Antioche.	96.
De Clement & de ses liures, esquelz il faict mention de	liures an
ciens de nostre foy.	codem.
Comment Origene fut à Romme, & comme estant	retourné
en Alexandrie il print Heraclas pour son coadiuteur.	97
De la grande diligence que print & vsa Origene pour	entendre
& interpreter les sainctes escritures: & de l'heresse de	s Ethio -

La table du septiesme liure.

niens.
Del'excellence du sçauoir, & de la doctrine d'Origene, & desa
cotinuelle exercitation en la foy Chrestienne, & du fruict qu'il
fit en leglise. eodem.
Des euesques qui estoyent en celuy temps, & aussi des empe-
reurs: & coment Origene fut appelle par Mamee mere de l'em
pereur Alexandre.
Des liures d'Hipolite, & comment Origene commença â com-
menter la saincte escriture.
Comment Origene fut faict prestre & commet il parla du vieil
& nouueau testament. codem.
Des euesques d'iceluy temps, qui suyuirent la doctrine d'Ori-
gene. 102.
De la persecution de l'empereur Maximin, & de l'election de
Fabian euesque de Rome. 103.
Des disciples d'Origene. eodem.
De Affrican & de ses escritz, & de ceulx d'Origene. 104.
Comment Origene confondit & confuta l'heresse de Berilus, &
fit plusieurs autres telz actes pour la dessence de la foy Chre-
flienne. eodem.
De l'empereur Philippe qui fut Chrestien. eodem. De l'euesque Dionysius euesque d'Alexandrie, & de plusieurs au-
tres traictez & epiftres d'Origene.
De l'erreur des Arabes, & coment Origene confuta aucunes autres heresses.
De la persecution de l'empereur Decius, & des martirs qui furêt
de son temps, mesmement contre Origene. eodem.
Des persecutions qui furent faictes celuy temps en la cité d'Ale-
xandrie tant contre l'euesque Denis que cotre les autres Chre- stiens.
De Nouatus & de son heresie.
La table du septiesme liure.
E l'empire de Gallus, & de sa maluersation cotre les Chre-
ftiens.
De la question qui fut entre les prelatz de l'eglise si lon

E l'empire de Gallus, & de sa maluersation cotre les Chreftiens.

De la question qui fut entre les prelatz de l'eglise, si lon
deuoit rebaptiser les heretiques qui se retournoyent en la foy
ou non.

De l'heresse de Sabellius.

111.

De l'heresse de Sabellius.

La table du huistiesme liure. De la reuelation que l'euesque Dionysie eut de ce qu'il lisoit les liures des heretiques. codem. Ce que ledict Dionysius escript touchant la question de la reiteration du baptesme. De la persecution de Valerian. codem. De la persecution que soustenoit & enduroit Dionysius euesque d'Alexandrie, & aucuns autres Chrestiens en ladicte cité. fueillet 113. De ceul x qui furent martirisez en la cité de Cesaree. eodem. Des signes qui se font encores en la cité de Paneade par la vertu de nostre Sauueur. Comment Galien rendit la paix aux eglises, & des euesques qui furent de celuy temps. 115. Des maulx qui aduindrent en celuy temps. eodem. Ce que Dionysius escrit du temps de Galien. 116. De Nepos, & de son heresie. codem. Ce que Dionysius dit de l'Apoçalipse de sainct Iehan. 117. Du concile qui fut tenu pour couaincre l'heresie de Paule de Samosathe. 118. De sainct Gregoire euesque du pais de Pont. codem. Comment l'heresie de Paule de Samosate euesque d'Antioché fut condemnee & luy priué de son euesché. Commét apres la mort de Aurelian, l'empire vint par succession

iusques à Diocletian, & de la naissance de l'heresse des Mani-

Des notables prelatz & gens ecclesiastiques qui furent d'iceluy temps. eodem.

Ce qu'Anatolius euesque de Laodice escriuit de la raison & du cal cule de Pasques.

Des autres excellens euesques & docteurs qui furent d'iceluy temps.

La table du huictiesme liure.

E la persecution de Diocletian, de Maximian, & de Maximian.

125.

De la subuersion des eglises, & des edistz qui surent faistz

La table du neufiesme liure.

& publiez contre les Chrestiens.	126.
	dem.
Des martirs qui furent en la cité de Nicomedie, & es prou	
de Mythilene & de Syrie.	127.
Des Egyptiens qui furent martirizez au pais de Phenice.	128.
Des martirs qui furent en Egypte,& en Thebaide.	129.
Du sainet martir Fileas, & de ce qu'il escrit des autres ma	rtirs.
fucillet	130.
D'vne cité au pais de Phrygie qui fut coronnee par le ma	artire
de tous les habitans: & d'aucuns autres qui furent marti	rizez
en diuerses prouinces.	132.
Des martirs qui furent en Alexandrie, & en Anthioche. eo	dem.
Des autres qui furent martirizez en Phrigie & en Pont.	133.
Des prelatz de l'eglise qui furent martirizez en celle per	fecu- dem.
Comment les persecuteurs de la foy, Diogletian & Maxis	
se desmirent de l'empire, & des gestes de Maxence.	134.
De la tyrannie de Maximian es parties d'Orient.	135.
Comment la persecution cessa par la maladie de Maximin.	*2)*
Commença perrecución cena par la maiadie de Maximin.	130.
La table du neufiesme	
liure	

liure.
E la ioye que firent les Chrestiens de leur retour, & de leur deliurance. Comment Maximin commençala persecution contre les Chrestiens. codem.
Des martirs qui furent en celle saison.
Des editz & autres choses dissamatoires qui furet en celuy temps
escritz & engrauez en tables de cuyure cotre les Chresties.140. Des mortalitez, famines, & autres maulx qui aduindrent apres la
publication des loix des tirans.
De la victoire de l'empereur Constantin tant contre Maxence, que contre Maximin, & des loix qui furent faictes en faueur des Chrestiens.
La teneur de la loy de Maximin, en faueur des Chrestiens. 145.
De la finale extermination des ennemis des Chrestiens. eodem.

La table du dixiesme liure.

E l'heresie d'Arrius.	149.
De l'acte humain & religieux que sit Constatin au de Nicene.	concile eodem.
De la conuersion miraculeuse d'vn grad philosophe qui saudict concile.	
	150.
Des sainctz euesques & grans personnages qui furent en	
	eodem.
Comment l'opinion de Arrius fut condemnee, par le con	
l'opinion du concile approuuee par Constantin.	ISI.
La teneur des decretz du concile de Nicene.	152.
De Helene mere de Constantin: & comment elle trouu	a le tuit
de la croix de nostre seigneur.	153.
Des conquestes de Constantin, & de sa prosperité, & religion :	gion, &
de la saincte vie de sainct Anthoine.	154.
Comment le pais des Indes interieures fut conuerty à la	
	eodem.
Comment les Iberiens furent conuertis à la foy de celuy	meſme
temps.	155.
Comment la secte des Arriens sut ressuscitée par le mo	yen de
Constance sœur de Costantin, & coment l'empereur C	onstans
y adhera.	157.
De la dispute qui fut en Alexandrie, entre Alexandre eue	ique de
Alexandrie, & Eusebe euesque de Nicomedie, pour la	restitu-
tion d'Arrius: & de la mort ignominieuse dudit Arrius.	158.
Des principes d'Athanase, & comment il sut saict euesq	ue d'A-
lexandrie.	159.
Comment Athanase par faulses accusations sut condané	au con-
cile de Tyre,& contrainct s'en fuir & musser.	160.
Comment Athanase ayant esté par longue espace de ten	nps fugi
tif soubz l'empire de Constans, se retira deuers Consta	int, son
frere: & comment par le moyen dudict Constant, il sut	restitué
en son euesché.	162.
Comment Athanase estant derechef exilé, sut par le conci	ile adul-
terin d'Ariminy corrompue la vraye creance, qui au	oit esté
determinee au concile de Nicene.	eodem.

La table de l'unziesme liure

La table de l'unziejme time.
Des euesques de Rome, de Hierusalem, d'Alexandrie, & d'An-
tioche, qui furent en celuy temps. 163.
De la division qui fut entre les heretiques en celuy teps. eodem.
Commét apres la mort de Constans, les eucsques catholiques qui
auoyent esté exilez, furent par Iulian son successeur en l'em-
pire, rappellez: & du concile qu'ilz tindrent en Alexandrie.
C 211
D'Eusebe & d'Hilaire, & commét les eglises furent par eulx re-
fituees à la vraye foy. 165.
Des persecutions de l'empereur Iulian, & mesmement contre
Athanase, & coment iceluy Athanase se sauua de sa persecutio
par grace divine. 166.
Comment Iulian ayant commencé à faire martirizer les Chre-
stiens, & voyant qu'il n'y gaignoit que honte cessa, & comment
il fut occis.
Comment les Iuifz par l'instigation & permission de l'empereur
Iulian voulant redifier le temple de Hierusalem furent miracu-
leusement empeschez, eodem.
I a table de Puncia Cue liure
La table de l'unziesme liure.
E l'empire de Iouinian & de la religieuse volunté, & aussi
de sa fin 168.
De l'empereur Valentinian, & de Valent, de la mort de A-
thanase,& de la persecution dudict Valent,& de Lucius here-
tique. 169.
Des vertus & miracles des sainctz qui estoyent lors au desert.
fueillet eodem.
Des persecutions qui se faisoyent es autres lieux: & mesmement
en la cité d'Edisse.
Comment le bon moine Moyse estant requis pour euesque, par
la Royne des sarrazins refusa estre consacré par Lucius eodem.
De didimus docteur de l'eglise d'Alexandrie, & de ses vertus &
fcience. 172.
C:

De Basile, & de Gregoire euesque au pais de Capadoce, & des persecutions quilz eurent.

La table de l'unziesme liure.

Des persecutios que faisoyent les heretiques es parties	d'Orient
de l'estat de l'eglise Occidétale en celuy temps, & de	l'election
de Damase à Romme, & d'Ambroys à Milan.	175
De la mort de Valentinian, de Valent, & de Gratian	& de la
guerre des Grecz, & commét Theodore fut par Gra	tian prins
pour consentir à l'empire.	
Comment le ieune Valentinian à l'appetit de Iustine	fa mere
persecuta les euesques catholiques, & coment apres sa	mortpar
le moyen de Theodore cessa la persecucion.	eodem.
De la penitence publique que sit Theodore, & coment	il restima
l'eglise catholique es parties d'Orient.	177.
De l'heresie d'Apollinaire, & coment elle fut condemn	ee. 178.
Des euesques qui furent d'iceluy temps à Romme, &	es parties
d'Orient.	eodem.
De la sedition qui fut en la cité d'Alexandrie entre les C	hrestiens
& les payens.	179.
De la forme & magnificece du temple de Serapis, en la	
lexandrie.	180.
Comment la statue de Serapis fut abbatue.	181.
D'aucuns autres abuz des payens quilz faisoyent soubz	
de leur religion en Egypte, mesmemet du prestre Sat	urne qui
viola presque toutes les femmes dudict pays.	codem.
Comment toutes les abusions des payens furent descou	
en lieu de leurs temples, & de leurs superstitions furer	nt faictes
les eglises,& dressees les enseignes du crucifix.	
Comment les os de sainct Iehan Baptiste furent brusse	z par les
	eodem.
Comment les escus de Serapis furent arrachez par tous	
d'Alexandrie,& en leur lieu mis le signe de la croix.	184.
Commét Theodore apres qu'il eut la victoire contre Eu	
tyrant, & vengé la mort du ieune Valentinian, depar	tit l'em-
pire à ses deux enfans & puis mourur	

Fin de la table de ce present uolume.

In must diframing policepops Jim for sofrome filis est Jama nos fuar salutis smo qual nomo potest. Con gar vita posso son Doning miminipation. C 9)2063



Amp Xapto / Samp fronte vezinen in Becamus Amores

